


बौद्ध प्रथम शिक्षा

लेखक तथा अनुवादक :
वज्राचार्य पं. रत्नबहादुर



प्रकाशक :

गुणरत्न शाक्य

1

1

1

1

1

1

बौद्ध प्रथम शिक्षा

लेखक तथा अनुवादक :
वज्राचार्य पं. रत्नबहादुर
बुद्धहाल तन्त्र, यल

*

प्रकाशक :
गुणरत्न शास्त्र्य
खाद्ये, यल

*

संरक्षक :
पूर्णबहादुर वज्राचार्य
बुद्धहाल तन्त्र, यल

*

बुद्ध सम्बत् २५१६
प्रथम संस्करण १०००

नेपाल सम्बत् १०९२
मू. प्यतका

प्रवक्ता :

गुणरत्न शास्त्र्य

खावे, यल

व्याक्त अधिकार
संरक्षकयाके सुरक्षित

मुद्रक :
सुभाष प्रिन्टिङ्ग प्रेस
नकबहिल, यल ।

परिचय

विभिन्न शास्त्रया प्रमाण मुंकाः, व्याख्या यानाः श्रेष्ठे निर्णयनं याना द्येकातगु श्व “बौद्ध प्रथम शिक्षा” नांगु अनिकं ग्यमुयंगु मक्या च्वमि म्मः दिवंगत जुयाविज्याये धुंकूम्ह यल बुवहाया पं. रत्नबहादुर बज्राचार्य । अनलि श्व सफूयात थथे वांलाक पिकयाः विज्याम्ह दाना म्मः वसपोलयाहे छम्ह प्रमुखम्ह शिष्यमचा श्री गुणरत्न शाक्य । यपिनि पूज्य प्रातः म्मरणीय गुरुं क्यना बिज्यागु मूलेंपु मतोतूसे, अथेहे यपिनि पूज्य प्रकाण्ड विद्वान् जुया बिज्याम्ह गुरुं निरन्तर अथक परिश्रम यानाः च्वया विज्यागु छगूयें छगू श्रमू- ल्यगु हस्तलिखित सफूत छगू छगू याना पिकायेगु ग्वांसाः शिष्यमण्डनपाय् गुगु जुयाच्चंगु खः श्व सापहे प्रशंसनीय जू । थुजोगु गुरु-शिष्यया आदर्श जागु परम्परा सदां थातं च्वनेमा धका भीसं भापीमाः ।

खतु थौं भीगु नेपाल भाषा साहित्ययागु आधुनिक युगया प्रारम्भे भीमं प्यंग थां नां तयाः पं. निष्ठानन्द बज्राचार्य, महाकवि सिद्धिदास, माष्टर जगत सुन्दर मल्ल व योगवीरसि पिनिगु नां कयावया च्वनागु दु । अले थ्वेकपिनिगु ल्यूल्यु कथंहंक मेमेपि च्वमिपिनिगु नां नं । तर भीगु नेपालभाषा साहित्ययागु धलखे भीसं पं. रत्नबहादुर बज्राचार्यजुयागु नां माकथं दुध्याके मफुनी । श्व भीगु भाषा साहित्यया इतिहासया अन्वेषण क्षेत्रे जुयाच्चंगु छगू तधंगु कमजोरी खः श्व भीसं थौं अवश्यनं थ्वीकेमाः ।

बास्तबे आ भीसं सीके थ्वीके फत—दिवंगत जुयाविज्याये धुंकूम्ह पं. रत्नबहादुर बज्राचार्य जुल नेपादेयाहे छम्ह अतिकं प्रतिभाशालीम्ह प्रकाण्ड विद्वान् एवं दार्शनिक खनी धंगु । वसपोलया नां ‘रत्नबहादुर’ धार्थेनतुं, वस-पोलयागु प्रतिभा व कार्ययागु स्तर विश्लेषण यानाः स्वेबले, वसपोल नेपादेयाहे छगः अमूल्यगु ‘रत्न’ सिद्ध जू वो । अकें, नेपाल भाषा व साहित्यया लिधंसाय् नेपायागु महायानी बौद्ध दर्शनया क्षेत्रे वसपोलं गुलिनं कठोर कठोरगु ततधंगु ज्यायाना बिज्यानावन, उकीयागु घनपौजक ब्वनेमात्रहे भीसं अतिकं गौरव तये मागुजुल । नेपाल भाषा व साहित्यया धुकुती थथे महायानी बौद्ध दर्शनं जायेका बौम्ह मेम्ह व्यक्ति मालेत थाहे थाकुई । संस्कृतयें जागु उत्कृष्टगु भाषाय् च्वया-तगु महायानी बौद्ध दर्शनया ग्रन्थ सफूत थगु मां भाषाय् हीकाः, अझ उकी थगु मौलिकता क्यना पण्डितजुं थगु गुगु प्रतिभा व विद्वताया क्षमता क्यनाथका बिज्यात उकीयागु भीसं अवश्यनं त्याःचाः यानाः मू थ्वीकेमाः । अष्टसाहसिका,

शतसाहस्रिका धें बागु प्रज्ञापारमितायागु महायानी बौद्ध दर्शनया नवव्याकरणे दुय्यागु अमृत्यगु ग्रन्थत नेपास भाषाय् ध्वाध्वीक हीके घयागु अःपूगु खँ मखु, न भति भति साहस यांनाः गागुहे खँ, अथेहे हेरक तन्त्र, करवीर तन्त्र आदि सफूत नं । अकें भीसं वसपोल पण्डितजुयागु जीवनीस दुय्याकाः तगु छगू छगू खँत, अथेहे वसपोलं चव्याविज्यागु मौलिक व अनूदित ग्रन्थत, अथेहे वसपोल-यागु 'पुण्याग्रदूत' धें जागु सङ्कलनत नं छगू छगू वांलाक पूर्वक अध्ययन याये मागु जुल ।

हानं वसपोल पं. रत्नबहादुर बज्राचार्यजु महायानी बौद्ध धर्म व दर्शनया छम्ह जन्मजात साधक नं जूगुलि वसपोलं रिपिश्वरे (तमनांस) तकोमछि पुरश्चरण च्वना उत्क्रान्ती तकयागु सहज योगाम्यास नं यांनाः विज्यानावंगु जुल । अले थगु जीवनकाले आपलं शास्त्र अध्ययन यांनाः, देश विदेश भ्रमण यांनाः, थायथासे नवखण्डयागु पूर्वक व्याख्या यांनाः नेपायागु महायानी बौद्ध दर्शनयागु महिमा क्यनाथका विज्यागु जुल । थुगु सन्दर्भे भारतया प्रकाण्ड बिद्वान् महापण्डित राहुल सांकृत्यायनजु स्वलातक यले वसपोल पण्डितराज रत्नबहादुर बज्राचार्यजु पासँ तन्त्रात्मक बज्रयान सहजयानयागु व्याख्या नेनाः ध्वीकाः सत्संगत यागु खँ थन विशेष उल्लेखनीय जूवो ।

अन्त्ये थ्व सफू गुगु कि भीगु ल्हाती दु, थुकि श्रद्धालु व्वमि भाजु मयेजु-पिन्त बुद्ध धर्म व दर्शनयागु त्वाथःत क्रमशः गयेकाः बुद्धयाने दुय्याकाः निर्वाण पदया जः अवश्यनं क्यनी, अथेहे थुकि महायानी बौद्ध धर्म व दर्शनया निवसाय् व्ह्याच्वंगु नेपाया संस्कृति व कलाया स्रोत नं म्हसीका वी धेंगु जि विश्वास यांना । थुलि घयाः थ्व परिचयात्मक छत्वाचा खँ थनहे क्वचायेके ।

यल, बकुं बाहा

सत्यमोहन जोशी

ने. सं. १०९२ नागपञ्चमि ।

प्राक्कथन

प्व प्राकृतिक सौन्दर्यं विनिर्वाण जागु पुण्यभूमि नेपादेजे स्वच्छ सुशान्त छापागुंया यच्चु जः दु । कीगु संस्कृतिया अंग प्रत्यंगे त्रिदुःख मुक्त ज्वीगु परम शान्त निर्वाण बी फुगु बौद्ध दर्शनया अनन्त 'जः' दु । षुजोगु महत्वपूर्णगु संस्कृति संरक्षणया निर्माणे की पुवंजपिनिगु आपमं योगदान दु ।

शरीर रक्षाया निमित्ते नय्गु पुनेगु, च्वनेगु याय्बाय्या गुनि आवश्यकता दु, अथेहे धर्म संरक्षणया निमित्त साहित्य मंगीन कमाद्वाग संस्कारित संस्कृतिया आवश्यकता दु । अले छगू पुस्तां वैगु भावी पुम्ना-यात थःपिनिगु आचार-बिचार नय्गु, पुनेगु, च्वनेगुया नापं अन्य अध्यात्मिक विषयया धारणा समेत तोता थकी । अय्येहे छगूलि निगुली निगूनि स्वंगुली एवं प्रकारं आपालं पुस्ता वै वनी थःपिनिगु संस्कारया प्रभाव "संस्कृति" भावी पुस्तायात तोता थकी । अय्येहे की पुवंजपिनिगु परम्परा संस्कार प्रवाहया दसु कीगु संस्कृति कीगु न्होने बिद्यमान जुवाच्चंगु दु । परिवर्तनशील संसारया छुं विषय थन स्थीर मदु, अले कीगु संस्कृतिजक गथे स्थीर ज्वी फै । उकि कीगु अतीतया संस्कृति नं समयलिसे अनुकूल व प्रतिकूल परिस्थिति नाप त्वाल्वां रूपान्तरित जुजुं गतिमान जुया वर्तमान परिस्थितियात पियाच्चंगु दु ।

थये परम्परागत रूपान्तरित जुजुं वयाच्चंगु बौद्ध धर्म तथा बौद्ध कला संस्कृतिया उन्नति व विकाश जूगु ईः नेपादेया प्राचीन इतिहास छको अन्वेषण याना स्वतधाःसा बौद्ध धर्मया चिर-परिचित लिच्छवि जुजु पिनिगु साशनकाल नेपाल सम्बत् ४१८ दं न्होया उखेथुखे निस्ये नेपाल सम्बत् ३०० दं तकया दुने जूगु खनेदु । तर थुकीया विषये पर्याप्त मात्राय् साधन थन थुगु अबस्थाय् कीके मदु । अथे नं उगु इलेया की पुवंजपि ब्रह्मण, क्षत्री, (जुजु) गर्ग, मिश्र व अन्य वर्णया पिनिगु बौद्ध धर्म प्रति अगाढ श्रद्धा भक्तिया उद्गार चि स्वरूप बसपोल पिनिगु नामकरणद्वारा

अमर जुयाच्चंगु बौद्ध कलाकृति बिलिबिलि जागु दलंदः दे पुलांगु बाः बहि
कीगु न्होने आतक साकार जुयाच्चंगु दु । गुगुकि मानवेव संस्कारित-मान
बिहार, गुणकामवेव संस्कारित-गुणलक्ष्मी महाबिहार, भास्करवेव संस्का
रित-हिरण्यवर्ण महाबिहार, शिवदेव संस्कारित-वंकुलिबर्ण महाबिहार,
लक्ष्मीब्रह्मण संस्कारित-रत्नाकर महाबिहार, विद्याधर ब्रह्मण संस्कारित
यशोधर महाबिहार, जयश्रीमिश्र संस्कारित-मयूरवर्ण महाबिहार, सुनय
श्रीमिश्र संस्कारित-यम्पिवर्ण महाबिहारया नापनापं अन्य उगु इले की
पुबंजपिनिगु नामं संस्कारित जुयाच्चंगु बा-बही काठमाडौं उपत्यकाया
दुने आपलं दनि ।

थुकीया अतिरिक्त थनया बौद्ध धर्मया विषय नेपादेया अभ्युदयया
कारण जुयाच्चंगु प्रभाभरया प्रतीकः-ज्योतिरूप श्री स्वयंभू प्रकाश
जुयाच्चंगु दु ।

थये दलंद दे न्होनेस्ये परम्परा सुसंगठित जुया संरक्षण जुया वया
च्चंगु थनया बौद्ध विहारे श्रावक चर्याया उप-सम्पदानिस्ये कया क्रमशः
महायान बज्रयान तकया चर्या याना वनेगु की पुबंज पिनिगु संस्कारः-
'चर्याशैली' व्यावहारिक रूपेजक जूसां आतक चलेजुया वयाच्चंगु दु ।

बौद्ध धर्मया नियमानुसार सङ्ख्या नायो (महास्थविर) या न्होने
अध्येषणा याना उपसम्पदा कया पञ्चशील, अष्टशील, दशशील आदि
कया चतुरार्य सत्ययात यथार्थ रूपं खंका चतुर्ब्रह्म विहारे च्वना क्रमशः
प्रथम, द्वितीय, तृतीय, चतुर्थ ध्याने च्वना मृदुमृदु क्लेश फुका मार्गफल
लाना वनेगु श्रावक चर्या थन कीथाय् प्यन्हजक भिक्षु जुया उपसम्पदा लित
बिया महायाने बिक्षित जुया वनेगु प्रथा चले जुयाच्चंगु दु ।*¹ प्यन्हजक
भिक्षु जुया उपसम्पदा लितबीगु प्रथा गुबलेनिस्ये, जूगु खः थ्व अन्वेषणया
विषय जुयाच्चंगु दु ।

*¹ थये भिक्षु जुया उपसम्पदा लित बीगु अन्य बौद्ध देशेनं चलन दु ।

बुद्धया उपदेश सम्बृति (व्यवहार) व परमायं सत्ययान अनुसरण याना अध्यात्मिक श्रमया नायं सत्यगार्जीव अनुकूल गार्गीव्य श्रमद्वारा समाज सेवा याना इलेबिले पञ्चणीय, अष्टणीय, दशणीयं मध्यमगु अष्टमीवत तथा अन्य व्रतया उपामनाय् नर्त्यान ज्ञया धन-वचन गरीं दान-प्रदान याना जीवन व्यतीत याना विहाग्या जिह्वा यकार्मि ज्ञान धाय्व क्रमशः दुःखज्ञानं नित्ये अनुपादन्न नित्यं किं याकोकिं पारमिता दानपारमितां नित्ये ज्ञानपारमिता नक पारमिता पूर्णयाना अवत्तावानं नित्ये अविद्या तक्या किं अकर्मयान निर्मूलयाना प्रमुविता नित्ये धर्ममेघा तक किं धूमि नाना वनेगु महायान चर्याया प्रतीकः-यन कीथाय् दृत्रधारी दण्डपारमिता आःजुपि व्यावहारिक रूपेजक जूसां दनि ।

पञ्चस्कन्ध व पञ्चमहाभूतया संयोगः-सूक्ष्मातिसूक्ष्म जीवानु याके छगुलि मेगुली मेगुलि मेगुली क्षण क्षण द्वन्द्वयोग ज्ञया अनेकता दंच्चंगु स्वप्नवत् विचित्रगु संसारया सर्वधर्मयाके स्वभाव शुद्ध आत्मायात स्वभावं शून्य सिद्धगु महाकरुणाः-“शून्यता ज्ञानवज्र” याके अभिन्नगु विभिन्न योग द्वारा भूतकोटि स्वरूपगु भौतिक शरीरयात शोधन याना वनेगु चर्या बज्रयान खः । थुगु चर्या व्यावहारिक रूपे यनया संस्कृती आद्योपरान्त चलेजुया च्वंगु दु । थये बुद्धया महान् दर्शन केन्द्रीत ज्ञयाच्चंगु नेपाया बौद्ध संस्कृती ग्वलेपि बौद्ध तय्सं थपिन्त अध्यात्मिक श्रमया श्रमणजक भाःमप्यूस्ये बुद्धया कथन सम्बृति सत्ययात अनुसरण याना शारीरिक श्रमद्वारा देश तथा समाजयात नं सेवा याना वयाच्चंगु दु धंगु छेय् थनया विभिन्न कलाशैलि ओतप्रोतगु छे नित्ये कया राज प्रासादया नापं आकाशयात चप्पा नैथेच्चंगु देगलं पुस्तियाना च्वंगु दु । *२ थुकीया

*२ थुमि भारी नन्तान थोया अद्यापि बौद्ध समाजे निपुण कलाकारया रूपे सिकमि, दकमि, यकमि, ल्वकमि, वज्रकमि, नुकमि आदि विद्यमान जुयाच्चंगु दु ।

अतिरिक्त बौद्ध दर्शनया प्रतिकात्मकः—अलौकिक मूर्ति नं आपलं निर्माण याना थकूगुया वसु गूलाबले कला प्रदर्शनीया रूपे बा-बहिली बहिद्य ब्वया बयाच्चंगु कीसं खनाच्चंगु दु ।

प्रसंगेबस उगु इले जन्म जुया बिज्याह्य अन्तराष्ट्रे ख्याति प्राप्तह्य नेपाया ऐतिहासिक पुरुष महान् कलाविज्ञ अरनिकोयात छको नं लुमंके बहः जू ।

की पुवंज पिनिगु विवेकपूर्ण पलाया पदचिह्न तिबेत प्रदेशे—ने०सं० २५० दै न्ह्यो उखेथुखे सारा तिबेत प्रदेश दिग्बिजय याना बिज्याह्य जुजु खङ्ग चङ्ग गम्पोजुं उगु इले नेपादेशे नं दृष्टिपात यागु खने दु । गुकिं ज्वीगु उत्पन्नस्थिति समाधान याय्त उगु इलेया नेपाया शासकजुं याना बिज्यागु अति दूरदर्शिता पूर्वकगु निर्णय अनुसार नेपाया इतिहासे अति प्रतिभा-शालीह्य म्हाय्मचा राजकुमारी भृकुटीं (खिचुन्) थःगु जीवन नापं बौद्ध धर्म, बौद्ध संस्कृति, बौद्ध बिद्वान्, बौद्ध कलाकार तथा शाक्यमुनि बुद्धया आदर्शमय मूर्ति नापं बौद्ध ग्रन्थ तन्त्र आदि यंका तिबेतयात उन्नत संस्कृति कलां सम्पन्नगु बौद्ध धर्मया केन्द्र स्थापना याना बिज्यात । थुगु सन्दर्भे उगु इले बौद्धग्रन्थ तिबेती भाषां अनुबाद याय्गु ज्याय् सहयोगयाना बिज्याम्ह नेपाया बौद्ध बिद्वान् शील मञ्जुया नां नं उल्लेख जुयाच्चंगु दु ।

नेपाया बौद्ध आचार्य व बौद्ध बिद्वान् पिनिगु नापं सिद्धभूमिया संक्षिप्त परिचयः—ज्योतिरूप श्री स्वयंभू तोपुया, बायुपूर, अग्निपूर, बसु-पूर, नागपूर, शान्तिपूर आदि सिद्धयाना बिज्याह्य शान्तिकर आचार्य । नेपाले बृंगद्यया इतिहासे बन्धुदत्त बज्राचार्य । फर्फिङ्ग बज्रयोगिनीया नापं चोभाले गर्तेश्वर सिद्धयाना बिज्याह्य ओडियानाचार्य । विजेश्वरी सिद्धयाना बिज्याम्ह बज्रपात । कान्तिपूर महाकाल सिद्धयाना बिज्याम्ह साहश्वत वज्र । ह्लासाय् सिकापाक्वी नैरात्मा सिद्धयाना बिज्याम्ह सुरत बज्रया नापं अन्तराष्ट्रे ख्यातिम्ह यल महाबौद्धया पं. अमृतानन्दजु नं उल्लेखनीय जू ।

नेपाया इतिहासे थये योगदान विद्याबया च्वंगु बोद्ध मपाच योक्ने
 बिभिन्न रितियितिद्वारा अनेकताय् परिणत जयाच्वंगु खनीबने मं मद्दय
 ग्यक्तिपिन्त भ्रान्ति ज्वीगु स्वाभाविकगु खं खः । थकीया कारण यत्र
 बुकि नेपाल सम्बत् ४०२ दे निस्ये ४१५ दे या दुने नेपाया नामक ब्र
 जयस्थिति मल्लया पृथकताबादी नीतिया उपज जातीकरणयानापं बिभिन्न
 व्यवसायीया रकमि व्यवस्थाया दुष्प्रभाव बोद्ध समाजे आपलं मागु खनेदु ।
 थुजोगु विषमता पूर्णगु प्रभावयाकें बोद्ध समाजे विकृत मनोवृत्ति याय्कया
 बेमनस्यता उत्पन्न जुल, गुकियाना थःगु समाजया बिद्वान्बर्ग पिन्तनक नं
 यथार्थ रूपं म्हसीकेगु अवसर प्राप्त मजुल । अले बुद्धया सम एकता सम्प-
 न्नागु दर्शनयात अध्ययन तथा अन्वेषण याय्गु प्रथा समेत न्हना वन । गुकि
 याना थःगु धर्म तथा संस्कृतिया विषय छुं खें, मसीका मय्बीका अन्धमत्तो
 पूर्ण स्वार्थं लोभ लालचं जाःगु असमान व्यवहारं ज्यातुक स्वकीका
 च्वंगु दु ।

थये अनुकूल व प्रतिकूल परिस्थितिया बिबशतां धर्म तथा संस्कृति
 नापं समाजया परिवर्तन ज्वीगु प्रकृतिया नियम खः । ई-ब्यो स्वया धर्म
 तथा संस्कृतियात पुनः उद्धार याय्गु बिद्वान् पिनिगु ज्या खः । समाजयात
 पुनर्जागृति ह्यगु समाजसेवी पिनिगु कर्तव्य ख ।

थये थः पुर्वजः पिनिगु विशेषता दुगु नेपाया स्थल्लागु अस्तित्व सुला
 च्वंगु संस्कृती ब्वलंगु बोद्ध समाजयात पुनर्जागृति ह्या धर्म तथा संस्कृति
 यात पुनः उद्धार याय्गु उद्देश्यं, जिमि प्रातः स्मरणीय गुरु बज्राचार्य पं.
 'रत्नबहादुर' जुं सुगतस्य देशनाः—प्यंगू श्रेणी विषयया बोद्ध ग्रन्थ आपलं
 नेपाल भाषां अनुबाद याना तैथका बिज्यागु मध्ये 'श्रावक' चर्या निमित्त
 आपलं बोद्ध शास्त्रया निर्णायक प्रमाण संग्रह याना नेपाल भाषां अनुबाद
 याना तैथका बिज्यागु थुगु "बौद्ध प्रथम शिक्षा" खः ।

थुकी श्रावकयानं महायाने दिक्षित जया वनेगु ध्वाय्वीक दिग्दर्शन
 याना कयना बिज्यागु दु ।

[च]

थुगु पुस्तकया शुभारम्भे नेपाल भाषां अनुबद्ध याना तःगु रचना, पुस्तक समाप्ति उल्लिखित संस्कृति मूल “सुगतस्य” देशना सम्बरोदय तन्त्रयागु खः । अन्तराभव सत्व (गन्धर्व) मांयागु गर्भे प्रवेश ज्वीगु सीकेया निम्ति सम्बरोदय व करबीर तन्त्र समावेश याना बिज्यागु दु । हेबज्र, एकलबीर, मायाजाल तन्त्रया प्रमाण गनं गनं बिया बिज्यागु दु । मेगु महायान ग्रन्थया अतिरिक्त श्रावक यागु जकहे खः ।

खतु पुस्तक श्रावक विषय यागु जूसां भतिचा समयं आपलं ज्ञान पुर्वक सीका थ्वीका बीया निम्ति माथाय् माकथं श्रावक विषययागु जकहे अन्य ग्रंथ तन्त्रया कूटकूट विषय समावेश याना बिज्यागु खः ।

थुगु पुस्तक प्रकाश याय्त माःगु आर्थिक सहयोग याना बिज्याम्ह जिमि हितैषी पासा श्री गुणरत्न शाक्य तथा थुकी शुद्धिपत्र चवया सहयोग याना बिज्याम्ह पासा श्री धर्मरत्न बज्राचार्य नापं थुगु पुस्तक प्रकाश याय्त थःमंहे कम्पोज याना गुरु पुस्तक बमोजिम प्रूफ तक स्वेगु ज्याया नापं माःगुतक व्यवस्था याना बिज्याम्ह गुरु पुत्र श्री पूर्णबहादुर बज्राचार्य यातनं दुनुगलंनिस्ये धन्यवाद दु ।

अन्त्ये थुगु पुस्तके भूमिका च्वेगु कार्य जित प्राप्त जुल, तर जि सःह्य स्पूम्हजा मखु अथेनं गुरुयागु सद्विच्छा साकार रूपे दिग्दर्शन याना क्यना बीगु छम्ह शिष्यमचाया कर्तव्य खः, उकिं थःगु बुद्धिचाथ्ये भूमिका च्वयागु जुल । विज्ञः पाठक महानुभावपिसं गनं गुगुं थासे द्वंगु दुसा दोष मव्यूस्ये सूचं बिया बिज्याई धंगु मनं तुना । अस्तु—

गुंला यल पञ्चदान
ने० सं० १०९२

छम्ह शिष्यमचा
सूर्यमान बज्राचार्य
हखवहाल, यल ।

जिगु श्रुत्याचा मॅ

जिमि पूज्य गुरु वज्राचार्य पण्डित रत्नवहादुरजुं आपालं पश्चिम याना
चवया तैयका विज्यागु थुगु "बौद्ध प्रथम" शिक्षा नामक पुस्तकया वने जि
प्रकाशक जुया पाठक महानुभाव पिनिगु समक्षे देछाय्हे दुर्गुनि आपालं
लयता ।

खजा थुगु पुस्तकया विषये जि थन छुं वाय्माःयें मनाया, छाय्वाःया
जिमि हितैषी मित्र श्री सूर्यमान वज्राचार्यजुं ग्यसुग्यंगु भूमिकाय् दिम्दयंन
याना कयना विज्याय् धुंकूगु दु । नापं जिम्ह पूज्य गुरुया संक्षिप्त परिचय वित्रः
श्री सत्यमोहन जोशीजुं कयना दी धुंकूगु दु ।

अन्त्ये थुगु पुस्तक पिकाय्ते थःगु अमूल्यगु समययात समर्पण याना सह-
योग याना विज्यापि सकल हितैषी मित्रपिन्त अपालं वन्यवाद दु ।

ने० सं० १०६२

गुला दशमी

गुणारत्न शाक्य

खाछे, यल ।

शुद्धिपत्र

अशुद्ध	शुद्ध	पं	को
यातं	यात	१	२४
गुरुमसिमा	गुरुभमसिमा	४	२०
२०००	२००००	॥	२४
अयात्	अर्यात्	५	१५
रनके	नरके	१०	२४
बःमु कःठनं	...? ...	१५	८
तिर्य्यकयोनि	तिर्य्यकयोनि	॥	९
मन्म	जन्म	१९	२०
देदना	वेदना	२४	१०
३८ संख्यानिस्थे द्वंगु ४५ संख्यातक		३०	२५
मांमलाना	मांमलाना	३५	५
शास्त्रातरे	शास्त्रान्तरे	४३	१
कादाचित्कतया	?	४४	२५
संग	संयोग	५३	१
इष्टजूले	!	५४	४
कल्पना	कल्पना	६६	२१
व्वनिया	व्वतिया	७३	२३
तीकेमः	तीकेमाः	८७	४
पांभिज्ञ	पंचाभिज्ञ	१०१	७
सर्वास्तिवाद	सर्वास्तिवाद	१०१	११
मपित	कपिन्त	१०२	९
...ण्डित	पण्डित	१०६	२२
एवहे	यथ्यहे	१०८	२
अधिमान	अभिमान	११०	१२
अधिमान	अभिमान	११०	१४
अधिमान	अभिमान	११२	१२
पियाय्	पिकाय्	११७	१
देशनावीम्ह	देशनावीम्ह	१३१	१२

नोटः—रुद्रदेव गगं संस्कारित—दत्तनाम महाविहार



बज्राचार्य पण्डित रत्नबहादुर

संनयः सर्वज्ञाव

प्रथमस गुरुबन्धे लोकया दृष्टिर्ब्रूम्ह,
तदनुच मुनिबन्धे लोकया नाथर्ब्रूम्ह ।
तदनु धरमबन्धे लोकरक्षा ब्रूवांम्ह,
तदनुच जिनबन्धे लोकया नाथसंघ ।१।

प्रथमस छलपोनं लोकपित मुनिग्रा,
बिल शुभ अतिभिगु देवता आन्ममंजा ।
थुगु धर्म मियाव लोक संताव ह्वं,
अधिक धर्मयाना मोक्षलात अपालं ।२।

निगूगु बिल छिसंजा भिक्षुपित मुशिक्षा,
बिनय पिटक आदि स्कन्ध न्यागूगु आत्मा ।
थुगु धर्म सियाव भिक्षु संतोष ह्वं,
अधिक धर्मयाना मोक्षलात अपालं ।३।

स्वंगूगु बिल छिसंजा बोधिसत्वात्मपित,
छुनं मदुगु मुशिक्षा शून्य सूत्रान्तभाष ।
थुगु धर्म सियाव बोधिसत्त्व प्रमन्नं,
अधिक धर्मयाना मोक्षलात अपालं ।४।

प्यंगूगु बिल छिसंजा वज्रयानात्मपित,
अबुधजन रहस्य योगिनी योगतन्त्र ।
थुगु धर्म सियाव योगिलोक प्रसन्नं,
अधिक धर्मयाना मोक्षलात अपालं ।५।

प्यंगू थुलि भगवानया शिक्षा स्यूपि प्वलोके,
गुलिदत थुलि धाये धन्य धन्य महात्मा ।
मसियव पशु तुल्ये धायमाली प्रमाणं,
थुलित धर्म कंम्ह बुद्धयातं नमामि ।६।

प्यंगू थुलि कथनं ज्वे बुद्धया मूल धर्म,
फरक मदु थुकी न्हां तंत्रसं कंगु धर्म ।
बहुत मनतयाव जत्त यानाव सीकि,
थुलि जिगु बिनती न्हां बुद्धधर्मात्मपिके ।७।

आःथम प्व ज्वेकनागु प्यंगूशिक्षा वेवता आत्मसंज्ञा १ स्कन्ध न्यागूया
आत्मा २ शून्य सूत्रान्तभाष ३ योगिनी योगतन्त्र ४ भगवानं लोकया
बुद्धि विशेषं कम्मर्थे कना बिज्यागु शिक्षा सीकेयानिति न्हापां अभिधर्म-
कोशयागु खं लोकधातु निस्सं कनेत्थना ।

तत्र भाजन लावस्थ संनिवेशं उशन्त्यधः ॥

लक्षषोडश गोद्वेधं असंख्यं वायुमण्डलम् ॥८॥

थन प्राणिपि बासयानाच्चंगु लोकया दुग्या आदि सीकेगु इच्छा
दुसा श्व कनेत्यना । श्व सुमेरुया दक्कसिबेसं ववेयागु भागे संख्याहे याय्
मफुगु श्वे किछुगू लाख १६००००० जोजन गंभीरदुगु वायुमण्डल
दैचवन । श्वया च्वे जलमण्डल किछुगू लाख व नीदो ११२०००० जोजन
गंभीर दैचवन । च्वे च्यागू लाख ८००००० जोजन उच्चा जुयाचवन ।
थुकी बाकि स्वंगू लाख व नीदो ३२०००० जोजन पृथ्वीमण्डल दैचवन ।
जलमण्डल व भूमिमण्डल किनिगू लाख व स्वदो व प्यसत्या १२०३४-
५० जोजन तप्यंक दैचवन । थुकी छचालं गिर्दा थुकिया स्वदुगं स्वीछुगू
लाख व किदो व स्वसत्या ३६१०३५० जोजन दैचवन । श्व पृथ्वी
मण्डले सुमेरु १ युगंधर २ ईशाधर ३ खविरक ४ सुदर्शन ५ अभ्रकर्ण ६
बिनतक ७ निर्मिधर ८ थुलि च्यागू पर्वत वंवेत २ ववत्यला चवन ।
निर्मिधर पर्वतं ववत्यलातःगु द्वीप ४ (पूर्वे बिदेहद्वीप १ दक्षिणे जंबूद्वीप
२ पश्चिमे अबर गोदानीयद्वीप ३ उत्तरे कुरुद्वीप ४) श्व फुक्कंया पिने
चक्रबाल पर्वत पःखालं घिरेयाय्थे चाउला चवन, थुकी न्हेगू पर्वत सुव-
र्णयागु चक्रबाल पर्वत छगू नंयागु जुयाचवन ।

चतुरत्न मयोमेरुः जलेऽशीति सहस्रके ॥

मग्नऊर्ध्वं जलान्मेरु भूयोऽशीति सहस्रकः ॥९॥

श्व सुमेरु पर्वत चतुरत्नमय गथेधाःसा उत्तरदिशास सुवर्णमय, पूर्व
विशास रजतमय, दक्षिणदिशास नीलमणिमय, पश्चिमदिशास वैदूर्यमय
श्व जम्बूद्वीपया संमुखभाग नीलमणियागु जुयाचवन । श्व सुमेरु पर्वतया
गंभीर छगूलाख व स्वीदो १६०००० जोजन दुगुलिं चेदो ८००००
जोजन गंभीर सखे बुनाचवन, हानं सखंच्वेनं चेदो ८०००० जोजन हे
उच्चा जुयाचवन ।

अर्धांशहानि रष्टासु समोच्छ्रय घनाश्रिते ॥

सीताःसप्तान्तरायेषां आद्यासीति सहस्रिका ॥१०॥

सुमेरु पर्वतं ववे ज्यागू पर्वतं क्रमये बलिः २ कम् जुयाच्चन, बलिं पर्वतनं चवे उक्काजूगु जाः व ववे मखेदुमा च्वंगुनं अवेहेमतुं क्रमये बलिः बलिं भाग कम् कम् जुयाच्चन । गथेधाःसा-

सुमेरु पर्वत जोजन ८००००, युगंधर ४००००, ईषाप्रर २००००, खविरक १००००, सुदर्शन ५०००, अभ्रकणं २५००, बिननक १२५०, निर्मिधर ६२५, चक्रवाल ३१२५ च्व न्हेगू पर्वतया त्रिवे त्रिवे न्हेगूहे सीतादु, (सीता धंगु तिक्क लःया खावल म्हुया तःगुयेंजागु) दंच्चन । थुकी न्हापांयागु सीता सुमेरु पर्वत व युगंधर पर्वतया बिचे चेदो ८०००० जोजन बिस्तार दंच्चन ।

आन्यन्तरः समुद्रोऽसौ त्रिगुणः मनुः पर्वतः ॥

अर्धर्षिता पराः सीताः शेषं वाच्यो महोदधिः ॥

लक्षत्रयं सहस्राणि त्रिशति द्वे च तत्र तु ॥ ११ ॥

थ्व सीतादुने समुद्रजुयाच्चंगु थ्व समुद्र जःखः छ्चालं गिर्दाया बिस्तार सीताया स्वदुगं निगूलाख व पीदो २४०००० जोजनदु मेगु सीता च्वेकना-गुयें बलिः २या परिमाण जुयाच्चन सकलयांपिने निर्मिधर पर्वत व चक्रवाल पर्वतया बिचे महासमुद्र स्वंगूलाख व नीनिदो ३२२००० जोजन दंच्चन ।

जम्बूद्वीपो द्वि साहस्रः त्रिपाश्वः शकटाकृतिः ॥ १२ ॥

साद्धं त्रियोजनं त्वेकं प्राग्बिदेहाद्धं चन्द्रवत् ॥

पाश्वर्त्रयं तथास्यैकं सार्धं त्रिशतं योजनं ॥ १३ ॥

थुकीया द्वीपे (द्वीप धंगु लखंतोता वंगु भूमि) सुमेरु पर्वतया दक्षिण भागे गाराया आकारगु जम्बूद्वीप दंच्चन, थ्व जम्बूद्वीप स्वचोल् छचो २ या निदो २ जोजनदु, छचोले स्वंगूत्या ३५ जोजनदु । सुमेरुया पूर्वभागे पूर्व बिदेहद्वीप अर्धचन्द्रया आकार थुकीनं स्वचोले जम्बूद्वीपे सतुं छचो छचोया निदो निदो जोजनदु छचोले स्वस व न्येगू ३५० जोजनदु ।

गोदानोयः सहस्राणि सप्तसार्धानि मण्डलः ॥

साद्धं द्वे मध्यमस्याष्टौ चतुरस्रः कुरुः ममः ॥ १४ ॥

सुमेरु पर्वतया पश्चिम दिशाया भागे अवर गोदानोयद्वीप मण्डलया आकार गोला, छ्चायां न्हेदोत्या ७५०० जोजनदु, दथुया परिमाण

निसःत्वा २५० जोजन दंच्चन । सुमेरुया उत्तर भागेष्वांगु उत्तर कुरुद्वीप
सम व्यकुंता धुकीया परिमाण च्याबो ८००० जोजनदु, छबो छबोया
निबो निबो जोजन दंच्चन ।

देहा विदेहाः कुरवः कौरवाश्चा मरावराः ॥

अष्टौतदन्तरद्वीपाः शाठाउत्तर मंत्रिणः ॥१५॥

ध्व व्यंगू द्वीपया अन्तरे (बिचे) च्यागू अन्तर द्वीपदु । छुछुधाःसा
पूर्वबिदेह द्वीपया अन्तरे देह १ बिदेह २ उपद्वीप । उत्तर कुरुद्वीपया अन्तरे
कुरु १ कौरव २ उपद्वीप । जम्बूद्वीपया समीपे चामर १ अबरचामर २
उपद्वीप । अबर गोदानीयद्वीपया समीपे शाठ १ उत्तरमंत्रो २ उपद्वीप
दंच्चन । चमरद्वीपे राक्षसया बासस्थान धका छह्य आचार्यं धंतल ।
मेमेथास सकभनं मनुष्यया बासस्थान धका सीकि ।

इहोत्तरेण कीटाद्रि नवकाद् हिमवान् ततः ॥

पंचाशद्विपुलागाध सरोज्वागान्धमादनात् ॥१६॥

ध्व जम्बूद्वीपे उत्तर दिशाया भागे न्हापां स्वंगू, हानं स्वंगू, हानंहे स्वंगू
कीटाद्रि (कीया आकारगु) गुंगू पर्वतदु, थनंलि हिमालय पर्वत, हिमालय
पर्वतया उत्तर दिशास तःधंगु थाःगाः मदुगु न्येगू ५० जोजन बिस्तारदुगु
अनबतप्त धंगु मानसरोवर पुखू दंच्चन, थ्वया ह्योने गन्धमादन पर्वत ।
थुगु प्रकारं मानसरोवर हिमालययाकें ल्यूने गन्धमादन पर्वतयाकें न्ह्योने
मानसरोवरयाकें गंगा १ सिन्धु २ बक्षु ३ सीता ४ ध्व व्यंगू नदी प्रवाह
जुया पिहां दंच्चन । अनबतप्तया समीपे गुरुम् सिमादु, उकें ध्व
जम्बूद्वीप धंतल ।

अथ महर्षे विशत्या तन्मात्रोऽष्टौचिरस्य हि ॥

तदूर्ध्वं सप्तनरकाः सर्वेऽष्टौपांडशोत्सदाः ॥१७॥

ध्व जम्बूद्वीपया नीदो २००० जोजनद्वे उलिहे परिमाणदुगु अबीचि
धंगु नरकदु, (बीचि धंगु सुखमदुगुलि ध्वंत अबीचि धंतल) ध्वया च्वे
न्ह्येगू ७ नरक क्रमर्थे प्रतायन १ तयन २ महारौरव ३ रौरव ४ संघात ५
कामसूत्र ६ संजीव ७ जम्मां ध्व च्यागू नरकेनं फिखुगू उत्सव (तच्छोतं

सजाई ज्वीगु स्थान) देख्यन । थ्व च्यागु नरक धका धीनःगु मंत्रनायाय्
थाकुगु अत्यन्त करारगु कर्मयाइगुलि संयुक्त जुयाच्चंगु छगु रसी किन्दगु र
उत्सव देख्यंगु प्यंगु स्कन्ध प्यख्यरं प्यंगु ध्वाका देख्यंगु नंयागु ताताभागु
पखालं चाउयकातःगु नंयागु भूमि जाजोल्यमानं नेज्जदेख्यंगुलि संयुक्तगु
अनेक सलंस जोजनतकं मिया ज्वालां प्रकट छुटे जूगु देख्यन ।

कुकूल कुणपंचक क्षुरमार्ग दिक्कनदी ॥

तेपां चतुर्दिशं शोता अन्यष्टावर्बदादयः ॥१८॥

थुपिं नरकया प्यंगु दिशासं कुकूल कुणप क्षुरमार्गं धंगु अस्त्रिपत्र बन
हाकुपि च्याकिपि खिचादुगु स्थान नयागु सिमल् सिमाया बन बंतरणो
नदी थ्व प्यंगु उत्सव देख्यन । हानं मेगु अर्बुद आदि च्यागु नरक छुछुघाःसा
अर्बुद १ निरर्बुद २ अटट ३ हहब ४ हुहुब ५ उत्पल ६ पय ७ महापय ८
शीतनरक थ्व जम्बूद्वीपया ववे महानरकया भूमितःले देख्यन ।

अर्धेन मेरोश्चन्द्राकीं पश्चाशत्संक योजनी ॥

अर्द्धं रात्रोऽस्तगमनं मध्यान्ह उदयः समं ॥१९॥

सुमेरु पर्वतया बद्धि भागे अथात् बाजास युगंधर पर्वत च्चकाया
समान भागे चन्द्रसूर्य्य चाउला च्वन । यन चन्द्रमण्डल न्येगु ५० बोजनदु,
सूर्य्यमण्डल न्येछगु ५१ जोजन परिमाण देख्यन । थ्व प्यंगुद्वीपे समान-
काल मिलेज्वीक बाचा जाइगु, निभाः बीगु, बाह्लि जाइगु, निभाः त्वीगु
जुयाच्चन । थ्व गथेघाःसा गुगुबखते जम्बूद्वीपे बाह्लि जाई, उगुबखते
उत्तर कुरुद्वीपे बाचाजाई । पूर्व बिदेहद्वीपे निभाःबी, अबर गोदानीद्वीपे
सूर्य्य उदय ज्वी ।

प्रावृण्मासे द्वितीयेऽस्त्य नवम्यां बर्द्धते निशा ॥

हेमन्तानां चतुर्थेन हीयतेऽह विपर्य्यमात् ॥२०॥

बर्षाया निगूगु मासे अर्थात् भाद्रब मासे शुक्लपक्षया नवमी खुन्हु
रात्रि बन्हेज्वी, थुखुनुनिसें चाताहा जुयाव । हेमन्त कालया प्यंगुगु मासे
अर्थात् फाल्गुण मासे शुक्लपक्षया नवमी खुन्हु रात्रि हीनज्वी । थुखुनु
निसें चापतिहाज्वी । विनजा थुकिया बिरोधक्रमंज्वी अर्थात् गुबले चा
बन्हेज्वी, उबले ह्नि कम्ज्वी । गुबले चापतिहाज्वी, उबले दिनताहाज्वी ।

लवशोराभ्यहृद्दी दक्षिणोत्तरगेरवी ॥

स्वच्छाययाकं मासिध्याद्वि कलेन्दु समीक्षणं ॥२१॥

श्री सूर्य्य दक्षिणायन ज्वीबले रात्रि बहेज्वी, श्री सूर्य्य उत्तरायन ज्वीबले दिन बहेज्वी । चन्द्रमाया बिकलांक तेजहीनजूगु खनेदुगु सूर्य्यया समीप ताःगुलि धका सीकि, थःगु छायां छोपे जूगुलिनंज्वी । गथेधाःसा मत गुलि २ थां सःती उलि २ छायां थां छोपेज्वी, तापाक मत लाइबले थां परिपूर्ण खनेदं भतिचा सःतीबले भतिचा क्षीणज्वी । अत्यन्त सःतीबले छायां नष्टरूपज्वी वथें धका सीकि ।

परिषण्डाश्चतस्रोऽस्य दशसाह स्रिकान्तराः ॥

षोडशाष्टौ सहस्राणि चत्वारि द्वेचनिर्गताः ॥२२॥

करोटपाणयस्तत्र मालाधराः सवामदाः ॥

महाराजिकदेवाश्च पर्वते ऽपि सप्तसु ॥२३॥

सुमेरु पर्वतया प्यंगू परिषण्डे (बिभागे) परस्पर फिदो २ जोजन च्वेक्वे लानाच्वन, उलि २ पाक स्थान वेंच्वन । ह्लापायागु परिषण्ड सुमेरु सीता लःया फिदो जोजन च्वेलानाच्वन । निगूगु परिषण्ड थ्वयां फिदो जोजन च्वेलानाच्वन । स्वंगूगु परिषण्ड थ्वयानं फिदो जोजन च्वेलाना च्वन । प्यंगूगु परिषण्ड थ्वयानं हे फिदो जोजन च्वेलानाच्वन । थ्व प्यंगूगु परिषण्ड सीता लःयाकें पीदो ४०००० जोजन च्वे सुमेरु पर्वतया च्वकां ४०००० जोजन च्वेलानाच्वन । थुके ह्लापायागु परिषण्ड सुमेरुया फिखुदो १६००० जोजन पिने पिहाँ वेंच्वन । निगूगु परिषण्ड च्यादो ८००० जोजन पिहाँ वो । स्वंगूगु परिषण्ड प्यदो ४००० जोजन पिहाँ वो । प्यंगूगु परिषण्ड निदो २००० जोजन पिहाँवो धका सीकि । थुकी पूर्व दिशास प्रथम परिषण्डे करोटपाणि धंपि यक्षत बासयाना च्वन, थुमिराजा धृत-राष्ट्र । दक्षिण दिशास द्वितीय परिषण्डे मालाधर धंपि बास यानाच्वन, थुमिराजा बिरुद्धक । पश्चिम दिशास तृतीय परिषण्डे सवामद धंपि बास यानाच्वन, थुमिराजा बिरुपाक्ष । उत्तर दिशास चतुर्थ परिषण्डे चातु-मंहाराजिक धंपि बास यानाच्वन, थुमिराजा कुबेर । सुमेरु पर्वतयें न्हेगू ७ पर्वतेसं महाराजिक देवतागणपि च्वंच्वंगु वु ।

मेरुमूर्ध्नि त्रयस्त्रिंशः स्रज्यर्थाय महर्ज्यर्थाय ॥

विदिशु कृताश्चत्वार उपायना बज्रपाणिभिः ॥२४॥

सुमेरु पर्वतया च्वकास त्रयस्त्रिंश देवलोकपि बाम यानाच्चन, त्रय-
स्त्रिंश (स्वर्गलोक) या बिस्तार चेदो ८०००० जोजनदु । अन प्यंगु दिशाम
बिदिगे बज्रपाणि देवतापि बास यानाच्चन । त्रयस्त्रिंश लोक्या मध्य
भागे सुदर्शन धंगु देवराज इन्द्रया नगर सुवर्णमय जुया बिचित्र कोयन
मनोरम जुयाच्चंगु दैच्चन । थ्व नगरया छचो २ ले नीन्यास २ (२५००)
जोजनदु, जम्मायां दोछि १००० गू जोजनदु । छगूत्या जोजन अर्यान्
खुक्वे उच्चा जुयाच्चन । थ्व नगरया दथ्वी इन्द्रया दर्बार बंज्यन्त धंगु
निसत्या २५० जोजन थ्वया छचो जुयाच्चन । पिने चैत्ररथ १ पारुष्य २
मिथ्र ३ नन्दन ४ थुलि प्यंगू बगैचा दया थ्व नगर अत्यन्त शोभा लाना
च्चन । थुपि बगैचाया प्यंगू दिशास नीगू २० जोजनया अन्तरे देवलोक-
पिनि क्रीडा याय्गु भिगु भूमिस्थल दैच्चन पूबं उत्तर दिशास पारिजात
देववृक्ष दैच्चन, दक्षिण पश्चिम भागे सुधर्मा धंगु देवसभा दैच्चन ।

सुमेरु पर्वतया बयान थुलि ।

ततउर्ध्वं विमानेपुदेवाः कामभुजस्तु पट् ॥

द्वन्द्वालिङ्गन पाण्याप्ति हसिते क्षणमैथुनाः ॥२५॥

थ्व त्रयस्त्रिंश देवलोकया च्वे देवलोकपि विमाने बास यानाच्चन,
छाय्धाःसा अन जमीन् मदुयानिति विमानबासी धका सीकि । चातुर्महा-
राजिक आदिं खुगू ६ कामधातु भुबनेच्चपि देवतापिसं निह्य स्त्रीपुरुष
संगम जुया मैथुन यानाच्चन । गथेधाःसा चातुर्महाराजिक देवता व त्रय-
स्त्रिंशेच्चपि देवतापिसं मनुष्यपिसंथे हे निह्य स्त्रीपुरुष संयोग जुया मैथुन
यानाच्चन । यामा भुबनेच्चपि देवतापिसं निह्यतिपुया आलिंगन मात्रयाना
कामभोग यानाच्चन । तुषिता भुबनेच्चपि देवतापिसं निह्यतिपुया लाहा
जक ज्वना कामभोग यानाच्चन । निर्माणरति भुबनेच्चपि देवतापिसं
निह्यतिपुया हिलाजक कामभोग यानाच्चन । परनिर्मित बराबति भुबने-
च्चपि देवतापिसं निह्यतिपुया मिखां २ जकस्वया कामभोग यानाच्चन

धका सीकि । कामधातु भुवने देबलोक न्यार्दे-फिर्वे दुपि मच्चापायधिक जुया ।
जन्मज्वी । रूपधातु भुवने सकल देबलोकपि सकतां शरीर खाराजुया
बस्त्रं सहित जुया जन्मज्वी । थःगु स्थानयार्के क्वे जम्बूद्वीप गुलि तापाना
च्वन उलिहे प्रमाणं च्वेनं देबभुवन तापाना च्वन । गथेधाःसा चातुर्महा-
राज कायिक भुवनं जम्बूद्वीप पीदो ४०००० जोजन क्वेला, थ्वथेतुं त्रय-
स्त्रिंश भुवन पीदो ४०००० जोजनहे च्वेला । थ्वथेतुं त्रयस्त्रिंश स्वर्गलोक
जम्बूद्वीप चेदो ८०००० जोजन क्वेला, स्वर्गलोकं चेदो ८०००० जोजन
सतुं च्वे यामा भुवन लानाच्वन । थयेहे च्वेच्वेच्वंगु भुवन अकनिष्ठ भुवन
पर्यन्तं क्वे जम्बूद्वीप गुलि २ क्वेलानाच्वन उलि २ हेसतुं मेगु देबलोक
च्वेलाना च्वन धका सीकि । थ्व स्वर्गलोक यामा आदि भुवनेच्वंपि देब-
लोकं थःगु भुवनयार्के च्वेच्वंगु भूमी वनेत सुंमेपि तःधंपि देबतापिगु आश्रय
ऋद्विबलदुसा च्वेच्वेच्व्यंक वनेफु, तःधंपि देबतापिगु साहाय्य ऋद्विबल
मदुसा वनेमफु धका सीकि ।

चतुर्द्वीपक चन्द्रार्क मेरुकाम दिव्रीकसाम् ॥

ब्रम्हलोक सहस्रं च साहस्रश्चूडिकोमतः ॥२६॥

तत्सहस्रं द्विसाहस्रो लोकधातु स्तुमध्यमः ॥

तत्सहस्रं त्रिसाहस्रः समसंवर्तसम्भवः ॥२७॥

जम्बूद्वीप पूर्वविदेह अंबरगोवानीय उत्तरकुरु चन्द्रसूर्य सुमेरु काम-
धास्वीच्वंपि देबताया वासस्थान ब्रह्मलोक थ्व फुकं छगूयात छगू लोकधातु
धार्ई । थुलि दोछियात साहस्रचूडिक लोकधातु धार्ई, थ्वंत दोछि गुणेयाय-
बले छिगू लाख १०००००० लोकधातुयात द्विसाहस्र मध्यम लोकधातु
धार्ई थ्वंतनं दोछि गुणेयायबले सछिगू कोटि १००००००००० लोकधातु
यात त्रिसाहस्र महासाहस्र लोकधातु धार्ई । थ्व त्रिसाहस्र महासाहस्र
लोकधात्वी सृष्टिकाल प्रलयकाल छकलंहे पाःलाक ज्वी । लोकधातुया नां
फरक २ दु, अपरिमित तथागत बिज्यानाच्वंगु अपरिमितगुण संचय
लोकधातु । अमिताम तथागत बिज्यानाच्वंगु सुखावति लोकधातु ।
असोम्य तथागत बिज्यानाच्वंगु अभिरति लोकधातु । थुगु प्रकारं गंगा

नदीया फिग प्रमाणं लोकघातु दैव्यन । आः य्व ऊर्षि य्वनागु मोकधानुया
 नां सहालोकघातु, य्व सहालोकघातुया ब्रह्मा महार्पति जिह्वांनाम ब्रह्मा ।
 देवराज इन्द्रया नां शक्रधंहा, कल्पया नां मद्रकल्प धका सीकि । ब्रम्बुद्रीपे
 च्वंषि मनुष्य स्वकुत्या प्यकु हाक ज्वी । पूर्वबिदेहेच्वंषि य्वया दुगंछि
 न्हेकु च्याकु ७/८ प्रमाण ज्वी, गोदानीयेच्वंषि क्प्यकु क्प्यकु १४/१६
 प्रमाण ज्वी, उत्तर कुरुद्वीपेच्वंषि मनुष्य य्वयानं दुगंछि नोच्याकु म्वांनिकु
 २८/३२ प्रमाण शरीर ज्वी । कामघातु भुबनेच्वंषि देवताया शरीर छपाठ
 निसै छगू २पाद बहेजुया वनी, गयेधाःसा क्रमये चातुमंहाराजिक देवताया
 शरीर छपाउ प्रमाणदु । त्रयस्त्रिंश भुबनेच्वंषि देवताया शरीर बाक्वेदु,
 यामा भुबनेच्वंषिनि स्वपाउदु, तुषिता भुबनेच्वंषिनि क्वेछिदु, निर्माणरति
 भुबनेच्वंषिनि न्यापाउदु, परनिमित्त बशर्वाति भुबनेच्वंषिनि क्वेत्या शरी-
 रया प्रमाणदु । रूपघातु भुबनेच्वंषि देवतापिनि शरीरया प्रमाण ह्वापां
 ब्रह्मकायिक भुबनेच्वंषिनि बागू जोजन दैव्यन, थये बागू २ जोजन च्वे
 बहेजुया वनी धका सीकि । य्व गयेधाःसा ब्रह्म पुरोहित भुबनेच्वंषिनि
 शरीर छगू जोजनदु, महाब्रह्म भुबनेच्वंषिनि छगूत्या जोजनदु, परित्ताम
 भुबनेच्वंषिनि निगू जोजनदु, थ्वंच्वे दबल् २ याना शरीरया प्रमाण ज्वी ।
 गयेधाःसा अप्रमाणाभ भुबनेच्वंषिनि प्यंगू जोजनदु, आभास्वर भुबने-
 च्वंषिनि च्यागू ८ जोजनदु, थुगु प्रकारं च्वे शुभकृत्स्नतकया स्वोप्यंगू ६४
 जोजनया शरीर जुयाच्वन । थ्वंच्वे दुगंछियात स्वंगू जोजन तोताः सच्चिव
 नोन्यागू १२५ जोजन अनध्रक देवताया शरीर जुयाच्वन, थ्वंच्वे दुगंछि
 क्रम । पुण्यप्रसब भुबनेच्वंषि देवतापिनि निसःत्या २५० जोजन प्रमाण
 शरीर जुयाच्वन, याबत् अकनिष्ठ भुबनेच्वंषि देवतापिगु शरीर दोछि
 १००० गू जोजन प्रमाणदु धका सीकि ।

सहस्रमायुः कुरुषु द्वयोरर्द्धाद्वं बजितम् ॥

इहानियत मन्तेतु दशाब्दा नादितोर्जमितम् ॥ २८ ॥

कुरुद्वीपेच्वंषि मनुष्यया दोछिदं आयुदैव्यन, पूर्वबिदेहेच्वंषिनि य्वया
 बछि न्यासःदं आयुदैव्यन, गोदानीयेच्वंषिनि य्वया बछि निसःत्या दं आयु

वैष्णव । जम्बूद्वीपे च्चंपि मनुष्यपिनि आयुर्बाया निश्चय ठेकाना मदु गुबलें
 २ आपाः २ आयुदु गुबलें २ कम् जुयाच्चन । कल्पया आदि असंख्य परिमाण
 हे मदेक आयुर्वैष्णव कल्पया अन्ते फिदें सम्म आयुर्बा ज्वी । मनुष्यया न्येदें
 ५० वनीबले चातुर्महाराजिक देवताया चछि ह्निछि ज्वी । थुजागु स्वसः-
 ह्वीन्हु ३६० या ह्निछियाणा न्यासः ५०० दें (मनुष्यया ग्वीगू लाख
 ९०००००० बर्ष) जीबिका ज्वी । श्वयां च्वेच्वेच्वंपि देवलोकपिनि आयु
 नं दिननं दुगंछि २ बन्हे ज्वी । गथेधाःसा त्रयस्त्रिंश भुवनेच्वंपिनि मनुष्यया
 सछि १०० देंया चछि न्हिछि ज्वी । थुजागु स्वसःह्वीन्हुया दछियाणा
 दोछि १००० दें आयुर्वैष्णव, यामा भुवनेच्वंपिनि मनुष्यया निसः २०० दें
 या चछि न्हिछि निदो देंहे जीबिका ज्वी, थुगु प्रकारं च्वेच्वेनं सीकि ।
 रूपधातु भुवनेच्वंपि देवतापिनि दिन रात्रिया व्यवहार मदु, छायाःसा
 अन चन्द्रसूर्य मदुयानिति थुमिगु आयु कल्प परिमाणं ज्वी । श्व कल्पनं
 थःथःगु शरीरया प्रमाणं ज्वी, श्व गथेधाःसा बागू जोजनया शरीरहा ब्रह्म-
 कायिक देवताया बागू कल्प प्रमाण हे आयु ज्वी, थुगु प्रकारं च्वे अकनिष्ठ
 भुवनेच्वंपि देवताया शरीर दोछिगू जोजनया प्रमाणदु, दोछिगू कल्प हे
 थुमि आयु धका सीकि । आरूप्यधातु भुवने आकाशानन्त्यायतने च्चंपिनि
 नीगू २० कल्प प्रमाण आयु, बिज्ञानानन्त्यायतने पीगू ४० कल्प प्रमाण,
 आकिंचन्यायतने ह्वीगू ६० कल्प प्रमाण, नैबसंज्ञा नासंज्ञायतने चेगू ८०
 कल्प प्रमाण आयु धका सीकि । कल्पया प्रमाण क्वे कनीतिनि । संजीब १
 कालसूत्र २ संघात ३ रौरब ४ महारौरब ५ तपन ६ श्वखुगू नरके दिनरात्रि
 क्रमथे चतुर्महाराजिक आदि खुगू कामधातु भुवनेच्वंपि देवतापिगु आयु
 समानज्वी । गथेधाःसा चातुर्महाराजिक देवतापिनि दिन मनुष्यया न्येदेंया
 चछि न्हिछि थुजागु स्वसःह्वीन्हुया दछियाणा न्यासः ५०० दें आयुदु,
 संजीब रनकेच्वंपिनिनं श्वहे दिन रात्रिया प्रमाण आयुया प्रमाणनं उलिहे
 जुयाच्चन । श्वहे प्रकारं कालसूत्र नरकेच्वंपिनि त्रयस्त्रिंश भुवनेच्वंपिगु
 समान आयु जुयाच्चन । संघात नरकेच्वंपिनि यामा भुवनेच्वंपिगु समान

आयु जुयाच्चन । रौरव नरकेच्छ्वंपिनि नृषिना भुवनैच्छ्वंपिगु ममान आयु
जुयाच्चन । महारौरव नरकेच्छ्वंपिनि निर्माणरति भुवनैच्छ्वंपिगु ममान
आयु जुयाच्चन । तपन नरकेच्छ्वंपिनि परनिमित्त बशर्बति भुवनैच्छ्वंपि
देवतापिगु समान आयुदंच्चन धका सीकि । प्रतापन नरकेच्छ्वंपि मन्वयात्रायु
अन्तर कल्पया बद्धि (बागू अन्तर कल्प) आयुदु धका मीकंमा । अबोचि
नरकेच्छ्वंपि सत्वया छगू अन्तर कल्प आयु दंच्चन, नियक् योनिर्वापि नन्दोप
नन्द अभ्वतर आदि नागराजापि ताकालं जीबिका ज्वीपिनि आयुनं छगू
अन्तर कल्पदु धका धंतल । मनुष्यया लक्षिया प्रेतया न्हिछिज्वी, थ्व बवं
संख्यायाना न्यासः ५०० दं जीबिका ज्वी । आः शीतनरकया आयुर्दा
कने । नीगू २० खारीयात बाहधार्ई, खारी (सेर) थौकन्हें चेतोला ८०
यात सेर धार्ई, ह्लापा सेरया प्रमाण पीछतोला ४१ नीस्योया जम्मा तोला
च्यासःव नीतोला ८२० हामो द्वचिना थ्व हामो सद्धिदं दंबले छगरलिकया
गुलिकाल वनीबले थ्व हामो फुना वनी थुलिहे प्रमाण थ्व अबुंद नरक
बासिया आयुदु धका सीकि । थ्वया नीदुगं २० नीगूगु नरकेच्छ्वंपिनि आयुदु ।
थथेहे नीदुगं २ बहेयाना क्वेक्वेच्चंगु नरकेच्छ्वंपिनि आयुदु धका सीकि ।
कुरुद्वीप छगू तोता पूर्वबिदेह आदि द्वीपे देबलोकेनं बिचे २ नं सिनावनी,
कुरुद्वीप छगुली दोछि १००० दं पुराहे म्वाइ बिचे २ सीमखु मेमेगु द्वीपे
देबलोकेनं थ्व कनातक्व आयुया ठेकाना मदु पुरानं म्वाइ, बिचे २ नं
सिनावनेफु धका सीकि ।

नरक प्रेत तिर्यञ्चो मानुषाः षड् दिवौकसः ॥

कामधानुः सनरक द्वीपभेदेन विंशतिः ॥२९॥

नरकलोक १ प्रेतलोक २ तिर्यक्लोक ३ मनुष्यलोक ४ देबलोक
खुगू छुछुधाःसा चातुर्महाराजिक १ त्रयस्त्रिंश २ याम ३ तुषित ४ निर्माण-
रति ५ परनिमित्तबशर्बति ६ । हानं नरक च्यागू छुछुधाःसा संजीब १
कालसूत्र २ संघात ३ रौरव ४ महारौरव ५ तपन ६ प्रतापन ७ अबोचि
८ । द्वीप प्यंगू छुछुधाःसा जम्बूद्वीप १ पूर्वबिदेह २ अबरगोवानीय ३ उत्तर

कुरु ४ । भुगु प्रकारं नरक ८, द्वीप ४, देवलोक ६, प्रेत १, तिर्यक् २, जम्मां
याना नोगू २० ध्व नोगू लोकयात कामधातु धंतल ।

ऊर्ध्वं सप्त दशस्थानो रूपधातुः पृथक् पृथक् ॥

ध्यानं त्रिभूमिकं तत्र चतुर्थं त्वष्ट भूमिकम् ॥ ३० ॥

ध्व कामधातुयाकें च्वे किंहेगू १७ स्थानं संयुक्तजूगु रूपधातु धाई ।
किंहेगू लोक छुछुधाःसा ब्रह्मकायिक १ ब्रह्मपुरोहित २ महाब्रह्म ३
परित्ताभ ४ अप्रमाणाभ ५ आभास्वर ६ परित्तशुभ ७ अप्रमाणशुभ ८
शुभकृत्स्न ९ अनध्रक १० पुण्यप्रसब ११ बृहत्फल १२ अबृह १३ अतप १४
सुदृश १५ सुदर्शन १६ अकनिष्ठ १७ ध्व किंहेगूलोके छुत्ता २ छगू २ ध्याने
स्वंगू २ लोक लानाच्चन । गयेधाःसा प्रथमध्याने ब्रह्मकायिक १ ब्रह्मपुरो-
हित २ महाब्रह्म ३ लोक धका सीकि । द्वितीयध्याने परित्ताभ १ अप्रमा-
णाभ २ आभास्वर ३ । ६ लोक धका सीकि । तृतीयध्याने परित्तशुभ १
अप्रमाणशुभ २ शुभकृत्स्न ३ । ९ लोक धका सीकि । चतुर्थध्यानेजा च्यागू
भूमि संयुक्त जुयाच्चन, च्यागू भूमि छुछुधाःसा अनध्रक १ पुण्यप्रसब २
बृहत्फल ३ न्यागू शुद्धाबास कायिकलोक, अबृह ४ अतप ५ सुदृश ६
सुदर्शन ७ अकनिष्ठ ८ । ९ । १७ थुलि चतुर्थध्यानया अन्तरे किंहेगू १७
लोकस्थान लानाच्चन धका सीकि ।

आरूप्यधातु रस्थानः उपपत्त्या चतुर्विधः ॥

निकायं जीवितं चात्र निश्चिता चित्तसंततिः ॥ ३१ ॥

आरूप्यधात्वो स्थानभेद मदु, उपपत्तियाकें प्यंगू भेददु धका सीकि ।
ध्व प्यंगू छुछुधाःसा आकाशानन्त्यायतन १ बिज्ञानानन्त्यायतन २ आकि-
ञ्चन्यायतन ३ नैबसंज्ञानासंज्ञायतन (ध्वैत भवाग्र धाई) ४ थन आरूप्यधातु
भुबने निकाये थःगु शरीरया समान भाग जीबिका जुयाच्चनेगु इन्द्रिये
चित्तया संतान अर्थात् बिज्ञानया संतान आश्रय जुयाच्चन, उकें अनच्चं पि
देवलोकपिनि शरीर आबि मदु अर्थात् आरूप्यधातु भुबनेच्चं पि देवलोक-
पिनि शरीर आबि छुंमबु बिज्ञानया सन्तान मात्रदया शरीर दुगुथें कल्पना
यानाच्चन ।

मरकादि म्वनामान्ता गतयः पञ्चनगुणाः ।

अविनष्टा व्याकृता एव मन्वाख्याना नन्वा यव ॥३०॥

यव कामधातु १ रूपधातु २ आरूप्यधातु ३ म्वंगुधान्वी नरक आदि
यःथःगु नामं कनातःगु न्यागूगतिदु, छुछुधाःसा नरकगति १ प्रेतगति २
तिर्य्यक्गति ३ मनुष्यगति ४ देवगति ५ यव न्यागूगति (अविनष्टाव्या-
कृता) विलष्ट मज्जूगु व्याकरण मयाःगु जुयाच्वन । मन्वया बाम नोक् व
अन्तराभव यव गती संख्या मया, अथेयानिति गतिया संख्या घातुया म्यान
क्रमं न्यागू सिबाय अपो मदु (थन अभिधर्मकोशे न्यागू गतित्रक कंमां
महायाने बोधिचर्याबितारे दैत्यगति छगू मिलेयाना खुगू गतिदु धका घंतल,
उक्छे खुगू गति सम्फेज्वीमा) ।

चतस्रो योनयस्तत्र सत्वाना मण्डजादयः ॥३३॥

थन सत्वया अण्डज आदि प्यंगू योनिदु छुछुधाःसा अण्डज १ जरायुज
२ संस्वेदज ३ उपपादुक ४ ।

चतुर्धा नरतिर्यञ्चो नारका उपपादुकाः ॥

अन्तराभव देवाश्च प्रेता अपि जरायुजाः ॥३४॥

मनुष्यव तिर्य्यक् प्यंगू योनियाकेंनं जन्मज्वी । गथेधाःसा (अण्डजा-
ख्यचं जन्मजूह्य शैल १ उपशैल २ थुपिनिह्य क्वलखाया ख्यचं जन्मजुल ।
भृगारया मां बिशाखाया स्वीनिह्य ३२ पुत्र पंचाल राजाया न्यास ५००
ह्य पुत्रदु धाःगु न्यनागुदु) । (जरायुजा-पिलिभुना जन्मजूपिं आःसकल्लेहे
मनूत) । (स्वेदजा-चःति गन्धं जन्मजूपिं मान्धाता, चारु, उपचारु, कपोत
मालिनी, आस्रपाली थुलि आदि) । (उपपादुका-ह्लापा कल्पया आरम्भे
जन्मजूपिं मनुष्य उपपादुका जोनिं जन्म जुयाच्वन) । तिर्य्यक् गणपिनं
प्यंगू योनिं हे जन्मज्वी, गथेधाःसा (अण्डजा-फंगः, पंछि, सर्प आदि
जरायुजा-पशुत) । (संस्वेदजा-पति आदि) । (उपपादुका-बर्षाया आरंभे
कोब्बींचा आदि नागगणपिं गरुडगणपिं उपपादुका योनिं जन्मजूपिंदु ।
नरके उत्पत्तिज्वीपिं सकल्लेहे सत्व उपपादुका योनिं धका सीकि । अन्तरा-
भव (सोगु शरीरयात तोता मेगु काय्मागु शरीर काय्त मार्गे लानाच्वंपिं

बिज्ञानया सन्तान) ॥ बेबलोकपि नं उपपादुका योनिं जन्मज्वी । जरायुजा
अण्डज संस्वेदज ज्वीमखु । प्रेतगणपि जरायुजा योनिं ज्वी उपपादुक योनिं
नं जन्म ज्वी ।

मृत्यु पपत्ति भवयो रन्तरा भवतीह यः ॥

गम्यदेशाऽनुपेतत्वान् नोपपन्नोऽन्तरा भवः ॥३५॥

मृत्यु भवयाकें लिपा उत्पत्ति भवयाकें न्हापा (न्हापायागु शरीर
तोतेधुंकालि मेगु शरीर ग्रहण मयानिगुयाकें न्हापा) गुगु भव धंगु
स्थिति खः थ्वंत अन्तराभव धाई । (सिना न्हापायागु शरीर तोते धुंकल
लिपा जन्म जुया शरीर ग्रहण मयाःनिगुया बिचे लाह्यात अन्तराभव
धाई) वने मागु स्थान यात प्राप्त मजूनि उकिं थ्वंत उत्पत्ति जुल धका
धाय् मफु ।

ब्रीहि सन्तान साधर्म्या दविच्छिन्न भवोद्भवः ॥

प्रतिबिम्बं अमिद्धत्वात् अमाम्याच्चाऽर्जनिदर्शनम् ॥३६॥

ब्रीहिया संतानं गथे तुते मज्वीक दंच्वनी (अर्थात् वा, छो, आदि
ब्रीहि पुसा पिना माबुयावं, तम्मा ज्वी, फल सें, पुसासतुं खारा ज्वी)
थ्वयेंतुं भव उत्पत्तिनं तुतेमज्वीकसतुं दय्मागु खः । बिचे संतान छुटे जुल
धाःसा थ्वया थ्व उत्पत्ति धका धाय् फैमखु । सुंगुह्यं आचार्य्यपिसं
धालकि गुगु प्रकारंजा प्रतिबिम्ब (न्हेकने छाया दुने खनेदैगु) मूर्ति वन्हेकं
थ्व निगूया संतानं सम्बन्ध मजूसानं उत्पत्तिज्वी, थ्वयेंतुं सीगु शरीर व
उत्पत्ति ज्वीगु शरीरयानं अन्तराभव संतान संबंधया अपेक्षा दैमखु ।
थ्व थन प्रतिबिम्बया दृष्टान्तरूपं ग्रहणयाय् फैमखु, गुगुयाकेंजा बर्ण
सहितजुया च्वंगुया जक प्रतिबिम्बदै बर्ण मदुगु बिज्ञान संतानया प्रति-
बिम्ब दैमखुनिगु साध्य उदाहरणया साम्यनं मदु ।

सहैकत्र द्वयाभावात् निस्सं तानात् द्विहेतुजात् ॥

कण्ठोक्ते श्वास्ति गन्धर्वः पञ्चोक्तेर्गति सूत्रतः ॥३७॥

छगूक्षणे बिम्ब व प्रतिबिम्ब निगूया अपेक्षायात थ्व हानं मृत्युया
क्षणेच्वंगु बिज्ञानव शरीर उत्पत्तिज्वीगु क्षणेच्वंगु बिज्ञानया न्हापा व लिपा

जूयानिति यथेज्वी फंसख । छगूकाले छगूग्रंथामे निगूया प्रमात्र बगुलि
(अर्थात् निगुलि छथासं मदुयानिति) प्रतिबिम्बया उदाहरणं छंय्यमे मव.
बिम्बया प्रतिबिम्ब संताननं मख, उकेंनं हे थ्व उदाहरणं दोषदु । न्नेकं व
बिम्ब थ्व निगूया कारणं प्रतिबिम्ब उत्पत्ति ज्वा, थकी प्रधानगु न्नेक
भव उत्पत्ति ज्वीगुलीजा छगूहे जक कारण छगूक्षणं चवनी मृत्पुम्यनि
जूसानं अथवा उत्पत्तिस्थिति जूमानं । थये प्रतिबिम्बया मिद्वान्न दोष
दुगु खने दुयानिति मृत्यु व उत्पत्तिया बिचे अन्तराभवदु घंगु म्वाकारहे
याय्मा । थःगु कण्ठनं भगवानं न्हेगू ७ भवदु धका आज्ञादय्का विज्यान.
छुछुधाःसा नरक १ तिर्यक्योनि २ प्रेत ३ देव ४ मनुष्य ५ कर्म ६ अन्तरा
भव ७ थुकेंनं अन्तराभवदु धका सीकेमा । थ्व अन्तराभवयान गन्धर्वनं
धाई । सूत्रे न्यागूजक कंसानं अन्तराभव सिद्धज्वी । गयेधाःसा अन्तरा
परिनिर्वायी उपपद्य परिनिर्वायी अनभिसंस्कार परिनिर्वायी साभिसंस्कार
परिनिर्वायी उर्ध्वस्रोता । थुलि मध्ये न्हापां थन अन्तराभव निर्वायी खने
दुगुलि अन्तराभव साधनज्वी, गतिसूत्रे भगवानं न्हेगू ७ महापुरुषया गति
आज्ञा दय्कल । थन अन्तरा परिनिर्वायी घंहा आयु प्रमाण फुसैलि
लिपा अथवा देव समीपया अन्तरे गुह्यसंक्लेश फुकं वंत अन्तरा परि-
निर्वायी धाई । थुकेंनं अन्तराभव छगू दहेदु धका स्वीकार याय्मा ।

एकक्षेपाद सावैष्य त्पूर्वकाल भवाकृतिः ॥

सःपुन मरणत्पूर्वं उपपत्ति क्षणात्परः ॥३॥

थ्व अन्तराभव सत्त्व घंहा छगू थुगुजन्म तोतेधुनेव अर्थात् सिसैलि
ह्लापा म्वाना चवनाबलेसिगु छु शरीर खः वहे शरीर घंगु इच्छायाई, थ्व
हानं गुथाय्तक धाःसा मेगु भवग्रहण मयातलेज्वी । (अर्थात् थुगु जन्मे
सिनावंहा अन्तराभव सत्त्व मेगु जन्म मकातले ह्लापा जन्मयागु रूपसतुं
धका वया मती जुयाचवनी) । थ्व अन्तराभव सत्त्वं थःगु समानजाती
मेमेपिं अन्तराभव सत्त्वपित शुद्ध विम्यचक्षुं बांलाक खनाचवनी कर्मया
श्रद्धिबल बेगं संयुक्तज्वी उगु बखते व सकतां इन्द्रियं संयुक्तह्यथेज्वी ५.२-

स्पर्श द्वेषभाव दंमखु, धनुकं केका छोयागु बाणथे व मार्गं लिहा वेफंमख
गन्धजक आहार याइहज्जी उकिं ध्वंत गन्धबं धका नां छुनातल । भोग
याय्गु तृष्णां बिरुद्ध बुद्धिजुया रमण याय्गु इच्छायाणा मेगु गती जन्म
ज्वनी । गन्ध इच्छायाह्य स्वेदज सत्वजुया जन्मज्वी । स्थान इच्छायाह्य
उपपादुक सत्वजुया जन्मज्वी । गुगु २ इच्छायात उगु २ शरीरजुया जन्म
ज्वी । नरके जन्म ज्वनीपि सत्व तुतिच्चे क्षं ब्वेलाना नरके पतनज्वी ।

सम्प्रजानन् विशत्येक स्तिष्ठत्य प्यपरोक्षरः ॥

निष्कामत्यपि सर्वाणि मूढोहि नित्यमण्डजः ॥३९॥

चक्रबर्ति राजा बांलाक थमं बुफेजुया मांया गर्भे च्वंवनी । प्रत्येक
बुद्ध बांलाक थमं बुफेजुया गर्भे च्वंवनी, गर्भे च्वंचवनानं जि गर्भे च्वंचवना
धंगु बुफेजुया च्वनी । सम्यक्संबुद्ध भगवान बांलाक थमं बुफेजुया जि
फलानाह्यस्यागु गर्भे च्वं वने धका गर्भे च्वंवनी, गर्भे च्वनानं जि गर्भे
च्वंचवना धंगु बांलाक बुफेजुया च्वनी । गर्भं पिहांवया जन्म ज्वीबलेनं
आः जि गर्भं छुटेजुया जन्म ज्वने धंगु मतीतया बांलाक सम्फेजुया जन्म
जुया बिज्याइ । थये गर्भे च्वनीगुया स्वता प्रकारया भेददु । चक्रबर्ति
राजाया अनेक जन्मजन्मान्तरे भिगु कर्मयाःगुलि शुद्ध जुया ज्ञानपूर्वक
गर्भे च्वंवनी । १। प्रत्येक बुद्धया अनेकजन्मे अभ्यासयागु ज्ञान शुद्धजूगुलि
गर्भे च्वंवनीबले व गर्भे च्वंचवनीबलेनं ज्ञानं बुफेजुया च्वनी । सम्यक्सं-
बुद्धया अनेक जन्मजन्मान्तरे आपालं भिगु कर्मयाःगु ज्ञाने अभ्यास
याःगुलि शुद्ध जूयानिति गर्भे च्वंवनेत गर्भे च्वंचवनीबलेनं गर्भं छुटेजुया
जन्मज्वीबलेनं ज्ञान पूर्वक बांलाक सियाच्वनी छुंहे गनंहे भुले ज्वीमखु ।
अण्डज सत्वया स्वंगू अबस्थासं छुंहे सीमखु मूढज्वी । थन एव सत्वधंहा
या आत्मा धंगु छुं छगू नित्यगु सदां स्थिरगु गुजागु स्वरूपखः अथेहे
सदां च्वनीगु बदले जुया वनीमखुगु नाशज्वी मखुगु धर्म छु पदार्थहे
दुगुमखु । क्लेश व कर्म बनेजुयाच्वंगु पञ्चस्कन्ध (रूपस्कन्ध १ बेवना-
स्कन्ध २ संज्ञास्कन्ध ३ संस्कारस्कन्ध ४ विज्ञानस्कन्ध ५) एव न्यागू

स्कन्धमात्र जवः ॥ ५॥ पञ्चस्कन्ध अग्नराभवाया अग्नानकम नभं प्रवेज
ज्वी, क्षण २ पत्तिवं उत्पत्तिजमानं नागजमानं अर्धान् बीमा बुमा ॥ ५॥
पञ्चस्कन्ध नाशज्वी, ५॥ पञ्चस्कन्ध जक उत्पत्तिज्वी । गंधेप्राःमा मन
सीगु हानं च्यादगुथे जकज्वी आत्मा दुगुमखु उकंहे नंराग्यबादी भगवान् ।
५॥ पञ्चस्कन्ध कर्मया अनुसारं क्रमथे क्लेश व कर्म बहंहुया वया ५॥
स्कन्धया सन्तान छगू शरीर तोता थ्व आदि मदुगु भवचक्रं हानं परमोक्त
वना गर्भेच्चवना क्रमथे कलल आदि बनेजुया जन्मज्वी ।

थुक्ति खं अभिधर्मकोश याग ।

नात्मास्ति स्कन्धमात्रं तु कर्मक्लेशाभि संस्कृत ॥

अन्तराभव सन्तत्या कुक्षिमेति प्रदीपवत् ॥ ४० ॥

ययाक्षेपं क्रमाद्वृद्धः सन्तानः क्लेशकर्मभिः ॥

परलोकं पुनर्यातीत्यनादि भवचक्रकम् ॥ ४१ ॥

आः थन सम्बरोदय तन्त्रयागु खं कनेत्यना

मनुष्यगणपिसं मायोपम समाधि मस्यू आदिकाल मदुगु क्लेशया
बासना बलवान् जुया थुकिं पूर्वजन्मे यानागु कर्मया फलं जन्ममरण
ज्वीमाला उत्पत्ति ज्वी । सामाग्री प्राप्त मज्जतले न्हेन्हु ७ तक अन्तराभव
सत्वजुया बायु समान जुयाच्चवनी । अन्तराभव सत्वया देशान्तर वनीह्यथे
कथंचित् कर्मरूपी खिपतं साला यंका षट्गति जन्म जूवनी मां-बौ आदिया
संयोगं संसारे जन्मज्वी । अत्यन्त तःचोगु आनन्दं सुखमार्गे प्रवेशजुया
सल गय्गु ज्ञानथे बायु गय्गु ज्ञानथे तत्कालनं वया मुहूर्त्त क्षणमात्रं न्हेनिबो
७२००० पु नाडिच्चेका उगु क्षणेहे परम आनन्द प्राप्तजुया आलिकाति
द्रवजुगु बौयागु शुक्र मांयागु रक्तया मध्ये बिन्दु (फुति) रूप जुयाच्चवनी ।
थ्व बिन्दु लक्षितक कलल (शुक्र रक्त त्वाकज्याना) लाःथेच्चवना जुलु २
च्चंचवनी । निलादय्वा अर्बुद [प्वी] ज्वी । स्वलादय्वा पेशी [पांय] ज्वी ।
प्यलादय्वा घन [करा] ज्वी । न्यालावुगु बीज शाखा [कचा] वला बायुं
प्रेरणयाना मत्स्याकार [न्याया आकार] जुया न्याकचा [लाहा निकचा
२ तुति निकचा २।४ क्षो छकचा १।५] बली । खुलादय्वा लाहा, तुति,

हवाः उत्पत्तिज्वी । न्हेलादय्ब सें, चिमिसें, लुसिया चिह्न उत्पत्तिज्वी ।
 च्यालादय्ब इन्द्रिय, रूप, व्यञ्जन सीदें । गुलादय्ब सकतां अङ्ग पुरेज्वी ।
 फ़िलादय्ब चेतना दया जन्मज्वी । शुक्र व रक्त त्वाकज्याना लाःथेंच्वंगु
 अक्षोभ्य तथागतया रूप धका सीकि, प्वीचिगु रत्नसंभब तथागतया रूप
 धका सीकि । पांय्चिगु अमिताभ तथागतया रूप धका सीकि । छाना
 कराजूगु अमोघसिद्धि तथागतया रूप धका सीकि । न्याकचा छुटेजूगु बैरो-
 चन तथागतया रूप धका सीकि । मूत्र व रक्तया रूप अक्षोभ्य तथागत ।
 शुक्रया रूप अमिताभ तथागत । पिण्ड (ग्वारा) मात्रया रूप रत्नसंभब
 तथागत । त्वाकज्यागु रूप बैरोचन तथागत जुयाच्वन धका सीकि ।
 योनिया मध्ये जवे खवे निपु नाडिदु, खवे शुक्रनाडी धका सीकि । जवे
 रक्तनाडि धकासीकि । थ्व निपु नाडिनं छपुजुया मिलेजूगु धर्मधातु स्वभाव
 धका सीकि । कर्म बीजया बशं प्राप्तजुया बायुं प्रेरण यानायंका धर्मोदया
 (योनि) द्वारया न्ह्योनेयना उगुमार्गं गर्भे प्रवेशज्वी । गर्भे प्वाथे जःपाखे
 च्वना उत्कुटक आसनयाना अर्थात् पुतुंच्वना लाहातुति पोचिना मांयाल्यूने
 स्वंच्वनधाःसा पुरुषज्वी, देपापाखे च्वनधाःसा स्त्रीज्वी । अथेयानितिं
 बीजधारण याइगु बखते बुद्धिमान्पिसं मुहूर्त्तं बिचारयाना स्वेमा । जवे
 बायु बहेजूसा सदाकालं पुरुषज्वी, खवे बायु बहेजूसा निश्चयनं स्त्रीज्वी,
 थ्व निगूया दथ्वीलाःगु बीज सदाकालं नपुंसकज्वी । अग्धातु (लः) बौयाकें
 दुगु धका सीकि । तेजोधातु (अग्नि) मांयाकें दुगु धका सीकि । क्षंगु, ला,
 हि, मांयाकें उत्पत्तिज्वीगु धका धंतल । सेंप्वा, स्यो, शुक्र, बौयाकें उत्पत्ति
 ज्वीगु धका धंतल । थुगु प्रकारं थ्व बज्रसत्वया बचनथें खुगुकोश देंच्वंगु
 ग्वारा शरीर धका सीकि । रूप, बेदना, संज्ञा, संस्कार, बिज्ञान थ्व पञ्च-
 स्कन्ध उत्पत्तिजूगु पञ्चबुद्धया स्वभावधका निश्चय सीकि । थुलि पञ्चस्कन्ध
 सीकेगु ज्ञान तत्वबादी भगवानं आज्ञादय्का बिज्यात । थ्व जन्मउत्पत्ति
 क्रम सीकागुलि सम्यक्संबुद्ध भगवानया पदवी प्राप्तज्वी ।

आः थन करवीर नन्त्रयागु र्व कनन्तना

आः थन अन्तराभब गती प्रवेशज्वीगु स्वन्त्रागु अर्थय्य । आबलाआदि
 षडायतन पर्यन्तं अन्तराभब धंहा सत्व छगूथामे च्वना म्बंगुनांके म्बया
 स्त्रीपुरुषया रतियाना च्वंगु खनी । थनंलि ह्लापा जन्मे यानावयागु कर्म
 प्रेरणयाना गुगुजाती जन्मज्वी मालीगु छः उगुजातीया स्त्रीपुरुषापिनि
 रतियानाच्वंगु खना वया अमिके स्पर्शयाय्गु अत्यन्त इच्छा उत्पन्नज्वी ।
 अबले यदि व पुरुष ज्वीह्मजूसा थःगु आत्मा पुरुषया आकार खनी । मां
 ज्वीह्मसिके अत्यन्त अनुरागज्वी । बौ ज्वीह्मसिके अत्यन्त द्वेषभावज्वी ।
 राग व द्वेषं सुखदुःख बेदनाज्वी, थनंलि थ्वया आः छुयाना थ्व मिसानाप
 रमणयाय् धंगु मति चितनायाना अदुःख असुख बेदना (अनुभव) याकें
 ब्यामोह (मोह) ज्वी । थनंलि पूर्वजन्मयागु कर्मरूपी बायुं प्रेरणयाना महा-
 तृष्णाजूगुलि थ्व मिसानाप रमणयाय् धका मतीलुया थये चितना याई
 स्वकष्टं सुगुम्ह पुरुषं जि स्त्रीयात कामयात धंगु मतीवया थ्व मांज्वीह्म
 थःकला धंगु मतीजुया वया थ्व बौ ज्वीह्मसिके अत्यन्त क्रोध उत्पत्तिबुया
 थ्वंत स्याहेस्याय् धका मतीतया नौ तिसिवंथें बौ ज्वीह्मसिगु क्षयले क्मते
 याना शिरयागु मार्गं प्रवेशजुया वहे शुक्रेच्वंगु चित्त अधिष्ठानयाना मां
 ज्वीह्मनाप कामयाना धंगु थःगु आत्मा खनी, सुखया कारण ग्रहण याई ।
 थनंलि शुक्रनाप समरसजुया मिलेजुया महारागं अबधूति नाडि क्वहांवया
 बौयागु बज्र (लिंगं) पिहांवया मांयागु पद्य (योनि) या प्वालेच्वंगु
 बज्रधात्वोभ्वरी नाडिवना प्वाये मन्मनाडी च्वंवनी । शुक्र क्षरण (पतन)
 जूगुली अन्तरे लाःगुथेंजुया अले व भबधंगु गर्भे बासलाई । थनंलि थ्व
 क्मर्थे कलल आदि बनेजुया गुला-फिला दय्ब गुगुलें दुहां वनागु छः वहेलें
 पिहांवया जन्मज्वी । यदि अथवा मिसाज्वीह्म जूसा बौ ज्वीह्मसिके अनु-
 रागज्वी, मां ज्वीह्मसिके द्वेषभावज्वी । थःगु आत्मा स्त्रीयागु रूपखनी मां
 ज्वीह्मसिगु शिरया मार्गं प्रवेशजुया पद्य पतनजुया शुक्रनाप मिसेजुया
 वंगुहे जन्मनाडी च्वंवनी । थनंलि ह्लापाथेंतुं महिना पुरेज्वीव जन्मज्वी ।

थथे थुगु प्रकारं अबिद्या आदियाकें लोक उत्पत्तिज्वी । लोक धंपि बंच-
स्कन्ध मात्रहे जक ध्वनं दुःख संसारिक पञ्चस्कन्ध आत्मा दुगुमखु ।

एव खँ करबोर तन्त्रयागु ।

आः हानं थन अभिधर्मकोशयागु खँ कनेत्यना

कामराग तृष्णायांना भबचक्र दैचवन अथेयानिति गुबलेतक काम
राग तृष्णा दैचवनी उबलेतक भबचक्र दुःखमय संसार दैहेचवनी, गुबले
कामराग तृष्णामंत उबले भबया पुसा मदुयानिति भवचक्रे जन्मज्वी
मालीमखु, जन्मज्वी स्वासेलि दुःखया भुक्तमान यादमाली मखु थथेधका
सीका संसारिक दुःखं छुटेजुया वनेगु इच्छायागहं कामराग तृष्णा
आदि फुकेगु स्व ।

स प्रतीत्य समुत्पादो द्वादशाङ्गः स्त्रिकाण्डकः ॥

पूर्वापरान्तयो द्वौ द्वौ मध्येऽष्टौ परिपूरणाः ॥४२॥

आः थन अबिद्या आदि द्वादशाङ्ग प्रतीत्य समुत्पादया खँ बांलाक
कनेत्यना । ध्वहे भबचक्ररूप जुयाचवंगु प्रतीत्य समुत्पाद [अर्थात् भबचक्र
धंगु ध्व संसार चक्रस्वरूप जुयाचवंगु ध्वतहे प्रतीत्य समुत्पाद धाई] ध्व
प्रतीत्य समुत्पाद किनिगू अङ्ग संयुक्तजुया स्वंगूकाण्ड दैचवन, उकें ध्वत
द्वादशाङ्ग प्रतीत्य समुत्पाद धंतल । किनिगू अङ्ग छुछुधाःसा—अबिद्या १
संस्कार २ बिज्ञान ३ नामरूप ४ षडायतन ५ स्पर्श ६ बेदना ७ तृष्णा ८
उपादान ९ भव १० जाति ११ जरामरण १२ । ध्व किनिगुली न्हापांयागु
भाग अबिद्या १ संस्कार २ ध्व निगू अङ्ग जुयाचवन । मध्ययागु भाग
बिज्ञान १ नामरूप २ षडायतन ३ स्पर्श ४ बेदना ५ तृष्णा ६ उपादान ७
भव ८ ध्व व्यागूअङ्ग जुयाचवन । लिपायागु भाग जाति १ जरामरण २
ध्व निगूअङ्ग जुयाचवन, ध्वकि न्हापायागु निगू पूर्वजन्मयागु बिषय जुया-
चवन । वप्पीचवंगु व्यागू आः ध्व जन्मयागु बिषय जुयाचवन । लिपायागु
निगू लिपा जन्मेवंगु बिषय जुयाचवन । बबे स्वंगूकाण्ड [भाग] या बेद
बांलाक सीकेमा । पूर्वजन्मयागु राग आदिया अबस्थायात अबिद्या धाई.

गन अबिद्यावत अन राजा वंधाय् प्रजात ल्यूल्युवंधे सकतां क्लेश ल्यूल्यु
 वनी । १। पूर्वजन्मयागु कर्मया अबस्थायात संस्कार धाई । २। उत्पत्तिज्वीगु
 क्षणे योनीवंगु पञ्चस्कन्धयात बिज्ञान धाई । ३। षडायतन उत्पत्तिज्वीगु
 सिकंया न्ह्यो योनीवसेलि लिपायागु पञ्चस्कन्धयात नामरूप धाई । ४।
 षट् इन्द्रिययात षडायतन धाई । ५। इन्द्रिय १, विषय २, बिज्ञान ३, श्व
 स्वंगुलो मिलेज्वीगुयात स्पर्श धाई । ६। सुख-दुःख आदिया अनुभव ज्वीगु
 यात बेदना धाई । ७। भोगयाय्गु मंथुन आदि याय्गुली राग दुगुयात तृष्णा
 धाई । ८। भोगयाय्गु लाभ दय्केयानिति जत्नयाना सनाज्वीगुयात उपा-
 दान धाई । ९। लिपायागु भवफल संसारे जन्मज्वी मालीगु कर्मयाई थ्वंत
 भव धाई । १०। सिनावसेलि लिपा हानं जन्मज्वीगुयात जाति धाई । ११।
 जन्म जुसेनिसे आरम्भयाना गुलितक बेदना ज्वीगु अर्यात् बुढा ज्वीगु सीगु
 थ्वंत जरामरण धाई । १२। श्व द्वादशाङ्ग प्रतीत्य समुत्पादया खं बांलाक
 खले ज्वीक शालिस्तम्ब सूत्रे धैतःगु दु । गथेधाःसा—मंत्रेय बोधिसत्व
 महासत्वं आयुष्मान् शारिपुत्रयात थुगु प्रकारं आज्ञादय्कल, हे शारिपुत्र!
 भगवान् धर्मयास्वामि सर्वज्ञं थथे आज्ञादय्का विज्वागुदु गुह्यं भिक्षुं प्रतीत्य
 समुत्पाद खनी वं धर्म खनी, गुह्यसे धर्म खनी वं बुद्ध खनी । थन प्रतीत्य
 समुत्पाद धंगु छुछुधाःसा—अबिद्या प्रत्ययजूगुलि १ संस्कार दत (अर्यात्
 अबिद्यायाके संस्कार दत) २ संस्कार प्रत्ययजूगुलि बिज्ञान दत ३ बिज्ञान
 प्रत्ययजूगुलि नामरूप दत ४ नामरूप प्रत्ययजूगुलि षडायतन दत ५ षडा-
 यतन प्रत्ययजूगुलि स्पर्श दत ६ स्पर्श प्रत्ययजूगुलि बेदना दत ७ बेदना
 प्रत्ययजूगुलि तृष्णा दत ८ तृष्णा प्रत्ययजूगुलि उपादान दत ९ उपादान
 प्रत्ययजूगुलि भव दत १० भव प्रत्ययजूगुलि जाति दत ११ जाति प्रत्यय-
 जूगुलि जरामरण शोक परिदेव दुःख दौर्मनस्य उपायास दत १२। थुगु
 प्रकारं थुकेनं तच्छोगु दुःखया समूह उत्पत्तिजुया देवल । आः थन अबिद्या
 १ निरोधजूसा संस्कार २ निरोधज्वी (अर्यात् अबिद्या नाशजुया मंतघाय्
 संस्कार नाशजुया मदंवनी) संस्कार निरोध जुसेलि बिज्ञान निरोधज्वी ३

बिज्ञान निरोध जुसेलि नामरूप निरोधज्वी ४ नामरूप निरोध जुसेलि
 षडायतन निरोधज्वी ५ षडायतन निरोध जुसेलि स्पर्श निरोधज्वी ६ स्पर्श
 निरोध जुसेलि बेदना निरोधज्वी ७ बेदना निरोध जुसेलि तृष्णा निरोध
 ज्वी ८ तृष्णा निरोध जुसेलि उपादान निरोधज्वी ९ उपादान निरोध
 जुसेलि भव निरोधज्वी १० भव निरोध जुसेलि जाति निरोधज्वी ११
 जाति निरोध जुसेलि जरामरण शोक परिदेव दुःख दौर्मनस्य उपायास
 निरोधजुया मदवनी १२। थुगु प्रकारं थ्व तच्चोगु दुःखया समूह सकतां
 निरोधजुया नाशजुया वनी थ्वंत धाई प्रतीत्य समुत्पाद (प्रतीत्य समुत्पाद
 धंगु छगुली लगेजुया उकिं मेगु उत्पत्ति जुयावंगु) 'थ्व प्रतीत्य समुत्पादया
 फिनिगु अङ्गदु, थ्व फिनिगुली त्रिकाण्ड धंगु स्वंगु भागदु। गुह्यसें थ्व
 प्रतीत्य समुत्पाद सदाकालं जीवमदुगु यथावत् गथेच्वन अथेहेसतुं बिपरित
 जुया छुं बिकार ज्वीमखुगु उत्पत्ति मज्जुगु मदुगु सुनानं दय्कातःगु मखुगु
 द्वेषमदुगु छुकीसं तकीगु मखुगु मङ्गलगु भयमदुगु पवीमखुगु फुनावनी
 मखुगु स्वभाव जुयाच्चंगु खनी वं धर्म खनी। गुह्यसें थुगु प्रकारं सदासर्व-
 कालं नाशजुया फुना वनीमखुगु धर्म खनी वं ज्वरामदुगु धर्मया शरीरह्य
 बुद्ध भगवान्यात खनी।

आः थन द्वादशाङ्ग प्रतीत्य समुत्पादया खँ बिस्तारं कने। ह्यापां
 अबिद्या धंगु छुधाःसा थ्वहे खुगु धातुया छगूहे संज्ञायाय्गु, छग्वारा संज्ञा
 याय्गु, नित्यगु संज्ञायाय्गु, निश्चयहे दुधंगु संज्ञायाय्गु, नाश ज्वीमखुगु
 सदादंगु संज्ञायाय्गु, सुख संज्ञायाय्गु, आत्मा संज्ञायाय्गु, सत्त्व संज्ञायाय्गु,
 जीव संज्ञायाय्गु, जन्तु संज्ञायाय्गु, मनुष्य संज्ञायाय्गु, मानव संज्ञायाय्गु,
 जि जिगुधंगु संज्ञायाय्गु थुलि आदिं नानाप्रकारया अज्ञानयात अबिद्या
 घंतल। अबिद्या धंगु पूर्व जन्मयागु राग आदिं क्लेशया अबस्था धका
 सीकि। १। थये अबिद्या दसेलि बिषय राग, द्वेष, मोहदं थ्व राग, द्वेष,
 मोह बिषये लगेजुया कर्म बनेज्जुगु थ्वंत संस्कार धाई। २। थ्व क्लेश व
 कर्मयाना उत्पत्तिज्जुगु अबस्थास योनीवंगु पञ्चस्कन्धयात बिज्ञान धाई

(अर्थात् क्लेशयाना कर्मदत्त कर्मया अनुसारं ज्ञान वगुयात बिज्ञान धाई । ३ ।
 थ्व बिज्ञानयाकें नाना प्रकारया नाम दत्त रूप दत्त थ्वन नामरूप धाई) । ४ ।
 थ्व नामरूपयाकें षडायतन धंगु खुगू इन्द्रिय चक्षु १ श्रोत २ घ्राण ३ जिह्वा
 ४ काय ५ मन ६ उत्पत्ति जुल थ्वंत षडायतन धाई । ५ । थ्व खुगू इन्द्रिय
 खुगू बिषये खुगू ज्ञानं सहित लगेजगुयात स्पर्श धाई (अर्थात् मिश्रां रूप
 खना ज्ञानं बुद्धेज्वीगु १ न्हेपनं शब्दताया ज्ञानं बुद्धेज्वीगु २ ह्लासं ननाया
 ज्ञानं बुद्धेज्वीगु ३ म्ये रसकया ज्ञानं बुद्धेज्वीगु ४ शरीरं थियाम्बया ज्ञानं
 ज्वीगु ५ मनं धर्म (संसारिक) चित्तनायाना ज्ञानं बुद्धेज्वीगु) ६ थ्वंत स्पर्श
 धाई । ६ । जब स्पर्श जुसेलि बेदनादै अर्थात् मिश्रां रूपस्वया, न्हेपनं शब्द
 न्यना, ह्लासं ननुना, म्ये सवाकया, शरीरं थियास्वया, मनं चिन्तना याना
 लि बांला-बांमला, साः-मसाः, यो-मयो, क्वाचु-नायु धंगु ज्ञानं बुद्धेजगुलि
 स्वता प्रकारया बेदना उत्पत्तिज्वी, छुछुधाःसा-दुःखबेदना दुःख सम्भे-
 ज्वीगु १ सुखबेदना सुख सम्भेज्वीगु २ अदुःख असुख दुःखंमदुगु सुखंमदुगु
 ३ थ्वंत बेदना धाई । ७ । थ्व बेदनायाकें वहे वस्तु लाय्धका इच्छा जुयावें
 थ्वंत तृष्णा धाई । ८ । तृष्णायाकें वहे तृष्णावगु बस्तु लाय्धका गुलि तत्पर
 जुया जत्तयाना ब्वाँब्वाँज्वीगु थ्वंत उपादान धाई । ९ । थ्व उपादानं याना
 लिपा हानं संसारफल सैकै अर्थात् थ्व उपादानयाफलं हानं संसार दय्केत
 योनी वनी थ्वंत भव धाई । १० । योनीवसेलि पञ्चस्कन्धया उत्पत्ति जन्म
 ज्वी थ्वंत जाति धाई । ११ । जन्म जुसेलि पञ्चस्कन्ध परिपाक ज्वीगु
 बुढाज्वी थ्वंत जरा धाई बुढा जुसेलि सिनावनी थ्वंत मरण धाई उगु
 बखते शोक बिलाप दुःख दुर्मन मनहारे ज्वीगु आदिज्वी थ्वंत जरामरण
 धाई । १२ । अबिद्यां १ (क्लेशं) याना संस्कार २ (कर्म) दत्त संस्कार-
 याकें बिज्ञान दत्त ३ बिज्ञानयाकें नामरूप दत्त ४ नामरूपयाकें षडायतन
 (खुगू इन्द्रिय दत्त) ५ षडायतनयाकें रूप आदि खुगू बिषये लगेज्वीगु
 स्पर्श दत्त ६ स्पर्श दसेलि बेदना दत्त ७ बेदना दसेलि तृष्णा दत्त ८ तृष्णा
 जुसेलि वहेबस्तु कायगुली तत्परजगु उपादान दत्त ९ उपादानयाकें हानं

भव बत १० भव बसेलि जन्म जुल ११ जन्मजुसेलि बुढाज्वीगु मृत्युज्वीगु
जरामरण बत १२ । थ्व संसारचक्र बनेजुया छ्वंगुया क्रम थये । थुकिंयाना
थुगु प्रकारं थ्व केबल तच्चोगु दुःखया समूह उत्पत्ति जुयावल । आः थ्व
संसारचक्र मदय्केगु निरोधया क्रमकने । गथेधाःसा-अबिद्या १ मंतधाय्व
संस्कार दंमखु २ कर्म मदुसेलि बिज्ञान दंमखु ३ बिज्ञान मदुसेलि नामरूप
दंमखु ४ नामरूप मदुसेलि षडायतन दंमखु ५ खुगू इन्द्रिय मदुसेलि स्पर्श
दंमखु (अर्थात् मिखा मदुसेलि स्वेगु दंमखु न्हेपं मदुसेलि न्यनेगु दंमखु
ह्लाप् मदुसेलि नतुनेगु दंमखु म्ये मदुसेलि सवाकाय्गु दंमखु शरीर मदुसेलि
थियास्वेगु दंमखु चित्त मदुसेलि संसारिक बिषय बस्तू छुं दंमखु) ६ स्पर्श
मदुसेलि बेदना दंमखु ज्वीमखु ७ बेदना मदुसेलि तृष्णा ज्वीमखु ८ तृष्णा
मजुसेलि बस्तू काय्धंगु ललाच दंमखु ९ उपादान मदुसेलि योनी वनीमखु
१० योनी मवसेलि जन्मज्वी मालीमखु ११ जन्मज्वी म्वासेलि जरामरण
बुढाज्वीगु मृत्युज्वीगु शोक बिलाप दुःख दुर्मन खेद थुपि छुंहे दंमखु १२ ।
थुगु प्रकारं थ्व तच्चोगु दुःखया समूह सकतां निरोधजुया नाशजुया वनी ।
थ्व सकतां दैवगुया कारण मुख्यगु अबिद्या अज्ञानं याना बनेजुगु अबि-
द्यास ज्ञाना ज्ञान मदुगुलि थ्व संसारे सकतां बस्तूदु आत्मादु जीबदु धंगु
आदि संज्ञायाःगुलि संसारचक्र दया जन्ममरणजुया दुःख भावीजुगु पर-
मार्थं बिचार याय्बले आत्मा धंगु आदि च्वेकनागु प्रकारया बस्तू सकतां
छुंहे दुगुमखु ।

थन आत्मा आदि मदुगुया व्याख्यानयाये । यदि थ्व आत्मानित्य अबि-
नाशी सबंब्यापक जुयाच्चवंह्य दुसा थ्व आत्मां सदाकालं सकतां बुक्केजुया
च्वनेमाःगुखः, थये सदां थ्व आत्मां बुक्केजुया मच्चं मेगु छुं छगू प्रत्ययजुया
जक छनाच्वन उक्के आत्मा धंगु मदु । गथेधाःसा थ्व शरीरे षडायतन (षट्
इन्द्रिय) छुछुधाःसा चक्षु [मिखा] १ श्रोत [न्हेपं] २ घ्राण [ह्लाप्] ३
जिह्वा [म्ये] ४ काय [ह्य] ५ मन ६ थ्व खुगू आयतनयात अध्यात्म धाई ।
खुगूबिषय रूप १ शब्द [सोर] २ गन्ध [बासना] ३ रस ४ स्पर्श ५ धर्म

(संसारिक) ध्व द्रुगु विषययान बहिर्भा धाई । ध्व निमांयाना किनिगु १२
यात द्वावशायतन धाई । मिखां रगखना बेदना ज्वीगुयान अश्रु संस्पशंजा
प्रत्ययबेदना धाई १ न्हेपनं शब्दनाया बेदना ज्वीगुयान श्रोत्र संस्पशंजा
प्रत्ययबेदना धाई २ न्हासं बामनाया बेदना ज्वीगुयान घ्राण संस्पशंजा
प्रत्ययबेदना धाई ३ म्ये रसकया बेदना ज्वीगुयान जिह्वा संस्पशंजा प्रत्यय
बेदना धाई ४ शरीरं थिया बेदना ज्वीगुयान काय संस्पशंजा प्रत्ययबेदना
धाई ५ मनं धर्म चितनायाना बेदना ज्वीगुयान मन संस्पशंजा प्रत्ययबेदना
धाई ६ । थुलि चक्षु १ श्रोत्र २ घ्राण ३ जिह्वा ४ काय ५ मन ६ रूप ७
शब्द ८ गन्ध ९ रस १० स्पर्श ११ धर्म १२ चक्षु संस्पशंजा प्रत्ययबेदना १३
श्रोत्र संस्पशंजा प्रत्ययबेदना १४ घ्राण संस्पशंजा प्रत्ययबेदना १५ जिह्वा
संस्पशंजा प्रत्ययबेदना १६ काय संस्पशंजा प्रत्ययबेदना १७ मन संस्पशंजा
प्रत्ययबेदना १८ थुलि किच्यागूयात अष्टादश धातु धाई । संस्पशंजा
प्रत्ययबेदना धंगु विषय वस्तूली इन्द्रियया व्यापारजुया उकें उथेजुया वःगु
दुःख १ अदुःख २ अदुःख असुख ३ । रूपयात मिखांखनी रूप मदुसा मिखां
छुखनी रूप मदंगु बखते मिखा मदुगु जुल १ हानं रूपदया मिखां खंसां
तबि चित्तमवंसे ज्ञानं विचार मयाय्व मिखा अन्धाज्वी (अर्थात् मन मवं-
नीगु बखते रूप खंसां मिखां मखं, मचाः) अथेनं मिखा मदुगु जुल २ रूप
दया, मिखां स्वया, चित्तं बांलाक विचारयाना, ध्व बांलागु, ध्व बांमलागु,
धंगु आदि ज्ञानं विचारयाना स्वःसाजक मिखां खनी । उकें रूप १ मिखा २
ज्ञान ३ ध्व स्वतां दुसाजक मिखाया बांलाक ब्यबहारज्वी, ज्ञानमंत रूप
मंतधाःसा ध्व मिखा जडज्वी ३ अथेयानिति रूप दयाजक मिखादुगु रूप
मदुसा मिखा मदुगुलि मेपिकें उथेजुया जक दुगु थःथमं दय्मफुगु जूयानिति
मिखा मदुगु निश्चयखः यदि मिखादु धयागुजसा रूप मदुसानं मती मल्वी-
कुसानं ज्ञानं विचार मयासानं सदाकालं खनाच्चने माःगुखः थये मखंया
निति प्रत्यक्ष मिखादुसां प्रमाणयाकें दुगु थरेमजू । १। ध्वयेंतुं न्हेपनं शब्दताई
शब्दमवःसा न्हेपनं छुताई शब्द मवंगु बखते न्हेपं मदुगु जुल १ हानं शब्दवया

न्हेपनं तालधाःसां तबि चित्तमवसे ज्ञानं बिचार मयाय्व न्हेपं जडज्वी
 (अर्थात् मन मवनीगु बखते शब्बवःसां न्हेपनं मता, मचाः) अथेयानिति
 न्हेपं मदुगु जुल २ शब्बवया, न्हेपनं ताया, मनेवना, बांलाक बिचारयाना,
 व बांलागु स्वर थ्व बांमलागु स्वर धका ज्ञानं बिचारयाना न्यंसा जक
 न्हेपनं ताई । उकें शब्द १ न्हेपं २ ज्ञान ३ थ्व स्वतां मिलेजूसा जक न्हेपंया
 बांलाक ब्यबहारज्वी, ज्ञानमंत शब्द मंतधाःसा थ्व न्हेपं जडज्वी ३ अथेया
 निति शब्द दयाजक न्हेपं दुगु शब्द मदुगुसा न्हेपं मदुगु जूयानिति मेपिंगुद्वारं
 उथेजुया जक दुगु थःथमं दय्मफुगु जूयानिति न्हेपं मदुगु निश्चयखः यदि
 न्हेपंदु धंगु जूसा शब्द मवःसां मती मल्वीकुसां ज्ञानं बिचार मयासां सदा-
 कालं ताया च्वनेमाःगुखः थथे मतायानिति प्रत्यक्ष न्हेपं दुसां प्रमाणं दुगु
 थहरेमजू । २। थ्वथेतुं बासना ह्लासंताई बासना मवःसा ह्लासं नंताई मखु
 बासमवंगु बखते न्हाय् मदुगु जुल १ हानं बासवया न्हासं नंतालधाःसां तबि
 चित्त मवना ज्ञानं बिचार मयाय्व न्हाय् जडज्वी (अर्थात् मन मवनीगु
 बखते बासवःसां न्हासं मता, मचाः) अथेनं न्हाय् मदुगु जुल २ बासनावया,
 न्हासं नताया, मनवना बांलाक बिचारयाना, थ्व नस्वागु थ्व नवःगु धका
 ज्ञानं बिचारयाना नंतुंसा जक न्हासं नंताई । उकें गन्ध १ न्हाय् २ ज्ञान ३
 थ्व स्वतां दुसाजक न्हाय्या बांलाक ब्यबहारज्वी, ज्ञानमंत बासमवलसा
 थ्व न्हाय् जडज्वी ३ अथेयानिति बास वयाजक न्हाय् दुदु बास मदुसा
 न्हाय् मदुगु जूयानिति न्हाय् मदुगु निश्चय यदि न्हाय्दु धंगु जूसा बास-
 मवःसां मती मल्वीकुसां ज्ञानं बिचार मयासां सदाकालं नंताया च्वनेमागु
 खः थथे नंमतायानिति प्रत्यक्ष न्हाय् दुसां प्रमाणयाकें दुगु थहरेमजू । ३।
 थ्वथेतुं रस म्यें तलधाःसा म्यें रसया स्वादसी रस बस्तू म्यें तैमब्यूसा वम्यें
 ठु सवासी रस म्हुत्वी मंतंगु बखते म्ये मदुगु जुल १ हानं रस म्हुत्वी तथा
 सवाकाःसां तबि चित्त मवसे ज्ञानं बिचार मयात धाय्व व म्येनं जडज्वी,
 नयागुहे चाइमखु उगु सवावल थुगु सवावल धका सीमखु २ रस बस्तू दया
 म्हुत्वी तथा, म्यें सवाकया, मनवना बांलाक बिचारयाना, थ्व साःगु, थ्व

मसाःगु, थ्व चाकु रस, थ्व माकु रस, थ्व फाकु रस, थ्व पायु रस, थ्व पाउ रस, थ्व पाउ रस धका ज्ञानं बिचारयाना मवाकाःमा जक म्ये मवासा ।
 उके रस १ म्ये २ ज्ञान ३ थ्व स्वतां दुसाजक म्येया बांलाक ब्यबहारज्वी,
 रस बस्तू मंत म्ये तयामबिल ज्ञान मंतधाःमा थ्व म्ये जडज्वी ३ अथेयानि-
 निति रस बस्तू दयाजक म्येदुगु रस मदुसा म्ये मदुगु जयानिति मेपिगुपात्रं
 उथे जुयाजक दुगु थःथमं दय्मफुगु जयानिति म्ये मदुगु निश्चय यदि म्ये
 दुधंगु जूसा रस म्ये मतैगु बखतेनं मती मल्वीकुसां ज्ञानं बिचार मयाःमां
 सदाकालं सवासिया च्वने माःगुखः थथे स्वाद मस्यूयानिति प्रत्यक्ष मनेदं
 म्ये दैच्वंसां प्रमाणं दुगु थरेमजू १४। थथेहे बस्तू ल्हा-तुति आदिनं थिया
 स्वःसा शरीरं थोगुदं बस्तू मदुसा शरीरं छुसी थोगु बस्तू मदंबले मदंगु
 बखते शरीरं थोगु मदुगु जुल १ हानं बस्तू ल्हातं थियास्वःसां तबि चित्त
 मवना ज्ञानं बिचार मयाय्व शरीर जडज्वी, थियागुहे चाइमखु थ्व नायुगु
 थ्व क्वाचुगु धंगु आदि बुफे ज्वीगु मखु २ थोगु बस्तू दया ल्हा-तुति थिया
 मनवना बांलाक बिचारयाना, थ्व नाईस्येच्वंगु, थ्व क्वाचुस्येच्वंगु, थ्व
 क्वाःगु, थ्व ख्वाउंगु बस्तू आदि बस्तू धका ज्ञानं बिचारयाना थियास्वःसा
 जक शरीरया बांलाक ब्यबहारज्वी, बिषय बस्तू मंत थिया मस्वत ज्ञान
 मंतधाःसा थ्व शरीर जडज्वी ३ अथेयानिति बिषय बस्तू दयाजक थ्व
 शरीर दुगु बस्तू मदुसा शरीर मदुगु जयानिति परयाद्वारं उत्पत्ति जुया जक
 दुगु थःथमं दय्मफुगु जयानिति शरीर मदु निश्चय यदि शरीर दुधंगु जूसा
 बस्तूली थिया मसोसां मती मल्वीकुसां ज्ञानं बिचार मयासां सदाकालं थ्व
 शरीरं बस्तूया स्वभावसिया च्वनेमाःगुखः थथे मस्यूयानिति प्रत्यक्ष मिखां
 खने दय्क शरीर दैच्वंसानं प्रमाणं दुगु थरेमजू १५। हानं थथेहे धर्म धंगु
 संसारे दैच्वंक बस्तू थ्वैत मनं बिचारयातसा मनं खनी बस्तूहे मदुसा मनं
 छुखनी छुसी बिषय बस्तू मदंगु बखते मनं वाय्का स्वेगु मदुगु जुल १ हानं
 बस्तू मनं खना मनं वाय्का स्वतधाःसां तबि ज्ञानं बिचार मयाय्वनं थ्व
 मन जडज्वी, मन वनाच्वंगु होस दैमखु हानं थमं गबले स्वेमनंगु बस्तूलीसं

मन बंगु मखु थ्व मनं स्पूगु मखु २ बिषय बस्तू दया, मिखां खना, मनवना बांलाक बिचारयाना, थ्व थुजागु बस्तू, थ्वया धर्म थुजागु धंगु आवि ज्ञान बिचारयाना सोसाजक चित्तया बांलाक व्यवहारज्वी, बिषय बस्तू मंत मती ल्वोका स्वेगु मंत ज्ञान मंतधाःसा थ्व मन जडज्वी ३ अथेयानिति बिषय बस्तू धर्म दयाजक मन दुगु बस्तू मदुसा मन मदुगु जूयानिति मेपिंगु द्वारं जक उथेजुया वःगु थःथमं दय्मफुगु जूयानिति चित्तनं निश्चय मदु यदि चित्त दुधंगु जूसा सदां चैतन्यजुया थः वने मनंगु न्यने मनंगु थासेच्वंगु चीज बीज बस्तू थमं स्वेमनंगु आदि सदाकालं यथार्थथे सिया च्वने माःगुखः थथे मस्यूयानिति चैतन्यज्वीगु बस्तू नापं संयोग जुयाजक चैतन्य जुयाच्वंह्य चैतन्यज्वीगु बस्तू नाप संयोग मजूसा जडज्वीह्य जूयानिति चित्त दुधंगु प्रमाणं थरेमजू । ६। थ्व अध्यात्म धंगु चक्षु १ श्रोत्र २ घ्राण ३ जिह्वा ४ काय ५ मन ६ इन्द्रिय । बहिर्धा धंगु रूप १ शब्द २ गन्ध ३ रस ४ स्पर्श ५ धर्म ६ थ्वखुगू बिषये स्पर्श जुयाजक खनेदुगु थःथमं थ्वअध्यात्मा खुगू इन्द्रिय छुं मस्यूगु जूयानिति सदां अबिनाशीह्य नित्य बोध जुयाच्वंह्य आत्मा दुगु मखु, अथेयानिति आत्मा मदु धंगु निश्चयया आत्मा दुधंगुली भुलेज्वीमते ।

थ्वहे प्रकारं सत्व प्राणि मदु जीव मदु पुरुष मदु पुद्गल मदु मनुज आदि छुंहे दुगु मखु । थथे धका मस्यूगुहे अबिद्या थ्वहे अबिद्यायाना संस्कार आदि दैवया संसार चक्रेलाना दुःखःसुख भाबी जुयाच्वन । थ्वहे अबिद्यायात निरोध याना मदय्कल धाःसा संस्कार आदि छुंहे भबाङ्ग दैमखु, भव चक्र मदुसेलि जन्म जुया दुःखसी माली मखु अले निर्वाण सुख प्राप्तज्वी धका सीकि ।

आः थन करुपया खँ कने

कल्पो बहु विधः स्मृतः ॥४३॥

कल्प धंगु नानाप्रकार यागुदु धंतल । गथेधासा-अन्तरकल्प, संबर्त-कल्प, बिबर्तकल्प, महाकल्प थथे अनेक प्रकार कल्पया भेददु । गुगु बखते नरके सत्व प्राणिपि उत्पत्ति मजुबंसिं आरंभयाना भाजन लोक (प्राणिपि

खनीगु जग्गा) या नाश मज्जतले यात संबतंकल्प धाई । १। मूलबायु निमै आरंभयाना गबले नरके सत्व प्राणिपि संभवन्वी यगु कालयात बिबतंकल्प धाई । २। प्रथम कल्पे जन्मजूपिनि आयु उल्लिखु यल्लिखु धंगु मद्यक आपालं आयु दैचवन उबलेंनिसै आरंभयाना गबले मनुष्यया आयु ऊदेंन्वी यग कालयात अन्तरकल्प धाई । ३। ख लोक नीगू २० कल्पतक सृष्टि जुया २ चवनी, हानं नीगू २० कल्पतक सृष्टि जुया थोरं चवनी, नीगू २० कल्पतक प्रलय जुया २ चवनी, नीगू २० कल्पतकहे प्रलय जुया थोरं चवनी, ख प्यंगु स्थितिया जम्मां चेगू ८० कल्प थ्वैत महाकल्प धाई ।

तेहशोति महाकल्प स्तदसंख्य त्रयोद्व ॥

बुद्धत्वमपकर्षे तु शताद्यावत्त दुद्वः ॥४४॥

ख महाकल्प स्वंगू असंख्य जन्मकया पुण्य साधनयाना पारमिता पुरे यानागुलि बुद्धज्वी । असंख्य धंगु संख्या गुलिधाःसा ङिगू ङिगू बहेजुया वनीगु संख्या खवीगू ६० संख्यायात असंख्य धंगु संख्याया नां ज्वी, ख गयेधाःसा—

१ एक	१
२ दश	१०
३ शत	१००
४ सहस्र	१०००
५ प्रभेद	१००००
६ लक्ष	१०००००
७ अतिलक्ष	१००००००
८ कोटि	१०००००००
९ मध्य	१००००००००
१० अयुत	१०००००००००
११ महाअयुत	१००००००००००
१२ नयुत	१०००००००००००
१३ महानयुत	१००००००००००००

१४ प्रयुत	१०००००००००००००००
१५ महाप्रयुत	१००००००००००००००००
१६ कंकर	१०००००००००००००००००
१७ महाकंकर	१००००००००००००००००००
१८ बिबर	१०००००००००००००००००००
१९ महाबिबर	१०००००००००००००००००००
२० अक्षोभ्य	१००००००००००००००००००००
२१ महाअक्षोभ्य	१०००००००००००००००००००००
२२ बिबाह	१००००००००००००००००००००००
२३ महाबिबाह	१०००००००००००००००००००००००
२४ उत्संग	१००००००००००००००००००००००००
२५ महाउत्संग	१०००००००००००००००००००००००००
२६ बाहन	१००००००००००००००००००००००००००
२७ महाबाहन	१०००००००००००००००००००००००००००
२८ टिटिभ	१००००००००००००००००००००००००००००
२९ महाटिटिभ	१०००००००००००००००००००००००००००००
३० हेतु	१०००००००००००००००००००००००००००००
३१ महाहेतु	१००००००००००००००००००००००००००००००
३२ करभ	१०००००००००००००००००००००००००००००००
३३ महाकरभ	१००००००००००००००००००००००००००००००००
३४ इन्द्र	१०००००००००००००००००००००००००००००००००
३५ महाइन्द्र	१००००००००००००००००००००००००००००००००००
३६ संपात	१०००००००००००००००००००००००००००००००००००
३७ महासंपात	१००००००००००००००००००००००००००००००००००००
३८...थ...	१०००००००००००००००००००००००००००००००००००००
३९...न...	१००००००००००००००००००००००००००००००००००००००

प्रागागतं स्मिन्नस्मत्वा रम्यगंगा नतं अने

आलम्ब्य मग्नं कृत्वा भागादि श्रवणं भूतं ॥ ११ ॥

ह्लापां आदि कल्पे मनुष्यगणपि रूपधान्वीच्वंपि देवतापिथे च निया
बुलुहें बुलुहें रस नयगु लोभं अलसि जुया बने दुगु नना आदि पाम्प्राक
दुगु वा आदि छे थन्के यायगु आरंभ यात, ख थन्के यानागु अग्रया
खुब्बे छब्बो भाग राजायात बिया बाकि थःथः पिसं नया पुष्ट ज्ञपि
जुया च्वन ।

थुकीया बांलाक खें महाबलतु अद्दहाने दु । ख गयेधाःसा-ख
संसार प्रलय जुया छुहे मदुगु बखते ख प्राणिगणपि रूपधानु भुबने वाम
याना च्वन, भोग फुसेलि अनं क्वहाँ वया मर्त्यमण्डले जन्म जूवल । ख
ह्लापां जगत् सृष्टि जूगु अबस्थास जन्मजूपि मनुष्यगणपि गयेच्चं धाःसा
रूपधातु भुबनेच्वंपि देवतापिथे हे उत्पत्ति जुया च्वन । गयेधाःसा-शरीर
संपूर्ण जुया बस्त्रं सहित जुया जन्म जुया च्वन, अर्थात् मचाया लीला ख्वेगु,
पयत्वी मसःगु, दने मफुगु, न्यासेवने मफुगु, खँल्हाय् मसःगु, ज्ञान मदुगु
थुजागु छुहे मज्वीक शरीर संपूर्ण जुया गुबलेंसहे हाकुया जीर्ण जुया वनी
मखुगु बस्त्रं पुना पुरागु शरीर जुया जन्म जुया च्वन । थुपि मनुष्य अत्यन्त
सुन्दर जुया बांलाना च्वन बांमलापि बिबर्णपि कां, खू, धुसि, गलःडि,
याबा, खून दुगु शरीर जुयाच्वंपि छह्यहे मदु छह्यथे छह्य उत्तिकं बांला
अत्यन्त कोमलगु नाइसेच्वंगु हल्कागु शरीर जुया च्वन अत्यन्त तेजबान्
जुया च्वन चन्द्र-सूर्य तारा नक्षत्र गणपिगु तेजहे अमित म्वा थःथःगु तेजहे
जाजोत्यमान जुया अन्धकार फुका च्वन । चन्द्र-सूर्य धैपिनं थुमिसं मस्यू
चन्द्र-सूर्य मस्यूबले तारा धैपिनं मस्यू, तारा धैपि मस्यूबले नक्षत्र धैपिनं
मस्यू छुयानिति धाःसा अमिगु तेजया वास्ता म्वागु थःथःगु तेजहे गाःगुलि
चन्द्र-सूर्य आदि मसिया च्वन । चन्द्र-सूर्य मस्यूगु बखते दिन-रात्रि धंगु
मदैच्वन मसिया च्वन, दिन-रात्रि धंगु मदुगुलि बाछि, लछि, ऋतु, अयन,
वछि धंगु आदि समय छुहे मदैच्वन प्रीति सुखजक भोगयाइपि जुया च्वन

आकाशे ब्रव्या यथे चले ज्वीकुपि थः इच्छाजगु थासे वनेकुपि जुया सदां
 सुख आनन्दं च्वंच्वन । थुमि पुरुषया पुरुष बिन्ह सोमदु, स्त्रीया स्त्री चिह्न
 नं सोमदु, थथिपि सत्वपिनि अप्रमेय (असंख्य) कोटान् कोटि बर्ष
 संख्याहे मदेक आयुर्दा दंच्वन । थथे जुया च्वच्वं ताःकालं दैवंसेलि लिपा
 कालान्तरे भूमि महासमुद्रथे लखं पुरेजुया च्वंगुली थ्व दुरुथे च्वना प्वीं
 चिना भूमिया रस जमे जुया च्वन, छन्हुया दिने छह्य मनुष्यं थ्व रस खना
 मती बिचार याना स्वत थ्व छु धंगु बस्तूथे धका बांलाक बिचार याना
 नतुना सोबले अत्यन्त सुगन्ध बास वंच्वन रंगनं खूब साइखासे च्वंच्वंगुलि
 पतिचां तुयाकया म्ये पयया नैस्वत, उगु बखते थ्व भूमिया रस अत्यन्त
 चाकुसे कस्तिथे अतिहे साना च्वन थथे साःगुलि थ्व मनुष्य थ्वहे रस नय-
 गुली पल्केथुया रसया स्वादे मोह जुया ह्निह्नि पतिचा तुया थ्व भूमियारस
 नैह्य जुल, थथे वं भूमि रस नैच्वंगु मेह्य छह्य मनूनं खना आम छं छु यानागु
 धका न्यंबले वं धाल-थ्व भूमिया रस अत्यन्त साःगुलि जि नया धका कन ।
 थुलि खं न्यना थ्वनं थ्वहे भूमिया रस कया नैसोबले थथे कस्तिथे चाकुगु
 अत्यन्त स्वाद दुगु अमृत रसया स्वाद वया थ्वनं अथेहे न्हिन्ह रस नैम्ह
 जुल । थुगु प्रकारं थ्व खं वं वैत वं वैत परस्पर कना सकसिनं सिया थुपि
 सकलहे मनूत भूमिया रस नैपि जुल, उगु बखते गुलि गुलि मनूत लोभि
 जुयाच्वंपिसं थ्व रसया स्वादे मोह जुया आपाः आपाः नैपि जुल गुलि गुलि
 आपाः आपाः थ्व रस नल उलि उलिहे थ्व आपाः रस नःपि मनूते बिस्तार
 बिस्तारं शरीर ऊयातुया वल खल्लो जुल तेजहीन जुया वन आकाशे ब्रव्या
 वनेनं मफुत रूपनं बांमलाना २ वल थःथःगु शरीरया तेज मदुसेलि चन्द्र-
 सूर्ययागु तेज सिल चन्द्र-सूर्ययागु तेजसिसेलि तारायागु तेज सिल तारा
 यागु तेजसिसेलि नक्षत्रयागु तेज सिल । थथे चन्द्र-सूर्य सिसैलि सूर्य उदय
 जुया वल सूर्य बिना वन धंगुलि दिन सिल थ्वथेतुं चन्द्रमा तारा नक्षत्र
 फल्के जगुलि रात्रि सिल हानं सूर्य उदय जुया वःगुलि दिन-रात्रि बुक्के
 जुल । थथे दिन-रात्रि सिसैलि छन्हु निन्हु धंगु संख्या ल्याख्यासया बाछि वत

लच्छि दत धंगु सिल थुगु ऋतु धकानं सिल अयन धंगु उन्नगायण दक्षिणाय-
 ननं सिल तापला-चिकुला धंगुनं सिल दच्छि दन निदं दन धंगु आदि मिया
 बल । थुगु प्रकारं आपालं काल बितेजुया वंसेलि थ्व मनुष्यगणपिके
 गुमान दैवल, गथेधाःसा-आपाः२ रस भोजनयाःपि मनुष्यगणपि रूप बणं
 तेज मांमलाना वंषि खना थ्व आपाः रस भोजन मयापि रूप बणं तेज
 बांलापि मनुष्यपिनि अपि स्वेबले जि अत्यन्त सुन्दर बांला तेज दुधंगु अभि
 मान बल, थ्वहे गुमानं कपिन्त निन्दा याइपि जुल । गथेधाःसा-जि थथे
 बांला सुन्दर तेजदु, छिपि थथे बांमला तेज मदु बिबर्ण जुया च्वन छिपि
 थथेच्वंषि अथेच्वंषि धका कपिन्त निन्दा याना गिजे याना हेला याना उप-
 हास याइपि जुल थः तःधनेगु स्वभाव जुया बल । थुजा थुजागु पापं थ्व
 भूमिया रस अन्तर्द्वानि जुया मदैन, थ्व रस अन्तर्द्वानि जुया वंसेलि थुपि
 मनुष्यगणपिसं अत्यन्त शोक याना चिल्ले याना धाल-अहोरस ! २ आः
 जिमिसं छु नैच्वने धका हाला जुल । थ्वहे पुलांगु बोलि आः थौकन्हे
 मनुष्यपिनि छुं तच्चोतं साःगु रस नैबले अहोरस २ आहा क्यासाःगु चीज
 धका हाला च्वन । थथे थ्व रस अन्तर्द्वानि जुया मदैनसैलि हानं भूमि पर्पटक
 (चायागुसार) अहिछत्रक (नाग फणा) थें च्वंक दैवल, मनुष्यगणपिसं
 थ्वहे भूमि पर्पटक क्या नल थ्वनं न्हापायागु भूमियागु रसथेहेसतुं कस्तिये
 चाकुसे अत्यन्त साःगु अमृतरस जुयाच्वन थ्वहे भूपर्पटक नया मनुष्यगण-
 पिसं आपालं समय बितेयात । थ्वनं गुलि गुलि आपाः नल उलि उलिहे
 मनुष्यपिगु बर्ण तेज रूप शोभा हीन जुयावन ममता अभिमान गुमान बन्हे
 जुया बल । थथे पाप बन्हे जुया वःगुलि कालान्तरे थ्व भूपर्पटकनं अन्तर्द्वानि
 जुया मदैन थ्व भू पर्पटक मदैन वंसेलि मनुष्यगणपिसं न्हापाथेतुं अहोरस
 आः जिमिसं छु नैच्वने धका तच्चोतं शोक यात । थथे भूमि पर्पटक अन्त-
 र्द्वानि जुया वंसेलि बनलता (बनया गुखि) कलम्बुक (शाक बिशेष) थें
 च्वंगु अमृत लहरा नाइसे क्यातुसे च्वंगु तोथुला म्हुत्वी तया नया सोबले
 अथेहे कस्तिये चाकुसे अत्यन्त साःगु बनलता बुया बल, थ्वंत अमृतलतानं

धाई भद्रलतानं धाई, श्व बनलता मनुष्यगणपिसं कया नैस्वसेलि न्हापा-
यागु भूमिया रसथेहेसतुं अत्यन्त स्वाद दया साःगु सिया श्वहे बनलता नया
आपालं समय तकं मनुष्यगणपिसं सुख भोग याना च्वन, गुलि गुलि
लोभिणि मनुष्यपिसं आपाः २ नल उलि उलि थुमिगु रूप तेज बर्ण शोभा
हीन जुया वना च्वन परस्पर बांलापिसं बांमलापितः गिजे याय्गु हेला
याय्गु निन्दा याय्गु थः तःधनेगु थथिगु अहं मम बन्हे जुया वया ज्यादा
पाप बन्हे जुया वःगुलि श्व बनलतानं अन्तर्द्वानि जुया मदैन । श्व भद्र-
लता मदैनसेलि थुपि मनुष्यगणपिसं न्हापाथेतुं चिल्लेयाना धाल हाय हाय
भद्रलता ! हाय हाय जिमिगु भद्रलता हाय हाय धका हाला आः जिमिसं
छु नैच्वने धका शोक याना च्वन । श्वहे पुलांगु बोलि आः थौकन्हे मनु-
ष्यपिनि अति मनपरे जूगु चीज मदैनले हाय हाय जिगु थुजोगु चीज मंत
धका हालाच्वन । थथे बनलता अन्तर्द्वानि जुया वसेलि पृथिवीले जाकि
उत्पत्ति जुया वल गथेधाःसा-भूमि पीम्वाक छुंहे हल् आदि ज्वते याय्
म्वाक सौ-साः तया लःदुया आदि छुं बिचा याय्म्वाक आफैआफ जाकिमा
बुया वया जाकि सया च्वन, मनुष्यगणपिसं श्व अपूर्ब चीज छुथे धका कया
नैस्वसेलि मधुर रस दया स्वाद दैच्वन । शरीरे बल दया शरीर पुष्ट जुया,
पुष्ट जूगु स्वया श्व जाकि धैगु बस्तू अरु धका सीका श्वहे जाकि खाना
नया मनुष्यगणपि जीबिका जुल । श्व जाकि गुजागु धाःसा-भूमि अथेहे
बुया स्वांत्तःगुथे पाके जुया च्वन जाकिया खला मदु, थुजागु छुंहे मदु त्वीसे
चक्खा जुया च्वंगु जाकि च्वोम्वागु खानासात् नय्ज्यूगु जुया च्वन, श्वहे
जाकि सकलमनुष्यगणपिसं नसेलि मनुष्यगणपिनि मिजंया मिजंयागु चिन्ह
सीदेवल, मिसाया मिसायागु चिन्ह सीदेवल । उबले पुरुषं स्त्रीयात बारं-
बार मिखां स्वत, मिसां मिजंयात बारंबार स्वत, थथे परस्पर स्वसेलि
राग उत्पत्ति जुल शरीरे प्रेमं दाह लगे जुल थथे प्रेमं दाह जुसेलि मंथुन
कर्मयात । उगु बखते लोकपिसं गुह्यसे मंथुन कर्मयाना च्वंगु खन वंत खने-
सात् गुलिसिनं धुलं छाकल गुलिसिनं चपुपाचं केकल गुलिसिनं गोबरं

केकल हते जुयाहुँ बृषली (शूद्रो) हते जुयाहुँ बृषनी धका बाँबन । आः
 यौकन्हेनं गुगुं गुगुं देशे नूह्य भमचा व्याहा याना जेबने यथेहे धृ ह्वयगु
 चपुपाचं केकयगु गोबरं केकयगु चाला दनि व न्हापायागु बानि आःनं जुया
 च्वंगु थुकीया अर्थ बुछेमजू मनूतसें न्हापा मभिं मभिंगु जगु आः भिगु
 सम्छे जुया च्वन ।

अले थ्व मैथुन कर्म याःपित छन्हु-निन्हु स्वन्हु-प्यन्हु न्यान्हु-बाःछि
 लछि-निला पिछोत, थुमिसनं थ्व अधर्म छोपे याय्निंति गामे कयारे छे
 देका च्वन । थनंलि थुपिं मनुष्यपिसं थ्व जाकि सुथेनय्त सुथेहे पामापि मुना
 वना खाना हया थःगु छे हया नय्हे बहनि नय्त ताइम थिकज्वीव बने वना
 खाना हया छे वया नय्हे । अर्थात् छे थनकेयाना तय्गु चाला मदु जाथ्वी
 त्यल धाय्व काःवना छे हया नय्हेगु चलन जुया च्वन । थये जुजुं आपालं
 काल बितेजुया वसेलि छन्हुया दिने छह्य मनुष्यया सुथे नय्त जाकि काः
 वंहासिया अलसि जुया मती लुया बलकि छु थ्व छकोपति नयत्यल नयत्यल
 धाय्व थन वया जाकि खाना यनेमा, आः थ्व खाना यंका छे वना जाथुया
 नःहुँ हानं हानिचा नय्त थनहे वया खाःवे मानि गुलि दुःख थ्व, उके
 हानिचा वेम्वाक हानिचितनं आःहे खाना ज्वना वने धंगु मती तया न्हिछि-
 यात गाक्क जाकि खाना यना थःगु छे वना बछि जाकि जाथुया नया
 बछि जाकि बहनिसित त्यंका तल । बहनिसिया जाथ्वीगु ताइम जुया
 वोबले मेह्य छह्य पासाह्य वया धाल, हे पासा ! जाकि खाः वनेनु बखत्
 मजूनिला ? धासेलि व पुरुषं धालकि—जिजा थौं जाकि खाःवे मखुत छाय-
 धाःसा आःयात गाक्क न्हाच सुथेहे जिं कह्या उके छ जक हुँ धासेलि थ्व
 पुरुषयानं मती लुया बलकि थ्व खँ खःगुहे खः, छको छको पतिकं जाथ्वी-
 त्येव जाथ्वीत्येव जाकि खाः वनेमा उके निन्हु-स्वन्हु यात गाक्कहे खाना
 यंका तःसा थये दुःख स्पूवने मालीमखु धका जां कया अलसि जुया निन्हु
 स्वन्हु यात गाक्क जाकि खाना यन । थ्व स्वया हानं मेह्यसें प्यन्हु-च्यान्हु
 यात गाक्कहे खाना यनीगु जुया बल, थये जुसेलि थुपिं मनूत अलसिजगु

लोभिज्जु गुमानिज्जु पापं कालान्तरे थ्व जाकिया ख्वला बंबल (अर्थात् वा ख्वला दंबल) जाकि सँगु मखुत कि वा सँगु जुल । थथे वा सँगु जुसॅलि थ्व पुरुषपिसं थ्व वा खाना कया निभाते पाना चुया जाथुया नँगु जुल अथे जुया वस्यनं गुलिं गुलिं लोभि पुरुषपिसं आपाः आपाः वा खाना हया थःथःगुछे थन्के याइगु जुल । थथे थुपिं मनुष्यगणपिसं फयां फछि फयां फछि कया थःथःगुछे थन्के याइगु जबले आपालं चित्त मभिन पाप चित्त जुल काय् फववसिया सहि जुल त्वापु-ख्यापु दंबल । थथे जुसॅलि थुपिं सकलें मुना छन्हूया दिने सल्हा यात, गथेधाःसा-हेपासापिं ! कीपिं सापहे चण्डाल जुल न्यं, न्हापा कीपिं गुजापिं धाःसा रूपधात्वी च्वंपिं देबतापिंथे अत्यन्त सुन्दर जुया बांलाना तेज दँच्चंपिं चन्द्र-सूर्यया तेजहे मस्यूपिं चा-न्हि धंगु मस्यूपिं आकाशे न्वं वनेफुपिं प्रीति सुख जक भोगयाना च्वनापिं कालान्तर लिपा कीसं भूमिया रस नयागुलिं थुजागु शरीरया तेज आदिं हीन जुया वन । ह्य ऊचातुया वल, न्वं वने मफुत, बर्ण आदि बांमना वल कथंथे थ्व भूमिया रस मदँवसॅलि भूपर्पटक नया जीबिका जुया थ्वनं मदँवसॅलि अमृत लता नया ताःकालं जीबिका जुया थ्वनं मदँवसॅलि थ्वक्षेत्रे बुयाच्चंगु ख्वला मदुगु जाकि सँच्चंगु कह्या नँच्चना । थथे न्हिन्हिछिया भूमि बुयाच्चंगु जाकि नय्त्यंगु बखते छको वना खाना नँच्चना गाःगुली अलसि जुया फक्व फक्व खाना हया छे थन्के याय्हया, थ्वहे पापं याना आः जाकिया ख्वला दत जाकि मसल वा सँगु जुल थथे जुलनं कीसं भाःप्ये मफया थथेहे लोभं थ्व वानं न्हिन्हि वना फुहसँ फक्व फक्व खाना हँगु जुया वल न्ह्योने न्ह्योने जा वा दहे मंत तापाल्य काःवने माल, थथे बल्लाह्या सहि ज्वीबलेजा बःमलापिनि आपाः जहान दुपिनि नय् म्वालला ? थथे त्वाल्वां काःजुया च्वनेगुला ? थथे ज्वीव ततचोतं त्वापु कलह दँव । थुलि मज्वीकेयानिंति आः थथे मखुत थ्व वा सँगु भूमि (अर्थात् बुं) ह्यति ह्यति भाग थला चि तका काय्नु थथे थःथःगु भाग लागा लागा दंबले लिपा त्वापु-ख्यापु दँमखु थःथःगु भागे यःयःबले खाना काःवनी थःत मखुनीभनं मदँभनं

ल्हाल्हा बलं फुया सह्याना काःज्वी मालीमखु धका मन्हा वुमोन्नि मक-
 स्या चित्त बुफेजुल थ्व मनामिब हे छः लिपा ल्हापु-म्यापु देमखु नांमनिन
 जुया वसेलि कालया अनुमारं थयेहे याय्मान छः धंगु मकस्यां त्रिन वुऊ
 जुल । थये सह्या याना वक्क बुं भाग थला चि नया इना मकस्यां थःयःगु
 बुं धका नाला कया थ्व जिगु बुं २ धका नां छुनातल, थनंलि थःयःगु वारि
 थःयःयःबले वना वा कह्या नया बर्तमान यात । थये जुया केहि कान
 बितेजुया वसेलि छह पुरुषया थःगु ब्वी वा काः वंह्या मनी नुया वल्कि
 जि थुलिमछि जहान देवल जग्गा थुलि सिबाय मदु थ्व दक्क कैनया
 जितः परंतु त्वीमखु उके मेपिंगु जग्गास च्वंगु कैनये धका मनी वया थःगु
 ब्वी च्वंगु मकासे मेपिंगु ब्वी च्वंगु वा काल, उगु वखुते बुंथुवा नं खना
 धालकि हे पुरुष ! छं छाय् थःगु जग्गास च्वंगु वा मकासे जिगु जग्गास च्वंगु
 वा कया धका बोबिया धासेलि आः जि लिपा काय् मखुत धका धाल, थुनि
 धासेलि बुं थुवानं म्वालका आः छको काय् धुंकुगु तोताबी हानं कान
 धाःसा बाकिते मखु धया तोता छोट । थनंलि थ्व पुरुषनं थःगुछे वना थ्वहे
 वा सुना नया फुसेलि लिपा हानं ब्वी वना वा काःवसेलि वया मती लुया
 वल्कि थ्व जि जग्गा थुलि सिबाय मदु थुलिमछि जहानया नय्माः परंतु
 थ्व वा लिपातकं त्वीमखु नय् मखनी थ्व काय्मखुनि धका मती तया वहे
 न्हापायागु ब्वी वा कया ज्वना वल, थ्वनं वहे बुं थुवानं खना धाल हे दुष्ट
 चण्डाल हानंहे छं थःगु ब्वी वा दैकदैकं जिगु ब्वी च्वंगु वा कहल धका
 बोबिया धासेलि थ्व पुरुषं आवंलि लिपा काय् मखुत धका न्हापाथेतुं बिति-
 याना धासेलि म्वाल काहुं निको तक छं जिगु वा काय्धुंकल अथेनं जांछे
 जि सह्याय् जुल, हानं छं काल धाःसा जि अबश्यनं सह्याय् मखु धका
 तोता बिल । थये कपिंगु ब्वी च्वंगु वा कैनया फुसेलि हानं वा काय् धका
 थःगु ब्वी वंह्यस्या लोभगु चित्तं हानं मन हिलावल जि जग्गा थुलिचा
 सिबाय मदु नैपि जहान धाःसा थुलिमछि दु जितः लिपातकं थ्व जग्गायागु
 वा त्वीमखु जिगु वा काय्मखुनि मेपिंगुनि हे काय् धका वहे न्हापायागु

ब्बीं च्वंगु वा काल अबले बहे बं थुवानं खना अत्यन्त तम्बेका कथि छपु
 ज्वना वया व पुरुषयात थ्वहे तुतामं दाया बोबिया धाल अरे दुष्ट चण्डाल
 पापात्मा छं छकोमखु निकोमखु स्वकोसम्म जुल जिगु ब्बीं च्वंगु वा खुया
 काःगु छंगु ब्बीं वा मदुगु मखु सैच्चंगु दैकदैकं छं लोभ चित्तयाना जिगु
 ब्बीं च्वंगु वा काहा छ धका बोबिया तुतामं दासैलि थ्व वा खुयाकाहा
 पुरुष तच्चोतं चिल्लेयाना हाला धाल अहो असत्य जुल अधर्म जुल मनूनं
 मनूयात दाल, कसा यात धका तच्चोतं हासैलि थुगु शब्दताया लोकपिं छुछु
 धका सकलें मूवल थ्वखें निहासिगुनं बुझेयाना स्वया थुपिं सकलें लोकपिं
 मुना सल्हाजुल, हे लोकपिं ! स्वस्व बहुत अन्याय जुल असत् जुयावल थथे
 थःगु ब्बीं वा दैकदैकं कपिनि ब्बीं च्वंगु वा खुयाकाल मनूत साहं हे
 चंडाल जुयावल पापि जुयावल लोभि जुयावल हानं थ्वं थथे खुया काःगुलि
 थ्वंत तुतामं दाल सास्तियात हरेक प्रकारं बोबिल थथे जुया वसैलि लिपा
 कालान्तरे थथे खुया काय्गुहे जक ज्या जुया बल्लाम्हसैं बःमलापिगु लुते-
 याना लाःसां काई थथे ज्वीवजा थितिछुं दैमखु बल्ला सहिज्वी अथेयानितिं
 आः थथे मखुत थुकी हेर बिचारयाना मखुगु ज्या याम्हयात सजाई याना
 ल्वापु-ख्यापु ज्वीबले निसाप याना बीम्ह बहुत ज्ञान दुम्ह न्याय स्यूम्ह धर्म
 स्यूम्ह बीरम्ह शूराम्ह साधुम्ह छम्ह दैकेमाल थुजागु न्याय-निसाप याय्गु
 वंत भाला बिया नायोयाना तय् धका सकस्यां तच्चोतं सल्ला याना उगु
 बखते अन दक्क मनुष्यया मध्ये बहुत ज्ञान दुम्ह न्याय स्यूम्ह धर्म स्यूम्ह
 बीरम्ह शूराम्ह साधुम्ह छम्ह पुरुषयात सःता थ्व लोकपिसं मभिगु कर्म
 याइगुली न्याय याना बीम्ह नायो छःपि जुया बिज्याहुं, छःपिसं जग्गा
 ज्याय् म्वाल थ्व दक्क जग्गास उत्पन्न जूगु अन्न दक्कया खुब्बे छब्ब भाग
 छःपित जिमिसं बिया तये छःपि राजा जुया मखु मखुगु कर्मयाःपि खुया
 कापि हेकाकाःपि आदि बुर्जनपित सजाई दण्ड-कुण्ड याना लोके ल्वापु-
 ख्यापु मदेकेगु थिति बशेयाय्गु धर्म रहे याय्गुली नायो जुया बिज्याहुं
 धका सकस्यनं मानेयाना चित्त बुझेयाना थ्वंत राज्याभिषेक बिया राजा

थापना यात । थथे सकल लोकपिसं तच्चोतं महायाना थापना याम्
 जूयानिति महासमंत धंगु थव राजाया नां जुल, जग्गा रक्षा यादृश जूया-
 निति क्षत्रि धाल, क्षले अभिषेक व्यूयानिति मूर्धाभिषिक्त धाल, मन्यमंडने
 ह्मापां राजा जूह थव । थथे रस-राग याःगुलि मनुष्यगणपिनि अनंकानेक
 दुःख पीडा जुया वल भवचक्र बनेजुया चाचाउला दुःखमिया ज्वीमान,
 अथेयानिति गबले तक रस-राग यार्ई अबले तक भवचक्रं छुतेजुया वने
 फंमखु भवचक्र दतलें दुःखं छुते ज्वीफंमखु, उकें दुःखं छुतेजुया वनेगु इच्छा
 याहासें थुजागु रस-राग आदि पाप कर्म तोतेमा ।

ततःकर्म यथाधिकया दपन्हासे दशा युप ॥४६॥

थनंलि कर्मया मार्ग बन्हे जूगुलि (अर्थात् खुया काय्गु प्राणि हिंसा
 याय्गु आदि पाप कर्म ज्यादा बन्हेजुया वःगुलि) मनुष्यया आयु कम् जुया
 ववं ववं छिदै सम्म आयुज्वी ।

कल्पस्य शस्त्र रोगाभ्यां दुर्भिक्षेण च निर्गमः ॥

दिवसान् सप्तमासांश्च वर्षाणि च यथाक्रमं ॥४७॥

थनंलि कल्प क्षयज्वीत गथेज्वी धाःसा-न्हेन्हु ७तक संग्राम जुया न्हेला
 व न्हेन्हु ७/७ तक रोग जुया न्हेदै व न्हेला व न्हेन्हु ७/७/७ तक दुर्भिक्ष
 जुया कल्प समाप्त जुया क्षयज्वी । उगु बखते थव संसार प्रलयज्वी गथे-
 धाःसा-स्वंगू प्रकारं प्रलयज्वी, न्हापां अग्नि संबर्तनी धंगु न्हेह्य ७ श्रीसूर्य
 लुया थुमिगु तेजं दग्ध जुया प्रलय ज्वी १ अनंलि जल संबर्तनी धंगु महा
 तच्चोतं लः वया लखं च्वीक्य यना प्रलय ज्वी २ अनंलि बायु संबर्तनी धंगु
 महा तच्चोतं बायु वया फसं प्वीका प्रलय ज्वी ३ । थथे प्रलय ज्वीगु
 त्रिसाहस्र महासाहस्र लोकधातु छकलंहे पाःलाक प्रलय जुया प्राणि आदि
 सकतांहे नाश जुया वनी छुं छकुचाहे ल्यनी मखु, जब बिबर्तकाल जुया
 थंबले न्हापाथेंतुं क्रमंसित सकतां सृष्टि जुया वं प्राणिपिनं सृष्टि ज्वी ।
 थथे संसार प्रलय जुया फुनावंसां प्राणिपिनि भि-मभिगु कर्मयाना तयागुजा
 भोग मयासैं कदापि फुना वनी मखु कर्मजा दैहे छवनी, लिपा लिपा सृष्टि

ज्वीबले थ्व प्राणिगणपि थःथःगु कर्म उश्ना जन्म जुया भोगहे याय् माली ।

धंतःगु बु धमर जा चडाजे —

न प्रणश्यति कर्माणि कल्पकोटि शतैरपि ॥

सामग्री प्राप्यकालं न फलन्ति खलु देहिनां ॥४८॥

सतंसः कोटि कल्प बितेजुया वंसानं प्राणिगणपिनि थमं थमं याना
तयागु शुभ-अशुभ कर्म फुना वनी मखु, सामाग्री प्राप्त ज्वीबले कालान्तरे
थ्व फल सया भोग याय्हे माली ।

ये मेरुमपि वेगेन विकरन्ति दिशोदशः ॥

तेऽपि पुण्यस्य भणाय नानं प्रलय वायवः ॥४९॥

प्रलय कालयागु फसं सुमेरु पर्वतहे दशदिशास प्वीके यनेफं, थुजागु
फसंनं प्राणिपिसं यानातःगु पुण्ययात (अथवा पापयात) प्वीके यना नाश
याय् फं मखु ।

संवर्त सलिलोद् वृत्त निरंकुश विसर्पिणाः ॥

पुण्यं न क्लेदमायाति चतुःसागर वारिणा ॥५०॥

प्रलय काले प्यंगू सागरं आपालं लः बन्हे जुया फयजे जुया वःगु लखं
सकल संसार नाय्का फुकेफं, थुगु लखंनं प्राणिपिसं याना तःगु पुण्ययात
नाय्का नाश याय् फंमखु ।

प्रदीप्त किरणोद् गारः सप्तभि भास्करानलैः ॥

श्रितोवा दह्यमानायां पुण्यमेकं न दह्यते ॥५१॥

प्रलय काले न्ह्य ७ श्री सूर्य्य लुया अत्यन्त तच्चोतं पूगु रश्मि थ्व
पृथ्वी जम्माहे दाह याय्फं, थुजागु अग्नितं प्राणिपिसं यानातःगु पुण्ययात
दाहयाना फुके फंमखु । धंतःगु दु—

नमः सत्कर्मभ्यो विधिरपि नयेभ्य प्रभवति ॥५२॥

कर्मयात जि नमस्कार जगतया सृष्टिकर्ता ब्रह्मा धाल व ब्रह्मानं
कर्मथे बलबान् मजू । थथे धंतःगु दुगुलि कर्मथे बलबान्पि मेपि सुंहे महु,
अयेयानिति कर्महे भिके माल थःथःगु कर्म थ्व संसारे सुख-दुःख ज्वीगु
धका निश्चय सीकि पत्यार लगेजु श्रद्धाति ।

थथे शास्त्र शास्त्रानरे बुद्ध भगवानपि यमं यमं यानागु कर्मया कलं
 सुख-दुःख ज्वीगु स्वर्गं नरक वनीगु धका आजा देका बिज्यान, थ्व खं
 निश्चयहे खः पत्यार लगेजु श्रद्धानि धका धां बिज्यान । थथेहे खः धका
 गथे पत्या ज्वीगु थ्व खँय्जा निश्चय थथेहे खः धका पत्याज्वीन मंथा दु
 छायाःसा पाप यानागुलि नरक वनी अनेक दुःख मंकष्ट पोर ज्वी धान ।
 धर्म यानागुलि स्वर्ग वनी अनेक सुख भांग याय्द धका धान । थथे धाजकं
 धाल पापयाःगुलि नरक वना दुःख स्यूपि सुछह्यहे प्रत्यक्ष मिखां म्वेदुगु मखु
 हानं धर्म याःगुलि स्वर्ग वना सुख स्यूपिनं सुछह्यहे प्रत्यक्ष खने दुगु मखु ।
 अथेयानिति गथे पत्यार लगे ज्वीगु एक थ्व दोसरा छुधाःमा अने अनेगु
 मत दु अने अनेपि बादीजन दु स्वंगु खँनि पत्याज्वीगु गथेधाःसा—गुनिमिनं
 धालकि थ्व जगत प्राणि जम्माहे थःथःगु स्वभावं सुख-दुःख ब्याच्वपि
 पूर्व जन्मयागु कर्म जूगु मखु ईश्वरं याःगुनं मखु पञ्च भूतयाकें जगुनं मखु
 स्वभावंहे ज्वीगु धका स्वभावबादी तसे धैतल । १। हानं गुलिसिनं धालकि
 पञ्च भूतया गुणं ज्वीगु जगतया सुख-दुःख ज्वीगुया हेतु पञ्चभूत मेपि मखु
 धका भूतबादी (चार्वाकिनास्तिक) तसे धैतल । २। हानं गुलिसिनं धालकि
 थ्व जगतया हेतु (कारण) ईश्वर ईश्वरया लीलां प्राणिगणपि हितका तल
 ईश्वरं याःथे ज्वीगु धका ईश्वरबादी धैतल । ३। थथे नाना तरहया शास्त्र
 दया शास्त्रे कनातःगु दुगुलि गुगु खँ सत्यगु खः धका पत्याज्वीगु प्रत्यक्ष छुं
 स्वेगु मदु सीके फुगु मखु धंगु खँय् संखा याई थथे संखा याय्मते । छाया-
 धाःसा—थुपि जगत ज्यादाहे मूर्ख जुल, छुयानिति धाःसा कल्याण मित्रयागु
 संसर्ग मदुगु छता १, गुरुपिथाय् वना बांलाक शास्त्र न्यना मतःगु छता २,
 थःके बुद्धि मदया बांलाक बिचार याय् मसःगु छता ३ । थ्व स्वतां यानां
 प्राणित मूर्ख जुया संखा कया थमं निश्चय थथेहे धका सीके मफया पापकर्म
 भतिचाहे मग्ग्यासे सना जुया च्वन, निश्चय थथेहे खः धका स्यूगु जूसा
 थुलिमछि जगते प्राणिपिसं सीकसीकं स्वस्वखखं थःत दुःख ज्वीगु ज्या
 याइहे मखु । छायाःसा—दुःख ज्वीगु सुयां योगु मखु सकलें सुख लाय्गु

इच्छा यानाच्चं पि खः, अथे जूसानं भमंहे वांलाक मसिया दुःख उशीगु न्या
याना च्वन । मुख्यनं छु धाःसा भि-मभिगु कर्मयाकें स्वर्ग नरक वना सुख-
दुःख जूगु मिखां मखंगुलिहे थ्व प्राणिपि पाप खना मग्यासे संगु खः,
प्रत्यक्ष मिखां खंगुहे जूसा सुनां जक थथे दुःखसी मालीगु कर्म याई सुनांनंहे
याइ मखु । आः थथे प्रत्यक्ष मिखां मखंगुली गथे पत्यार लगे ज्वी धाःसा
प्रमाण याकें पत्यार ज्वीमाः, अनुमान याकें सीकेमाः । आः थन थ्व खँया
प्रमाण लगेयाना बांलाक घटे याना कने ।

थन ह्यापां स्वभावबादीया मत कने गथेधाःसा-स्वभावबादीतमें
थःगु परयागु स्वभाव सकतांहे हेतु कारण मदेक भाब चित्र-बिचित्र ज्वी
घका बर्णना याना तल । गुगुयाकेंजा पलेस्वां आदिया नाल दँ हः केशर
आदि अनेक प्रकारया भेद (फरक) चित्र-बिचित्रजूगु थ्व गथे जुया वल अथे
चित्र-बिचित्र लीला देकाच्चं ह्य अन ईश्वर आदि सु दु सुंहे दुगु मखु, पलेस्वां
आदि भ्यत्यनाले बुया वःगु खः व भ्यत्यनालं अथबा लः आदि याकें थथे
चित्र-बिचित्र याना देका हल धाय्धाःसां थ्व चेतना मदुगु लः भ्यत्यना
आदि याकें उत्पत्ति याय्गु समर्थ दैमखु । हानं चेतना दुपिनं सुंगुम्हं मेगु छुं
गुगुं कर्मं थयिगु देकेगुली चलाक ज्वीमखु आदरनं याइमखु छाय्धाःसा थ्व
कर्मया अन्त मदुयानिति । अन्त मदुगु बिशेषे छकलं व्यापार ज्वीगु जोग्य
मजू । थुलियानिति छुं कारण मदेकंहे थ्व संसार चित्र-बिचित्र थःथःगु
स्वभावंहे जुयाच्चंगु धंगु स्वभाव बादीया मत । थ्वहे धैतल-

सर्वं हेतु निराशंस भावानां जन्म वर्ण्यते ॥

स्वभाववादि भिस्ते च नाङ्गः स्वमपि कारणं ॥५३॥

राजीव केशरादीनां वैचित्र्यकः करोति हि ॥

मयूर चन्द्रिका दिव्या विचित्रः केन निर्मितः ॥५४॥

यथैव कण्टकादीनां तंक्षणादिकं महेतुकं ॥

कादाचित्कतया तत्त दुःखादीनां महेतुता ॥५५॥

सकतांहे भाबया (भाब धंगु थन थ्व सकल संसारिक प्राणि चीज
बीज बस्तू घका सीकि) उत्पत्ति जुया च्वंगुया हेतु छुयां दुगु मखु थःथःगु

स्वभावहे उत्पत्ति जूगु धका स्वभाव बादीपिसं धंतल, थय स्वभाव बादी-
तसें थःहे छुं कारणपाकें जि उत्पत्ति जूगु अर्थात् मुख-दुःख जूगु धका मधाः
स्वभावहे जूगु धका ब्यान याना चवन । गथेभाःसा-गथेस्वांया केशर
आदि चित्र-बिचित्र अनेक रंगि-चंगि सुनां देकल अथे देका जूया मनाञ्चय
सुदु अन । म्हैखाया चित्र-बिचित्र चन्द्रकाला दुगु रंगि-चंगि दुगु नाडम
चवंगु तल्के जूगु आदि सुनां देका हल । गथेजा कें आदिया छोटगु आदिया
कारण छुंहे हेतु कारण मदेक बखत् बाजियाकें थःगु स्वभावहे कें छाना
बल । थथे सकताहे थुजा थुजागु कदाचित् गुगुं बखते कालान्तरं जुया दंगु
जूयानिति प्राणिपित दुःख आदि जूवःगुनं छुं हेतुयाकें जूवंगु मधु थःथःगु
स्वभावहे जूवंगु धका स्वभावबादीपिसं धंतल । थथे स्वभावहे प्राणिपित
सुख-दुःख ज्वीगु जूसाजा प्राणिपिसं छुं धर्म-कर्मनं याय् म्वाल मुख ज्वीकिया
लागी छुं ज्या जत्न उपायनं याय् म्वाल थःथःगु स्वभावहे ज्वी । उकें थ्व
स्वभावबादीपिंगु मतजा लोके प्रतीत जुया चवंगु हेतुया समर्थ खने दुगुलि
हे बाधा परेजू धका क्यना तल । थ्व सकल लोकं प्रत्यक्ष इन्द्रिये चवंचवंगु
जानंहे प्रत्यक्ष खनेदुगुलि अनुमाननं पत्याज्वी माःगु जूयानिति सकताहे थ्व
जगत हेतुयाकें चित्र-बिचित्र बनेजूगु खना चवन । थ्वया संतान प्रवाह
जूगुलि (अर्थात् छगूया हेतुं मेगु दुगु मेगुया हेतुं हानं मेगु दुगुलि) हे ज्या
उत्पत्ति जूगु खना चवन अर्थात् गुगु कार्यजा गुगुया सद्भाव दंबले दंगु थ्व
मदंबले मदंगु धका पत्यार जुया चवन, थ्व थुकिया कारण धका निश्चय
माने याना चवन थ्वया कारणं थ्व दत थ्व दत धका निश्चय खना माने
याना चवन । थुलि लोक पत्या जूगुलिहे हेतुया ब्यापार खने दुगुलिहे हेतु
मदु धंगु प्रतिज्ञा स्वभावबादीया मत बाधा परेजू । थ्वहे क्यना धाल-पले-
स्वांया नाल दें हः केशर आदिया भेद नानातरह जूगु हेतुया भेद दुगुलि
जूगु हेतु मदेकं उत्पत्ति जूगु मखु । थ्व हेतुया भेद सुनां देकल गनं बल
धाःसा थ्वयानं न्हापायागु हेतु भेद दुगुलि उत्पत्ति जुल । थथे फल बीफुगु
हेतु छुयाकें जुल धाःसा थ्वनं थ्व न्हापायागु हेतु भेद दुगुलि उत्पत्ति जुल,

अथे जूयानिति अवश्यहे स्वभावबादीतसे कारण दया थ्व जगत बिचित्र
दंञ्चन धैगु पत्माहे ज्वीमा थुलि स्वभावबादीया मत निषेध ।

आः हानं पञ्चभूत मानेयाना च्वंपि नाचिक्या मत कने

भूतान्येव ईश्वरः नास्ति परलोकः ॥

सुखमेव स्वर्गं दुःखमेव नरकः ॥५६॥

थ्व संसारे ईश्वर धैह्य दु सुधाःसा पंचभूत दंञ्चन ईश्वर धैह्यहे थ्व पंच
भूत । थ्वहे पंचभूतया कारणयाकें थ्व जगत संसार चराचर जम्मा बनेजुया
च्वन, थ्व प्राणिपिनं पंचभूतया समबाह जुया (मिलेजुया) उत्पत्ति ज्वी
पंचभूतं तोता वनीबले सिनावनी । अथे जूयानिति पंचभूतयाकें बनेजूपि
थ्व प्राणिपि सिना वनीबले थ्व शरीर पंचभूतं तोता वना पंचभूतहे संतुं
लयजू वनी उकें परलोक वनीपि सुंहे दुगु मखु, अथेयानिति परलोक मदु ।
स्वर्ग धैगुनं दुगु मखु गन सुख जुल अन वहे स्वर्ग । नरक धैगुनं दुगु मखु गन
दुःखजुल अनहे नरक । थुलियानिति थ्व जगतया कारण पंचभूत जकहे खः ।
स्व थ्वखें दुने शरीरे बाह्य बस्तुलीसं बांलाक घटेयाना क्यने । पैले न्हापां
शरीरे दुनेयागु खें कने । थ्व शरीर पंचभूतया समूहजुया बनेजुया च्वन,
गथेधाःसा—थ्व शरीरे छाःगु लुसि, सँ, चिमिसँ आदि पृथ्वी स्वरूप जुया
च्वन उकें थ्व देह धारण जुयाच्वन । लखं थ्व शरीरे नाइसेच्वंका बियाच्वन
अग्नि तेज देका नयागु बस्तु आदि पाकयाना बिया च्वन । फसं सास दुका-
यिका याना शरीर केकुंकेगु ळलंकेगु आदि समर्थ बिया च्वन । आकाशं
अवकाश (खवल्ता) याना यःथाय् चलेज्वी जीका च्वन । थुलि पंचभूत
मदुसा थ्व शरीर गथे जीबिका ज्वी थ्व शरीरे जम्मा ब्यापार याना च्वंगु
खालि पंचभूतया खेलंहे खः । आः हानं बाह्ययागु खें कने । गुगु थ्व सिमा
आदि पलेस्वां आदि बीजयाकें चुलिवँ, चुलियाकें हः दै, हलं कचा दै, कचां
नाल दै, नालं दँ दै, दँनं गर्भं दै, गर्भं मुखू दै, मुखूनं स्वां व्है, स्वांनं फल सै ।
बीज मदुसा चुलिवँ मखु याबत् थुगु प्रकारं स्वां मह्वसा फल संमखु बीज
दंबले चुलि उत्पत्ति ज्वी थुगु प्रकारं याबत् स्वांने फल उत्पत्ति ज्वी, थथे

बाह्य बस्तू याबत् हेतुवी लगेजुया छगूया हेतु मेग दुग मेगया हतु हान मेग
 बुगु खनेमा । हानं थ्व प्रत्यये लगेजुया उत्पत्तिजगु पंचभूत छगु गट्टा जगुलि
 उत्पत्तिजगु । गथेधाःसा-पृथिवी धातुं बीजयान धारण याई । अध्यातुं
 बीजयात प्याका नाइका बी । तेजोधातुं बीजयान क्वाका पार्याक याई ।
 बायुधातुं बीजयात पंहुइका है । आकाशधातुं बीजयान यथाय वनेजाक
 खल्ला याना बी । थुलि प्रत्यय मदुसा बीजयाके चुलि पिकाय फंमखु ।
 उके थ्व बाह्य बस्तूया कारणनं जम्मां थ्वहे पंचमहाभूतया खल्लं दैचवगु
 थःथःगु स्वभाबं ज्वीगु मखु धका चार्बाक (नास्तिक्) तमें माने याना
 च्वन । २ ।

थुलि खँ न्यना थन थुमिगु मत खण्डन यार्यानिंति नैयार्याक यागु
 मत कया ।

ईश्वर कारण बादीपिसं धाईगु खँ कने । हे स्वभाबादी ! हे मून-
 बादी ! छिमिसं सहाय जक स्वत, एकोरा जुल । छिपि बिना कारण
 मदेक थ्व जगत बिचित्र जुया स्वभाबं जक उत्पत्ति ज्वीमखु देश आदिया
 नियम मदुगु संग जूगुलि । चेतना मदुपि केबल थ्व लः भ्यत्यनालं जक
 पलेस्वां आदिया बिचित्र याय्गु समर्थ दैमखु धाःगु थ्व खँ छिमिसं
 जोग्यगु धाल खः । अथेनं थथे मखुकि थुगु थास थुजाह्य भगवान् दु संसार
 बिचित्र देकेगुली चतुरह्य जगतया छगू सूत्र धरेयाह्य सकल थ्व जगतया
 आदि ह्लापां दुह्य नित्यगु आत्मा जुया सदाकालं हीनज्वी मखुगु शक्ति परा-
 क्रम दुह्य सकल भाबया कार्यकारण भाब आदिं तत्वस्यूह्य सकतां लिपा
 ज्वीगु खँह्य महात्म्यया गोचर मदुह्य ईश्वर दु । थ्वंगुहे कारणं सकल थ्व
 जगत चराचर देकातल का थ्व खँय् चेतनादुपि सुनां जक मखु धाय् फु ।
 थ्व जगतया हेतु ईश्वरहे खः ईश्वर धैह्य जगत संसारया हेतु जुया जगत
 सृष्टि याय्गु स्थिति बसे याय्गु प्रलय याना नाश याय्गु कारण जुया
 बिज्याना च्वन, थ्वसपोलयाकेहे थ्व सकल संसार उत्पत्ति जुया च्वन ।
 थथे मखुसा थ्व चेतना मदुपि पर्वत, समुद्र, पृथिवी, सागर आदि पिसं गथे

उत्पत्ति याय्फै । थुमितः ईश्वरं चेतनादुपिथें अधिष्ठान याना तःगुलि
उकिया व्यापारेहे लगेजुगुलि थुमिसं उत्पत्ति याय्गु समर्थ दैचवन । थ्व
धैतल—

सर्वोत्पत्ति मतामीश मन्येहेतुं प्रचक्षते ॥
नाचेतनः स्वकार्याणि किल प्रारंभते स्वयं ॥५७॥
नस्यान्मेह रियंनचेयमवनी नैबायमम्भोनिधिः ॥
सूर्यचिन्द्र मसौ निवेश सुभगी नैतीजगच्चक्षुषी ॥
ईशानो न कुलालवद्यदिभवे द्विश्वस्य निर्माणकृत् ॥
सत्वादोश्वर कर्तृकं जगदिदं वक्तीति कश्चित्किल ॥५८॥

सकतां थ्व जगत उत्पत्ति जुयाच्चंगुया हेतु ईश्वर महादेब खः, मेपिं
चेतना मदुपिसं थःगु ज्याहे थःथमं आरंभ याय् फैमखु धका धैतल । थ्व
जगत देकुह्य थ्व सुमेरुनं मखु थ्व पृथिवीनं मखु थ्व सागर समुद्रनं मखु थ्व
सूर्य चन्द्रमानं दिन-रात्रिया व्यबस्था देका जगतया मिखा स्वरूप
ज्वीफैगु मखु संसार देकुह्य श्रीमहादेब कुह्यार्थे सकतां सृष्टिकर्ता मजुगु
जूसा थुपि सुमेरु आदि चेतना मदुपिसं संसारया सृष्टि आदि छुंहे याय् फैगु
मखु, अथेयानिति थ्व जगत संसार सत्वप्राणि आदि सकलेंहे ईश्वरं देका
तःगु निश्चयनं खः धका ईश्वरबादीपिसं धैतल ।

थथे थ्व जगत चेतना मदुगु संसारया स्वभाव जम्माहे ईश्वरया कारणं
दुगु धका धाःगु न्यना सिद्धान्तबादी (संसारे सुख-दुःख आदि थमं यानागु
कर्मया फलं ज्वीगु धाइह्य) थुमिसं धाईगु खँ कने ।

छु आम थमं ज्वना कया कल्पना याना तयागु खँ जक अनेक रचना
याना बचन देकेगुया परिपंचना आपालं तया खँ ल्लाना छुयाय् आमथे छँ
खँ ल्लाः सांतबि थःगु समाजे वपिं मूर्ख बुद्धि जुयाच्दपिं जकं आम खँ पत्यार
लगेजुया प्रेम याना च्वनी, आम प्रमाण मदुगु खँ बिद्वान जनपित संतोष
याय् फैमखु । थ्व गथेधाःसा-न्यो पैले न्हापां छंकेनि न्यने आम छँ ईश्वर
धैतल करुणा बुद्धलाकि करुणा मदुह्य ? यदि थ्व ईश्वर करुणा दुम्ह खःसा
छुयानिति थुपि प्राणिपित नरके आदि दुःख पीडा ज्वीका तल थथे यासैलि

श्व ईश्वर करुणा दुह्य धंगु गये श्वया श्रद्धा गये वन धया । यःथमं याःगु
मभिगु कर्म फल भोग याका वैगु पाप फुकेत अथे नरक आदि पांटा याक-
गुली लगेजुल धंगु जूसानं व ईश्वर गये करुणा दुह्य धया करुणा दुह्यहे मखु
व ईश्वर । करुणा दुह्यसें मभिगु फल भोगयाय् मालीगु कर्म छाया याकल ?
गथेधाःसा व कर्म याकेगुन ईश्वर व्यापार जूयानिति सकलें उत्पनि जूयानि
कारणहे व ईश्वर जूयानिति वं छाया उजागु मभिगु कर्म याकल । हानं छु
ईश्वर सहाय मजगुली व कर्मफल भोग याय् माली लाकि अथवा माली
मखु ? श्व न्हापां छगू पक्षया खं । थथे न्यनीबले ईश्वर कारणबादीं घाडकि
यदि छं आमथे धाःसा श्व श्लोक गनं चवतले ?

अज्ञो जन्म रतीशोऽय मास्मनःमुख दुःखयोः ॥

ईश्वर प्रेरितो गच्छेत् स्वर्गं वा श्वश्रमेव च ॥५९॥

श्व प्राणि धंहा अज्ञ मूर्ख छुं स्यूपिं मखु, यःत सुख-दुःख यायगुली
छुं समर्थ दुपिं मखु, ईश्वरं प्रेरणा याता स्वर्ग वनी अथवा नरक वनी
ईश्वरं याःथे ज्वी धका धैतल । उकें सकतां काय्येसंहे ईश्वरया व्यापार खने
दुगुलिं श्व ईश्वर छगू काय्ये जक मखु अनेक प्रकारया काय्येनहे ईश्वरया
व्यापार खनेदु, ईश्वरया अधीनहे खः श्व संसार ।

थथे धासेलि हानं सिद्धान्तबादीं घाडकि हे ईश्वरबादी ! आः हानं निगूगु
पक्षया खं न्यने । श्व लोकपिसं मभिगु कर्म याइबले श्व कृपा दुह्य भगवानं
जत्नं थुकी सहाय ज्वीगु कल्पना याता च्वंहासें थथे मभिगु फल भोग याय्
मालीगु बखते छाया सहायजुया रक्षा याता मबिल । हानं यातागु कर्मया
भोग मयासें फुना वनी मखुगु जूयानिति अबश्यहे श्व थुजागु फल भोग
याय्माः धका श्वहे फल भोग याकेत ईश्वर कर्म सहाय जुल धंगु जूसा गये
श्व ईश्वर कर्म सहाय मजगुली सामग्रि मदुगुलि वं अबश्य श्व कर्मफल
भोग याय् माल । थथे जूसा नाश ज्वीगुलीनं छु बोष दतले ? करुणा दुह्य
ईश्वर खः धंगु जूसा जत्नयाता धका थुजागु मभिगु कर्म मयाकुसे लिचिके
माःगु खः । थथे जुसेलि निश्चयनहे थुगु थः इच्छा दुगु वृत्ति जूगुलि वया
परिपाक मजगु याके व ईश्वरं थन ऐश्वर्य कयनागु ज्वीला श्व । थन श्वजा

सत्त्व प्राणिपिनि थमं यानागु कर्मं चयैकुगुलिं थ्व दया बुह्य ईश्वर जुल
 धाःसां तबि त्यकेज्वी मफुत उकें तःधंहा ईश्वरं थथे थःगु ऐश्वर्यं कयंगुजा
 मेथाय्हे लात । उकें थ्व लोकया कर्मं खिचेयाना हःगुली थःगु आत्मास
 थ्व ईश्वरं बशे तय् मफु । ईश्वरंजा प्राणिपिसं कर्म याःगुली अमिसं याःगु
 बमोजिम कर्मफल भोग याकेगुली जकं तध्दंगु समथं पिकाःगु जुल ।
 अथेयानिनि थःगु कर्महे जक तध्दंगु खः धका कमहे उपासना याय्गु उत्तम
 गुजागु थमं यानागु कर्मया सामर्थं खिचे याःगुलिं महादेबहे त्यकेज्वी मफु
 अर्थात् महादेबंहे यानागु कर्मया फल मिते याय् मफु । उकें थःगु कर्महे
 तध्दं ईश्वर तधंगु मखु ईश्वरं कर्म याकीगु मखु । स्व थ्व धैतःगु दु —

नमः सत्कर्मभ्यो विधिरपि नयेभ्यः प्रभवति ॥६०॥

सत् कर्मयात जि नमस्कार ब्रह्माहे थ्व कर्मयासिकं तध्दं मजू सृष्टि-
 कर्ता ब्रह्मा खःसांहे प्राणिधाःगु कर्मयात थ्व ब्रह्मां मिते याय् मफु, थथे
 ब्रह्मायासिकं कर्म तध्दंगु खने दुगुलिं कर्मयात जि नमस्कार ।

आः हानं थ्व ईश्वर करुणा बान्जा मखुका अथेनं थ्व ईश्वर बीतराग
 लाकि अथबा राग दुह्य ? आः थन न्हापांयागु बिकल्पनिं न्यने । यदि थ्व
 ईश्वर धंहाया दया मदुगुली अथबा राग मदुगुलिं सुख याना बीजा मखु
 धाःसां दुःखजा छुयानिनि उत्पत्ति याना बिल धका धाय् माल दुःख धंगुजा
 निश्चयनहे राग आदिया बशं सुंगुह्यस्या उत्पत्ति ज्वी । थुजागु राग थ्व
 ईश्वरया दुगुहे मखु गथे कारण मदेक थ्व ईश्वरं लोकयात दुःख यात ।
 ईश्वरया क्रीडार्थं (हितेगु लागी) लोकयात दुःख याकल धंगु जूसा क्रीडा-
 यानिनि बीतराग जुया च्वंम्हसें थथे याइ धंगु थ्व निश्चयहे बीतरागला ?
 राग आदिं दुपि लोकपिहे इन्द्रिय जितेयाना च्वंपिनि थथे म्हितेगु लागी
 लगेजगु खनेमदु धासेंलि बीतरागपिनि थथे ज्वीलाकि छु गबले ज्वी
 ज्वी मखु । राक्षसत करागु स्वभाव जुयाच्वंपि पिशाच आदिं चण्डालत
 बुष्टजातपिनि बाहेक मेमेपिनि थथे परयात दुःखयाना थः क्रीडा याय् धंगु
 चित्ते तंमखु । हानं राग दुम्हला थ्व ईश्वर धंगु पक्षे । थ्व ईश्वर राग दुम्ह

जूसा आः थन थ्व ईश्वरजा मेपि लोकनाप समानह्य जुल थ्वन गथे ईश्वर
 धाय् जोग्य ज्वी । (राग आदि क्लेश पाशया अधीनगु वृत्ति याना च्वंहया
 जगते ऐश्वर्य ज्वी धंगु जोग्य मजूयानिति) थथे राग दुह्यजा ईश्वर थ्वं
 लखु । थथे राग दुह्य ईश्वर खःसाजा मेमेपि राग दुपि लोकापिनं ईश्वरं
 ज्वी । संसारया चाल-चलन रोके याःगुलि थःगु अधीनं च्वने मफुह्य
 (अर्थात् संसारे चले यार्कंगु रागं क्वत्यला रागया अधिकारे च्वंह्य) ईश्वर
 जुसेलि मेपि लोकापिथे जाह्य जुल, थुजाह्य ईश्वर संसार विचित्र रचना
 दैकेगुली चतुर ज्वी फेमखु । आः थ्व खँ छिमिकेहे न्यने गुह्यजा थुजागु
 प्रकारयाह्य ईश्वरयाके याबन्त ऐश्वर्य दैलाकि छु ? ये बा खतका थथिजाह्य
 ईश्वरनंहे थ्व ईश्वर कर्ता ज्वी फतका फुसां तबि थ्व ईश्वर स्वस्थ आत्मान्ह
 लाकि अथवा अस्वस्थ (स्वस्थ मजूगु वेँया भाबगु) आत्मान्ह ? यदि
 स्वस्थगु आत्मान्ह ईश्वर धंगु जूसा आः थन छुयानिति थ्व ईश्वरं व्यर्थं हे
 लोकयात दुःख याना च्वन । निश्चयनं स्वस्थगु आत्मा जुया च्वंम्हसें अप-
 राध मदुम्ह लोकयात पीडा याःगु खने मदु । हानं मखुगु लेँ वनाच्चंपि
 अर्थात् पाप कर्म याःपि अपराधी पुरुषयात जक थ्व ईश्वरं पीडा यार्कं धंगु
 जूसा मखुगु लेँ व्छंम्हनं वहे ईश्वर खः, अथे वंहे मखुगु लेँ व्छया वंहेसतुं
 पीडा याकेगुला थ्वजा लौकिक ईश्वरयापिनि सिकं नीचगु वृत्ति जुल ।
 थुपि लौकिक ईश्वर (लोकया छो सामान्यम्ह) पिसंजा अपराध याःगु
 दुम्ह अपराधि जनयात जक सासना याई, थ्व ईश्वरंजा थःथमंहे पाप याका
 थमंतुं पीडा याकल धासेलि थ्व ईश्वरयातजा तच्चोगु दोषहे लात । हानं
 थ्व ईश्वर स्वस्थ आत्मान्ह मखु अस्वस्थ (उन्मत्त) गु आत्मान्ह धंगु जूसा
 थुगु बखते स्वर्ग मोक्ष लाय् धंगुली बिचार यानाच्चंपिसं थ्व वेँम्ह ईश्वर-
 यात आराधना याय्गु मवासिब ज्वीला ? थ्व साधुया ज्या खःला । वेँयात
 आराधना याय्गु मेपि वेँ मजूपिसं उत्साह याइ मखु वेँ तसें जकहे उत्साह
 याई । थथे निश्चयनं स्वर्ग आदि लाय् धंगु इच्छायांना बिचार याना स्वैच्चं-
 पिसं थ्व ईश्वरयात आराधना याय्गुली लगे जुल, थ्वजा निश्चय स्वभाव

मस्यगुलिं वं भापे मफुत अथवा थ्व ईश्वरयात आराधना याय्गु फल उल्तां सम्झे जुल । ईश्वरयात आराधना याय्गुली लगेज्वीगुली ज्याडा क्वातुक भ्रमाया बशे वंगुलि ईश्वर उन्मत्ता धका धाःपिसं थः समेतं उन्मत्ताम्ह धाय्गु जुल मखुला गथेले ? मखुसा छाप् व वेम्ह ईश्वरयाके आराधना याय्गुली लगेजुया । हानं मेपिं लोक उन्मत्ता जुयाच्चवंपिसं जक छु अपराध यात छुयानिति थुमित उपासना मयातले ? थ्व लोकपिनि ज्याडा प्रभाव मदुगुलि उपासना मयात धंगु जूसा प्रकृति (स्वभाव) यानं छुंहे ज्याडा प्रभाव दुगु जि मखना । उन्मत्ताम्ह ईश्वर सकल थ्व जगते अत्यन्त तच्चोगु शक्ति पराक्रम दुधंगु खँ उन्मत्ताम्ह यातहे सिबाब मेपित कनेगु लाइक ज्वी ला । उकें थ्व बांलाक बिचार याना स्वेबले ईश्वर दु ईश्वरं याःथे ज्वी धका गनं अरेजुया च्वनेथाय् मदु, उकें थ्व दुर्मतिपिसं ईश्वर दुधका क्यनातःगु खँ क्यना उकी लगेजुया ईश्वरयाके आदर तया सेवा याना आराधना याय्गु तमाम फजुल व्यर्थहे खः ।

आः भिगु बचनजा थ्वका न्यँ थथे धैतगु दु—

सुखस्य दुःखस्य न कोऽपि दाता परो ददातीति कुबुद्धिरेषा ॥

स्व कर्मसूत्रप्रथितो हि लोकः कर्ताह मस्मीति वृथाभिमानः ॥६१॥

थ्व संसारे सुखया दाता दुःखया दाता सुंहे मदु ईश्वर आदि मेमेपिसं सुख बिल दुःख बिल धंगु कुबुद्धि थ्व लोक सकलेंहे थमं थमं यानागु कर्मया फल भोग यानाच्चवंपि जि थथे याना जि थुगुकथं याना बिया धंगु अभिमान जम्मांहे व्यर्थ ।

उकिं सकतां थ्व जगते सुंहे कर्ता मदु खनेदुगु कारणयाकें बाहिक् मेपि थः खुसि दुपि ईश्वर आदि सुंहे मदु पक्का । थ्वहे खँ बिस्तारं क्यनेयानिति सिद्धान्तबादी धाल ।

हे ईश्वर कारणबादी ! सु थन छिमिसं ईश्वर धया धा । ताबत् आदी न्हापां गुगुजा पृथिवी आदिया संतानयाकें बिगर ज्या जूगु खने मदु, आः थन छिमिसं सु ईश्वर धया प्राप्त मजूगु संतानयाकें भिन्न व्यापारया

कारण धका छिमिसं धाय्गु जोग्य मजू, आपानं संग ज्वीगुलि । थुलिगु-
 नितिं थ्व कारण इच्छा याह्यमं खनेदेक ज्याया व्यापार यानाच्चंगु जकहे
 अंगीकार याय्माःगु खः । पृथिवी बीज आदियाके बिगर संतान प्रवाहजुया
 संसारया कार्य याःगु मेगुया खनेमदु अर्थात् पृथिवी जल तेज वायु आकाश
 थुलि पंच महाभूतयाके जकहे प्रत्यक्ष खनेदेक संसारया कार्य देकुगु खनेदु
 उके छुयानितिं खनेमदुगु ईश्वरं कार्ययात धका धाय्गु । हानं थथे धयाधका
 प्रत्यक्ष खनेदुपिं थ्व पृथिवी आदि पंचभूत ईश्वरला धका छिमिसं मंडा
 याना धाइ न्यं थ्व पंचमहाभूतनं ईश्वर मखु । यदि पृथिवी आदि पंचभूत
 ईश्वरहे खतका खःसां नांजक काय्गुली छाय् छिमिसं परिश्रम याना
 जिपिंजा पत्या मजू पृथिवी आदिनं संसारयागु कार्य याःगु खने दुगुलि
 अपिहे ईश्वर धंगु खालि नांजक थ्व अर्थया भेद छुं खने मदु युकी, उके अर्थ
 छुं खने मदुगुली छुं फल लाइ मखु धका जिपिं पत्यामजू हानं थुकिया अर्थ
 बिशेष दत धाःसाहे तबि थुपिं ईश्वर ज्वीगु जोग्य मजू छाय्धाःसा न्य ।

थ्व पृथिवी आदि नाना प्रकारया स्वभाव ज्वीगु नित्य मखुगु नांज
 ज्वीगु स्वभाव जुयाच्चंगु चेष्टा मदुगुलि व्यापार मदुपिं देबता मखु आरा-
 धना याय् जोग्यगु रूपनं मखु लंघनानं याय्फुपिं अशुचिपिं अशुचि आदि
 गुली पृथिवीया सद्भाव दुगुलि थुपिं ईश्वर मखु ईश्वर घैह्यया थुजागु
 स्वभाव ज्वीमखु । यदि पृथिवी आदि जल, तेज, वायुजा ईश्वर मखुसा
 आकाशजा ईश्वर खःला धाइ, आकाशनं ईश्वर मखु छाय्धाःसा चेष्टा
 मदुम्ह जूयानितिं स्वभाव मदुगु जुया वया छुं व्यापार मदुगुलि । आत्मा
 ईश्वरला धाइ आत्मानं ईश्वर मखु थ्वनं न्हापा बिस्तारं कना निषेध याय्
 धुन् छाय्धाःसा-थ्व आत्माया स्वभाव मदुगुलि खराचिया न्यकुदु धाय्थे
 जक थ्व आत्मा उके आत्मानं ईश्वर मखु । यदि थ्व चिंतना याय्गुहे मदुम्ह
 धासेलि थथिम्ह ईश्वर कर्ता ज्वी छगू छगूली कारण ज्वी धंगु चिन्तना
 याय्गु मदेगुजा छुं खं ह्लाय् (थ्व ईश्वरहे चिन्तना याय्गु मदु धासेलि थ्व
 कारण जुया ज्या याइ धंगुयाजा चिन्तना याय्गु गबले दे) खंका हानं थ्व

ईश्वर अति खंके थाकुम्ह स्वे थाकुम्ह जूयानिति चिन्तना याय् मफुत व ईश्वरया ज्याजा सकल लोकपिसं खंक सकलें पत्याज्वीकहे खनेदु धका धाःसां तबि थ्वनं ज्वीमखु न्य ।

थ्व ईश्वरं छु देकल छु देकुगु इष्ट जूले । आत्मा देकल धंगु जूसा आत्माज। सदां दुम्ह नित्यम्ह धका छिमिसं धाल, नित्यगु बस्तूजा सदां दहेदु ईश्वरं देकेमाःगु मखु । यदि ईश्वरं देका जक आत्मा दुगु धाःसां थ्व आत्माज। नित्यम्ह खहे मखुत उकें नित्यम्ह आत्मा जूयानिति ईश्वरं देकुम्ह मखु । १।

पृथिवी आदि लः, तेज, वायु, आकाश, दिशा मनं देकल धंगु जूसा थ्वनं ईश्वरं देकुगु मखु छायाःसा-थुमिगु स्वभावनं नित्यहे खः ईश्वर धम्हनं नित्य वं देकुगु मखु । २।

ज्ञानं देकल धंगु जूसा थ्वनं मखु ज्ञेय (सीकेगु) बस्तू मदेकं ज्ञान मदुगु जूयानिति संसार दतलेंहे ज्ञेय बस्तुली लगेजुया जक ज्ञान उत्पत्ति ज्वीगु जूयानिति ज्ञाननं ईश्वरं देकुगु मखु । ३।

कर्मया सुख-दुःख देकल धंगु जूसा थ्वनं मखु थमं थमं यानागु पाप-पुण्ययाः कलं दुःख-सुख ज्वीगु खः, उकें थ्व कर्म सुख-दुःखनं ईश्वरं देकुगु मखु । ४।

अथेयानिति का धा छं थ्व ईश्वरं छु देकल । हेतुया आदि मदु धासॅलि फलया आदि गबले दै । यदि ईश्वर जगतया कर्ता मखुसा प्रलय मजुबंन्ह्यो थ्व संसार सृष्टि गथे जुल धका छिमिसं धाइ, थ्वहेखः जि हेतु धंगु थ्व संसार सृष्टि जूगुहे थनंनिसें धंगु मदु । थ्व हानं गथेधाःसा-क्लेश व कर्म आदिया लक्षण खः हेतु हेतुया थनंनिसें दत धंगु मदु धासॅलि थ्वया कारणं हे फल वंगु सत्त्वलोक भाजनलोक बिबर्त (सृष्टि) आदिया लक्षण थ्व आदि न्हाया गबले दै दैमखु, आदि मदच्वंगु संसारे सत्त्व प्राणिया कर्मया अधिपति स्थिति प्रलय सृष्टि दैच्वंगु खः उकें कर्महे मयाकं सुख-दुःखनं दैमखु धया उकेंहे कर्मया सुख-दुःखनं ईश्वरं देकुगु मखु धया । हेतुया

(ईश्वरया) आबि मबु धासैलि प्रलयकालिनं थयेहं ज्वी गुगुजा हेतुयाहं
 आबि मबु धासैलि थुकिया फल सृष्टि आदि लक्षणया आदि गबले दे ।
 नित्य खःसा नित्य जुया व कारणयानं सदाहे समर्थ देचवंगुलि सृष्टि आदिन
 नित्यहे देचवनी, उकें नित्य समर्थ देचवंगु थुकी सृष्टि आदिना आदि देह
 मखु । उकिं थव नित्य खःसा गुगुंकाले सृष्टि याइ उगु वखने वहे कारण
 स्वभाव जूगुलि सदाकालं वहे जक याइ, थवहे प्रकारं स्थिति जूसा स्थितिहे
 जुया चवनी संहार जूसादं संहार जकहे जुया चवनी थये मज्झाय् मदा
 थये मयातले ? हानं थव समर्थ स्वभावम्ह हेतु ईश्वर खःसा वं मेपि सह-
 कारी (पासापि) अर्थात् वंयाथेतुं याइपि अपेक्षा याइ मखु, छाय्धाःसा
 नित्यम्ह समर्थ स्वभाव जुया चवम्हया मेपिके वास्ता याय् म्वागु जूयानिति
 सकताहे थःगु समर्थ याइ । उकिं थव ईश्वरं देकुगु मखुयानिति ईश्वरं
 मदेकुगु गुगुज्वी थव जगत मदुगुहे पक्का खः थुलिया कारणं थव ईश्वरयात
 नित्यहे कर्ता धका गथे धाय् उकिं ईश्वर कर्ता मखु (अर्थात् लोकपिसं
 याःगु कर्म स्वया व कर्मया सहाय जुया जक ईश्वरं सुख-दुःख याःगु खः, व
 ईश्वरया थःयथे लोकयात सुख-दुःख याःगु मखु उकें लोकया थमं यानागु
 कर्मया हेतुं जक सुख-दुःख आदि जूगु धासैलि थव सुख-दुःखया हेतुनं ईश्वर
 मखु, सुख-दुःख आदि देकुम्ह कर्तानं ईश्वर मखु थव जगत संसारनं
 प्राणिया थव थव कर्मया अनुसारं दुगु जूयानिति थव जगतया कर्तानं ईश्वर
 मखु) यदि हानं थव ईश्वरं सदाकालं सकतां कार्य याय्गु समर्थ दु अथेनं
 थव ईश्वरं सामग्री अपेक्षा याइ बिना सामग्री मदेकं कर्ताया समर्थ दुतां
 तबि कार्य उत्पत्ति ज्वीमखु, छाय्धाःसा दृष्टान्त वयने—कापः देकेगु समर्थ
 दुसां तबि उकिया कारण कपाय्, का, हाथा इत्यादि मदेकं कापः देके
 मज्यू । वथेतुं प्रकृतियानं सादामि माः धका छिमिसं घाइ आमथे जूसां
 हेतुहे ईश्वर मखु छाय्धाःसा—सामग्री दुसा जक ईश्वरं ज्या याइगु सामग्री
 मदुसा मयाइगु जूयानिति गुगुजा लोकया सुख-दुःख ज्वीगु स्वर्ग नरक
 बनीगु कारण लोकपिसं पाप-पुण्ययाःगु कर्मया सादामि मदुसा जक थव

ईश्वरं स्वर्गं नरके वृक्षया सुख-दुःख याकेफुम्ह जुल, यदि थुजागु सार्दामि मद्दुसा याय् मफुम्ह जुल उकें थ्व जगतया हेतु ईश्वर मखु । हानं लोकया सार्दामि मद्दुगुली (अर्थात् थ्व लोकपिसं शुभ-अशुभ कर्म याःगुलिं सुख-दुःख आदिं ज्वीगु दुगुलिं) थ्व ईश्वरं मज्वीकेनं फुगु मखु, थ्व सार्दामि मदेबले थ्व ईश्वरं ज्वीकेनं फुगु मखु ग्वले ईश्वरं संसारया हेतु जुया छु देकल व ईश्वरं अथेयानिति हेतु ईश्वर मखु । छुं इच्छा मज्वीकं ईश्वरं कार्य्य याइ धंगु जूसा थ्व ईश्वर थःगु इच्छायाःम्ह मखुयानिति कर्पिनि अधीने लाम्ह ज्वी । हानं इच्छा जुया कार्य्य याःगु जूसां व ईश्वर इच्छाया बशेच्वंम्ह ज्वी थथे जूयानिति आः ईश्वर धैम्ह गनदु सु ईश्वर । अथेयानिति कारण खनेदुगुलिं स्वाभाविक थ्व संसार मखु । १। चेष्टा मद्दुपिं जूयानिति पञ्च-भूतं बनेयाःगुनं थ्व संसार मखु । २। ईश्वर कारण जुयानं थ्व संसार देकुगु मखु । ३। खालि थ्व संसार सकल प्राणिया सुगति दुर्गति सुख-दुःख आदिं देकुगु थःथःगु कर्म हे खः धका निश्चय सीकि भ्रान्ति ज्वीमते थन । आः थन थ्व कर्म सुनां देकुगु धाःसा थ्व खँ कने त्यना । धैतःगुदु अभिधर्म—

कर्म जं लोक वैचित्र्यं चेतना तत्कृतं चतत् ॥

चेतना मानसकर्म तज्जेवाक् काय कर्मणी ॥६२॥

थःथःगु कर्मयाकें उत्पत्ति जूगु थ्व लोके चित्र-बिचित्र जुया च्वन थ्व कर्म देकुम्ह सुधाःसा—चेतना, चेतना धंगु मनया कर्म थ्व मनयाकें बचन शरीरया कर्म उत्पत्ति जुल । अथेयानिति थ्व चेतनां सहितगु मनं प्रेरण याःगुलिं म्हुतु बचनं कर्म यात ह्ला-तुति आदि शरीरनं कर्म यात, मनं मधाःगु जूसा बचन शरीरं कर्म याइ मखु मनं धाःगुलिं हे म्हुतु शरीरं कर्म याःगु जूयानिति मनं यानाहे कर्म बनेजूगु निश्चय खः । थ्व मनं भिगु धर्म-कर्म दान-दातव्य आदिं याय्गु इच्छा याःसा मन बचन शरीरं भिगु कर्म हे याइ, मभिगु पाप चेस्ना यातसा मन बचन शरीरनं अथेहे मभिगु कर्म याइ, भिगु कर्म याःसा भिगु फल हे लाइ मभिगु कर्म याःसा मभिगु हे फल लाइ । थुलियानिति थ्व याय् त्यो थ्व याय् मत्यो धीगु गुरुपिगु शिक्षा

आदि न्यनातःपि संसारयागु दुःखया भयं ग्यानाख्यंपि लोकापिसं थ्व शिक्षा
प्रतिपाल यायनिंति चित्तयातहे रक्षा याय्मा । धंतःगुदु बोधचर्यावृत्ता—

शिक्षां रक्षितुं कामेन चित्तं रक्ष्यं प्रयत्नतः ॥

नशिक्षा रक्षितुं शक्या चित्तचित्त मरक्षता ॥६३॥

शिक्षा रक्षा याय् धंगु इच्छायाह्य पुरुषं बहुतहे जत्नजुक्ति याना थःगु
चित्तनिं रक्षा याय् माल थ्व चञ्चल जुयाच्चंगु चित्तयात रक्षा मयासे शिक्षा
रक्षा याय् फैमखु । साहे मजूह्य मत्ताह्य किसि थुगु लोके थुजागु व्यया बी
फैमखु, गुह्य चित्तरूपी मत्ताह्य किसि थः यथ्ये तोतातःह्य तथागतया बचन
रूपी अंकुश नका साहेयाना थःगु बसे तथा मतःनिह्यसे अबीचि आदि
नरके ववफाना सास्ति याना बी । थुह्य चित्तरूपी मत्ताह्य किसियात चोगु
उपाय छुधाःसा स्मृतिरूपी खिपः थ्व खिपतं सकभनं उखेथुखे गनंहे मभिगु
पक्षे वने मफेक चिना तय्मा, गन चिना तय्गु धाःसा धर्मचितारूपी
तःगोगु थामे चिना तय्मा, गुगु प्रकारं चिना तय्गु धाःसा वं बलात्कार
याना थां तोथुला खिपः चफुना बिस्युंवने मफेक धर्मचितारूपी महा तःगोगु
थामे स्मृतिरूपी खिपतं जबरजस्ति इकिधिकि सने मफेक सनेपावे मज्जीक
चिना तय्मा थथे चिना तल धाःसा उगु बखते सकतां भय नाशजुया वनी
सकतां मङ्गल जुया वं ।

व्याघ्राजसिंहा गजा ऋक्षाः सर्पाः सर्वे च शत्रवः ॥

सर्वे नरकपालाश्च डाकिन्यो राक्षसास्तथा ॥६४॥

सर्वे बद्धा भवन्त्येते चित्तस्य कस्य बन्धनात् ॥

चित्तस्य कस्य दमनात् सर्वे दान्ता भवन्ति च ॥६५॥

धुं, सिंह, किसि, भालु, सर्प सकल शत्रुत सकल नरकपाल जमदूत
गणपिं डाकिनी-साकिनीगणपिं राक्षशगणपिं सकलें चित्त छह्यस्यात चित्त
घाय् थुपिं सकस्यातं चिनागु ज्वी, चित्त छह्यस्यात साहे याय् थुपिं
सकलें साहे ज्वी । थुपिं सकलें च्वे कनापिं धुं आदि गणपिसं थमं मभिगु
कर्म पिना तयागु दुसा जक दुःख व्यूबेपिं नतर दुःख बी फुपिं मखु कर्म
धंगु थःगु चित्त वचन शरीरं याःगु ज्या थ्व थःगु चित्तयाकें उत्पत्ति जुया

बंगु चित्त मवेकं थुपि वचन शरीरया कर्म उथे ज्वी फुगु मखु, अथेयानिति संसारे सकतां अनेक प्रकारया भय जूगु नाना प्रकारया दुःख जूगु सकतांहे कर्मयाकेंहे जूगु मेपि ईश्वर आदि सुनानं याःगु मखु थ्व कर्म थःगु चित्तंहे बनेयाःगु थुलियानिति थ्व संसारे याबन्त दुःख, संकष्ट, पीर, भय जूगु जम्मांहे थःगु चित्तयाकें जूगु धका तथ्यबादी (सत्यबादी) जुया बिज्याह्य भगवानं आज्ञा देका बिज्यात । अथेयानिति परयात अपकार (मखु याय्गु) मयाय्गु चित्तजुया च्वंहायात मेपि अपराध याःवैपि सुं दैजखु । धंतःगु दु-

निवृत्त पाप चित्तस्य नास्ति लोके भयं द्विपः ॥

सुखहानि नंतस्यास्ति यस्यचित्तं वशेस्थितं ॥६६॥

पाप चित्त मदुह्यस्या लोके भय दैमखु शत्रुनं दैमखु, गुह्यस्या चित्त बशे दैच्वन वया सुख हानिनं गुबलेसं ज्वी मखु । थथेनं धंतःगु दु-

चित्तस्य दमनं साधु चित्तं दान्तं सुखावहं ॥६७॥

चित्तयात सा-हे याय्गुहे साधु धंगु खः चित्त सा-हे याह्ययात साधु धाय् चित्त सा-हे जुलकि सकतां सुख बहे ज्वी । अथेयानिति संसारे चित्तहे तःधं धका सीकि, छाय्धाःसा-बिनां चित्तं मयाकं धर्म-कर्म दान-प्रदान आदि याइगुमखु प्राणातिपात आदि पाप याइनंमखु बिनां पाप-पुण्य मयासं दुर्गती-सुगती वनीनं मखु दुःख-सुख ज्वीनं मखु कर्म देकीह्यहे चित्त मेपि ईश्वर आदि सुनानं कर्म देकीगुनं मखु, उकें ईश्वर आदि मेमेपि सत्व अर्थात् मां-बौ, दाजु-किजा, भाइ-बन्धु, इष्टमित्र भात-कला, काय्-म्ह्याय् परिवारपिगु भरे च्वनेमते थःगु चित्तहे कजेया । स्व नरके जमदूतगणपिके खड्ग, पा, भाला, मुगः, लुसि आदि नाना प्रकारगु शस्त्र-अस्त्र गनं उत्पत्ति जुस हानं च्पि वागाइगु बन खोचाधारया भूमि आदि जत्नं सुनां देकातल गये उत्पत्ति जुल अन नरके थुजागु बस्तू देकुह्य कर्ता ईश्वर आदि सुंबुगु मखु । हानं व नरके पूगु नैयागु भूमि सुनां देकातल वहे नरके सिमल् सिमा या क्वेक्वे आपालं सजाई यानातःपि मिसात खने दु थुपि हानं थ्वहे सिमल् सिमा सुनां देकातःगु गनं उत्पत्ति जुयाच्वन । हानं थथे धाय्बले छिमिसं

संख्यायाना उत्तर बी कि नरके शस्त्र-अस्त्र आदि देकुपि सजाईयाईपि ब्रह्म-
राजा आदि जमदूतापि दु धाई, अथे बहेबुसां फीत छु वास्ता, छायाध्राः मा
प्राणिपिसं पापकर्म मयाकं नरकेहे वनी मखु (अथवा शुभकर्म मयाकं स्वर्ग
नं वनी मखु) उकें थःगु पापकर्म याना नरक दुगु नरकया सजाई कय्माःगु
थ्वथेंतुं थःगु शुभकर्म याना स्वर्ग वना मोजयाय् दुगु थुलियानिर्ति स्वर्ग
देकुहानं थःहे नरक देकुहानं थःहे । अथेयानिर्ति थुकीया कारण मेगु मदु
चित्तयाकेंहे दैगु धका सीकि ।

सत्त्वलोक मथ भाजनलोकं चित्तमेव रचयन्त्यति चित्तं ॥

कर्मजं हि जगदुक्तमशेषं कर्मचित्तं मवधूय च नास्ति ॥६८॥

सत्त्वलोक व भाजनलोक थ्व निगू अति बिचित्रं चित्तंहे बनेजुया च्वंगु
थ्व जगत सकतांहे कर्मयाकें उत्पत्ति जूगु धका घेतल । कर्म घंगु चित्तयाकें
बाहिक मेगु मदु अर्थात् चित्तंयाना कर्म बने जूगु । अथेयानिर्ति थ्व सकतां
या कारण चित्तहे खः थुपि धुं सिंह आदि नरके शस्त्र अस्त्र आदि दुःखबीगु
बस्तू सकतांहे पाप चित्तयाकेंहे उत्पत्ति जुयाच्वंगु धका मुनिश्वर भगवानं
आज्ञा देका बिज्यात । थुलिया कारणं स्वर्गमध्य पाताले चित्तयाकें बाहिक
मेपि ग्यानापुगु ग्यानापुपि सुंहे मदु, अथेयानिर्ति चित्तहे बशे तय्मा ।
घेतःगु दु आद्यैरत्नमेघे—सकतां धर्मया मोहरा चित्तजुया च्वन अर्थात्
सकतां धर्म चित्ते लाना च्वन, चित्त ह्यसीव सकतां धर्म म्हसी ।

चित्तेन नीयते लोकः चित्तं चित्तं न पश्यति ॥

चित्तेन चीयते कर्म गुभं वा यदि वा शुभं ॥६९॥

चित्तं लोकापित यंकी (अर्थात् षट्गति यंकी) चित्तं चित्तयात मखं
चित्तं कर्म मुनी भिगुनं मभिगुनं । चित्त चाउली मिलापू सिथें (मिलापूति
झाति ज्वना चाचा होक्यबले मियागु चाकः दं महीकुसा दंमखु थ्वथें)
चित्त भ्रमज्वी लःया तरङ्गथें । चित्त बाहज्वी बनया अग्नि बन दाह-
याःथें । चित्त बुयावें आपा लःदुथासे लः व्छनाछोसां हानं हानं बुयावेंगुथें ।
थुगु प्रकारं बांलाक चित्ते परिक्षा याना स्वया बोधिसत्त्वं स्थिरगु स्मृति

याना च्चनी चित्तया बशे बनीमखु चित्तयात थमं बशे काई चित्त बशेकाय्
 धुसॅलि सकतां धर्म बया बशे वै । थुपिंजा जम्मां चित्तया अधीन खः दान-
 पारमिता आदिं खुगू पारमितानं चित्तया अधीनला धाई खः । थ्व गथेधासा
 जगत संसार सकल प्राणियात दरिद्र मज्जीक धाधाम्हस्यात धाधागु तक
 बस्तू बियालि दानपारमिता पुरेज्वी धयागु तथागतया बोलि धासॅलि आः
 बौतकं जगत दरिद्र तिनि थ्व न्हापाजुया बिज्यापिं तथागतपिनि गथे दान-
 पारमितां पुरे जुल धाःसा न्य । थ्व सर्वस्व बाह्यबस्तू थः शरीरेच्चंगु बस्तू
 दान याइ, दानयायां प्राप्त जूगु पुण्य फल समेतं सकल प्राणिपित त्याग
 याना थुकीहे अभ्यास याना पुरायाना थःके मत्सरि ज्वीगुया भाब मल छुं
 मदया छुनापं संगमदुगु चित्त उत्पत्तिज्वी उबले दानपारमितां पुरेज्वी
 धका घंतल, अथेयानिंति दानपारमितानं चित्तं यानाहे पुरे ज्वीगु खः
 मेमूलि मखु ।

शीलपारमिताजा फन चित्तयाहे खेल खः । गथेधाःसा-प्राणातिपात
 आदि सकल दोषयाकें छुतेज्वीगुहे शील । स्याय्पिं प्राणिपिं आदि मदया
 ममिगु कर्म याय्गु बिषय बस्तू मदुसा शील बचे ज्वी धका च्चनी अथे
 मखुकि गथेधाःसा न्य, न्या आदि प्राणिपिं गन खने मदु थासे तय् यंके गुगु
 याकें थुमित मस्याइ अर्थात् न्या आदि प्राणि स्याय्पिंहे मदुसा स्याय्गु
 दंमखु शील बचेज्वी धका च्चनी थथे मखुकि थुपिं प्राणि दंच्चंसां थःत
 प्राप्तजूसांहे बिसरगु चित्त याइ अर्थात् स्याय्मखु धंगु चित्त दृढ याइ
 थथे ज्वीव शील बचेज्वी, अथेयानिंति थ्व शीलपारमितानं चित्तया
 अधिकारहे खः ।

क्षान्तिपारमिता धंगुनं चित्तयाकें भिन्न मेगु मदु गथेधाःसा कपिमं
 अपराध आदि याःसां थःगु चित्ते कोप मयासे सहाय्यगुली क्षान्ति । सकल
 शत्रुयात फुका शत्रु साधन याना शत्रु मदुसॅलि शत्रु मदुह्यस्यात मेपिं अप-
 कारयाइपिं दंमखु अले तॅपिकाय् माली मखु तं मदुसॅलि क्षान्तिज्वी धका
 च्चनी थथे मखु गथेधाःसा-शत्रुगणपिं आकाशयें पर्यंत मदेक दंच्चन,

गुलिनं स्यात् फुकं स्यात् फेमखु युलियानिति थःगु चिनश्चंरु वरंकार
 छह स्यात धाय्व युवि सकल शत्रुपित स्यानागुथे ज्वी । दृष्टान्त गवे-
 धाःसा-कं आदि तुती पीडा जगु बस्तूयाकें रक्षा ज्वीकियानिति थाम
 तोप्वीगु जोग्य, थ्व भूमि तोप्वीत अपाय् फाःगु अंगु गन जकटे दनभाःमांर
 तोप्वी फेमखु, उपाय याःसाजा फं गथेधाःसां अंगु लकामंन्हाणा बुयानुल
 सकल भूमि तोपुयागुथे ज्वी । थथे पृथिवीले अंगुनि तोप्वीगुथे ज्वीनिति
 शत्रु प्रभृति पिनेयागु भाब जि गनेगु समर्थ मदु अथेयानिति थःगु चिनबा
 थमं गनेफुगु थ्व चित्तयात जि गने मेपित गनाया प्रयोजन मदु थःगु
 चित्तयात जक गनेव मेपितनं गनागु ज्वी युलियानिति थ्व आन्ति धंगुनं
 चित्तहे खः ।

बीर्यपारमिता धंगु पुण्ये उत्साह याय्गु स्वभाव थ्वनं स्पष्ट छुटेज्वीक
 हे चित्तया अधिकार खः गथेधाःसा बचन शरीर सहित जुयाच्चंसां चित्तया
 धर्म याय्गुली बांलाक उत्साह मज्जीव उत्तमगु ब्रह्मत्वफल लाय् फेमखु
 गथेधाःसा ध्याने आदि पराक्रमया ज्या याय्बले चित्त छह जक जबजंमि
 लगेज्वीव एकचित्तज्वीव ब्रह्मत्वफल लाई ।

ध्यानपारमिता धंगुजा चित्तया एकाग्र याय्गुहे लक्षण चित्तयाकें
 बाहिकजा खं ह्लाय्गु थाय्हे मदु । गथेधाःसा मन्त्र आदि न्वनेगु लक्षण
 बचनया व्यापार खः इन्द्रिययात सान्हे याय्गु लक्षण शरीरया व्यापार खः
 थुजागु जप-तप ताकालं यानांच्चंसां तबि मेगु थासे चित्त वन चित्त न्धासुल
 धाय्व न्वर्थहे ज्वी धका सर्वज्ञ भगवानं आज्ञा देका बिज्यात । दृष्टान्त
 गथेधाःसा-काय्मचा खःसां काय्मचायात याय्माःगु ज्या मयाय्व काय्-
 मचा मखुम्हथे ज्वीगुथे, युलियानिति ध्यानपारमितानं चित्तयाकेंहे पुरे
 ज्वीगु खः ।

प्रज्ञापारमिताजा चित्तया हे ज्या । गथेधाःसा-

दुःखं हन्तुं सुखं प्राप्तुं ते भ्रमन्ति मुधाम्वरे ॥

यैरेतद्धर्म सर्वस्वं चित्तं गुह्यं न भावितं ॥७०॥

पञ्चगती श्व संसारे जन्म उद्योग आदि दुःख फुका निर्वाण सुख लाय-
निति थुपि सत्वप्राणिपि म्यर्थ आकाशे काशिपुष्प धंगु, स्वां फसं ह्वाना
चाचाउलाच्चवंगे निष्फलहे संसारचक्रे चाचाउला च्वन । अर्थात् पञ्चाग्नि-
तापन याना क्षं ब्वेलाका तुति च्वेलाका मिध्येका न्ह्यपु हाय्का आदि शिरे
पोडा याना ब्रतयाना च्वन, थुपि संसारया भयं ग्यानाच्चंपि सुख इच्छा
याना च्वंपिसं श्व सम्पूर्ण थुगुलोक परलोकया धर्मया आदि कारण पुसा
जुयाच्चंगु चित्त धका म्हमस्यू मूर्खपिनि अगोचर स्वभाव जूयानिति गुह्य
जुयाच्च्वन । उक्ते श्व सकतां धर्म प्रज्ञापारमिता पुरे ज्वीगुनं चित्तंहे खः ।

आद्ये मण्डल्यह सूत्रे बयान याना तःगुदु-सकतां बोधिसत्वया
चर्या थःगुचित्ते च्वंच्वंगु सकल सत्वप्राणियात परिपाक (दुःख फुका सुख
याय्गु) बिनय (मार्ग) नं थःगु चित्ते च्वंच्वंगु । एवंपरीतं हे कुलपुत्र जिगु
चित्ते थये लुयावल थःगु चित्तहे स्थिरं तय्मा सकल धर्मया मूलं । थःगु
चित्तहे प्रकट याय्मा धर्मरूपी सुपाचं । थःगु चित्तहे शोधन याय्मा सकल
पापकर्म छुटेयाना भिगु धर्मयाकें । थःगु चित्तहे क्वातुकेमा बोर्य पराक्रमं ।

थुगु प्रकारं बोधिचित्त उत्पत्तियाम्ह शिक्षा रक्षा याय्गुली जत्त
याम्हसे मती तय्मा । थुलियानिति जि भिनकं एकाग्रचित्तं थःगु चित्त
थीरयाना रक्षा याय् चित्त रक्षा याय्गु ब्रतहे दकसिबे तःधंगु ब्रत सकल
धर्म चित्ते दुने लानाच्चंगु जूयानिति । अथेयानिति थये धैतल-

चित्तरक्षा ब्रतं त्यक्त्वा बहूभिः किं तपोव्रतं ॥३१॥

चित्त रक्षा याय्गु ब्रत तोता मेगु आपालं तपस्या ब्रतयाना छु प्रयोजन
श्व गयेधाःसा धर्म संगीति सूत्रे धैतःगु दु-मतिबिक्रम बोधिसत्वं धाल ।
गुगु श्व धर्म धर्म धका धाःगु श्व धर्म थासेच्चंगुनं मखु थान मखुथाय् च्वंगु
नं मखु मेमेगु थासे च्वंगुनं मखु थःगु चित्तया अधिकार जुयाच्चंगु । थुलि-
यानिति जि थःगु चित्त बांलाक आराधना याय् बांलाक थीरं तय् बांलाक
जिते याय् बांलाक क्वातुके बांलाक बरो तय् । गन चित्त लात अन गुण
दोष यंगु । थुलियानिति बोधिसत्वं दोषयाकें मन लिचिला गुणे मनतं ।

यथे धैतःगुदु चित्तया अधिकार जुयाच्चवंगु धर्म । धर्मया अधिकार जुयाच्चवंगु
 बोधिज्ञान । गथेजा चत्पत्तं सनीपिं होस याइमखुपिं मन्ते दथ्वी च्वच्चवंगु
 पुरुष थःगुम्हे घाः दैच्चवंगुम्हे थःगु घाले ध्वका बी थःत पीडाज्वा भक्ताज्ज
 मती तथा बहुत सम्हार याना उगु घाःयात आदरतया रक्षा याइ, थ्वथेन
 शिक्षा स्यनेगु रक्षा याय् धंगु इच्छायाम्ह पुरुषं कारणहे मदेक जत्रजुया
 वंपिं वुर्जन क्लेशया दथ्वी च्वच्चवंगु चित्तरूपी घाः थ्व दुर्जनपिमं ध्वका
 तच्चोयाना पीडा याका बी धका ग्याना उकीहे जक तत्परयाना सदामबं-
 कालं व चित्तरूपी घाःयात बहुत स्याहार सहार याना रक्षा याय्मा ।
 घाले ध्वका बीगु दुःखजा किञ्चित् मात्रया दुःख खः थुजागु दुःखं जकहे
 ग्याना आदरतया बहुत बिचार याना थुगु घाः जि रक्षा याना च्वना
 घासेलि थ्व चित्तरूपी घाःयात रक्षा मयाय्व संघात नरक उत्पत्ति जुया
 च्वंगु अनेक द्वलंद्वः बर्ष भोग याय्माःगु दुःख पदेतं क्वचिया म्हेछुम्हे
 न्याप्त ज्वीक प्रहार याइगु दुःख भोग याय्माली थुजागु दुःखज्वीगु भयं
 ग्याना थ्व चित्तरूपी घाःयात गथे रक्षा मयाय्व बहुत होस यानाहे रक्षा
 याय्मा । थथे मती तथा चलेयाःसा थुम्ह भिक्षु अर्थात् बोधिचित्त काय्गु
 इच्छायाम्ह पुरुषं थ्व दुर्जन मूर्खत क्लेशगण बांबांलापि स्त्रीगणपिनि दथ्वी
 च्वनाच्चवंगुं थुम्ह धीरा जुयाच्चवंगु यति (भिक्षु) कदाचित् स्यनामखु
 शिक्षा रक्षा याय्गु मनयाकें खुस्के ज्वीमखु । शिक्षा धारण याम्हसें थुलि
 मती तय्मा ।

लाभा नश्यन्तु मेकामं सत्कारः कायजीविनं ॥

नश्य त्वन्दच्च कुशलं मातुचित्तं कदाचन ॥ ७२॥

जि लाभज्वीगु वस्तु सम्पूर्ण फुना थवं । हानं जि अनेक प्रकारया सुख
 कामना याना च्वनागु थ्वनं फुना थवं । हानं कपिसं बहुत मान्य याका
 आवर तथा भिगु लासास प्यतुका दान बिया तुति भोपुया प्रशंसा याना
 माने याइगु आदि फुना थवं । हानं जि थ्व शरीर आनन्दं जीबिका जुया
 च्वनेगु थ्वनं फुना थवं । हानं मेमेगु छुं गुगुं जित सुख मोज दंगु पदार्थ गुलि

तक बँचवन धुपिनं जग्माहे फुना धवं । ध्व धर्मं याय्गु शिक्षा रक्षा याय्गु
चित्त छग्गु जक गुगुकालेहे फुना मवनेमा ।

अथे चित्त रक्षाया धका धेतःगु जि बुकें जुल । आः ध्व चित्तयात
रक्षाया सकतां संसारे सुख-दुःख आदिं कर्मं देकुगु चित्तं धका धाल, ध्व
चित्तयात गबे रक्षा याय्गुले थुजाम्ह मत्ताम्ह किसिथें चंचलम्ह चित्तयात
मभिगु पक्षे गनं वने मफेक रक्षा याय्त्त उपाय छु धका धाई, न्य-ध्व चित्त
रक्षा याय्गु उपायजा स्मृति छता व संप्रजन्य छता २ ध्व निता जुयाच्चन ।
ध्वहे खे आदर देकेत धयातःगु दु-

चित्तं रक्षितुं कामानां मयैष क्रियतेऽञ्जलिः ॥

स्मृतिं च संप्रजन्यं च सर्वं यत्नेन रक्षत ॥७३॥

चित्त रक्षा याय्धंगु इच्छा याःपिके जि ह्लानिपां ज्वरेयाना प्रार्थना
याय् । स्मृति छता व संप्रजन्य छता न्ह्यागु कित्ता यानानं जत्तयाना
रक्षाया ।

स्मृति धंगु छुधाःसा आर्यरत्न चूड सूत्रे धेतःगु दु-गुगु स्मृति सकल
क्लेशया उत्पत्ति ज्वीमखु । गुगु स्मृति सकल मारया कर्मयाना च्वंपिसं
चूक् ल्वीके फेमखु । गुगु स्मृति बिले मभिगुले कुतुंबनी मखु । गुगु स्मृति
ध्वाका पहरा स्वरूप जूगुलि सकतां मभिगु पापकर्म चित्त उत्पत्ति ज्वीगु-
यात दुकाइ मखु ध्वंत धाई सम्यक्स्मृति स्मृति धंगुया धका धेतःगु
अथबा याय्मागु कार्य्यव याय्मत्यो याय्मज्यू गनातःगु कार्य्य ध्व निगू
गुगुयासे परेज्वी उगुथासे लुमंकेगु संप्रजन्यजा ।

प्रज्ञापारमितास धेतःगु दु--चलेजुया च्वंसां जि चलेजुया च्वना
धका सी । बिनाच्चंसा जि दिनाच्चवना धका सी । पयतुना च्वंसां जि
पयतुना च्वना धका सी । द्यनाच्चंसां जि द्यनाच्चवना धका सी । गुगु गुगु
कित्तां थःगु शरीर च्वंच्वनागु खः अथे अथे सम्पूर्ण थमं बुकेंज्वी होसियारी
ज्वी भुले ज्वीमखु (अर्थात् चित्तछखे लाइमखु यानागु कार्य्य बुकें जुया
च्वनी) एबंरीतं थुम्ह पुरुष लज्जुना जुया वंसांनं चलेजुया वसानं लिहां-

बोसां बुफेजुया चलेज्वीम्ह ज्वी स्वंच्वनेबले उखेथुखे स्वंबले मस्वंबले झा
 नुति आदि संकेबले पयजेज्वीबले ग्यरुबस्त्र चीवरबस्त्र पिण्डपात्र धारण
 यायबले नयबले त्वनेबले छनेबले त्यानुया थकेजुया च्वनीबले न्यानुसंका
 च्वनेबले वेबले वनेबले दिना च्वनेबले सुमुक पयतुना च्वनेबले छनाच्वने-
 बले जागर्तनायाना च्वनेबले खंल्लायबले न्वंमवासे सुमुक च्वनेबले छंगुमं
 काय्ये लगेजुया च्वनेबले बांलाक बुफेजुया चलेयाइहा ज्वी ।

स्मृति संप्रजन्य जज्वीगु छुज्वीधाःसा—गथेजा रोगग्रस्त जुयाच्वंह
 पुरुष सकतां कर्म दनेगु न्यासेवनेगु नयगु आदि कर्म समर्थ दंमखु । थ्वथेतुं
 स्मृति व संप्रजन्ययाकें व्याकुलगु चित्त जुयाच्वंह सकतां कर्म ध्यान
 यायगु पाठ यायगु जप यायगु स्तोत्र यायगु आदि कर्म समर्थ दंमखु ।

संप्रजन्य चित्त मजूसा छुज्वीधाःसा—संप्रजन्य चित्त मजूहया न्यना
 तयागु, चित्तना याना तयागु, भावना याना तयागु, जाने च्वंच्वंगु बस्तू
 लुमंका च्वंच्वने फंमखु । गथेधाःसा प्वागंगु घले लः तंबले क्वं घराघर
 ज्वया वै थानाच्वनी मखु थ्वथेतुं ज्वी । नाना प्रकारया शिक्षा शास्त्र न्यना
 तयागु दुसां श्रद्धादुहा जूसां जत्तयाना शिक्षा स्यनागुली आदर तंच्वंह
 जूसां संप्रजन्य मजूगु दोष आपत्ति पापं क्लिष्ट ज्वी । संप्रजन्य मजूगु
 क्लेश स्वभाव खुं स्मृति खुयाकाय धका चूक माला ल्यूल्यूजुया च्वंहसे
 बावेलाका स्मृति खुया यंका पुण्यरूपी धन मदेका बी धुसेलि आपालं पुण्य
 धन मुनातःगु दुम्ह जूसां दुर्गती व्छै बी । क्लेशरूपी खुंया संघ थुपि दोष
 प्वा मालेगुली तत्पर याना जूपि थुमिसं दोष प्वा ल्वीका पुण्यधन खुया
 कया भिगुगती जीबिका जुया च्वनेगु फुका बी ।

स्मृति मडुगुलि याना थुजागु दोष वै धका दोष खना च्वंपिसं थुलिया
 कारणे थ्व स्मृतियात मनरूपी छेँयागु द्वारं गुबलेसंहे पिच्छे मते, सदांहे
 मने स्मृति थातं तैति हानं कदाचित् छुंगुं काले मत्ता जुया थ्व स्मृति
 चित्तयाकें पिहांवन धाःसा नरकादि दुर्गंतियागु न्यथा लुमंका काचावक
 थ्व स्मृति लित ब्वनाहया हानं वहे चित्तेसतुं तेहय्मा ।

थथे आदर दुगु स्मृति छुजुयाबं धाःसा-उपाध्यागणपि थःत स्यने-
 कने याःपि आदर मान्य याय्माःपि तःधंपि गुरुकुल थुलिया न्ह्योने
 च्वंच्वनेबले भयं ग्याना अःपुक स्मृति वैगु गथेखः अथेहेसतुं बुद्ध भगवान्-
 गणपि बोधितत्वगणपिनं समस्त थासे सकतां बस्तू बिषय ज्ञानचक्षुं खना
 बिज्यापि अथेयानितिं थ्व सकल बस्तू थुमिगु न्ह्योनेहे च्वंच्वन जिनं थुमि
 न्ह्योनेहे च्वंच्वना जि याव्व कर्म भिगु वा मभिगु अमिसं बांलाक खनाच्वंगु
 दु स्वंच्वंगु दु बिचार यानाच्वंगु दु धका थःगु मती तथा थमं मखुगु कर्मयाय्
 त्यनीबने मछाला शिक्षास आदर तथा थ्व शिक्षा लंघना याय् त्यनीबले
 भय कया ग्याना च्वनेमा, थुगु प्रकारं चलेयातसा थथे याह्यस्या मन छवे
 लाइ मखु बुद्ध भगवानया अनुस्मृति नं बारंबार वं ।

गुगु बखते स्मृति मनरूपी छेया लुखास बलेशरूपी खुंया संघ प्रवेश-
 ज्वीपि गनेत रक्षा याय्त ध्वाका पहरा स्वरूप जुया च्वनी, उगु बखते जत्न
 हे याय्म्बाक संप्रजन्य उत्पत्ति ज्वी । वेधुंकुगु थ्व संप्रजन्य हानं लिहाँ वनी
 मखु थःगु चित्ते थीरजुया च्वनी ।

थथे धका सीकि थुलि चित्तयात चीगु स्मृति संप्रजन्यया खं । थथे स्मृति
 संप्रजन्यं चित्तची धाःसां मज्यू थ्व चित्त थः खुसि ज्वी सुख ज्वी मोजंच्वने
 साकभिकनये रसरंग याय् धंगुली लगेजुया न्ह्याथेहे धर्मचिन्तारूपी थामे
 स्मृतिरूपी खिपतं चिनाःतसां पिहाँ पिहाँ वो, थ्व चित्त छु जुया थथे थातं
 तय् मफुगु धाइ छिमिसं न्य-आम खं सत्यहे खः, थ्व चित्त थथे पिहाँवोगु
 थीरं मच्चंगु कारण छुधाःसा आत्मा मदुगु थ्व शरीर धका धैतःगु पञ्च-
 स्कन्धया समूहयात जि जिगु शरीर धका कवपना याःगुलिं थथे थ्व चित्त
 पिहाँ पिहाँ बल । शरीरया पक्षपाति जूगुलिं थथे थ्व लोकपिसं पापकर्म
 मुना च्वन, उकें शरीरयात तोता बिल थःगु धका ग्रहण मयात धाःसा थ्व
 चित्त पापकर्म याय्गुली लगेज्वी मखु । अथेयानितिं बांलाक उदाहरण
 कयना थ्व मनयात बोधयाना तय्मा ।

गथेधाःसा-हेमन ! छं बांलाक बिचार याना स्व शरीरया पक्षयार्ता
 जुया शरीर रक्षा यार्थानिति छं पापकर्म याय्मते, छं थ्व जिगु शरीर धका
 कंचंगु गुजागु धाःसा न्य-आत्मा दुगु मखु आत्मा मदुगु खंजा ह्लापा च्वं
 कनेहे धुन छं बुफेज्बी माल । सीबलं थ्व शरीर थःनिसं वंहामखु छं थःन
 धन बस्त्र आदि बीम्ह मखु थ्व शरीर गथिह्य धाःसा चित्त मदेधुंकल
 धाय्व मत्ति सरिका जुया च्वंम्ह मखुला । धतःगु दु न्य-

गृध्रे गमिष्य संगृह्यैः कृष्णमाण्डनम्ननः ॥

न करोत्यन्यथा कायः कस्मादत्र प्रतिक्रिया ॥३८॥

थ्व शरीरया सकल प्रकारंहे छं व्यापार दुगु मखु थःत थमंहे छं याय्गु
 समर्थ दुम्ह मखु, चित्त मदेधुंकुगु सीगु शरीरे ला नय्गु इच्छा यानाच्वंपि
 गृद्धतसें सीकया म्हे जुना त्वाथं उखेथुखे क्वातुकवाना सातुसाला ला नःसां
 थ्व मृतक शरीरं थः रक्षा ज्वीयानिति व गृद्धपित्त ख्याना व्हेगु आदि छुज्यां
 मया, अथेयानिति आः थथिगु शरीरयात छाप् बिचार याना च्वना ।
 हेमन ! थ्व थःगु मज्जुगु शरीरयात छं थःगु याना थ्व ला क्वेया गट्टाजुया
 च्वंगु शरीर धंगु नां जुया च्दंगुयात छं तच्चोतं छाप् रक्षा याना च्वना, थ्व
 शरीरयात छं छुत्तायाना तोता बिलधाःसा उकें छंत छुहानि ज्वीगु दु ।
 हे मूढ मोहं छोपे जुया च्वंहा मन शुचि जुया च्वंहा छ थ्व सियाहा पुतलि
 देकेथें देकातःगु शरीर थःगु भाःपा काय्मते, हानं थ्व शरीर गुजागु
 धाःसा-अशुचि जुयाच्वंगु ला, हि, क्वे, स्वो, स्ये, स्वं, गो, गुलि, खि, चो,
 दाः आदि तया साजबाज तया कल् देकेथें देकातःगु थये अशुचिगु ज्या-
 निति स्यनावनीगु धोगिना नवया तुं दाया प्याता प्यातां कुतुं वनीगु थथिगु
 शरीरयात छं थःगु धका भाःपा छाप् रक्षा याना च्वना । थ्व क्षंगुति मोरे-
 याना देकातःगु शरीर थःगु चित्तयाकेंहे छुत्ताया, थ्व क्वेयागु पंजले थःगु
 ज्ञानरूपी शस्त्रं ला ध्यना दुने स्व क्वेनं छुत्ता छुत्ता याना दुने स्यो स्व
 थ्व चतुर्महाभूतं बनेजुया च्वंगु मां-बौयागु अशुचि कललं (रक्तशुक्र मिश्रं)
 बनेजुया च्वंगु दुःख मयगु शरीरे सारगु छु दु छंहे बिचार याना स्व ।

बुगु प्रकारं बांलाक जत्न याना मासा स्वयानं थ्व छंगु शरीरे बुने सारगु पदार्थ छुं खने बुगु मखु अथेयानिति आः थौतकं छं छुयाकारणं थ्व शरीर रक्षा याना च्वना धा । थ्व अशुचि जुयाच्चंगु शरीर छं प्रतिपाल याना ल्ह्वंका तथा घका थःगु शरीरयागु ला आदि नय्ज्यूगुनं मखु, हि त्वने ज्यूगुनं मखु, आतापुति चुचुप्याय ज्यूगुनं मखु, अथेयानिति थ्व शरीर छुयाय् ज्यू । कर्मया सार्दाम जुयाच्चंगु थ्व मनुष्यया शरीर रक्षा याना बन्हे याना तय्गुजा गृद्ध, धों, खिचा तय्त आहार बीत जकं थिकज्वी थये छं थ्व शरीर रक्षा यानातःसां तबि निर्दया जुयाच्चंह्य मृत्युदेवतां छंगु शरीरया ला टुक्का टुक्का याना गृद्ध तय्त बियू उबले छं छुयाय् फं । हेमन छु शरीरया च्यो जुया शरीरयात बहुत बिचार याना रक्षा यानाच्चन, छु बन्हे बिचार यानाच्चंह्य जि चाकर खः घका थ्व शरीर सदां छंयाय् च्वंच्चनो मखु बस्त्र आदि छुं बस्तूनं वं छंत बियायकी मखु । थ्व शरीरंजा छं बिचा-सचा याना साकभिक नका-त्वंका तःगु जक मज्जां नया छंत तोता वनी, अथेयानिति छु कारणे छं थ्व शरीरया निमित्ते दुःखसिया जुया । बुलियानिति हेमन ! थ्व नाशजुया वनीगु शरीरयात छं ज्या याका छु ज्या याका घाःसा धर्म-कर्म जप-तप ध्यान आदि याका व ज्या याना न्यूया ज्याला मात्र बिया अर्थात् न्ह्यागु जूसां आहार बिया छांजक मला-कुसे ज्या याय् फुगु समर्थ देकेत जक आहार आदि याका आः छं थःत प्रयोजन दंगु ज्या याकि, थ्व शरीरं छंत फाइदा ज्वीगु ज्या याना बिल घका व ज्यायाकें प्राप्त जूगु जम्मां वंत बीमाःगु मखु, अथेयानिति व शरीरयात ज्याला मात्र बिया थःगु अर्थ साधन याः । थ्व शरीर वंगु वनीगु अर्थात् बन्म जूवंगु सिनावनीगुली आश्रय जुयाच्चंगु जूयानिति थ्वंत ढंगार्थे धंगु बुद्धि याना सकल सत्त्व प्राणियात हित सुख ज्वीगु सिद्ध याय्नििति थ्वंत छं थः इच्छा जूगु न्यास छोया अन वनीह्य या । हेमन, छं थये घका सीका बांलाक बिचार याना स्व । धैतःगुनं दु-

आत्मानम परित्यज्य दुःखंत्यक्तुं नशक्यते ॥

यथाग्निम परित्यज्य दाहत्यक्तुं नशक्यते । ३५॥

आत्मायात मतोतकं दुःख तोते कंमखु, दृष्टान्त मचेष्टाः सा-जियायु
रापं बाहजुया च्वंहाया मि मतोतकं दाह मज्जीके कंमखु । धुलि मीका
ख अशुचिगु नित्य मदुगु शरीरयात छं मुख मोज याकेगु तांतका छं-कं
याकेगुली लगेया अले मभिगु कर्म यायगु मती वंमखु मभिगु कर्म मयामोति
दुःखसी मालीमखु ।

थये अशुचिगु नित्य मदुगु शरीर घका जि मिल म्यूमाहे ख मनयान
गना पापकर्म याकेगुयाके लिचिके मफु मज्यू, न्ह्याय्येहे याःसां बि बिगु
शरीर जि योपि स्त्री, पुत्र, पुत्री, परिवारपि जि मुख याय मोज याय घंगुव
थःत मखुये याना नूपिके तंवंगु प्रेम मज्जीगु अमिन म्यंकेमामे वंगु ख
चित्ते वहे वो मस्यू बाः ख छु जुया जिगु चित्ते वंचनये थुजागु चिन
उत्पत्ति याःगु सुनां ख जिगु चित्ते छु च्वंच्वन ख चित्तयात न्ह्याय्येहे गने
घका संसानं गनां गने मफेक जवरजस्ति अत्यन्त याय्मासे वेकुहा ख जिगु
नुगले सु च्वंच्वन ख बांलाक सीके माल सुनां प्रेरण याःगुलि ख चित्त
गने मफुगु ख सीका खंतहे रोकेयायगु ज्या याय माल । छाय्छाः सा-ख
संसारे सकतां सुगति-दुर्गती वना सुख-दुःख भोग याय्माःगु ख ईश्वर
आदि सुनानं याःगु मखु थःगुहे कर्म जूगु घका जि सिल । ख कर्मनं मेपिसं
सुनानं देकुगु मखु थःगु चित्तंहे देकुगु घंगुनं जि यथायंये सिल ।

आः हानं ख चित्तयात प्रेरणयाह ख चित्तया साःपहे याय्मासे वेका
म्यूहा सु थुकी छहा अवश्यमेव दु ख हसीके माल ख हसीका खंत गन
घाःसा चित्त उथे ज्वीमखु पक्का ।

आः थन जि बांलाक बिचार याना स्वयांजा ख चित्तयात प्रेरणयाह
(अन्हेयाना छोहा) क्लेश घंम्ह जि खना खहे क्लेशया बशे लाना च्वंगुति
ख चित्तं याय् मत्योगु मभिगु कर्म याय् मखु भिगु कर्मजकहे याय् घका
मती वोसां याय् मफया च्वंगु खः ख सकतांहे क्लेशयाना जूगु घंतःगु दु-

अत्र मे चेतना नास्ति मन्त्रैरिव विमोहितः ॥

न जाने केन मुह्यामि कोऽत्रान्त मम निष्ठति ॥ ७६ ॥

आः थन जिके चेष्टा मबु मन्त्र प्रयोग याना मोहन् तैतःपिथें जि मोह जुया च्वना जि मस्यू बा छुयानिति जि मोह जुयाच्वन थ्व जिगु अन्तस्करणे सु च्वंच्वन ।

हस्तपादादि रहिता स्तृशणा द्वेपादि शत्रवः ॥

न शूरा न च ते प्राज्ञाः कथं दासी कृतोऽस्मितः ॥७७॥

आः जि बिचार याना स्वयां जिगु चित्तेजा तृशणा, लोभ, द्वेष, क्रोध, माया आदिं क्लेश शत्रु च्वंच्वन थुमिसं जित च्योयाना तल । थुमिगु बशे च्वना जि मोह जुया च्वना थुपिं क्लेशरूपी परम शत्रुत गथिपिं धाःसा ह्ला, तुति, क्षे, म्हुतु आदिं छुं दुपिं मखु शूरापिनं मखु ज्ञान दुपिनं मखु थुमिसं गथे जित च्योयाना तल । थुपिं क्लेश शत्रुत जिगु चित्ते मोजं च्वना जितः हे सतुं स्यंका फुकाच्वन । गथेधाःसा—जिगु चित्ते मोह च्वन उकें थुगु याय् त्यो थुगु याय् मत्यो धैगु मसिल अज्ञानि जुल न्ह्योनेलाःगु कर्म यात त्यो मत्योनं मधाल ज्यू मज्यूनं मधाल । १। हानं थ्व चित्ते राग च्वन व रागं याना कपिगु धनसम्पत्ति काय्गु आदि राग दत कपिनि मिसा बांलापिं अथबा दंके मत्योपिं खन अमिके रागयात व थः सुख याय् धैगु रागंयाना तृशणा बन्हे जुल व तृशणांयाना त्यो मत्यो ज्यू मज्यू मधासे न्ह्यांलाक्व कर्म यात । २। हानं थ्व चित्ते द्वेष च्वन थ्व द्वेषंयाना तं पिहां वल थ्वहे क्रोधंयाना तं लिसाले मफुगुलिं मां-बोयात लाःसां स्यात कपिन्तनं स्यात प्रहार यात सास्ति यात दाल बोबिल हरेक प्रकारं त्यो मत्यो ज्यू मज्यू छुं बिचार मयासे न्ह्यांलाक्व कर्म यात । ३। थथेहे सकतां कर्म याःगु थ्व जम्मांहे क्लेशं याःगु ।

आः थन ग्रन्थ तःधनीगु भयं मेमेगु क्लेश उपक्लेशया व्यापार मचवया । थ्व मुख्यगु राग १ द्वेष २ मोह ३ स्वंगू क्लेशया व्यापार जक च्वया मेगु क्लेशनं थ्वथेंतुं सीकि ।

उकें मुख्य संसार देकुम्ह कर्ता थुपिं क्लेश धका सीके माल । १। क्लेश चित्ते च्वना क्लेशं धाःथ्ये चित्तं यात थ्व संसार देकुम्ह निह्यह्य कर्ता

चित्त । २ । चित्तं अहेयाना बचन शरीरं न्हालाक्क कर्म यान् थ्व कर्मया फलं प्राणिपिसं दुःख आदि भोग यान् थ्व संसार देकुहा म्बहाहा कर्मा कर्म । ३ ।

थुलियानिति थन जि रागी नं मखु द्वेषीनं मखु मोहीनं मखु, थुपि क्लेशं याना जि रागी, द्वेषी, मोही जूगु धिक्कार धिक्कार जि गथे धाजं याय् मफुत गथे सहायाय् मफुत ।

सकल थ्व संसारे देव, दैत्य, मनुष्य आदि दक्कहे जि शत्रु जूसां थुमिसं जित अबीचि आदि नरक यागु अग्नी दाह याकेगु समयं दुगु मखु, थुपि अत्यन्त बल्लापि क्लेश शत्रुपिसंजा जित क्षण मात्रंहे अबीचि नरके क्वफाना बीफु थ्व क्लेश शत्रुनाप संगत यानागुलि सुमेरु पर्वतहे मस्म बाकि मदेक नाश याय्फु । हानं मेमेपिं शत्रुगणपिनि थथे ताःकालं आयुर्दानं मदु. थुपि जि क्लेश शत्रुपिनिजा आदि अन्त मदेक असंख्य ताहागु आयु दैच्वन । मेमेपिं सकस्यातं बहुत तच्चोतं सेवा यायव अमिसं फुथे जित हितयाना बी, थुपि क्लेशयात सेवायातकि ऊंऊं ततचोगु दुःख बी । अथेयानिति थुपि क्लेश सेवा यायपि मखु फुकेमाःपि ।

थथे दीर्घ सन्तान दैच्वंपिं शत्रु दुःखया समूह उत्पत्ति ज्वीगुया छगू कारण जुयाच्चंपिं थ्व जिगु हृदये च्वना च्वंतले जित संसारयागु रस निर्भय ज्वीगु गबले दै, थुपि क्लेश चित्ते दतले भय मदया संसारे सुख याय् दैमखु । थुपि क्लेश धैपिं संसारे चलेजुया च्वंपिं प्राणिपित प्रतिपाल याइपिं नरक आदिसं घातक याकंपिं जित मनरूपी छे लोभया पंजले च्वना च्वंतले जित गन सुख दै । भतिचा जक अपराध शत्रु जूसां व खना तंम्बया वंत मस्यासे वंत मफुकुसे न्ह्योमवो धासेंलि थुपि प्रत्यक्ष नरके आदि आपालं दुःखबीपिं क्लेश शत्रुपित मफुकुसे जि गथे न्ह्योवेका च्वने, अथेयानिति थुपि क्लेश शत्रु गबलेतक फुके मफुत उबलेतक थुमित फुके-गुली धुरेज्वीगु आः जि तोते मखुत ।

स्वभाबंहे सीगु मात्र दुःख जुयाच्वंवि प्राणिपिसं संग्रामे बलात्कारं
तच्छतं कपिन्त स्याय्गुली तत्परयाना थःत शत्रुपिसं बाणं कैका हःगु शक्ति
प्रहारयाना हःगु पीडा दुःख ल्याहे मखासे सहयाना थुंवि शत्रु साधन मयासें
लिफस्वया लिहाँ वें मखु धासेंलि स्वभाबंहे सदा सर्वकालं दुःख बीगुया
कारण जुयाच्वंवि थुंवि बलेश शत्रु फुकेत उद्योगयाना च्वनाह्यया छु बयान
याये आपालंहे दुःख सीमाली आपालं दुःख जूसां सहयाय् माली । थथे
सीकनं आः थौं जित अनेक मन बिषाद दरिद्रया माब सलंस जूसानं जि
सहयाय् मफया छाय् मन बिखूसयाना दुःखताया च्वने । शत्रुतसें प्रहार-
याना घाःजूग थःगु शरीरे तिसां तीगुथें छुं कारणहे मदेक छुं थःत फाइदा
दंमखुगु जूसंहे धारणयाना च्वन, पीडा दुःख सकतां थ्व प्राणिपिसं सह-
याना च्वन, जिजा महार्य तःधंगु थःनं परनं उद्धार ज्वीगु हितमुख ज्वीगु
कार्य सिद्ध याय्गुली उद्यमयाना च्वनाह्यया छुयानिति दुःख पीर जुल
धका सहयाय् मफया च्वने उकें जि थ्व दुःख न्ह्यागु यानानं सहयाय् ।

स्वजीविका मात्र निवद्धचिन्ताः केवर्त्त चण्डाल कृपी बलाद्याः ॥

शोनातया दिव्य मनं महन्ते जगद्धितार्थं न कथं सहेज्जं ॥७८॥

थः जीविका मात्र ज्वीगुली चित्त तैच्वंवि पो चण्डाल जातित, ज्यापु
घाकिरा आदि प्राणिपिसं चिकुगु, तांनोगु, त्यानुगु, थकेजूगु, म्हे घाःपा
जूगु आदि हरेक किसिमया दुःख पीर सहयाना च्वन । जि जगत हितयाय्
निति कपिसं अपराध याःगु आदि दुःख गथे सहमयाये ।

आः जि मेपिसं अपराध याःगु आदि सह मयातकि जिके कोप वें कोप
यातकि बलेशया बरो लाइ, जिजा दशविशा आकाश पर्यन्तबासी प्राणिपिगु
बलेश छुटे याय्धका प्रतिज्ञा याना च्वना आः न्हापालाक बलेश छुटे
मजूम्ह ज्वी । थःत थमं म्हमसिका अर्थात् थःहे बलेश छुटे मज्वीका जग-
तया बलेश छुटे याय्धका धंगु वें हालार्थे ज्वी, अथेयानिति आः जि
सदाकालं हे बलेश फुकेगुली धुरे ज्वीगु कार्य लिखिल्ये मखुत बहुत हे
किस्मत याये ।

आः थुजागु बक्व बलेश नाश याय्गु काय्ये लगेजुया च्वनाह्म जि य्पि
बक्व बलेश शत्रुयात द्वेषयाना सत्व प्राणिपिके अनुग्रह कृया तये । आः य्पि
बलेश शत्रु फुकेया कारणे जिगु आतापुति गुके जुया थह्ने, जिगु मुक्काठि
इच्छा भंग थजू, जिगु क्षेहे कुतुं थह्ने न्ह्यागु पीर जूमाहे मकल प्रकारं च्व
बलेश शत्रुपिके जि नम्रज्वी मखुत थुमित फुकेगु काय्येहे जि तत्पर याये ।

निर्वासित म्याविहि नाम शत्रो देशान्तरे स्थान परिग्रहस्थान ॥

यतः पुनसंभूत शक्तिरेति नक्वेश शत्रो गतिर्ग दृशानु ॥ ७५ ॥

आः हानं थ्व बलेश शत्रुत जिगु चित्तं पिछेबले गन च्वंच्वनी मेमेपि
शत्रुपिजा देशं पितिना छोसा मेगु देशे वना छगु थान कया च्वंच्वनी । थ्व
बलेश शत्रुपिनि थुजागु गति मखु जिगु चित्तं पिछोसां हानं लिहाँ वया
चित्तेसतुं च्वना क्कं बहेजुया वंगु शक्ति दु ।

उकें थुपि बलेश शत्रुत जिगु चित्तं पिछोसां हानं लिहाँ वया जिके
गन च्वंच्वनेथे गुगु थासे च्वना जित फुकेत जत्न याना च्वनेथे जि थुपि
च्वंच्वंगु थाय् मखना, जिजा थुमिके केबल उत्साह दुगु मखु कम बुद्धि
जूयानिति थथे जुयाच्वन हानं थुपि बलेश धेपि हाहे मवुपि जूयानिति पर-
मार्थ तत्वज्ञान खनेगु दृष्टि मात्र फुकेमाःपि नीचगणपि । अथे जूयानिति
थुपि बलेशगणपि जि बिचार याना माला स्वयां रूप, शब्द, बस्तू आदि
बिषये मवु । हानं मिखा, न्हेपं आदि इन्द्रिय गणेनं मवु । हानं थ्व बिषय १
इन्द्रिय २ या बिचेनं मवु थुलि बाहिक मेमेगु थासेनं गनं मवु । गन च्वंच्वन
थुपि थथे थुपि बलेशया हा मवुगुलि परमार्थं बिचार याना स्वेबले शून्य
जुयाच्वंपि आगन्तुक (थमं उठेयाःसा जक उत्पत्ति ज्वीपि) हानं थुपि बलेश
जगतयात मर्थन यानाच्वन, अथे जूयानिति थुपि बलेश माया (चतक्) ये
जुयाच्वंपि गथेजा चतक् याइपिसं मन्त्र ब्वनिया प्रभावं किसिया आकार
बंकी अथवा खिपः छत्वाच्चा तथा सर्पया आकार इत्यादि बंकी, परमार्थं
बिचार याय्बले थुपि धाथ्ये किसि, सर्प, आदि मखु । थ्वयेतुं थुपि बलेशनं
परमार्थं बिचार याय्बले थुपि मखु । छुंगुं प्रत्यय जुया जक चित्ते थमंहे

उठेयाना जक उठेजुया बैपिं धाभ्ये बुपिं मखु, उकें थुपिं क्लेश खना चित्त
ग्याय्मते चित्त उत्साह या ज्ञान लाय्निंति, व्यर्थं छैत क्लेशया बशे वना
संघात आदि नरके थःगु शरीरे पीडा ज्वीकः ज्वी धका भगवानपिसं आज्ञा
देका तःगु दु ।

अथेयानिंति क्लेशहे फुके माल बिनां क्लेश मफुकं कर्म पवीमखु ।
कर्म दतले संसारे जन्म जुया दुःख भोग याय्हे माली जब कर्म मन्त धाय्व
बीज मदुयानिंति हानं संसारे जन्म ज्वी म्वाली भबदुःखं छुटेजुया निर्वाण
वनी । आः थन थ्व क्लेश फुकेगु उपाय छुधाःसा धैतःगु दु अभिधर्म—

वर्माणां प्रविचय मन्तरेण नास्ति क्लेशानांयत उपशान्तयेऽभ्युपायः ॥

क्लेशोश्च भ्रमन्ति भवान्ब्रह्मलोक स्तद्धेतोरतःउदितः क्लिपशास्त्राः ॥८०॥

पञ्चस्कन्ध आदि पदार्थ धर्मया संस्कृत-असंस्कृत सास्त्रव-अनास्त्रव
भेद दैच्चंगुया यथार्थ ज्ञान मदेकं रागादि मल क्लेशया नाश याय्गु मेगु
उपाय मदु (अर्थात् धर्मया यथार्थ ज्ञान स्पूगुलिं क्लेशयात नाश याय्फं
मेगुलिं फैमखु) कारण जुयाच्चंगु थ्वहे क्लेशयांना लोकगणपिं थ्व संसार
समुद्रे चाचाउला च्वन जन्मज्वीगु मरणज्वीगु आदि बन्धने लाना च्वन ।
अथेयानिंति भगवानं थ्व क्लेश आदि फुकेत धर्म सीकेयानिंति अभिधर्म
कोश धंगु ग्रन्थ आज्ञा देका बिज्यात ।

थये जूयानिंति आः थ्व क्लेश फुकेत संसार समुद्रं तरेजुया वनेत फीसं
क्लेश फुकाबीह्य संसार समुद्रं तरेयाना निर्वाणपुरे छोयाबीह्य ईश्वर अथवा
युजागु ज्ञान कनीह्य गुरु अथवा शास्त्र माला स्वेमाल ।

थये दक्क क्लेश फुका निर्वाणपद लाकाबीह्य ईश्वर सुदु धाःसा जिं
बिचार याना स्वयांजा बुद्ध भगवान छह्य जक दैच्चन । थ्व धैतःगु दु
मध्याशय संचोदन सूत्रे—

हे मंत्रेय ! प्यंगू कारणं बुद्ध भगवानयागु सकतां प्रतिभान सीकेमा ।
छुछु प्यंगू प्रतिभान धाःसा—बुद्धया बचन अर्थं संयुक्त ज्वी अनर्थगु बचन
दैमखु १, धर्मं संयुक्त ज्वी अधर्मं दैमखु २, क्लेश फुकंगु ज्वी क्लेश बन्हे-

याइगु मखु ३, निर्बाण गुणया प्रशंसा क्यनाबीगु ज्वी संमार्गिक गुणया प्रशंसा क्यनीगु मखु ४ । हे मंत्रेय ! थ्व प्यंगू प्रतिभानं बुद्धया बचन ऊयकं ज्वी । हे मंत्रेय, सुंगुह्यस्या थुजागु बचन प्रतिभान खनेदं उजाह्ययात कुल-पुत्र अथवा कुलपुत्रीपिसं गुरु संज्ञा याय्मा गुरुसंज्ञा याना वंगु धर्म न्यनेमा । थ्व छुयानिति धाःसा—हे मंत्रेय ! छुंगुगुं गुलितक भिगु बचन खः थ्व सकतां हे बुद्ध वचन खः । थन हे मंत्रेय, थुलि प्यंगू प्रतिभानयात बुद्ध बचन मखु धका गुह्यसँ वांछे, पत्यार मयाइ, गौरव श्रद्धा मतं, थुजापिन्त पुद्गल बिद्वेषी जूगुलिं सकतां बुद्धयागु बचन प्रतिभान वांछोगु ज्वी । धर्म वांछोगु धर्मयात स्यंगेगु ज्या याःगुलिं थ्वहे मभिगु कर्म याना नरक वनीह्य ज्वी । थ्वहे खँ धैतःगु दु ।

यदर्थं ब्रह्म पदोप महितं त्रिधातु संक्लेग निवर्हणं वचः ॥

भवेच्च यच्छान्त्यन्तु संसदर्थकं तदुक्तमापं विपर्यय मन्वया ॥२॥

गुगुजा अर्थवान्गु बचन ज्वी १, धर्मपदं सहितगु बचन ज्वी २, त्रिधातु भुवणयागु क्लेश फुकेगु बचन ज्वी ३, निर्बाणया प्रशंसा क्यनाव्यूगु बचन ज्वी ४, थ्व प्यंगू बचनयात बुद्धया उपदेश धका सीकि थ्व प्यंगू मदुगु बचन बुद्ध बचन मखु धका सीकि । थथे धैतःगु दुगुलिं थ्व संसारे सकतां क्लेश फुका निर्बाणपद लाकाबीम्ह बुद्ध खनेदुगुलिं क्लेश फुका निर्बाण वनेगु इच्छा याह्यसँ बुद्धया शरण वना वसपोलया उपासक ज्वी माल ।

आः थन बुद्धया उपासक ज्वीधका बोह्ययात बिद्वान्ह्य गुरुं छुनि याके माल धाःसा त्रि शरणनिं याके माल । त्रि शरण धंगु छुधाःसा—बुद्ध धर्म संघयाके स्वको शरण वनेगु । थ्व धैतःगु दु एकल्लव्वार तव्वे—

आदी त्रिशरणं दद्यात् पञ्चशिक्षाश्च पोषधं ॥२॥

बुद्धया शासने दुहाँ वया उपासक जूवोह्ययात ह्यापां त्रिशरण न्यु अनंलि पञ्चशिक्षा न्यु अनंलि उपोषध व्रत बियमा ।

थथे धैतःगुलिं थ्व बुद्धया उपासक जूवोह्ययात न्हापां त्रिशरणनिं बी माल । थन त्रिशरण वनेगु गाथा थ्व—

अहमित्थं नामा यावज्जीवं बुद्धशरणं गच्छामि द्विगदानामग्रं ॥

अहमित्थं नामा यावज्जीवं धर्मशरणं गच्छामि बिरागणामग्रं ॥

अहमित्थं नामा यावज्जीवं संघशरणं गच्छामि गणानामग्रं ॥८३॥

जि थुजागु नां जुया च्वनाह्य जिगु ज्यू दतलें निपातुति दुपिं मध्ये श्रेष्ठह्य बुद्धयाके शरण वने । जि थुजागु नां जुया च्वनाह्य जिगु ज्यू दतलें राग मदुपिं मध्ये श्रेष्ठह्य धर्मयाके शरण वने । जि थुजागु नां जुया च्वनाह्य जिगु ज्यू दतलें गणमध्ये श्रेष्ठह्य संघयाके शरण वने ।

एवं त्रिरपि ॥ थथे स्वको शिष्यं धाय्के ॥

थुलि गुरुया अग्रे च्वना शिष्यं प्रार्थना याना त्रिशरण कया उखुनुनिसें बहुत श्रद्धा तया मन क्वातुका त्रिरत्नयाके शरण वने । त्रिरत्नया शरण वने धुंकुह्य मेगु मतया ईश्वरपिंके शरण वने मज्यू, छायाःसा-न्ह्यागुहे जूसां छगू मतया ईश्वर मानेयाना व ईश्वरयाके शरण वंह्य मेगु मतया ईश्वरयाके शरण वन पूजा आदिं यात धाय्व थमं यानागु थमं कयागु मत पुरां चले याय्फं मखु श्रद्धानं कम् ज्वी, अथेयानिति गुगु मते वनागु खः वहे मतया ईश्वरयाके क्वातुक श्रद्धा तया शरण वनेमा । थथे त्रिरत्नया शरण वनागुलि छुफल दंधाःसा धैतःगु दु सूकरिकाब्रदाने—

ये बुद्धं शरणं यान्ति न ते गच्छन्ति दुर्गतिं ॥

प्रहाय मानुषान् कायान् दिव्यान् कायान् लभन्ति ते ॥८४॥

गुह्य गुह्य बुद्धयाके शरण वनी थुपिं दुर्गति वनीमखु, मनुष्ययागु शरीर तोता दिव्य शरीर (देवताया शरीर) प्राप्त ज्वी ।

ये धर्मं शरणं यान्ति न ते गच्छन्ति दुर्गतिं ॥

प्रहाय मानुषान् कायान् दिव्यान् कायान् लभन्ति ते ॥८५॥

गुह्य गुह्य धर्मयाके शरण वनी थुपिं दुर्गति वनीमखु, मनुष्ययागु शरीर तोता दिव्य शरीर प्राप्त ज्वी ।

ये संघं शरणं यान्ति न ते गच्छन्ति दुर्गतिं ॥

प्रहाय मानुषान् कायान् दिव्यान् कायान् लभन्ति ते ॥८६॥

गुह्य गुह्य संघयाके शरण वनी थुपिं दुर्गति वनीमखु, मनुष्ययागु शरीर तोता दिव्य शरीर प्राप्त ज्वी ।

थये धका सीका क्वातुक श्रद्धा तथा त्रिरत्नयाके शरण वने । थनंलि
सकल पाप फुकेयानिति न्हागुं बुद्धया धर्म आरम्भ यायन बुद्धिपन्न
प्रणाम याये ।

लोकधानु पवनन्तेषु यावन्नः ममुना जिना ।।

कायेन मनसावाचा तान् सर्वान् प्रणमाम्यहं ।।८५।।

थुलि उलि धैगु पर्यन्त मदेक लोकधात्वो गुलितक बुद्धबोधिसत्त्वापि
बिज्याना चत्रंविदु थुपि सकस्यातं कायबाक् चित्तं जि नमस्कार ।।स्वको ।।

थनंलि बोधिचित्त उत्पत्ति याये ।।

उत्पादयामि संवाधौ चित्त बोधाय देहिनाम् ।।

भद्रचर्या चरिष्यामि सर्वमत्त्व हिनादयम् ।।८८।।

सकल सत्त्वपित बोध यायनिति जि संबोधिज्ञाने चित्त उत्पत्ति याये.
सकल सत्त्व प्राणिपित हित ज्वीगु कल्याणगु चर्या जि चलेयाये ।। स्वको ।।

थनंलि आत्मा निर्यातन याये ।।

अहंमेव नामा सर्वबुद्ध बोधिमत्त्वानामात्मानं निर्यातयामि

सर्वथा सर्वकालं प्रतिगृह्णन्तु मां सर्वबुद्ध बोधिमत्त्वा अधि

तिष्ठन्तुमां महाकारुणिका नाथाः सिद्धिवरदायकाश्च भवन्तु ।।८९।।

जि थुगु नां जुया च्वनाह्य सकल बुद्धबोधिसत्त्वपित जिगु आत्मा चहे
याये सदाकालं सम्पूर्ण प्रकारं जित ग्रहण याना बिज्याहुं, सकल बुद्धबोधि-
सत्त्वपिसं जित अधिष्ठान याना बिज्याहुं, महाकरुणाबान् जुया बिज्यापि
नाथगणपिसं जित सिद्धि बरदाननं बोपि जुया बिज्याहुं ।। स्वको ।।

थनंलि पापदेशना पुण्यानुमोदना परिणामना याये ।।

कृतकारित मनुमोदित मघमखिलं निहित दोषानां प्रति देशयामि

पुरतः पुनर करण सम्बरं विदधे श्रावक खड्ग जिनानम जिनमुन

संभूतानि कुशलानि अनुमोदितानि बोधो सम्यक्परिणामयाम्येष

जिनरत्नादि त्रितयं शरणयातोऽस्मि सर्वभावेन बोधोचित्तं विदधे

अनुत्तर मार्गं तथा सेव्ये ।।९०।।

जि यानातयागु मेपित याकागु पाप अथवा पापे हर्षमान यानागु गुलि
तक दैचवन ध्व सकतां दोष फुका बिज्यापि बुद्धबोधिसत्त्वपिनि न्होने जि

देशना याय्, हानं लिपा पापकर्म याय्मखु धंगु कराल ल्हाये श्रावक प्रत्येक बुद्धबोधिसत्त्वपिंके उत्पत्ति जूगु पुण्ये जि हर्षमान याये हर्षमान याना दक्व पुण्य बोधिज्ञानया निमित्ते परिणामना याये (अर्पण याये) थ्व बुद्धरत्न आदि त्रिरत्नयाके जि शरण वने सकल भावभक्ति बोधिज्ञाने जि चित्ततये थ्वथेतुं अनुत्तरमार्ग जि संबोध याये ॥ स्वको ॥

थनंलि मूलबिद्या धंगु धारणी दोछि १००० धा ब्वने । थ्व दोछिधा ब्वनागुलि बुद्धपिसं आज्ञा देका तःगु दक्व मन्त्र लक्छि जप यानाया पुण्य दु ।

नमःसर्वबुद्ध बोधिसत्त्वानां ॥ अमला मलहारका अनन्ताः समुताः सर्वजिना असीमनिष्ठा वरदा मम देन्तु अत्युदारं वरमग्रं सम सर्वदा अनन्तं तत्र मे वज्रपदा अरर असम समन्तानन्त धर्मते खण खण खण महा वीरावले मम मम सम अमह महावले कण कण कण महा वराग्रिके हहहह बज्र वज्राह्वये वरधर महामण्डलं समवराग्र विक्रमे कुरुकुरु तुरुतुरु सर्वथा सर्वहि ज्वलज्वल अग्रे अग्रणी हूँहूँ फट्फट् स्वाहा ॥९१॥

थनंलि सकल पाप फुकेयानिति सकल तथागत हृदय शताक्षर च्यादो ८००० ब्वने थ्व धारणी ब्वनागुलि दक्व पाप नाश ज्वी ।

नमस्त्रयविधकानां तथागतानां सर्वत्रा प्रतिहता वाप्ति धर्मता बलिनां अं असम सम समन्ततेज्जन्ततावाप्ति शासनि हरहर स्मर स्मरण विगत-राग बुद्ध धर्मते सरसर समबला हसहस त्रयत्रय गगन महाबल रम्भणे ज्वल ज्वलन मागरे स्वाहा ॥९२॥

थनंलि त्रिरत्नया ध्यान याना न्होने त्रिरत्न बिज्यात धका भाःपा वसपोलपित अष्टाङ्ग प्रणाम दण्डवत् याये लक्छि १००००० गाथाथ्व ॥

ॐ नमो मंजुश्रिये स्वाहा ॥ नमः मुश्रिये स्वाहा ॥ नमः उत्तमश्रिये स्वाहा ॥ ॐ आः हूँ सर्वतथागतेभ्यः कायवाक्चित्त निर्यातियामि काय वाक्चित्त अधितिष्ठन्तु मां रक्षन्तु स्वाहा ॥९३॥

थनंलि शताक्षर लक्छि १००००० ब्वने ॥

ॐ वज्रमत्तव समय मनुपालय वज्रमत्तवत्वेनां पतिष्ट दृष्टो मेभव गुणोऽयं
मेभव गुणोऽयं मेभव अनुरक्तां मेभव सर्वमिद्धि मेप्रयच्छ सर्वकर्मसु च
मेचित्तं श्रयः कुरु हूँ हूँ हूँ हूँ हूँ भगवन् मध्वनथागत बच्च माममुच्च वज्रं
भव महामय सत्य आः ॥९४॥

थनंलि रत्नमण्डल लक्छि १००००० दोहलपे ॥ गाथा थ्व ॥

चतुरत्न मयमेव मष्टमृद्दो पञ्चाभिनं ॥

सप्तत्न समाकीर्णं ददेऽनुत्तर दायिने ॥

गुरुभ्यो बुद्धधर्मभ्यः संघेभ्यश्च तथैव च ॥

निर्यातियामि भावेन संपूर्णं रत्नमण्डलं ॥९५॥

थनंलि त्रिरत्न अथवा चैत्य लक्छि १००००० प्रदक्षिणा याये ।

धारणी थ्व ॥

ॐ नमो भगवते रत्नकेतु राजाय तथागतायार्हते सम्यक्संबुद्धाय ॥ तद्यथा ॥
ॐ रत्ने रत्ने महारत्ने रत्नविजये स्वाहा ॥ ॐ नमो दशदिक् त्रिकाल सर्व-
रत्न त्रयाय ॐ प्रदक्ष सुप्रदक्ष सर्वपाप विशोधने स्वाहा ॥९६॥

थनंलि पंचशिक्षा (पंचशील) बिये ॥ शिष्यं धायके स्वको ॥

अहंमिथं नामा यावज्जीवं प्राणातिपातात् प्रतिविरमामि ॥ १ ॥

अहंमिथं नामा यावज्जीवं अदत्तादानात् प्रतिविरमामि ॥ २ ॥

अहंमिथं नामा यावज्जीवं काममिथ्याचारान् प्रतिविरमामि ॥ ३ ॥

अहंमिथं नामा यावज्जीवं मृशावादात् प्रतिविरमामि ॥ ४ ॥

अहंमिथं नामा यावज्जीवं सुरामंरेय मद्यप्रमादस्थानात् प्रतिविरमामि ॥ ५ ॥

जि थुगु नां जुया च्वनाह्य यावत् जीवदत्तले प्राणिहिंसा याय्मखु १,
कपिगु धन मबीकं काय्मखु २, परस्त्री संगम याय्मखु ३, जुठ्ठा वचन
ह्माय्मखु ४, ऐला, थ्वं, अमल् काइगु बस्तू सेवन याय्मखु ५ ।

थुलि पंचशीले च्वना शुद्ध जूम्ह शिष्ययात उपोषध बत दंके, अष्ट-
शील बिये ॥ शिष्यं धायके स्वको ॥

अहमित्थं नामा यावज्जीवं प्राणातिपातान् प्रतिविरमामि ॥ १ ॥
 अहमित्थं नामा यावज्जीवं अदत्तादानात् प्रतिविरमामि ॥ २ ॥
 अहमित्थं नामा यावज्जीवं काममिथ्यानारात् प्रतिविरमामि ॥ ३ ॥
 अहमित्थं नामा यावज्जीवं मृषावादात् प्रतिविरमामि ॥ ४ ॥
 अहमित्थं नामा यावज्जीवं मुरामैरेय मद्यप्रमाद स्थानात्
 प्रतिविरमामि ॥ ५ ॥ अहमित्थं नामा यावज्जीवं नृत्य
 गीत माला वर्ण भूषण महोत्सवात् प्रतिविरमामि ॥ ६ ॥
 अहमित्थं नामा यावज्जीवं उच्चशय्या महाशय्या सनात्
 प्रतिविरमामि ॥ ७ ॥ अहमित्थं नामा यावज्जीवं अकाल
 भोजनात् प्रतिविरमामि ॥ ९८ ॥ ॥ ८ ॥

थुकीया अर्थ न्यागू पंचशीलयागुसतुं ५, जि थुगु नां जुया च्वनाम्ह
 यावत् जिगु ज्यूदतलें प्याखुं ह्वीगु, म्य हालेगु, स्वांमा क्वखाय्गु, सुगन्धादि
 भूषणयाय्गु, महाउत्सव याय्गु तोते जि थुजागु रस याय् मखुत ६, ताता-
 जागु कोमलगु भिगु लासास च्वने मखुत ७, अकाले भोजन याय्मखु
 (अकाल धंगु स्वफलं लिसः अर्थात् ७ न्हैघौ बाकि मन्त धाय्व)
 धैतःगु दु मंत्रश्री पाराजिक्रास-

पूर्वान्हे भोजयेद्भिक्षुः सप्तमु घटिका यदिः ॥

अपरान्हे भोजयेद्भिक्षुः सप्तमु घटिका यदिः ॥ ९९ ॥

भिक्षु धंम्हसँ पूर्वान्हे सुथेसिया न्हेघौ जासँलि उप्रान्त अपरान्हे बाह्नि
 लिस यदि न्हेघौ सम्म बाकि जुतलें भोजन याये । ८ ।

थुलि अष्टशीले च्वना उपोषध व्रतदंम्ह शिष्ययात आर्याबिलोकिते-
 श्वरयागु धारणी नीछधा २१ व्वंके ॥ थ्व गथेधाःसा-

ॐ नमो रत्नत्रयाय ॥ नमः श्री आर्याबिलोकितेश्वराय बोधिसत्त्वाय महा-
 मत्त्वाय महाकारुणिकाय ॥ नमः ॥ ॐ अमघो गील महाशील शुद्धसत्त्व
 भर भर संभर संभर पद्म विभूषित भुजधर समन्तावलोकितेश्वराय
 ॐ आ हं फट् ह्रीं स्वाहा ॥ १०० ॥

थुलि अष्टशीले च्वना उपोषध व्रतवना शुद्धजूम्ह शिष्ययात प्रब्रज्या
 व्रत बिये । वराशिक्षा बिये । धैतःगु दु डेअप्रतव्वे-

पोषधं दीयते प्रथमं तदनु शिक्षापदं दश ॥
 त्रैभाष्यं तत्र दध्यते सूत्रान्तं च पुनस्तथा ॥१०१॥
 योगाचारं ततः पश्चात् तदनु मध्यमकं दिशेत् ॥
 सर्वमन्त्रं नयं ज्ञान्वा तदनु हेबज्जमार्गमेत् ॥१०२॥

ह्लापां उपोषधं अतः ब्रिये, यनंलि दशशिक्षा पदं ब्रिये, यनंलि ब्रिभा-
 षिक शास्त्र कने, यनंलि योगाचार कने, यनंलि मध्यमक शास्त्र कने ।
 यनंलि अभिषेक ब्रिया सकतां मन्त्रमार्गं सीका हेबज्ज आरम्भ याये ।

आः थन च्वेकना पंचशिक्षा, अष्टशील, दशशिक्षा, गृहस्थ उपामक
 जूसा चछिन्हिछि यात जक ज्वी । गुखुनु शीले च्वनेगु मनज्वी उखुनु गुख्या
 थासे वना शीलकया थ्व शील प्रतिपाल याय्मा । प्रब्रज्यायाम्ह भिक्षु
 अथवा बोधिसत्त्व जूसा याबत् ज्यू दतलें धारण याय्मा ।

दशशिक्षा छुछु धाःसा-शिष्यं धायेके स्वको ॥

अहंमिथं नामा यावज्जीवं प्राणातिपातं वरमणं शिक्षापदं समादियामि ॥१॥
 अहंमिथं नामा यावज्जीवं अदत्तादानं वरमणं शिक्षापदं समादियामि ॥२॥
 अहंमिथं नामा यावज्जीवं अब्रह्मचर्यं वरमणं शिक्षापदं समादियामि ॥३॥
 अहंमिथं नामा यावज्जीवं मृषावादं वरमणं शिक्षापदं समादियामि ॥४॥
 अहंमिथं नामा यावज्जीवं सुरामैरेयं मद्यं प्रमादस्थानं वरमणं शिक्षापदं
 समादियामि ॥५॥ अहंमिथं नामा यावज्जीवं उच्चशयनं महाशयनं
 वरमणं शिक्षापदं समादियामि ॥६॥ अहंमिथं नामा यावज्जीवं नृत्यं
 गीतं वाद्यं वरमणं शिक्षापदं समादियामि ॥७॥ अहंमिथं नामा
 यावज्जीवं माला गन्धं बिलेपनं वरमणं शिक्षापदं समादियामि ॥८॥
 अहंमिथं नामा यावज्जीवं अकालं भोजनं वरमणं शिक्षापदं समादियामि ॥९॥
 अहंमिथं नामा यावज्जीवं जातं रूपं रजतं ग्रहणं वरमणं शिक्षापदं
 समादियामि ॥१०॥१०३॥

थुकी अष्टशीलयागु च्यागूली प्याखुं ह्लीगु, बाजं थाय्गु, म्य हातेगु
 छता । स्वांमा ब्वखाय्गु, रङ्गिचङ्गि स्वांनं छ्लीगु, सुगन्धादि लेपन याय्गु,
 छता । थ्व छगूली निगू फारेयाना काःगुलिं गुंगू ९, शील ९ । लुं-बह धारण
 याय्मखु १० । थुलि दश शिक्षा बांलाक प्रतिपाल याय्मा ।

भुलि दशशोले क्वातुक भ्रद्धा तच्चंम्ह शिष्य संसारयागु भयं ग्याना
सकल क्लेश फुका निर्वाणपद लाय् धका इच्छायाना च्वंम्हयात बैभाषिक
शास्त्र अभिधर्म उपदेश बिये । गथेधाःसा—

मूलं भवस्यानुशयः पट्‌रागः प्रतिघस्तथा ॥

मानोऽबिद्या च दृष्टिश्च विमतिः षडमी अपि ॥१०४॥

भब (संसार) दुगुया कारण अनुशय (क्लेश) थ्व अनुशय खुगू दु ।
छुछु धाःसा—राग (रूप बस्तूली मन वनोगु) १ प्रतिघ (द्वेष शत्रुभाव
याय्गु) २ मान (गुमान) ३ अबिद्या (अज्ञान) ४ दृष्टि (मिखां खनीगु)
५ विमति (संखा) ६ ।

थुकी कामराग भबरग निगूया भेदं अनुशय ७ दृष्टि न्यागू दु छुछु
धाःसा—सत्कायदृष्टि (शरीर दु धका खनेगु) १ मिथ्यादृष्टि (परलोक
मदु खनेगु) २ अन्तग्राह दृष्टि (थ्व थन दुगु जक केवल सत्य नित्यगु खः
मेगु जम्माहे नाशवान् अनित्य धंगु खनेगु) ३ दृष्टि परामर्श (जिगु जक
सत्य मेगु ऊठ्ठा धंगु खनेगु) ४ शीलव्रत परामर्श (कर्तामखुपि महादेव
आदि ईश्वरपिसं थ्व जगत दैकल धका खनेगु, स्वर्ग आदि वनेगु लागी मार्ग
मखुगुली लगेजुया आत्म हत्या याय्गु, मि आदि क्वब्बाना सीगु, तीर्थे
क्वब्बाना सितसा मुक्ति वनी धंगु खनेगु) ५ थ्व दृष्टिया भेदं अनुशय क्रिगू
१० दु । थ्वहे क्लेशया बिशेषण नाम उपक्लेश १ आस्रब २ ओघ ३ योग
४ उपादान ५ संयोजन ६ पर्यवस्थान ७ परित्तक्लेश भूमि ८ अनुशय ९
क्लेशमल १० थुकीया भेद २ दु ।

पर्यवस्थान क्रिगू १० दु ।

आह्लोक्क्य (मंथ्री करुणा आदि गुणे गौरव मदंगु) । १ । अनपत्रपा
(पाप यानागुलि मभिगु बिपाक ज्वी धका ग्याय्मागुली मग्याइगु) । २ ।
ईर्ष्या (कर्पिनि सम्पत्ति बुगुली सहयाय् मफया ईख् तय्गु) । ३ । मात्सर्य
(जिगु समान मुबु धका मतीतया जि धका धर्मवान याय्गुली चित्त बिरोध
ज्वीगु) । ४ । औदत्य (तध्वंसु जुया तिन्ह्वीगु) । ५ । कौकृत्य (पश्चाताप

स्वाकनं याना धका पसंता चाया मन बिखुष याय्गु) । ६। स्त्यान (मगोरं चित्तं याय् मंमदंगु) । ७। मिद्ध (चित्त थिरं तय् मफंगु अलमि ज्वीगु) । ८। क्रोध (तं) । ९। अक्ष (हिंसा आदि मभिगु कर्म याय्गु) । १०। थ्वंत रुप क्लेशनं धाड ।

क्लेशमल खगू ६ दु ।

माया (कपिन्त हेवयगु छलेयाय्गु) । १। शाठ्य (यथार्थे धाय्गुली बिरोध जुया बेकोगु चित्त ज्वीगु) । २। मद (जोग्यगु धर्म रति मयाय्गु) । ३। प्रदाश (दोष दुगुली बिचार ज्वीगु) । ४। उपनाह (शत्रुभाव याय्गु) । ५। बिहिंसा (हिंसा) । ६।

आस्रव खगू ३ दु ।

कामास्रव १ भवास्रव २ अबिद्यास्रव ३ ।

योग प्यंगू ४ दु ।

काम १ भव २ दृष्टि ३ अबिद्या ४ ।

ओघ प्यंगू ४ दु ।

कामौघ १ भवौघ २ दृष्ट्यौघ ३ अबिद्यौघ ४ ।

उपादान प्यंगू ४ दु ।

काम १ दृष्टि २ शीलव्रत ३ आत्मवाद ४ ।

संयोजन गुंगू ६ दु ।

अनुनय १ प्रतिघ २ मान ३ अबिद्या ४ दृष्टि ५ परामर्श ६ बिचि-
कित्सा ७ ईर्ष्या ८ मात्सर्य ९ ।

क्लेश महाभूमि खगू ६ दु ।

मोह [अज्ञान] १ । प्रमाद [भिगु धर्म भावना याय्गु रति मदंगु] २ ।
कौसीय [धर्म उत्साह मदंगु] ३ । अश्राद्धघ [अद्धा मदंगु] ४ । स्त्यान
[याय् मंमदंगु] ५ । उद्धति [मन थातं मच्चनीगु] ६ ।

परोत्त क्लेशभूमि भिगू १० दु ।

क्रोध १ उपनाह २ शाठ्य ३ ईर्ष्या ४ प्रदाश ५ मत्सर ६ माया ८ मद ९ बिहिंसा १० ।

थुजा थुजागुया भेदं कामधात्वो राग ५ द्वेष ५ मान ५ अबिद्या ५ दृष्टि १२ बिमति ४ जम्मां ३६ गू अनुशय दु ।

रूपधात्वो द्वेष न्यागू तोता ३१ गू अनुशय दु, आरूप्यधात्वो नं थथेहे ३१ गू अनुशय दु, थ्व स्वंगू भवे जम्मां अनुशय ग्वीच्यागू ९८ गू दु । थुपिं जम्मां उपक्लेश धंगू राग आदि क्लेशयाकें उत्पत्तिजगू । थ्व च्वे कनागू राग आदिं खुगू वलेश मदेव थुपिं उपक्लेश दैमखु ।

थ्व गथेधाःसा-आह्लीक्य १ औद्धत्य २ मत्सर ३ थ्व स्वंगू रागयाकें उत्पत्ति जगू । म्रक्ष १ स्त्यान २ मिद्ध ३ अत्रप ४ थ्व प्यंगू अबिद्यायाकें उत्पत्ति जगू । कौकृत्य १ छगू बिमतियाकें उत्पत्ति जगू । क्रोध १ ईर्ष्या २ थ्व निगू द्वेषयाकें उत्पत्ति जगू । माया १ मद २ थ्व निगू रागयाकें उत्पत्ति जगू । उपनाह १ बिहिंसा २ थ्व निगू द्वेषयाकें उत्पत्ति जगू । प्रदाश १ गू दृष्टिपरामर्श याकें उत्पत्ति जगू । शाठ्य १ छगू दृष्टियाकें उत्पत्ति जगू घका सीकि ।

आः थ्व राग आदिं खुगू क्लेश छुयाकें उत्पत्ति जगू धाःसा न्य-सुख इन्द्रिय व सौमनस्य इन्द्रिय थ्व निगू इन्द्रिययाकें राग उत्पत्ति जगू । १ । दुःख इन्द्रिय व दौर्मनस्य इन्द्रिय थ्व निगू इन्द्रिययाकें द्वेष उत्पत्ति जगू । २ । सुख इन्द्रिय, सौमनस्य इन्द्रिय, दुःख इन्द्रिय, दौर्मनस्य इन्द्रिय, उपेक्षा इन्द्रिय, थ्व न्यागू इन्द्रिययाकें अबिद्या उत्पत्ति जगू । ३ । सुख-दुःख निगू इन्द्रिययाकें मिथ्यादृष्टि उत्पत्ति जगू । ४ । दुःखमनं बिमति उत्पत्ति जगू । ५ । मिथ्यादृष्टि व मानयात तोता मेगू सकतां अनुशय सुखं संयुक्त जुया उत्पत्ति जगू घका सीकि । ६ ।

थथे सुख १ दुःख २ उपेक्षा ३ स्वंगूयाकें उत्पत्ति जगू थुपिं राग आदिं क्लेश उपक्लेश संक्लेशयात फुकेगु उपाय छु धाःसा न्य ।

क्लेश प्रहाण मायानं मन्य दर्शन भावनान् (१८७)

चतुरार्यसत्य खनेगु व भाबना यायगु थ्व निर्गुलि याना क्लेश फुक्कं धका धेतल । थथे धंतःगुलि क्लेश फुक्केगु उपाय आर्यमन्य खनेगु व भाबना यायगु जुयाच्चन ।

आः थ्व आर्यसत्य गथेधाःसा-श्रीभगवानं बुद्धेजुया माश्रान् याना बिज्यागु । नामरूप दुःखसत्य १, कर्मक्लेश समुदयमन्य २, कर्मक्लेशश्रय निरोधसत्य ३, शमथ विपश्यना मार्गसत्य ४ ।

थ्व प्यंगू सत्य भगवानं गथे बुद्धेजुया विज्यात धाःसा-श्रीभगवानं पेंले ह्लापां थ्व संसार दुःखमयला सुखमयला धका बिचार याना म्वया बिज्यागु बखते गर्भे च्वसेंनिसें यागु बिचार याना बिज्यात । मांया गर्भे च्वनीगु बखते थ्व प्राणिपिं गथे ज्वी धाःसा-थ्व बिज्ञान बायु स्वरूप जुया पञ्चस्कन्ध स्वरूप जुया च्वंगु दैगु कर्मयागति मांयागु रक्ते बौयागु शुक्र (बीज) बिन्दुमात्र प्रवेश जूगुली थ्व शुक्र व रक्त मिसेजुया उके बिज्ञान बायु च्वना क्रमथे बहेजुया दै । जब थ्व तद्धंजुया आकार छुटेजुया चेतना दैबले थ्व गर्भे च्वंह्यस्यात मांयागु गर्भे छखेपाखे जठराग्नि धंगु प्वायेच्चंगु अग्नि दाहजुया तान्वया च्वनी, छखेपाखे मल-मूत्र भरेजुया च्वंगु मलयागु बासवया अत्यन्त नवैच्च्वनी, मिखां छुंखने दैमखु, अन्धकार ल्युंसे च्वंच्वनी. ह्य ह्ला-तुति छुं सने जीमखु, मामं नःगु बस्तूया रसं शरीर पुष्ट जुया च्वनी । थुजागु बखते प्वाथे च्वंह्यसैं चितना याइ अहो ! जि गन लात धका बिचार याना स्वैं, उगु बखते वया मने बिचार दै कि जिजा जठर नरक धंगु मांया प्वाःरूपी नरके लात, आहा हानं जि संसारे दुःखया लीला याःवने मालीन धका मती त्वी । उबले संसारे न्हापा भोग याना वयागु दुःख भुक्तमान लुमना अत्यन्त ग्याना च्वनी । व न्हापा भोग यायधुंगु संसारया दुःखयासिकं मांया प्वाथे अग्नि दाहजुगु दुर्गन्ध बास वोगु खना गर्भे च्वंच्वनेगु अत्यन्त दुःख पीर चाया गबले थ्व गर्भे छुटेजुया वनेदं हे ईश्वर ! जित याकनं थ्व गर्भं नरकं छुटेयाना बिज्याहुं धका ह्ला ज्वरेयाना

ईश्वर पुकरे याना च्वनी, थथे ज्वीगु जूयानिति गर्भे च्वनेगु अत्यन्त दुःख ।

हानं थ्व कोमलगु शरीर मांया गर्भं प्याहां वया योनि छुटे ज्वीबलेनं अत्यन्त पीडा ज्वी, थथे कोमलगु शरीरयात तच्चोगु पीडा जुया जन्म जूगुलिं थ्व पीडा सहयाय् मफया बिचेष्टाजुया मूर्छा ज्वी, थ्वहे पीडां खवया बिलाप याइ, थ्वहे पीडायाकें गर्भे च्वनागु न्हापायागु खं जम्मां लोमना वनी, जड जुया बालखया लीला याइ, अथेयानिति जन्म ज्वीगुनं अत्यन्त दुःख हे खः ।

हानं जन्मज्वी धुसैलि मचाया बखतेनं ज्ञान छुं मदुगु थःगुह्य उखेथुखे गनं चलेज्वी मफुगु मामं बिचारं नके त्वंके याःसा जक नय् त्वने खनीगु थमं नय्हि, त्वनेहि, तांन्वल, चिकुल, त्यानुल, स्यात, धका छुं धाय् मसःगु । नय् पित्यात छुं पीडा जुल धाःसा ख्वेगु छगू जक सियाच्वंगु, खि चो पिहांवया उकीसं लुकुदुना च्वनीगु, थथे ज्वीगु जूयानिति बालखया बखतेसं अत्यन्त दुःख हे खः ।

हानं यौवन अबस्था जुया वैबलेनं थमं बालखया अबस्थास ज्ञान मदुगुलिं समर्थ मदया धन दैके मफुगुलिं थः इच्छाजूगु पुरेमज्वीगु, थ्व चित्त धाःसा सासा-भिंभिं नय्गु इच्छा याइगु, बांबांलागु वसतं पुना तिसां तिया मोजयाना ज्वीगु, इच्छा ज्वीगु, बांबांलापि स्त्रीजन नाप सुख मोज याय्गु इच्छा ज्वीगु, अनेक प्रकारं नृत्य-गीत याना ख्या-थठ्ठा याना हासि-खेल याना सदां मोज याय्गु इच्छा ज्वीगु, स्त्री पुत्र-पुत्री च्यो-भ्वाति तया सुख मोज याय्गु इच्छा ज्वीगु, थुजागु नाना प्रकारया इच्छा जुया वैगु बखते थःगु मनसुवा पुरे मज्वीबलेनं अत्यन्त दुःख मन ज्वी । पैले न्हापां सुख याय् घंगु इच्छा वल धाय्वहे मनेनिं न्हापां दुःख वैगु, हानं वहे थः इच्छा पुरेयाय् निति ज्या याय्गुली धुरे ज्वीबलेनं अत्यन्त दुःख कष्ट ज्वीगु । हानं अथे किस्मत् यानानं व इच्छा यानागु पुरेमज्वीगु थ्वनं तच्चोगु दुःख । यदि हानं दुःख कष्टसिया धन आदि दैका तःसांतबि थ्व रक्षायाय् अति दुख जूवंगु । गयेधाःसा-थुगु धन मिनया पवीला, लखं च्वीक्य यनीला, खुं खुया यनीला,

सुखातसे हेका यनीला धंगुलि अत्यन्त ताप वंचवनांगु, धन दुमां दुःख
 खः । हानं कथंचित् थ्व धन फुनावनी बलेनं अत्यन्त शोक ज्वीगु, दुमां दुःख
 यदि वहे मवुसां थः न्हिन्ह नय्माः, त्वनेमाः, पुनेमाः, मिमा दन धाय्व
 मिसायातनं नकेमाः, त्वंकेमाः, पुंकेमाः, तीकेमाः, हानं काय्-म्हाय् आंद
 दं अमितनं नके तीके पुंकेमाः । अथे जूयानिति थुमित नके त्वंके पुंकेया
 कारणे धन कमाय् माय्माःगु जूयानिति कपिके हेका लाःसां थंकेयाना
 लाःसां खुया लाःसां हया प्रतिपाल याइगु, थथे मभिगु कर्तव्य याना धन
 दंका जहानबच्चा प्रतिपाल यानागुलि परत्रेसं नरक आदि दुर्गती लाना
 अत्यन्त दुःखभोग याय् मालीगु । हानं थ्व जीवन बखते थथे प्रेम जुयाच्च्वंपि
 लाय्गुनं दुर्लभ जुया दुःख ज्वीगु, यदि प्रेम जुयाच्च्वंपि दुसांतबि थुपि नाप
 वियोग ज्वीगु, योपि सिनावना दुःख ज्वीगु, मयोपि नाप ह्वना च्वने माःगु-
 लीनं दुःख ज्वीगु, अथे जूयानिति जीवन बखतेनं दुःखहे जुया च्वन ।

हानं थुकीसंमाथि थःगु शरीरे नाना प्रकारया रोग जूवंगु, पीडा
 जूवंगु, थः प्रेम जुयाच्च्वंपि स्त्री पुत्र-पुत्री आदि परिवारपितनं रोग पीडा
 जूवंगु, स्वंच्वने मालीगु, थ्व रोग ज्वीबले हाछ्महं स्याका सने मफया छुं
 रति सुख मदेका च्वने मालीगु, थ्वनं अत्यन्त दुःख हे खः ।

जब हानं बैस वंलिसे ऊंऊं हे थ्व शरीरे दुःख जुया वंगु, बुढा ज्वीबले
 थःगु शरीर गलेज्वी, तागत मदें, छुं कमाई याय् फैमखुत, नये यो धकानं
 वा बःमलागुलि नय् मजीगु, साःगु बस्तू नय् यल धका भतीचा अपो नःसां
 अजीर्ण जुया प्वा स्याना पीडा ज्वीगु, थः इच्छा जूगु बांलागु स्वेगु दतसां
 मिखा मछुना स्वे मफंगु मखनीगु, बांलागु न्यनेगु दतसां न्हेपनं मताया न्यने
 मखनीगु, गनं वनेगु इच्छा जूसां तुति बःमलाना मने मफंगु, थथे छु कर्मनं
 याय्गु समर्थ मदुगुलि रोगग्रष्ट ज्वीका च्वने माःगुलि थः कला, काय्-
 म्हाय्पिनि हे मय्या थुमिसं हे हापेयाका बोबीका थ्व पापी बुढा गबले
 सी धका लाःसां धाय्का च्वने मालीगु, थुजागु अपमान नया दुःख सिया
 च्वने माःगुलि मन हारे जुया जि सिनावंसा जिल म्वाना च्वनाया छु

प्रयोजन बनि धका अत्यन्त हे दुःख ताया चवने मालीगु । थथे ज्वीबले महारोग वया व रोगं प्रस्तज्वीका ह्यछम्हं पीडा ज्वीका नय-त्वनेगुनं समथं छुमदेका मनसुवा चलेमज्वीका थःगु खिचोसं थःगु शरीर लुकुदुना मनजक हारेजुया इच्छा भंग जुया तच्चोगु पीडा जुया चवनीगु बखते यमदूत थ्यंक बै । अपि खना अत्यन्त ग्याना थ्वहे त्रासं प्राण धरेयाय्गु समर्थ मदया सछि १०० ह्य बिछि न्याइगु बखते गुलि पीडा ज्वीगु खः उलिहे पीडा जुया चित्त धीजं याय् मफया मूर्छा जुया मोह जुया थः योपि स्त्री, पुत्र-पुत्री, आदि परिवार धन सम्पत्ति थःगु शरीर समेतं तोता म्हे केता छपुहे मदेक नांगा जुया कष्टंहे प्राण तोता वनी । अथे ज्वीगु जूयानिति सिना वनीगुनं अत्यन्त तच्चोगु दुःख ।

थथे कष्टं सिना बनानं पापयाना तःगु दुह्य पुरुषयात जमदूतपिसं ह्लाती, तुती, गःपते, पाशं चिना सास्तियाना यंका खोचाधाःया भूमी असिपत्र बने ब्वनायंका बैतरणी नदी छिका अबीचि आदि नरके ववफाना अत्यन्त सास्तियाइ, थ्वनं तच्चोगु दुःख ।

याबत् कर्मया भोग फुत धाय्व कथंचित् नरकं छुटेजुया वोसांतबि हानंहे मांया गर्भे च्वंवया गर्भया दुःखभोग याय्माली, थथे परम्परा दुःख ज्वीगु जूयानिति थ्व संसारे गुलितक नां दत रूप दत थ्व जम्मांहे दुःखमय खः धका भगवानं सीका दुःखसत्य धैगु थ्व तःधंगु आर्य्यसत्य छगू भगवानं सीका बिज्यात । १।

हानं श्रीभगवानं थुजागु दुःख छुयाकें उत्पत्ति जुया वल धका बिचार याना बिज्यात, उगु बखते बिचार वल कि—थ्व दुःख उरेजुया वोगु क्लेश १ कर्म २ थ्व निगूलि याना धका सिल । गथेधाःसा—क्लेश धैगु च्वेकनागु कपिगु बस्तूली राग याय्गु, कपिन्त द्वेषभाव तय्गु, मोह जुया मसिया जि जिगु धका धाय्गु, अभिमानी ज्वीगु, आदि क्लेशं विलष्ट जुया मन बचन शरीरं बशाकुशल (किगू पाप) यात, किगू पाप छुछु धाःसा—शरीरं पर प्राणियात स्याना, दाया, सास्तियात १ । कपिगु धन खुया ह्येका काल २।

परस्त्रीयाके रतियाना कामभोग यात ३ । बचनं थःन फाददा यायनिनि असत्य ऊठ बचन बोलेयात, कर्पिगु धनसम्पत्ति लोभ नया वंगु धन काय-
निनि वंत भय वयना अथवा अति मायावह्यर्थे च्वंक खँल्लाना ऊठ्ठा बचन
ल्लात ४ । थःगु दोष गुप्तयाना पर्याया दोष प्रकाशयाना कर्पिनि मने टिक
दिक सरा बिल, करागु बचन ल्लात ५ । थतः गुण दंकेनिनि थःन जश
वंकेनिनि मखु जखुगु खँल्लाना मभिगु वृत्ति मभिगु व्यवहार याना कर्पिनि
चुक्रि यात ६ । छोखँ बुखँ ल्लाना कर्पिनि चित्त धीर्जयाय् मफेका थिथि
ल्लाका जाःपिं दाजुकिजा इष्टमित्र फाया बिल ७ । मनं कर्पिनिगु धन-
सम्पत्ति लोभ चित्त याना तर्कना याना जुल ८ । कर्पिनिगु शरीर आदि
धनसम्पत्ति दुगुली सहाय्य मफया स्वमफया मभिगु चित्त तथा थ्वया
अमंगल ज्वीमा, नाश ज्वीमा धका चित्तना याना जुल ९ । मभिगु शास्त्र
तीर्थकयागु धर्म न्यना नास्तिक जुया पाप यानागुलि नरक वनी, धर्म
यानागुलि स्वर्ग वनी धंगु थ्व गनया खँ ? थ्व पञ्चभूतयाकें बनेजुया च्वंगु
शरीर सिना वनीबले पञ्चभूतेसतुं मिलेजू वनी, हानं स्वर्ग नरक भुक्तमान
याइ धंगु छुखँ ? उकें थ्व शरीरयात फक्वहे सुख मोज याकेगु धंगु मती तथा
न्ह्यंलाक कर्म याय्गु चित्तना याना जुल १० । थुलि दशाकुशल आदि नाना
प्रकारया पापकर्म यात, थ्व क्लेश व कर्म अने अनेगु कर्म याःगुलि थ्व
संसारयागु तच्चोगु दुःखभोग याय् माल । अथेयानिनि थ्व दुःख उरेजुया
वोगु क्लेश व कर्मयाकेंहे खःधका यथार्थथें सिल । थ्व समुदय सत्य धंगुदुःख
उदय जुया वोगु तद्धंगु सत्यहे खः धका भगवानं सीका बिज्यात । १२ ।

थनंलि हानं श्रीभगवानं मती चित्तना याना बिज्यात,—आः थ्व संसारे
थुलिमछि दुःख खने दैच्चंगु छुयात धाःसा दुःख उदय मजुया दुःख निरोध
ज्वी धका बिचार याःगु बखते थथे मती ल्वीका बिज्यात—गुबले थ्व क्लेश
व कर्म मदं (अर्थात् थ्व क्लेशे लगेजुया दशाकुशल आदि पापकर्म मयाइ)
उबले थ्व संसारया दुःख उठेजुया वे फँमखु, दुःख निरोध ज्वी, थ्व सत्यहे
खः धका सीका बिज्यात, थ्व दुःख मदंगु तद्धंगु सत्य निरोध सत्य धंगु । १३ ।

थनंलि हानं श्री भगवानं आः थुगु बलेश व कर्मंयाना संसारे दुःख उदय जुया षोगु धासैलि थ्व बलेश व कर्म मदका दुःख उदय मज्जीके, मार्ग (लं) छु धका बिचार याना बिज्यात । उगु बखते थथे बिचार वल-थ्व दुःख उदय मज्जीगु मार्ग शमथ (समाधि) विपश्यना (प्रज्ञा) थ्व निगू हानं आर्याष्टाङ्ग मार्ग धका सीका बिज्यात ।

आः थन बोधिसत्त्वं याय्माःगु समाधि छुधाःसा-थ्व संसारे सकल सत्त्वप्राणि सकल बस्तूया स्वभाव समान जुया च्वंगु छुं फरक मदु, सकलेंहे समान खः धका सीका सकल प्राणियाके अत्यन्त करुणा तय्गु, त्रिरत्नयाके अत्यन्त श्रद्धा तथा एकचित्तं ध्यान याय्गु, थ्व सर्वधर्म स्वभाव समता बिपश्चित धंगु समाधि, हानं चतुर्थ ध्यान आदि मेमेगु ध्यान याय्गु । १।

प्रज्ञा धंगु ज्ञान छु धाःसा-थ्व संसारे आत्मा धंगु पदार्थ शरीर, जीव, पुरुष, दुद्गल छुं दुगु मखु पञ्चस्कन्ध मात्रया आत्मा धका भिक्षुपित कना बिज्यात, बोधिसत्त्वपित थ्व पञ्चस्कन्धनं दुगु मखु चित्तया कल्पना मात्र जक खः उत्पत्ति ज्वीगुनं मखु, नाशजुया वनीगुनं मखु, तथता (जस्ता कि तस्ता) छुं बिकार ज्वीगु मखु, शून्यजुया च्वंगु धका ज्ञानं सीका शून्यता सम्फेयाना कल्पनाजाल मदका संकल्प बिकल्पयाके छुटेज्वीगु प्रज्ञा खः धका सीका तथागतं बोधिसत्त्वपित कना बिज्यात । २।

हानं थ्व कर्म बलेश क्षयज्वीगु मार्ग मेमेगु आपालं दु, थन संक्षिप्त मात्र कने ।

सप्तत्रिंशद्बोधिपाक्षक धर्म धंगु दु । चतुर्ब्रह्मबिहार धंगु दु । चतुः संग्रहबस्तु धंगु दु । वशज्ञान धंगु फिगू ज्ञान दु, पार मिता चर्या दु । चतुः प्रति संबित् धंगु प्यंगू सीकेगु ज्ञान दु । चतुर्ब्रंशारद्य धंगु प्यंगूली बांलाक निपुण ज्वीक सीकेगु ज्ञान दु । थ्व मार्ग (बलेश कर्म फुकेगु ले) चले याय्त मुख्यनं आर्याष्टाङ्ग मार्ग च्वनेमा, चतुर्थ ध्याननिसें बज्रोपम समाधि पर्यन्तं याय्मा । थथे चतुरार्य्यसत्य खनागुलिं क्रमथें गुता प्रकारया बलेश फुना वनी । क्रमथें स्रोतापत्ति, सकृदागामि, अनागामि, अर्हत् पवलाना

निर्बाण पदबी लाइ धंगु प्रज्ञा ज्ञान खः धका तथागनं मौका विज्यान ।
 थ्वहे निगू संसारे क्लेश व कर्म नाशज्वीगु मार्ग धका बुळंजुया थ्व नध्दंगु
 मार्गसत्य धका भगवानं ज्वना विज्यात । ४ ।

थुलि चतुरार्य्यसत्य धंगु थुकी स्वको बांलाक परिवर्तन ज्वीव िनिगू
 आकार दै । गथेधाःसा—थ्व प्यंगू सत्ये बांलाक मती लुया वया मियावंगु
 छगू परिवर्त १, थथेहे खः धका बांलाक स्यूगु निगूगु परिवर्त २, थथेहे खः
 थथेहे याय्मा धका साक्षात्कार याय्गु स्वंगू परिवर्त ३, प्यंगू सत्ये थथे
 स्वको परिवर्तन जुया िनिगू आकार दत, थ्वंत त्रिपरिवर्त द्वादशाकार
 धर्मचक्र प्रवर्तन धाइ ।

थ्व चतुरार्य्यसत्ये बांलाक बिचार याना स्वया दृष्टिभाबना याकें
 क्लेश फुकेमा धका सीकि । थ्व गथेधाःसा—राग १ द्वेष २ मान ३ अबिद्या
 ४ बिचिकित्सा ५ सत्कायदृष्टि ६ मिथ्यादृष्टि ७ अन्तग्राहदृष्टि ८ दृष्टि
 परामर्श ९ शीलव्रत परामर्श १० कामधात्वी थ्व िगू अनुशय दुःखदृष्टि
 फुकेमा ।

सत्कायदृष्टि १ अन्तग्राह २ शीलव्रत परामर्श ३ थ्व स्वंगू तोता मेगु
 न्हेगू अनुशय उत्पत्तिदृष्टि व निरोधदृष्टि फुकेमा ।

सत्काय १ अन्तग्राह २ थ्व निगू यात तोता च्यागू अनुशय मार्गदृष्टि
 फुकेमा ।

राग १ द्वेष २ मान ३ अबिद्या ४ थ्व प्यंगू भाबनायाकें फुकेमा ।

नैबसंज्ञा नासंज्ञायतने उत्पत्ति जूगु अनुशय दृष्टियाकें फुकेमा ।

मेगु च्यागू भूमि अर्थात् कामधातु रूपधात्वी प्यंगू आरुप्यधात्वी स्वंगू
 उत्पत्ति जूगु अनुशयदृष्टि भाबनायाकें नं फुकेमा ।

मेमेथाय् गनं गुगु थास उत्पत्ति जूगु अनुशय भाबनायाकें फुकेमा ।

प्राणातिपाप १ अवत्तादान २ काममिथ्याचार ३ मृषाबाद आदि
 पर्यवस्थान क्लेश भाबनायाकें फुकेमा ।

न्यागू दृष्टि दुःखदृष्टि फुकेमा ।

मिथ्यादृष्टि १ दृष्टि परामर्श २ समुदयदृष्टि फुकेमा ।

बिचिकित्सा १ अबिद्या २ दुःखदृष्टि समुदयदृष्टि फुकेमा ।

मृदुमृदु आवि गुंगू प्रकारया क्लेश ध्यानमार्गे कथंथें फुकेमा ।

कामधात्वी च्वंगु थःगु धात्वी वना स्वंगू बिज्ञानं गोचर जुया च्वंगु
दुःखदृष्टि हेतुदृष्टि भाबनायाकें फुकेमा ।

रूपधात्वी च्वंगु छगू मल मदुगु बिज्ञानया गोचर जुया च्वंगु भाबना-
याकें फुकेमा ।

रूपधात्वी वंगु स्वंगू क्लेश रूपधात्वी च्वंगु थःगु स्वंगू बिज्ञानया
बिषय जुया च्वंगु, हानं क्लेशधात्वी वंगु स्वंगू बिज्ञानया बिषय जुया च्वंगु
दुःखदृष्टि हेतुदृष्टि भाबनायाकें फुकेमा ।

आरुप्यधात्वी वंगु छगू बिज्ञान भाबनायाकें फुकेमा ।

अनास्रव बिज्ञाननं भाबनायाकें फुकेमा ।

कामधात्वी वंगु धर्मनिरोधदृष्टि फुकेमा ।

न्यागू बिज्ञानया गोचर जुयाच्वंगु बिज्ञान समेतं खुगू मार्गदृष्टि फुकेमा ।

रूपधात्वी आरुप्यधात्वी वंगु धर्मनिरोधदृष्टि मार्गदृष्टि फुकेमा ।

कामधातु रूपधातु आरुप्यधात्वी वंगु स्वंगू बिज्ञानया गोचर जुया
च्वंगु अनास्रव धर्मनिरोधदृष्टि मार्गदृष्टि भाबनायाकें फुकेमा ।

स्वंगू धातुयानं धर्मदुःखदृष्टि हेतुदृष्टि भाबनायाकें फुकेमा ।

आः थ्व जम्मां क्लेशया मृदु (चीधंगु) १ मध्य (मध्यमगु) २ अधि-
मात्र (तःधंगु) ३ थ्व स्वंगू भेद दु, हानं थ्व स्वंगूयानं छगू छगूया स्वंगू
स्वंगू भेदं गुंगू दु । गथेधाःसा-अधिमात्राधिमात्र (तःधंगुलीसं तःधंगु) १,
अधिमात्र मध्य (तःधंगुली मध्यमगु) २, अधिमात्र मृदु (तःधंगुली चिकि-
चाधंगु) ३, मध्याधिमात्र (मध्यमगुली तःधंगु) ४, मध्यमध्य (मध्यमगुली
मध्यमगु) ५, मध्य मृदु (मध्यमगुली चिकिचाधंगु) ६, मृदुधिमात्र (चिकि
धंगुली तःधंगु) ७, मृदुमध्य (चिकिधंगुली मध्यमगु) ८, मृदुमृदु चिकिधं-
(गुलीसं चिकिचाधंगु सूक्ष्मगु) ९ ।

अक्षीण भावना द्वेयः कल्पस्थः सप्तकृत्परः ॥

प्रकार त्रि चतुर्मुक्ता द्वित्रिजन्मा कुलकुल ॥१०६॥

भाबनायाकें फुकेमागु क्लेश गुह्यास्या मफूनि फले च्वंच्वन थ्व पुद्गल न्हेको ७ सम्म भव बन्धने जन्म जूवेफु, थुलि अपो वंसखु थ्वंत आनापत्र धाइ, सप्तकृत्परम नं धाइ । स्वंगू प्रकार प्यंगू प्रकारया क्लेशं मुत्तब्रह्म आय्यं पुद्गल निगूबार स्वंगूबार कुलंकुल जुया जन्म ज्वी, अर्थान् देबकुलं देबकुले अथवा मनुष्यकुलं मनुष्यकुले जन्म जू वं ।

यावत्पंच प्रकारघ्ना द्वितीये प्रतिपन्नकः ॥

क्षीणपष्ठ प्रकारस्तु सकृदा गाम्यमी भवेत् ॥१०७॥

यावत् न्याता प्रकारया क्लेश फुकूह्य सकृदागामिफले अधिकारी ज्वी, गुह्यास्या स्वंगू प्रकारयागु क्लेश फुत थ्व सकृदागामि ज्वी, (सकृदागामि धंगु लिपा छको जक जन्म जूवेंतिनिह्य) ।

क्षीण सप्ताप्त दोषांश एकजन्मक द्वात्रिकः ॥

प्रतिपन्नक स्तृतीये सोऽनागामी नत्र क्षयात् ॥१०८॥

न्हेगू च्यागू प्रकारया क्लेश फुकूह्य एकजन्मा ज्वी, थ्वंत एकबोचिनं धाइ । थ्व स्वंगूगुफले अधिकारी ज्वी, (जुल) यावत् गुंगू क्लेशं फुत धाय्व थ्व अनागामि ज्वी, हानं लिपा थ्व कामधात्वी जन्म जूवं मखुत । (गुंगू प्रकारयागु क्लेश धंगु मृदुमृदु क्लेश) ।

सोऽन्तरोत्पन्न संस्कारा संस्कार परिनिर्वृतिः ॥

ऊर्ध्वं स्रोतश्च स ध्यानं व्यवकीर्या कनिष्ठग ॥१०९॥

थ्व अनागामी न्याता प्रकारया दु, अन्तरा परिनिर्बायी १, उपपद्य परिनिर्बायी २, साभिसंस्कार परिनिर्बायी ३, अनभिसंस्कार परिनिर्बायी ४, ऊर्ध्वस्रोता ५ । गुह्य अन्तराभवे निर्बाण जुया वनी थ्वंत अन्तरापरि निर्बायी धाइ १, उत्पत्ति जुया निर्बाण जुया वनीह्य थ्वंत उपपद्य परिनिर्बायी धाइ २, उत्पत्ति जुया जत्तयाना निर्बाण जुया वनीह्य थ्वंत साभिसंस्कार परिनिर्बायी धाइ ३, जत्त याय् म्बाक निर्बाण जुया वनीह्य थ्वंत

अनभिसंस्कार परिनिर्वायी धाइ ४, कामधातु तोता वना हानं थन वेमखुत च्वेहे निर्वाण जुया वनीह्य थ्वैत ऊर्ध्वस्रोता धाइ ५ । ऊर्ध्वस्रोता निगू प्रकारया दु, अकनिष्ठे वनीह्य व भबाग्रे (नैबसंज्ञा नासंज्ञायतने) वनीह्य, थन ध्याने निश्चित जूह्य (च्वंह्य) याबत् अकनिष्ठे वना निर्वाण ज्वी । निश्चित मजूह्य याबत् भबाग्रे वना निर्वाण जुया वनी ।

स प्लुतोऽर्धप्लुतः सर्वच्युतश्चान्यो भवाग्रगः ॥

आरूप्यगश्चतुर्थान्य इह निर्वाणिको ऽपरः ॥११०॥

अकनिष्ठे वंह्य अनागामी आर्य्य स्वंगू प्रकारया दु । प्लुत १, अर्धप्लुत २, सर्वच्युत ३ । थन प्लुत धंह्य प्रथम ध्याने निश्चित जूह्य ब्रह्मकायिक भुबने उत्पत्ति जुया अनं चतुर्थं ध्याने मग्न ज्वी, ब्रह्मकायिक भुबने हे निर्वाण जुया वनी १ । अर्धप्लुत धंह्य शुद्धावास भुबने उत्पत्ति जुया अनहे निर्वाण जुया वनी २ । सर्वच्युत धंह्य महाब्रह्म लोक तोता सकतां देवे भ्रमण याना अकनिष्ठ भुबने निर्वाण जुया वनी ३ । ध्याने मग्न मजूह्य ऊर्ध्वस्रोता नैबसंज्ञा नासंज्ञायतने वना निर्वाण जुया वनी । खुगूगु आरूप्य धात्वी वंह्य अनागामी रूपधात्वी बिरक्त जूयानिति रूपधात्वी उत्पत्ति ज्वीमखुत, अनहे उत्पत्ति जुया निर्वाण जुया वनी । न्हेगूगु अनागामी थ्वहे जन्मे निर्वाण जुया वनी, थ्वैत दृष्टधर्म परिनिर्वायी धाइ ।

अनागामी मतः कायमाक्षी निरोध लाभतः ॥

आभवाग्राष्ट भागक्षिद् अहंतत्वे प्रतिपन्नकः ॥१११॥

संज्ञाबेदित निरोध समापत्ति समाधि प्राप्त जूह्य अनागामी काय साक्षी धाइ, भबाग्रया च्यागू भाग अनुशय गुबले नाश ज्वी उबले अहंतवया अधिकारी ज्वी ।

आनन्तर्ये ऽपि नवमे ग तु वज्रोपमः सहः ॥

तत्स्थयाप्त्या क्षयज्ञान मशंक्षोऽहंत्वसी तदाः ॥११२॥

भबाग्रया गुंगूगु आनन्तर्ये मार्गेच्वंह्य अहंत फलया अधिकारी ज्वी, गुंगूगु मार्ग सकतां अनुशय यात फुकंगु वज्रोपम समाधि धका धंतल ।

भवाग्रया गुंगू प्रकारया बलेश बज्रोपम समाधि नाश ज्वी, श्वहे भवाग्रया गुंगू प्रकारया अनुशय क्षयज्वीगु गुबले लाभ दे, उबले धन श्रय ज्ञान प्राप्त ज्वी । क्षय ज्ञान लाइबले श्व अशंक्ष अहंत् ज्वी ।

आः थन श्वहे क्लेश फुकेंगु मार्ग सप्तत्रिंशतद्वेधाधिपाक्षिक धर्म आदि कनं

सप्तत्रिंशद्वेधाधिपाक्षिक धर्म (स्वीन्हेगू बोधिज्ञानया पक्ष जुया च्वंगु धर्म) छुछु धाःसा-स्मृत्युपस्थान (स्मृति तथा लुमंका च्वनेगु) ४ सम्यक्-प्रहाण (भिनकं तोतेगु) ४ ऋद्धिपाद (पराक्रम चलेज्वीगु) ४ इन्द्रिय ५ बल ५ बोध्यङ्ग (बोधिया अङ्ग) ७ आर्याष्टाङ्गमार्ग (भिगु च्यागू अङ्गया मार्ग) ८ ।

प्यंगू स्मृत्युपस्थान छुछु धाःसा-कायानुस्मृत्युपस्थान (शरीरे बिचार याना लुमंका च्वनेगु) १, वेदनानुस्मृत्युपस्थान (अनुभव ज्वीगु लुमंका च्वनेगु) २, धर्मानुस्मृत्युपस्थान संसारिक बिचार याना लुमंका च्वनेगु ३, चित्तानुस्मृत्युपस्थान (चित्त बिचार याना लुमंका च्वनेगु) ४ ।

प्यंगू सम्यक्प्रहाण छुछु धाःसा-अनुत्पन्नानां कुशलानां समुत्पादनं धंगु थःके उत्पत्ति मज्जनिगु धर्म उत्पत्ति याय्गु १, उत्पन्नानां कुशलानां संरक्षणं धंगु उत्पत्ति ज्वी धुंकुगु धर्मयात बांलाक रक्षा याना तय्गु २, उत्पन्नानाम कुशलानां संप्रहाणं धंगु उत्पत्ति जूगु पापयात जत्तयाना फुकेगु ३, अनुत्पन्नानाम कुशलाना मनुत्पादनं धंगु उत्पत्ति मज्जनिगु पापयात जत्तयाना उत्पत्ति मयाय्गु ४।८

प्यंगू ऋद्धिपाद छुछु धाःसा-छन्द ऋद्धिपाद धंगु धर्म याय्गुली अभिलाषा याय्गु १, बीर्य्य ऋद्धिपाद धंगु धर्म याय्गुली अत्तसि मज्जे चित्तया उत्साह बहेयाय्गु २, मीमांस ऋद्धिपाद धंगु धर्मया सिद्धान्त सीका निश्चय याय्गु ३, चित्त ऋद्धिपाद धंगु धर्म याय्गुली चित्त तत्पर याय्गु ४।९२

न्यागू इन्द्रिय छुछु धाःसा-श्रद्धेन्द्रिय धंगु धर्म याय्गुली मिखा आदि
 खुगू इन्द्रियया श्रद्धादुगु १, समाधोन्द्रिय धंगु समाधियाना इन्द्रिय समाधान
 याना उकोहे जक लगेज्वीगु मेथाय् मन मव्छेगु २, बीर्येन्द्रिय धंगु धर्म
 याय्गुली इन्द्रिय अत्यन्त बीर्य उत्साह याय्गु ३, स्मृतीन्द्रिय धंगु न्यना
 तयागु धर्मशास्त्रे बरोबर थ्व षट् इन्द्रिययाकें लुमंका च्वनेगु ४, प्रज्ञेन्द्रिय
 धंगु ज्ञाने थ्व खुगू इन्द्रियनं लगेजुया निश्चय याना ज्ञान सीका लुमंका
 च्वनेगु ५।१७

न्यागू बल छुछु धाःसा-श्रद्धाबल धंगु धर्म याय्गुली अत्यन्त श्रद्धा
 या बल दैकेगु १, बीर्यबल धंगु धर्म याय्गुली अत्यन्त बीर्य पराक्रम
 उत्साहया बल दैकेगु २, स्मृतीबल धंगु न्यना तयागु धर्मशास्त्र शिक्षायात
 लुमंका अत्यन्त स्मृति दैका च्वनेगु ३, समाधिबल धंगु समाधि
 याय्गुली अत्यन्त बल दैकेगु ४, प्रज्ञाबल धंगु प्रज्ञा ज्ञाने अत्यन्त बल
 दैकेगु ५।२२

न्हेगू बोध्यङ्ग छुछु धाःसा-स्मृति संबोध्यङ्ग धंगु शास्त्र न्यना तयागु
 शिक्षा स्यना तयागु सदाकालं लुमंका च्वनेगु १, धर्मप्रबिचय सम्बोध्यङ्ग
 धंगु धर्म माला सीका मुनेगु २, बीर्य सम्बोध्यङ्ग धंगु धर्म उत्साह बन्हे-
 याय्गु अलसि मज्वीगु ३, प्रीति सम्बोध्यङ्ग धंगु धर्मकर्म अत्यन्त प्रीति
 याय्गु ४, प्रश्रब्धि सम्बोध्यङ्ग धंगु धर्म मन याउँसे च्वंकेगु ५, समाधि
 सम्बोध्यङ्ग धंगु चित्त समाधान याना ध्यान याय्गु ६, उपेक्षा सम्बोध्यङ्ग
 धंगु त्याग याय्गु थःत घका स्वीकार मयाय्गु सकलें समान खनेगु ७।२९

च्यागू आर्याष्टाङ्गमार्ग छुछु धाःसा-सम्यक्दृष्टि धंगु भिगुली धर्म
 मिखा तय्गु, नास्तिक ज्वीगु, शरीर खनेगु, आत्मा खनेगु, थुजागु दृष्टि
 मतसे शून्यता ज्ञाने मिखा तय्गु १, सम्यक्संकल्प धंगु भिगु जक मतं
 कल्पना याय्गु २, सम्यग्वाक् धंगु अनर्थ बचन असत्य ऊठ् बोले मयासे
 सत्यथे भिगु बचन बोलेयाय्गु ३, सम्यक्कर्मन्ति धंगु मभिगु कर्म फुका
 भिगु कर्म याना सिद्ध याय्गु ४, सम्यग्प्राजोब धंगु भिगु वृत्ति लजगा याना

जीबिका जुया च्वनेगु ५, सम्यक्ख्यायाम धंगु भिगु धर्मकर्म उद्योग याना कोशिश याय्गु ६, सम्यक्समाधि धंगु एकचित्त याना जोग ध्यान समाधि याय्गु ७, सम्यक्स्मृति धंगु भिगु न्यना तयागु शास्त्रशिक्षा बांलाक लुमंका च्वनेगु ८।३७

थ्व स्वीन्हेगू बोधिज्ञानया पक्षजुया च्वंगु धर्म बांलाक बिचार याना सदाकालं धारण याय्मा ।

चतुर्ब्रह्म बिहार धंगु सकल प्राणिपित मित्रभाव याय्गु (मंत्रो) १, सकल प्राणिपित करुणा तय्गु (करुणा) २, सकल प्राण्या शुभमंगल जूगु खना हर्षचित्त याय्गु (मुदिता) ३, सकल प्राणिपि थ्व शत्रु थ्व मित्र धंगु कल्पना मयासे सकस्यातं उति खनेगु (उपेक्षा) ४, थ्व प्यंगू ब्रह्माबहार धारण याय् जाल ।

चतुःसंग्रह बस्तू दान याय्मा । छुछु धाःसा—(दान) सदां दान-दातव्य याय्गु १, (प्रियवचन) सकस्यातं प्रेम वचन ह्लाय्गु २, (अयंचर्या) सकल प्राण्यात फाइदा ज्वीगु ज्या याय्गु ३, (समानार्थता) सकल प्राण्यात उतिखना हितार्थ याय्गु ४ ।

फिगू ज्ञान सीकेमा । छुछु धाःसा—(संबृत्ति ज्ञान) लोकयागु ब्यबहार ज्ञान सकतां सीकेगु १, (धर्म ज्ञान) सकतां संसारिक यागु धर्म थये थये धका सीकेगु २, (अन्वय ज्ञान) थुकिं थुगु दैवल २ धका संतान प्रबाह जुया आपालं दैवोगु प्रत्यय सीकेगु ३, (दुःखज्ञान) संसार दुःखमय धका सीकेगु ४, (समुदय ज्ञान) थ्व दुःख उठेजुया वोगु क्लेश व कर्मयाकें धका सीकेगु ५, (निरोध ज्ञान) क्लेश व कर्म मदुसा दुःख निरोध ज्वो धका सीकेगु ६, (मार्ग ज्ञान) क्लेश व कर्म फुकेगु मार्ग समाधि व प्रज्ञा धका सीकेगु ७, (परचित्त ज्ञान) कर्पिनि चित्ते च्वंगु सीकेगु ८, (क्षय ज्ञान) क्लेश क्षय याय्गु सीकेगु ९, (अनुत्पाद ज्ञान) थ्व संसारिक छु बस्तूहे सु प्राणिपिनं उत्पत्ति जूगु मखु धका सीकेगु १०, थ्व फिगू ज्ञाने कोशिश याय्मा ।

दशकुशल धंगु फिगू पुण्य चले याय्मा । फिगू पुण्य छुछु धाःसा-प्राणि
पित थमं फुगु तक कर्मयाना सुखं जीबिका ज्वीदेका बीगु १, दान-प्रदान
याय्गु २, परस्त्री संभोग तोतेगु ३, सत्यबचन ह्लाय्गु ४, प्रेमगु खं ह्लाना
बायाच्चं पि मिलेयाय्गु ५, कोमल नरमगु बोलि ह्लाय्गु ६, मिलेमजूपित
जत्नयाना मिलेयाय्गु खं ह्लाय्गु ७, कपिन्त धनसम्पत्ति ऐश्वर्य दैकाबी
धंगु मती तथा ज्वीगु ८, पर सकलें प्राणिपिनि शरीर सुख धनसम्पत्ति दया
ऐश्वर्य सुख मोज याय्दंमा धका आशिखा याय्गु ९, धर्म याःसा शुभमंगल
ज्वी स्वर्गसुख आदि लाइ, पाप याःसा दुःख पीडा जुया नरक भोग याय्
माली धका सीका भिगु दृष्टि खनेगु १०, थ्व फिगू धर्म चले याय्मा ।

खुगू पारमितास नित्य नित्य चले याय्मा । छुछु धाःसा-(दानपार-
मिता) प्राणिपित बाह्यबस्तू धन-द्रव्य आदि स्त्री, पुत्र-पुत्री, नगर सर्वस्वहे
दान याय्गु । यनंलि थः शरीरयागु ला-हि, ह्ला-तुति, मिखा-ह्लाय्, न्हेपं
शिर प्रभृति दान याना थ्व दान यानागु पुण्य थःत काय् धंगु इच्छा मयासे
बोधिज्ञानया निमित्ते सत्वप्राणिया नामे परिणामना याना तोता बीगु १,
(शीलपारमिता) दशकुशल पाप आदि मभिगु कर्म मयासे शील स्वभाव
भिकेगु २, (क्षान्तिपारमिता) न्ह्याह्य प्राणिपिसं थःत अपकार याःसां द्वेष-
भाव मतसे सहयाना अमिकेहे करुणा तय्गु ३, (वीर्यपारमिता) धर्मकर्म
याय्गुलो अलसि मचासे अत्यन्त उत्साह बन्हेयाय्गु ४, (ध्यानपारमिता)
नित्य नित्य समाधि ध्यान योग याय्गु ५, (प्रज्ञापारमिता) सकल थ्व
संसार शून्य धका बुक्केजुया थःगु कारणे छुं ज्या मयाय्गु सत्वप्राणिपित
जक करुणा तथा सत्त्वार्थ याय्गु कार्ये कोशिश याय्गु ६, थ्व खुगू पारमिता
नित्य नित्य चले याय्मा ।

चतुर्थ ध्यान याय्मा । चतुर्थ ध्यान छुछु धाःसा-बितर्क १, बिचार २,
प्रीति ३, सुख ४, समाधि ५ । थ्व न्यागू अङ्गं संयुक्त जुया च्वंगु प्रथम
ध्यान १ । प्रीति १, सुख २, समाधि ३, प्रसाद ४ । थ्व प्यंगू अङ्गं संयुक्त
जुया च्वंगु द्वितीय ध्यान २ । उपेक्षा १, स्मृति २, ज्ञान ३, सुख ४, स्थिति

५, श्व न्यागू अङ्गं संयुक्त जुयाच्चंगु तृतीय ध्यान ३ । स्मृति १, उपेक्षा २, अदुःखासुख ३, समाधि ४ । श्व प्यंगू अङ्गं संयुक्त जुया च्वंगु चतुर्थ ध्यान ४ । थुलि ध्यान पुरेज्वीव आकाशानन्त्यायतन धंगु संवार्गिक आकाश सरिका धंगु चित्त याय्गु समाधि ५ । बिज्ञानानन्त्यायतन धंगु बिज्ञान मात्र संज्ञा याय्गु समाधि ६ । आकिचन्यायतन धंगु किचित् छुंहे मदु धंगु कल्पना याय्गु समाधि ७ । नैबसंज्ञा नासंज्ञायतन धंगु छुं नाम संज्ञानं मदु असंज्ञानं मदु धंगु कल्पना याय्गु समाधि ८ । यनंलि संज्ञाबेदयित निरोध समापत्ति धंगु संज्ञायाकें बेदना ज्वीगु यात निरोध ज्वीगु लाभ दंगु समाधि ९ । श्वयां च्वे बज्रोपम धंगु सकल क्लेशयात बज्र समान जुया नाश याइगु समाधि १० । श्व फ़िगू समाधि तच्चोतं कोशिश याय्मा ।

थनंलि चतुःप्रति संबित् धंगु छुछु धाःसा-धर्म प्रबित् धंगु सकतां धर्म थुजा थुजागु धका सीगु १, अर्थ प्रतिसंबित् धंगु सकतां धर्मया अर्थ थुजा थुजागु धका सीगु २, निरुक्ति प्रतिसंबित् धंगु सकतां धर्मया खँ अर्थशास्त्र या खँ कने फया सकतां सीगु ३, प्रतिभान प्रतिसंबित् धंगु सकल प्रतिभान ऋद्धिपराक्रम क्यने फंगु सकतां सीगु ४ । श्व प्यंगू प्रतिसंबित् सीकेमा ।

चतुर्बेशारद्य धंगु छुछु धाःसा-सर्वधर्मा भिसंबोधि बेशारद्य धंगु थुगु थान, थुगु थान मखु धंगु आदि सकल धर्म बांलाक बुकेजुया सीगु १, सर्वास्त्रब क्षयज्ञान बेशारद्य धंगु सकल आस्त्रब क्षय याय्गु ज्ञान सीगु २, अन्तरायिक धर्म व्याकरण बेशारद्य धंगु कर्मया बिपाक ज्वीगु धर्म व्याकरण याय् फंगु ज्ञान सीगु ३, नैर्याणिक प्रतिपत् व्याकरण बेशारद्य धंगु निर्वाण थथे थथे ज्वीगु धंगु व्याकरण याय्फंगु ज्ञान सीगु ४ । श्व प्यंगू बेशारद्य बांलाक सीकेमा ।

आः श्व मार्ग ज्ञाने पारमिता चर्या व शून्यता ज्ञान बोधिसत्त्वपिंगु मेगु श्रावक भिक्षु पिंगु धका सीकि ।

आः श्व च्वे कनागु सकतां ध्यान ज्ञान (शमथ विपश्यना) धंगु क्लेश फुकेगु मार्ग जुया च्वन, थुलि ध्यान ज्ञाने कोशिश याना दर्शन मार्ग भाबना

मार्ग बिचार याना चलेयात धाःसा सकतां मृबुमृबु बलेश आश्रव क्षय ज्वी,
गन बलेश मंत अन कर्म बैमखुत कर्म मबुसैलि भब बन्धने जन्म ज्वीमखुत,
संसार सागरं पार जुया फेरसत् संसारे जन्म ज्वी स्वाला तःधंगु निर्बाण
सुख प्राप्त ज्वी । थुलि श्राबकयान ।

हानं थथेहे संसारयागु दुःखं छुटेजुया निर्बाण लाय् धका इच्छा याना
छे त्याग याना पिहाँवया प्रब्रज्या याना एकान्त बनाश्रमे च्वना चतुर्थ
ध्यान आदिं सकतां ध्यान पुरेयाना सकतां बलेश फुका अहंत् जुया पांभिज्ज
लाना थः याकचा यःगु थासे च्वना समाधि मग्न जुया प्रत्येक बोधि लाना
निर्बाणपद लाना वनीह्य प्रत्येक बुद्ध धाइ, थ्व प्रत्येक बुद्ध धंह्यनं श्राबक
मार्ग हे खः । थुलि प्रत्येकयान ।

आः थ्व बैभाषिक शास्त्रे च्वंपित बिज्ञानबादी धाइ, सर्वास्विबाद न
घाइ । छायाःसा-थ्व श्राबक बैभाषिकतसें थ्व संसारनं सत्य हे खः
निर्बाणनं सत्यहे खः धका मानेयाना च्वन । १। सौत्रान्तिक धैपिसं संसार
सत्य खः निर्बाण असत्य धका मानेयाना च्वन । २। योगाचार धैपिसं
संसारनं असत्य निर्बाणनं सत्य धका मानेयाना च्वन । ३। थ्व स्वंगूलि
श्राबकयान हे खः ।

आः थन जि मङ्गला चरणे बुद्धया प्यत ज्ञान शिक्षाया मध्ये न्हापां
अल्पबुद्धिपित देवता मान्य याय्गु आत्मा ह्यसीकेगु छत १ या खँ कने
घुन, हानं आत्मा धंह्य मदु पञ्चस्कन्ध मात्र जकखः धका तथागतं भिक्षुपित
शिक्षा ब्यूगु नित २ यागु खँ थ्व जुल । उकें श्राबक भिक्षु धैपि बुद्धया ज्ञाने
नितगुली थ्यन धका निश्रय सीकि भुले ज्वी मते थन ।

थ्वयां च्वे आः स्वत ३ गु तथागतं बोधिसत्त्वपित शून्यसूत्रान्तभाष
उपदेश ब्यूगु महायानयागु खँ मध्यमक शास्त्रे प्रवेश ज्वीगु (मध्यमक
शास्त्रे च्वंपित माध्यमिक धाइ, थुमिसं संसारनं असत्य निर्बाणनं असत्य
धका मानेयाना च्वन) थुकीयागु खँ व्याख्यान याय् त्यना ।

गथेधाःसा—थ्व बंभाषिक शास्त्र अभिधर्मकोशया हलं हीनयान
(श्रावकयान) याकें सकतां वलेश फुना अहंत् पदलाना अथवा प्रत्येकयान
प्रत्येक बुद्धया पदलाना निर्वाण जुया वनी धका धाःगु जि बांलाक पन्था
मजू, छायाधाःसा थ्व श्रावकयाने थःगु वलेश फुका निर्वाण जुया वने धंगु
आश्रय याःगुलि उपलम्भ संज्ञा (लाभ ज्वो धंगु संज्ञा) दु । हानं दान
आदि पारमितास बांलाक प्रवेश जुया चर्या मयाःगुलि पुण्यसंभारन
अत्यन्त कम् जुया च्वन, थः निर्वाण जुया वने धंगु कल्पना याःगुलि ज्ञान
संभारन अत्यन्त हे कम् जुया च्वन । थथे जूगुलि परमार्थ बिचार याय-
वले थ्व श्रावकयाने च्वंपिनि वलेश पवीगुहे खने मदु निर्वाण पदलाइ धंगु
जा गनया खँ, छायाधाःसा—थःगु निमित्ते धका चर्या याःगुलि थुमि वलेश
पवीगु थाननं जि मखना एक थ्व, दोसरा बुद्ध भगवानं स्वंगूयान क्यना
बिज्यासां बास्तबे छगू यानहे जक ज्वीगु खनेदु, छुधाःसा बुद्धयान छगू
जकहे ज्वी, न निगू यान दै न स्वंगू यान दै । थ्व खँ धंतःगुदु नामसंगीति—

नानायान नयोपाय जगदर्थ विभावकः ।

यानत्रित यनिर्याति एकयान फलेस्थितः ॥११३॥

नाना प्रकारया यानया मार्ग न्याय उपाय दुह्य, जगतयात फाइदा
याय्गु चिंतना याना बिज्याह्य, स्वंगू यानयाकें निश्चय निर्वाण लानावंह्य,
छगू जक यानया फलेच्वंह्य ।

थथे उदाहरण खनेदुगुलि बुद्धयान छगू जकहे खः, निगू स्वंगू दुगु
मखु । थ्व श्रावकयान आदिं स्वंगू यानदु धका भगवानं क्यना बिज्यागुजा
महायाने चर्यायाना पारमिता उपाय कौशल्ये बांलाक च्वने मफुपि बीर्य
कम् जुया च्वंपिं सत्त्वपित अमि मन हतास चाइ थाकु चाइ धका अनेक
मार्ग उपाय स्यूम्ह भगवानं बिस्तार बिस्तारं थःगु शासने तया संसारयागु
बुःखं छुतेयाना बीर्यानिंति श्रावक निर्वाण प्रत्येक निर्वाण धका क्यना
बिज्यागु खः, परमार्थ जा बुद्ध निर्वाण छगू जकहे निगू स्वंगू निर्वाण मदु ।
थ्व श्रावकपिनि बुद्धि बीर्य कम् जूयानिंति भगवानं स्वंगू निर्वाण क्यना

बियागु, अथे जूयानिति थ्व श्राबकयाने पुण्यसंभार व ज्ञानसंभार नं
निताहे कम् जुया च्वन, उकें थ्व श्राबकयानयात हीनयान धंतन । थ्व थ्व
धंतःगुबु महायानेजा स्वार्थं—

आशयस्यो पदेशस्य प्रयोगस्य विरोधतः ॥

उपस्तम्भस्य कालस्य यद्धीनं हीनमेव तत् । ११४॥

गुगुजा थ्व श्राबकयाने थःजक तरेजुया वने (अर्थात् थःजक निर्वाण
जुया वने) धंगु आशय जुया च्वन, जगतयात संसारयागु दुःखं छुतेयाना
बी धंगु मदु, आशय मदु, उकें आशयहीन (कम्) जुया च्वन १, हानं मेपित
धर्म उपदेश ब्यूसानं जि थथे अपिन्त धर्म उपदेश बियागुलि जित पुण्य
लाना जिगु क्लेश फुना निर्वाण पदलाना वने फैं धंगु निमित्ते धर्म उपदेश
बीगु जूयानिति उपदेशनं हीन जुया च्वन २, हानं सत्वार्थ आदि अनेक
प्रयोग ज्यायाःसां थथे यानागुलि जित पुण्य लाना क्लेश फुना निर्वाण पद
लाय्दै धंगु निमित्ते प्रयोग याइगु जूयानिति प्रयोगनं हीन जुया च्वन ३,
हानं थःजक तरेजुया वने धाःगुलि पुण्यसंभारनं हीन ज्ञानसंभारनं हीन
जुया च्वन ४, हानं थथे चर्था याःसा थुलि काल वनीबले अर्थात् न्हेको
जन्म जुया अथवा स्वको जन्म जुया अथवा छको जन्म जुया निर्वाण पद
लाइ धंगु काल (समय) दुगुलिनं हीन जुया च्वन ५ । महायानेजा थ्व
जम्माहे उत्ता ज्वी, थ्व गथेधाःसा—थः निर्वाण जुया वने धंगु बोधिसत्त्वं
कदाचित् ग्वलसंहे मती तैमखु । गुजागु मती तैधाःसा जगत् संसार सकल
सत्त्व प्राणियातजि दुःखं छुतेयाना निर्वाणपुरे छ्वैबी धंगु मतीतै १, उपदेश
ब्यूसानं जगतयात उद्धार याय्गु लागीहे उपदेश बी २, प्रयोग याःसां जगत
यात फाइदा याय्गुहे ज्या याइ प्रयोग याइ ३, दानपारमिता आदि लगे
जुया थःगु धंगु थःत धंगु छुहे वास्ता मयास्ये बाह्य बस्तू धन, रत्न, राज्य,
नगर, स्त्री पुत्र पुत्री परिवार आदि बुनेयागु बस्तू थःगु शरीर यागु ला,
हि, ह्ला, तुति, मिखा, भैं आदि सत्त्व प्राणियात त्याग थाइह्य त्यागी ज्वी ।
थुगु प्रकारं शील पारमिता आविसं हरबखत् चलेयाइह्य जूयानिति पुण्य

संभारनं आयालं दं चवन, हानं थःगु निमित्ते धका कायगु न्ह्यागुहे दुःखु।
 हा धका सीका थःगु निमित्ते धका छुंहे मकास्ये (मकायगु) नून्यनाजाने
 बांलाक प्रवेश जूगुलि बोधिसत्त्वयाके ज्ञानसंभारनं ज्यावाहे दं चवन ८,
 हानं बोधिसत्त्व धंहास्या थुलि काल वनेव जि क्लेश फुका निर्वाण जुया
 वने धंगु कल्पना दंमखु, गुजागु कल्पना ज्वीधाःसा-आकाशया स्थिति
 दतलें सत्त्वप्राणिया स्थिति दतलें जि संसारे सकल प्राणियान धाधाह्य
 स्यात धाधागु सकसिगु मनसुवा पुरे याना सकस्यातंहे निर्वाणपद लाका
 बी धंगु कल्पना याइ ५ । अथे जूयानिति थ्व न्यागूलीनंहे बोधिसत्त्व श्रेष्ठ
 ज्वी, उकिं महायान धंतल । थ्व न्यागूलि हीन जूयाच्चंवि श्रावकयान धंगु
 हीनयान हे खः ।

अथेयानिति थ्व हीनयाने च्वनागुलि सकतां क्लेश फुका अहंत जुया
 निर्वाण पदलाना वने फंमखु । महायाने वना बोधिचर्या याना प्रज्ञापार-
 मिताया उपायकौशल्ये चलेयाःसा जकं सकतां क्लेश फुना पुण्यसंभार व
 ज्ञानसंभार निर्गुलि पुरेजुया तथागत जुया निर्वाणपद लाय्फं ।

थ्वहे खं बांलाक कनेयानिति श्रीशाक्यमुनि तथागतं सद्धर्मं पुण्डरीका
 धंगु ग्रन्थ महायानसूत्र शालिपुत्र आदि भिक्षुगणपित आज्ञा दंका बिज्यात,
 गथेधाःसा-न्ह्यापा श्री शाक्यमुनि भगवान् गृद्धकूट पर्वते बिज्याना सकल
 सभा लोकपित आदि मध्य अन्ते कल्याण ज्वीगु धर्मकथा आज्ञा दंका
 बिज्यात । गथेधाःसा श्रावकगणपित जक चतुरार्य्य सत्यं संयुक्त जुयाच्चंगु
 द्वादशाङ्ग प्रतीत्य समुत्पादे लगेजुया जन्मज्वीगु बुढाज्वीगु रोगकंगु मृत्यु
 ज्वीगु शोक बिलाप दुःख दुर्मन मन बिखुस जूगु मदेकयानिति निर्वाणपद
 तकं लाइगु धर्म उपदेश बिया बिज्यात ।

हानं बोधिसत्त्वं महासत्त्वपित जक खुगू पारमितां संयुक्त जुयाच्चंगु
 अनुत्तर सम्यक्संबोधि निस्ये आरम्भ याना सर्वज्ञ ज्ञान तकं लाइगु धर्म-
 कथा उपदेश बिया बिज्याना चोन ।

हानं उगु बखते श्री शाक्यमुनि भगवान् प्यंगू तरफं सभालोकपिसं चाह्वीका न्होने बिज्याना सत्कार याका गुरुभाव याका मान्य याका पूजा याका महानिर्देशं नाम धर्मं पर्याय सूत्रान्त महाबैपुल्य बोधिसत्वाबबाद सर्वबुद्ध परिग्रह धंगु धर्म उपदेश बिया हानं वहे क्षणलव मुहूर्त्तं वहे धर्मसने मुलुस् भ्याना पयतुना अनन्त निर्देश प्रतिष्ठान धंगु समाधि याना बिज्यात ।

उगु बखते श्री भगवान्याके माहामान्दार व पारिजात स्वां आदि पुष्प वर्षे जुल, सकल बुद्धक्षेत्र खुता प्रकारं कम्प जुल । थ्व स्वया उगु बखते अन सभामण्डले च्वंच्वं पि सकलें भिक्षु-भिक्षुणी उपासक-उपासिका देव नाग जक्ष गन्धर्व दैत्य किंनर महोरग मनुष्यगणपि सकल चक्रवर्ति राजापि सकस्यनं भगवान्यात स्वया अद्भुत आश्चर्य चाया च्वन । उगु बखते श्री भगवान्या ह्लातिकायागु चिमिसं प्वालं अनेक रश्मि पिहाँ वल, थ्व पूर्वदिशास फिच्यादो १८००० बुद्धक्षेत्रे पयजेजुया थ्व रश्मि खया जम्मां स्पष्ट खने दैवल, याबत् ववे अबीची नरकं निस्ये च्वे भवाग्र थ्यंकां सकभनं बुद्धक्षेत्रे खुगू गती गुलि सत्वप्राणिपि दैच्वन थुपि जम्मांहे खने दैवल । हानं थ्व सकल बुद्धक्षेत्रे षट्गति गुलि बुद्ध भगवान्पि बिज्याना सत्वयात हितार्थ याना मोक्षलाका बिज्यानाच्वं पि दु थुपिनं खने दैवल । हानं थुपि सकलें बुद्ध भगवान्पिसं गुगु धर्मकथा आज्ञा दैकाच्वंगु थ्व धर्मनं सकतां ताय्द वल । हानं थुगु बुद्धक्षेत्रे गुलि भिक्षु-भिक्षुणी उपासक-उपासिका योगीगणपि योगाचारगणपि फलप्राप्त जुयाच्वं पि दु थुपिनं सकलें खने दैवल । हानं थुगु बुद्धक्षेत्रे गुलि बोधिसत्वापिसं नाना प्रकारया न्यनेगु अधिमुक्ति (श्रद्धा) या कारण उपायकौशल्यं बोधिसत्वया चर्या चलेयाना च्वंगु खः थ्वनं सकतां खने दैवल । हानं थुगु बुद्धक्षेत्रे गुलि भगवान्पि निर्वाण जुया बिज्यागु खः थुपिनं सकलें खने दैवल । हानं थुगु बुद्धक्षेत्रे गुलि निर्वाणजुया बिज्याय् धुंकुपि बुद्ध भगवान्पिगु धातु, स्तूप, रत्नमय

बीभा दु थुपिनं जम्मां हे खने देवल । थुजागु भगवान्या ऋद्धि प्रातिहाय्यं
खना सकल सभालोकापि अद्भुत आश्चर्य चाया च्वन ।

थनंलि श्री भगवान् स्मृति सहित याना थुगु समाधि दना आयुष्मान्
शालिपुत्रयात सःता आज्ञा देका बिज्यात, हे शालिपुत्र ! बुद्धया ज्ञान धंगु
बरा गंभीर खंके थाकु, बुजेयाय् थाकुया च्वन । तथागत अहंत् सम्यक्सं-
बुद्धपिसं लाना बिज्यागु गुगु बुद्धज्ञान थ्व बरा गंभीर सकल श्रावक प्रत्येक
बुद्धपिसं सीके थाकुया च्वन । थ्व छुयानिति धाःसा हे शालिपुत्र ! तथागत
अहंत् सम्यक्संबुद्ध धंपि न्हापा न्हापा आपालं कोटिनियुत शतसहस्र
बुद्धपिके पर्युपासन याना सेवा याना वोपि आपालं कोटिनियुत शतसहस्र
बुद्धपिके अनुत्तर सम्यक्संबोधि ज्ञाने चर्या कया चलेयाना वोपि दूर अन्त
थ्यंक चर्या याना बीर्य्यं संयुक्त याना वोपि अत्यन्त सीके थाकुगु धर्मं
संयुक्त जुयाच्चंपि अत्यन्त दुःखं सीकेमाःगु धर्मं स्यूपि ।

हे शालिपुत्र ! तथागत अहंत् सम्यक्संबुद्धपिंगु सन्धाभाष्य धंगु
थःगु शासने तय्त बुद्धया ज्ञान चर्या कनीगु बहुत हे सीके थाकुया च्वन ।
छाय्धाःसा-थःगु प्रत्यय यागु धर्म प्रकाश याना बिज्याइ, नाना प्रकारया
उपाय कौशल्य ज्ञान खनेगु हेतु कारणं आलम्बन ज्वीगु (लगेज्वीगु)
निश्चय स्पष्ट छुतेयाना थथे थथे धका खलेयाना क्यनेगु छुछु दु थुजारगु
उपाय कौशल्यं थुजा थुजागुली हे लगेजुया च्वंपि सत्वप्राणिपित मुक्त
याय्निंति तःधंगु उपाय ज्ञान कौशल्य खना तःधंगु पारमिता लाना
बिज्यापि हे शालिपुत्र ! तथागत अहंत् सम्यक्संबुद्ध धंपि अन्त मदुगु सुना
नं स्यंके मफुगु ज्ञान खनेगु बल बैशारद्य आबेणिक इन्द्रिय बल बोध्यङ्ग
ध्यान बिमोक्ष समाधि समापत्ति अद्भुतगु धर्मं संयुक्त जुया नाना प्रका-
रया धर्म प्रकाश याना महा आश्चर्य प्राप्त जुया बिज्याना च्वंपि शारिपुत्र
तथागत अहंत् सम्यक्संबुद्ध धंपि । हे शालिपुत्र ! थ्व ज्ञान थन कनेगु व्यर्थ
ज्वी, परम आश्चर्य प्राप्त जुया च्वंपि शारिपुत्र तथागत अहंत् सम्यक्सं-
बुद्ध धंपि ।

हे शालिपुत्र ! तथागतयागु धर्मं तथागतं हे जक देशना याइ, गुगु धर्मं तथागतं स्यूगु खः थ्व सकतां धर्मं शारिपुत्र तथागत हे जक देशना याइ । सकतां धर्मं तथागतं जक हे सी । गुलि थ्व धर्मं गथेच्चंगु थ्व धर्मं गुजागु लक्षण जुयाच्चंगु थ्व धर्मं गुजागु स्वभाव जुयाच्चंगु थ्व धर्मं गुगु प्रकारयागु गथेच्चंगु गुजागु लक्षणगु गुजागु स्वभावगु थुपिं धर्मं खः थ्व सकतां धर्मं तथागत जक हे प्रत्यक्ष जुया बांलाक मिखां खना च्वन, मिखां मखं धंगु मडु । (अर्थात् श्रावक प्रत्येक बुद्धपिसं मस्यू) ।

ये चापिते लोकविदुस्य श्रावकाः कृताधिकाराः सुगतानु वर्णिताः ॥

क्षीणास्त्रवा अन्तिमदेह धारिणो न तेथ विपयोर्जस्त जिनानजाने ॥११५॥

लोकबित् जुया बिज्यापिं बुद्ध भगवान्या श्रावकपिं अधिकार दुपिं तथागतं प्रशंसा यानातःपिं क्षीणास्त्रव (क्लेश मडुपिं) अन्तयागु शरीर धरेयाःपिं गुलि दैच्च्वन, थुपिं सकस्यनं तथागतयागु ज्ञान सीके फेमखु ।

सचैव सत्त्वास्य लोकधातु पूर्णं भवेच्छारि सुतोपमानां ॥

एकी भवित्वानु विचिन्तयेयुः सुगतस्य ज्ञानं न हि शक्य जानितुं ॥११६॥

शालिपुत्र समानपिं सत्त्वप्राणिपिं थ्व लोकधातु परिपूर्ण ज्वीक दै, थुपिं सकलें छगू गठ्ठा जुया चिंतना याःसां तथागतयागु ज्ञान सीके फेमखु ।

सचेहत्वं सादृशके हि पण्डितैः पूर्णं भवेयु दंशयि दिशायां ॥

ये चापिमह्यं इमि श्रावकान्ये तेषांपि पूर्णं भवि एवमेव ॥११७॥

एकी भवित्वा नच तेषां सर्वं विचिन्तयेयुः सुगतस्य ज्ञानं ॥

न शक्त सर्वे सहितापि ज्ञातुं यच्चा प्रमेयं मम ज्ञान बुद्धं ॥११८॥

हे शारिपुत्र ! छथिंजापिं तण्डितत थ्व दशदिशास परिपूर्ण ज्वीक दै हानं जि श्रावकत थुपियेजापिं मेमेपिनं दशदिशास परिपूर्ण ज्वीक दै, थुपिं सकलें छह्य जुया मिलेजुया तथागत यागु ज्ञान चिंतना याइ थुपिं सकलें मिलेजुया चिंतना याःसां तबि जिगु अप्रमेय बुद्ध ज्ञान सीके फेमखु ।

प्रत्येकबुद्धान् अनास्रवाणां नाशनेन्द्रियाः शान्तिमदेह धर्मिणां ॥

दिशादशः सर्वं भवेयु यथापूर्णा नडानां वन वेणुना वा ॥१०५॥

एकी भवित्वान विचिन्तयेयुः ममाग्र धर्माण प्रदेश मात्र

कल्पान कोटी नयुना ननन्ता ननम्य भूतं परिजानि अर्थ ॥१०६॥

आश्रव मदेधुंकुपि तीक्ष्ण इन्द्रिय जुयाच्चवंपि शान्तगु शरीर धर्म्याना
च्चवंपि प्रत्येकबुद्धपि गथेजा न्हैपया वन पेया वनथे थ्व दशदिशास परिपूर्ण
ज्वीक दै, थुपि सकलें छह्य जुया मिलेजुया अनन्तकोटि नियुत कल्प नकं
चिन्तना याना च्वनी । अथे चितना याना बिचार याःसां जिगु मुख्यगु
धर्मया प्रदेश मात्र (थान मात्र) जक हे यथार्थ सत्यगु अर्थ सीके
फैमखु ।

नवयान संप्रस्थित बोधिसत्त्वाः कृताधिकारा बहुबुद्ध कोटिषु ॥

मुनिनिश्चितार्थो बहुधर्म भाणकाः तेषांपि पूर्णा दशदिशा भवेन् ॥१०७॥

नडान वेणूनय नित्यकालं अछिद्र पूर्णो भवि सर्वलोके ॥

एकी भवित्वान विचिन्तयेयुः यो धर्म साक्षात्मुगते नदृष्टः ॥१०८॥

अनु चिन्तयित्वा बहुकल्प कोट्यो गंगा यथा वालिक अभ्रमेयाः ॥

अनन्यचिन्ता सुपुमाय प्रज्ञया तेषांपि चात्र विषयो न विद्यते ॥१०९॥

न्हूपि नकतिनि नकतिनि महायाने प्रवेश जूपि बोधिसत्त्वगणपि
आपालं कोटान् कोटि बुद्धयाके अधिकार लाःपि बांलाक निश्चय अर्थस्यूपि
आपालं धर्म कनाच्चवंपि थुजा थुजापि बोधिसत्त्वत दशदिशास पूर्ण ज्वीक
दै, न्हैपं बोथें पँबोथें खालि धँगु मदेक ह्वःहे मदेक नित्यकालं सकल लोकेसं
परिपूर्ण ज्वीक दैच्वनी । थुपि सकलें छह्यजुया छगू मतजुया मिलेजुया गुगु
धर्म तथागतं साक्षात् खंगु खः स्यूगु खः, थ्व सीके धका आपालं कोटि कल्प
गंगाया फिगोथें प्रमाण हे मदेक कल्प तकं मेगु छुं चितना मयासे थुकी हे
जक चितना याना सूक्ष्मगु बुद्धि बिचार याना च्वनी, अथेनं थुमिसं थ्व
बुद्धया ज्ञान सीके फैमखु ।

अबिबतिकाय भावि बोधिसत्त्वा अनल्पकाय यथगंगा वालिकाः ॥

अनन्यचिन्ताश्च विचिन्तयेयुः तेषांपि चास्मि दिपयो न विद्यते ॥११०॥

गंगाया फिगो प्रमाणं आपालं अबिबत्तिक बोधिसत्त्वपि दे, थुपि सक-
स्यनं हे मेगु चिन्ता मयास्ये थ्यहे बुद्धया ज्ञान जक चितना याना च्वंसां
थुमिसनं थ्व बुद्ध ज्ञान सीके फेमखु ।

गम्भीर धर्मा सुषुमाभि बुद्धा अनङ्किताः मयि अनामयाश्च ॥

अहं च जानामि दादुशा हि येना जिना लोके दशदिशागु ॥१०८॥

थ्व दशदिशास बिज्यानाच्वंपि बुद्धपिसं गुजागु धर्म लात थुजागु धर्म
जि लानागु, जि स्यूगु थ्व धर्म अत्यन्त गंभीरगु सूक्ष्मबुद्धि सीकागु थ्व धर्म
छुं तर्कना मदुगु छुं हे आस्रब मदुगु थुजागु धर्म जि सीका धका आज्ञा
दैका बिज्यात ।

थनंलि निश्चय नं थुगु सभास भगवान्या श्रावकगणपि अज्ञात
कौण्डिन्य प्रमुखं गुलितक अहंत् पद लानाच्वंपि आस्रब मदेधुंकुपि बशेदे
धुंकुपि फिनिस १२०० भिक्षुपि हानं मेपि श्रावकयाने च्वंपि भिक्षु-भिक्षुणी
गणपि उपासक-उपासिकागणपि दु, हानं गुलितक प्रत्येक बुद्धया याने च्वं
च्वंपिदु, थुपि सकस्यां थुजागु मती बल । छु हेतु छु कारण गुगु श्री भगवानं
तथागतयागु ज्यादा उपाय कौशल्य वर्णना याना बिज्यात । गंभीरगु धर्म
सकल श्रावक प्रत्येक बुद्धपिसं सीके थाकुगु जि सीका धका बयान याना
बिज्यात । गुगु बखते न्हापा श्री भगवानं छगू हे जक मोक्ष धका आज्ञा
दैका बिज्यात, जिपिनं बुद्ध धर्म लाभजूपि निर्वाण प्राप्त ज्वीपि धका
च्वना, आः थुह्य भगवानं आज्ञा दैका बिज्यागु खँया अर्थ मसिल गथेथ्ये
धका थःथःगु मती शंखा कंचन ।

थनंलि निश्चयनं आयुष्मान् शारिपुत्रं थुपि प्यंगू तर्कया सभालोकपिनि
संका जूगु सीका अपि सभालोकपिसं चित्तं तर्कना याःगु थःगु चित्तं
सीका थःनं हे धर्म संखा जुया उगु बखते भगवान्या न्ह्योने थुगु प्रकारं
बिन्ति यात ।

हे भगवन् ! छुहेतु छु प्रत्यय, गुगु छलपोलं बारम्बार ज्यादा हे तथा-
गतया उपाय कौशल्य ज्ञानयागु धर्मदेशना वर्णना याना बिज्यात,

गंभीरगु धर्म साप हे मीके थाकुगु थुजागु धर्म जि सीका धका बयान याना बिज्यात । जि छलपोलया समीपे थुजागु धर्मजा न्हापा गबले हे न्यनागु मबु, हे भगबन् ! थ्व सभास प्यख्यरं च्वं पि लोकापि सकस्यां हे छुपिगु बचने बरा संखा जुल । साधु हे भगबन् ! आज्ञा दैका बिज्याहुँ, गुगु छः छलपोल तथागतं गंभीरगु धर्म लाना बारंबार बयान याना बिज्यानागु थ्व धर्म जिमित आज्ञा दैका बिज्याहुँ ।

थुलि प्रार्थना यास्यौल भगवानं आयुष्मान् शारिपुत्रयात थुलि जवाफ बिया बिज्यात । हे शारिपुत्र ! छुयाय् थ्व खँ कनां छु प्रयोजन दे, थ्व खँ कनेगुजा व्यर्थ ज्वी । छुयानिति धाःसा हे शारिपुत्र ! थुकिया अर्थ व्याख्या याय्बले थन थुपि देबता समेतं सकल लोक त्रास चाड धका आज्ञा दैका बिज्यास्यौलि निकोसम्म हानं दोहरे याना आयुष्मान् शारिपुत्रं भगवान् याके अध्येषणा यात ।

हे भगबन् ! थुकिया अर्थ आज्ञा दैका बिज्याहुँ, हे सुगत थुकिया अर्थ आज्ञा दैका बिज्याहुँ । थ्व छुयानिति धाःसा—हे भगबन् ! थ्व सभास आपालं प्राणि, सलंस आपालं प्राणि, दोलंदो आपालं प्राणि, लखंलख् आपालं प्राणि कोटिनियुत शतसहस्र दु । न्हापा न्हापा बुद्ध दर्शन लापि ज्ञान दुपि थुमिस्ये छलपोलं आज्ञा दैका बिज्यागु बचने श्रद्धा तं, लगे ज्वी. ग्रहण याना काइ ।

थथे बिन्ति यातनं भगवानं शारिपुत्रयात छुयाय् थ्व खँ थन कनेगु व्यर्थ ज्वी, थ्व जिगु श्राबक प्रत्येक बुद्धपिसं लाय्त बहुत मुस्कीलगु गंभीरगु धर्म कनेव थ्व सभास च्वं पि देबता सहितं सकल लोक त्रास चाड, सीके फेमखु । उके थ्व खँ कनाया छु प्रयोजन दैमखु धका आज्ञा दैका बिज्यात ।

थनंलि हानं आयुष्मान् शारिपुत्रं स्वकोसंम अध्येषणा याना बिन्ति यात । हे भगबन् ! थुकिया अर्थ आज्ञा दैका बिज्याहुँ, हे सुगत थुकिया अर्थ आज्ञा दैका बिज्याहुँ । थ्व छुयानिति धाःसा—हे भगबन् ! थ्व सभास आपालं प्राणि, सलंस आपालं प्राणि, दोलंदो आपालं प्राणि, लखंलख्

आपालं प्राणि कोटिनियुत शतसहस्र दु, न्हापा न्हापा बुद्ध दर्शन लाःपि
ज्ञान दुपि थुमिस्ये छलपोलं आज्ञा दैका बिज्यागु बचने श्रद्धा तै, लगे ज्वी,
ग्रहण याइ । हानं गुगु छलपोलं न्हापा न्हापा बोधि ज्ञाने परिपाक याना
बिज्यानापि बोधिसत्त्वपिनं थन दु, थुमिस्ये छलपोलं आज्ञा दैका बिज्या-
नागु खँय् श्रद्धा तै, पत्याज्वी, ग्रहण याइ । थुकिं थुजित ताकालं फाइदा
याय्त हित याय्त सुख याय्त ज्वी धका प्रार्थना यात ।

थथे स्वकोसंम शारिपुत्र ! भिक्षुं बिनित्ति यास्येलि भगवानं आयुष्मान्
शारिपुत्रयात थुगु प्रकारं आज्ञा दैका बिज्यात ।

हे शारिपुत्र ! गुगु छं स्वकोसंम तथागतयाके अध्येषणा प्रार्थना यात,
थथे छं जित्ति याना न्यसेलि जि छंत छु धाय्, अथेयानित्ति साधु हे शारिपुत्र
छं बांलाक मनतया न्यं, जि कनेधका थथे तथागतं आज्ञा दैकेसाथ व सभास
च्वंपि अधिमान दुपि भिक्षु-भिक्षुणी उपासक-उपासिका न्याद्व ५००० थः
च्वंच्वनागु आसनं दना भगवान्पागु तुत्ति निपां भोपुयाव सभां पिहाँ वन ।

गथेघाःसा-थुपि भिक्षुत अधिमान दुपि वहे अमिसं स्युक्क न्यनातवव
पुण्य मूलं मलाःनिगु लात धका च्वंपि मस्यूनिगु सिल धका संज्ञायाना
च्वंपि जूयानित्ति थथे सभां दना पिहाँवंगु श्री भगवानं स्वया अमिगु चित्त
सीका न्वंमवासे अधिवासना याना बिज्यात ।

थनंलि भगवानं आयुष्मान् शारिपुत्रयात सःता आज्ञा दैका बिज्यात,
हे शारिपुत्र स्व थुपि अधिमान दैच्वंपि निष्पुद्गलत जूयानित्ति जिगु सभां
दना पिहाँ वन । साधु हे शारिपुत्र ! आः थ्व खँ जि कने छं एकचित्त याना
श्रद्धा तथा न्यं धका आज्ञादैका बिज्यास्येलि शारिपुत्र भिक्षुं साधु हे भगबन्
आज्ञा दैका बिज्याहुँ धका बिनित्ति याना न्यना च्वन, भगवानं आज्ञा दैकल ।

हे शारिपुत्र उदुम्बर धंगु स्वां कदाचित् गनंगनं गुगुंकाले खनेदै, थ्वथेतुं
तथागतं कदाचित् गनं गनं गुगुंयासे थुजागु धर्मदेशना याइ । हे शारिपुत्र,
जिगु खँय् छं बांलाक श्रद्धाति भूतबादी जि, सत्यथे खँ ह्लाइह्य जि, अन्यथा
मदुगु खँ ह्लाइह्य जि । हे शारिपुत्र ! तथागतयागु संध्याभाष्य बुद्धेयाय्

बहुत थाकु, नाना प्रकारयागु निश्चय प्रमाण कयना जि हे शारिपुत्र ! नाना प्रकारयागु लखंलख् उपाय कुशलं धर्मदेशना याना च्वना, थ्व धर्म गुजागु धाःसा तर्कना मदुगु तर्कना याना ध्यते मज्जुगु तथागतं जक मांगु थ्व धर्म । थ्व छुयानिन्ति धाःसा-हे शारिपुत्र ! छगू जक याय्गु छगू जक याय्यागु तःधंगु याय्गु तःधंगु याय्माःगुलि शारिपुत्र तथागत अहंन् सम्यक्संबुद्ध लोके उत्पत्ति ज्वी ।

हे शारिपुत्र ! छगू याय्गु छगू याय्माःगु तःधंगु याय्गु तःधंगु याय्माःगु छुयानिन्ति तथागत अहंन् सम्यक्संबुद्ध लोके उत्पत्ति ज्वी धाःसा गुगुजा थ्व तथागतयागु ज्ञान कयनेगु उकीहे लगे याय्गु वहे कायकयगु वहे बुद्धे पाकयगु कारणं तथागत अहंन् सम्यक्संबुद्धलोके उत्पत्ति । न्हापा जुया बिज्यापिं लिपाजू बिज्याइपिं आः जुया बिज्याना च्वंपि सकलें हे तथागत-पिंनं थुलिया हेतुं हे उत्पत्ति ज्वी । अथेयानिन्ति हे शारिपुत्र जि छगूयाने जक च्वना धर्मदेशना याना च्वना, छु धाःसा-थ्व हे बुद्धयान छगूली जक च्वना सत्त्वयात धर्मदेशना याना च्वना । हे शारिपुत्र ! निगू स्वंगू यान धंगु मदु, सकभनं थ्व दशदिशास लोके बुद्धयान छगू जक हे खः ।

थ्व छुयानिन्ति धाःसा-हे शारिपुत्र ! पंच कषाय ज्वीबले तथागत अहंन् सम्यक्संबुद्ध लोके उत्पत्ति ज्वी । उबले थ्व सत्त्वप्राणिपि आपालं क्लिष्ट जुया मलं लिप्तजूपि किंचित् भतिचा भतिचा जक पुण्य दुपि ज्याडा पापे रतियाना च्वंपि ज्वी, थुमित उद्धार याय्निन्ति तथागत अहंन् सम्यक्संबुद्धं उपाय कौशल्यं थ्वहे बुद्धयान छगूली स्वंगू फारे याना अपि सत्त्वप्राणिपिंगु बुद्धि बिशेषं धर्मदेशना याना बिज्याइ । (अर्थात् थ्व प्राणिपिं हीन बुद्धि जुया च्वंपित छकलं तःधंगु ज्ञान कनेव अपि ग्याना चर्या याय्गु समर्थ वंमखु, उकें अमित मन बोध याय्निन्ति श्रावकयाननं क्लेश फुना अहंन् पद लाना संसारयागु दुःखं छुतेजुया निर्वाण वनी, प्रत्येक याननं निर्वाण वनी, महायाननं निर्वाण वनी धका धर्मदेशना याना बिज्याइ) ।

धेतःगु दु काण्डव्यूह महायान सूत्रे —

येन येन वनेपानां मत्तानां नन तेन रूपेण धर्मं दशयति ॥१२६॥

गुगु गुगु ज्ञानं चित्त बोध ज्वीपिं सत्त्वपिं खः, उजा उजागुहे रूपं उजा उजागु हे ज्ञानं तथागतं सत्त्वपित धर्मदेशना याना विज्याइ ।

हे शारिपुत्र ! थथेयानिति थुके गुलि श्राबक अहंत् प्रत्येकबुद्धपिसं थ्व तथागतयागु बुद्धयान क्यना ब्यूगु धर्मदेशना मन्यनी, थुकी लगेमज्वी, बुद्धेमज्वी थुपिं शारिपुत्र तथागतया श्राबक मखु, अहंत् मखु, प्रत्येकबुद्ध मखु धका सीकि । थ्व छुयानिति धाःसा हे शारिपुत्र सुंगुम्ह भिक्षु-भिक्षुणी उपासक-उपासिकागणपिसं थ्व अनुत्तर सम्यक्संबोधि ज्ञान यागु प्रणिधान मकास्ये जिपिं अहंत् जुल, संसारयागु दुःखं छुतेजूपिं जुल, बुद्धयानयागु जिमित अभिलाषा मदु थ्वहे अहंत् पद लाना जिपिं निर्वाण जुया वने धका मती तथा थ्व बुद्धयान देशना याःगु मन्यनी । हे शारिपुत्र ! थुजापिं जम्मां हे अधिमान दुपिं श्राबकत धका सीकि ।

थ्व छुयानिति धाःसा—हे शारिपुत्र ! बिनां थ्व बुद्धयान मन्यंस्ये थुकी चर्या मयास्ये गुह्य गुह्य भिक्षुत जिपिं अहंत् जुल, क्षीणास्त्रब जुल, निर्वाण पद लाना वने धंगु खे कदाचित् गबले हे ज्वीमखु, बुद्धयाने हे च्वनेमा धका सीकि ।

अथेयानिति हे शारिपुत्र ! थौं बोधिसत्त्वपिनि न्ह्योने थ्व रहस्यगु खे कनागु बुद्धधर्मं छे बांलाक न्यो, मतीति, पत्यार लगेजु, श्रद्धाति । तथागत धंम्हं कदापि मृषाबाद ह्लाइमखु, हे शारिपुत्र ! छगू जक हे खः यान धंगु छु धाःसा बुद्धयान ।

थथे आज्ञा दंका बिज्यास्येलि आयुष्मान् शारिपुत्र भिक्षु उगु बखते अत्यन्त संतुष्ट जुया तच्चोतं हर्षमान जुया प्रसन्न जुया प्रीति दुगु भिगु मन उत्पत्ति याना भगवान्यात नमस्कार याना लाहा हाजलपा भगवान्यागु क्वा स्वया थुगु प्रकारं बिंति यात ।

आश्चर्य जुल, अद्भुत जुल, हे भगवन् छलपोलयाके थ्व खे न्यनागुलि जि मन बिह्वल जुया बडा अद्भुत आश्चर्य चाय्धुन । थ्व छुयानिति धाःसा

नहापा नहापा छलपोलयाके थुजागु खँ जिमिसं मन्यना, छलपोलया थामे मेमेपि बोधिसत्त्वपि आपालं खुना अपि बोधिसत्त्वपिन लिया कालान्तरं फलानाह्य तथागत ज्वीधका छलपोलं बुद्ध नाम व्याकरण यागु नं जि न्यना चवना अथेनं जि भाष्य मफु । आः थौं छलपोलयाके थौंथगु तथागत यागु ज्ञान गोचर न्यनागुलि जिजा अत्यन्त हे शोक जुल, संताप लगे जुल, बहुत मन ग्यात । उगु बखते ह्लापा ह्लापा जि न्हिने बिश्राम यायन बारंबार पर्बते ज्वले पाक्वी बनखण्डे बगंचास खुसी सिमायामूले बना थ्वहे धर्म कोशिश याना चवना । छु धर्म धाःसा—छलपोलं जिमित बोधिसत्त्वपिथेमनुं धर्म उथ्ये हेखः श्रावकयाननं निर्वाणपद लाना वनी धका हीनयानं निर्वाण लाइगु धर्मदेशना बिया बिज्यागु थ्वहे जक चितनायाना चवना । यथे बिनि याना धका छलपोलयात छुं अपराध महु जिमिगु हे अपराध खः ।

थ्व छुया कारणं धाःसा—छलपोलं अनुत्तर सम्यक्संबोधि ज्ञान उप- देश ब्यूगुली बोधिसत्त्वपित संध्याभाष्य कना बिज्यागुली जिपि प्रत्यक्ष हे न्होने दु जिमिसं मखंगु मखु, मन्यनागु मखु । तर छु धाःसा थ्व षट्पार- मिता चर्या याना पारमिता पुरेयाना अनुत्तर सम्यक्संबोधि ज्ञान लाना तथागत जुया वनेगु अत्यन्त हे थाकु, थ्व हीनयाने चवनानं अहंत् पद लाना निर्वाण जुया वने धका छलपोलया देशना बमोजिम जि पत्यार लगे जुया । बोधिसत्त्वपित कना बिज्याइबले जिपि थकाहा जुया बांलाक अद्धा तथा खँ मन्यना, उके थुके जिमिगु हे भूल खः जिगु हे अपराध खः । हाहा जि गथे छले जुल, जि गथे मसिल, अहो २ जि गुजाह्य मूर्ख जुल । समानगु बुद्ध धर्म पत्ति पत्ति छुतेयाना जि मन याउँका चवना । नहापा हे छलपोलं आज्ञा वंका बिज्यागु धर्मदेशना जि न्यना ग्रहण याना धारणा याना भावना याना चितना याना मती तथागु खः, हे भगवन् ! जि हे मसया जि हे मसिया थुगु उपाय कौशल्य शून्यता १ आनिमित्ता २ अप्रणिहिता बुद्धधर्म बुद्धक्षेत्र ब्यूहे बोधिसत्त्व चर्यास अभिलाषा मन्त जि उवने मफुत, आः जि बुफे जुल ।

हे भगबन् ! छलपोलया कृपां आः तिनि जि निर्वाणपद लाइह्य जुल, शान्त ज्वीह्य जुल, थौंहे तिनि जि अर्हत् ज्वीह्य जुल, थौंहे तिनि जि भग-
बान्या पुत्र ज्येष्ठह्य नुगलं जन्म जूह्य जुल, धर्म उत्पत्ति जूम्ह धर्म दैकूह्य
धर्मया सहाय जुया धर्म सिद्ध जूह्य जुल । थौंहे तिनि जि दाह मजूम्ह जुल,
छलपोलयाके थुजागु अद्भुतगु धर्म न्हापा मन्यनागु जि न्यने गुडुलिं जिनं
निश्चयनं तथागत ज्वीफै धका संखा हे मदेक जि मती तय् धुन धका थुगु
प्रकारं आपालं आपालं प्रशंसा याना शारिपुत्र भिक्षुं बिन्ति यात ।

थुलि बिन्तियास्येलि श्रीभगबानं शारिपुत्रयात थुगु प्रकारं आज्ञा दैका
बिज्यात-हेशारिपुत्र ! जि छंत कने जि छंत चित्त बुज्जेज्वीका बी । थ्व सकल
देवलोक मारगणपिं ब्रह्मागणपिं श्रमण ब्राह्मण प्रजापिंगु न्ह्योने जि ख्वले
याना क्यने । हे शारिपुत्र ! जि छंत न्हापा रयागु जन्मे नियगु कोटि नियुत
शतसहस्र बुद्ध भगबान्पिनि न्ह्योने तया अनुत्तर सम्यक्संबोधि ज्ञानया
निमित्ते याचन यानागु दु । हे शारिपुत्र ! थुलितक छंत ताकालं बुद्ध ज्ञाने
शिक्षा बिया स्यना ह्य् धुन, बोधिसत्त्वपिं नाप मिलेयाना बोधिसत्त्वपिंगु
रहस्यं छंत बुद्धयान कना चलेयाका ह्य् धुन । आः थौं छ जिगु न्ह्योने
जिगु बचन न्यना च्वंबोम्ह जुल, हे शारिपुत्र ! छंत न्हापा थुलिमछि बोधि-
सत्त्वपिं नाप मिलेयाना बोधिसत्त्वयागु रहस्यं बोधिसत्त्वयागु अधिष्ठानं छं
न्हापा न्हापा चर्यायाना प्रणिधान यानावोगु थ्व बोधिसत्त्वया रहस्य छं
लुममंकु, लोहे मंका च्वन । थ्वहे श्रावक चर्या याना जि निर्वाण ज्वीह्य
जुल धका पत्या जुया माने याना च्वन । उकें आः जि छंत हे शारिपुत्र !
छं न्हापा चर्यायाना प्रणिधान यानावोगु ज्ञान बुज्जेजूगु लुमंकेयानितिं थुगु
सद्धर्म पुण्डरीका धंगु धर्म पर्याय सूत्रान्त महाबंपुल्य बोधिसत्त्वाबबाद
संबुद्ध परिग्रह धंगु धर्म पर्याय श्रावकपित प्रकाश याना कना ।

अपेनं हानं निश्चयनं छु धाःसा-हे शारिपुत्र ! लिपा बंगु काले प्रमाण
हे मदेक चित्तना याय् हे मफेक परिमाण हे मदेक कल्प बनीबले आपालं
तथागत कोटि नियुत शतसहस्रपिके सद्धर्म धारण याना नाना प्रकारं पूजा

याना थ्वहे बोधिचर्यापुरे याना पद्यप्रभ धंगु नां रुया च्वंहा तथागत अहंत् सम्यक्संबुद्ध छ ज्वी धका आज्ञा दंका बिज्यात ।

(थन ग्रन्थ तःधनीगु भयं शारिपुत्र छुम्हस्यानन्नक तथागत व्याकरण न्यूगु च्वया, थ्वहे प्रकारं मौद्गल्यायन, आनन्द, महाकाश्यप, पूषं धनि-रुद्ध, अज्ञात कौडिण्य आदि मेमेपि आपालं भिक्षुपित तथागत व्याकरण न्यूगु खें थ्व सद्धर्म पुण्डरीका ग्रन्थे दु धका सीकि) ।

हानं भगवानं उपमा बिया शारिपुत्रयात आज्ञा दंका बिज्यात । हे शारिपुत्र ! न्य छें उपमा बिया खें कने, छुयानिति धाःसा संगुम्हं थन ज्ञानी पुरुषपिसं उपमायाकें हे थुकीया अर्थ बांलाक सीका काइ । थ्व गबेघाःसा हे शारिपुत्र ! थन छुंगुगुं गामे बा नगरे बा देशे बा शहरे राष्ट्रे राजधानी गृहपति छह्य दैच्चनी । गुजाह्य धाःसा-जीर्ण ज्वी धुंकुम्ह, बुढा ज्वी धुंकुम्ह, आपालं बैशदे धुंकुम्ह, आपालं तःमि महा धनाछह्य, महा भोग दैच्चंहा थ्वया अत्यन्त तःखागु छें दैच्चनी । ताजागु आपालं फलाक दैच्चंगु दंकातःगु तादुगु भ्वाथःगु पुलांगु छें ज्वी । थ्वछें निस स्वस प्यस न्यास मनूते बास च्वने ज्यूगुज्वी, लुखा छगू जक ज्वी, घासं तोपुया च्वंगु ज्वी, भचा भचा प्रासाद स्यने धुंकुगु ज्वी, ध्वगी नवोगु थां ज्वी, भ्वाबःगु थां ज्वी, अंगः बसि भ्वाथःगु ज्वी ।

थुगु छें तत्कालनं तच्चोतं मि प्रवेश जुया जःखः न्होने लिउने सकभनं मि नं । थुम्ह महाजनया काय्मचात आपालं दं, जिन्याह्य नोह्य दं, थुम्ह पुरुष महाजन छें पिहां वंच्चंम्ह ज्वी । हे शारिपुत्र ! उगु बखते थुम्ह पुरुष थ्व थःगु छें तच्चोतं मि प्रवेश जुया सकभनं मि नःगु खना ग्याना आस लगेजगु चित्त जुया थुगु प्रकारं चितना याइ । जि थ्वमि मपुक याकनं हे स्वस्तिपूर्वक थ्व छ्वंच्चंगु छें यागु लुखां पिहां वनेगु समर्थ दु, तर छु धाःसा-युपि जि काय्मचात बालक कुमारपि बुद्धि मदुपि मूर्खत थ्वहे जाजोत्यमानं मिछ्वंच्चंगु छें थुजा थुजागु म्हिबसा कया म्हिता च्वन, रमणयाना च्वन, ययथे स्यलेयाना च्वन । थ्व छें थथे जाजोत्यमानं

तच्चोतं छबल मिनल थंगु थुमिसं मसू, बुछेमजू, चितना मया चित्त
मग्या केही ताप ज्वीधुंकल नं तच्चोगु मिथा समूहं दाह जुल नं तच्चोगु
दुःख समूहं थोधुंकुसानं थुपि मग्या, दुःख मन मया थथे हे मखुला धका
चवंचन, थ्व छे पिहाँवेगु नं मती मत ।

हानं हे शारिपुत्र ! थ्व पुरुष अत्यन्त बलबान् ज्वी, बाहुबल दुम्ह ज्वी,
थ्वं मती चितना याइ कि जि थुलितक बल्ला जिके थुजागु ह्याया बल दु
थुपि जम्मां हे कुमारगणपिं छगू गठ्ठा याना बुया हया थ्व छेयागु लुखां
पित ह्यगु समर्थ दु धका मती तै । हानं थ्वं लिपा चितना याइ कि निश्चय
नं थ्व छे छगू जक लुखा जुयाचवंगु, थुपि कुमारपिं धाःसा बहुत चञ्चल
चत्पतासिपिं बालक जूयानिति मूर्खतिनिपिं, अथे थथे छुं मस्यूनपिं । जि
थथे थुमित वा वा धका ज्वंवनेबले थुपि उखेथुखे बिस्युं वना बी, थ्वहे मि
लाःवनी, तच्चतं दुःखसी धका थथे मती तथा थ्व मचातेत ज्वंमवंसे छेया
पिने च्वना सःता च्वनी । हे मचात वा वा पिहाँ वा पिहाँ वा, आम छे मि
नल जाजोल्यमानं सकभनं मि छ्वे धुंकल छिमित आम मि प्वी तच्चोतं
दाह ज्वी दुःख ज्वी आः तक लाःनि याकनं पिहाँ वा, छ्वैत मि पुका
सास्ति नये धका च्वेका हाला च्वनी ।

थथे थ्व हित याय्गु इच्छा याना बौम्हस्ये याकनं पिहाँ वा पिहाँ वा
धका सःता च्वेका चवंसानं थ्व मचातस्ये बौम्हस्ये धाःगु खे बुछे ज्वीमखु,
माने याइ मखु ग्याइ मखु छुंहे मती त्रास चाइ मखु मि प्वी धका चितना
याइ नं मखु, थथे मि नःगु धका सीनं मखु बुछे ज्वीनं मखु छे पिहाँ वैनं
मखु । हानं मेमेथास ड्वाँड्वाँ जुया च्वनी म्हिता जुया हे च्वनी, बौम्हस्यात
बरोबर स्वनं च्वनी । थ्व छुयानिति धाःसा थुपि बालभाव जुया छुं मस्यू-
निपिं मूर्खत जूयानिति ।

थनंलि हानं हे थुम्ह पुरुष थुगु प्रकारं चितना याइ—थ्व छे तच्चोतं
हे मि छ्वे धुंकल तच्चोतं हे मि नय् धुंकल थ्व कुमारपिं थुगु मि मप्वीला
दुःख आपत्ति मज्वीला आः थथे मखुत जत्न उपाय याना थुपि मचात जि

ध्व छेँ पियाय् धका मती ते । हानं ध्व पुरुषं थुपि मचातेगु आशय म्युम्ह
 उबी, थये याःसा जि धयागु खँय् ध्व मचातस्ये श्रद्धा तथा मानियाना ध्व
 छेँ पिहाँ वं धंगु स्पूम्ह जुया च्वनी व कुमारपिनि नाना प्रकार्यागु अनेक
 किसिम किसिमयागु म्हिबसा योगु मती दुगु लोबंगु प्रेमगु ध्व पुरुषं म्युगु
 जुया च्वनी, थुजागु धाःसा ध्व मचाते दुर्लभ जुया च्वनी ।

अले ध्व पुरुषं ध्व मचातेगु आशय सीका ध्व मचात सःता थुगु प्रकार
 धाइ । हे मचात वा वा स्व छिमि योगु मनपरे जूगु बांलागु किसिम किसिम
 यागु पाला पाला थोगु बांबांलासे च्वंगु अने अनेगु रंगिचंगि यागु म्हिबसा
 छिमित स्मितकेत है तयागु दु । छुछु धाःसा—गोरथ १, अजरथ २, मृग-
 रथ ३, थुजा थुजागु किसिम किसिम यागु आपालं है तयागु दु, ऊो लुखा
 पिने तैतया, हे बाबु ! वा वा ब्वाँवा ब्वाँवा छिमि ध्व म्हिबसा छुछु यो
 गुगु यो गुजा गुजागु ख्यले दु छिमित मामागु योयोगु ल्यथा काःवा छिमिमं
 धाधागु बी याकनं काःवा काःवा ब्वाँवा ब्वाँवा धका हाला च्वनी ।

उजागु बखते थुमि मचाते ध्व म्हिबसा ज्वारा ज्वारा थोगु बांबांलागु
 न्हापा थःपिनि मती ल्वीका तयागु थपित मदं च्वंगु प्रेमगु लोबंगु म्हिबसा
 यागु नां न्यना थःपिनि मनपरे जूगु जूयानिति याकनं हे ध्व जाजोत्यमानं
 छ्वया च्वंगु छेँ याके बहुत बेगं ब्वाँवया वं वंगु वं वंगु ख्वा स्वया सु न्हापा
 लाइथे २ न्हापालाम्हस्ये जि योगु बांलागु काइ जित मदं उके जिहे न्हापा-
 लाकेमा धंगु मती तथा याकनं हे ध्व मि नःगु छेँ पिहाँ वं ।

उजागु बखते ध्व पुरुषं स्वस्तिक्सेम कल्याणपूर्बक थुपि मचात लुखां
 पिहाँवोगु स्वया आः धाःसा भय मंत धका सीका पिने छुं आवास दुगु गामे
 छगू थासे च्वना मने प्रीति तथा हर्ष प्राप्त जुया आः धाःसा याउँस्ये च्वन
 छुं दुःख बिपत् दै मखुत निर्भय जुल धका मती तथा मन आनन्द
 याना च्वनी ।

यनंलि हानं थुपि कुमारगणपिनं थः बी च्वना च्वंथास वना थुगु
 प्रकारं धाइ, हे पिता ! ग्व जिमित बी धयागु अनेक अनेक प्रकारयागु बांबां

लागु म्हिबसा । छुछु धाःसा-गोरथ, अजरथ, मृगरथ हति धका धाइ ।
 उगु बखते निश्चयनं हे शारिपुत्र ! थुम्ह पुरुषं थ्व काय्मचातेत बायुबेगं
 ब्वां वने फुगु गोरथ छगू जक म्हति म्हतिलिस्ये बी, थ्व गोरथ गुजागु
 धाःसा सप्तरत्नमय जुयाच्चंगु बांलाक च्वने छिक थाय् देका तःगु किंकिनि
 जाल प्यना तःगु बरा उच्चंगु अद्भुतगु रत्नं छायापातःगु रत्न मालां
 शोभा दुगु, स्वांमा तया छायापातःगु कपाय् थना तःगु नाइस्ये च्वंगु लासा
 लाया तःगु पात पीताम्बर बस्त्र तैतःगु नाइस्ये नाइस्ये च्वंगु, ह्याउँगु जःखः
 सकभनं फुंग तैतःगु त्वीस्ये च्दं पिं तच्चोतं ब्वाँवने फुपिं बैल जोजलपा
 तःगु अत्यन्त बांलागु आपालं पुरुषपिसं ज्वना वोगु थुजागु गोरथ बायु
 बलबेगं संयुक्त जुया च्वंगु छगू हे वर्णगु छगू हे किसिमयागु छम्ह छम्ह
 कुमारयात बी ।

थ्व छुयानिति धाःसा हे शारिपुत्र ! थ्व पुरुष अत्यन्त तःमिम्ह महा
 धनाद्यम्ह जुया च्वन, आपालं कोष कोष्टागार दया आपालं हे धन दुम्ह
 जूयानिति वं थये खनी कि-थ्व जि मचातेत मेमेगु यान बियां छुयाय्
 छायाधाःसा थुपिं सकलें हे कुमार जि काय्मचात सकलें हे प्रेम जुयाच्चं पिं
 योपिं खः । दैच्चंगु नं दु जिके थुजागु महायान, उकें थ्व कुमारपिं सकलें हे
 उथ्ये खः जि यो मयो धंगु फरक मदु, आः जिके नं आपालं कोष कोष्टागार
 धनरत्न परिपूर्ण ज्वीक दैच्चन उकें जि सकलसत्त्व प्राणियात हे थुजागु
 महारथ बी धका मती तैच्चना धास्येलि जि काय्पितजा छाया मबीगु ।
 उकिं जि सकस्यातं उतिखना थ्व महायान हे बी धका थुजागु महायान
 गोरथ थ्व कुमारपित बी ।

अन्योगु बखते थुपिं मचात थुगु महायाने गया बरा अद्भुत आश्चर्य
 चाया वनी । हे शारिपुत्र ! थ्व पुरुषं थः काय्मचातेत न्हापा स्वंगु यान
 वयना लिपा सकस्यातं थ्व तःधंगु महायान छगू जक बिल, थुकी थ्व पुरुष
 मृषाबादी (जूठ बोले याम्ह) जूला ? छंगु मती गथे बी धा धका आज्ञा दैका
 बिज्यास्येलि शारिपुत्र भिक्षुं बिंति यात ।

ज्वीमखु हे भगबन्, थ्व पुरुष मृषाबादी ज्वी मखु, हे मुगन ।
हे भगबन् ! न्हापालाक थ्व हे कारण नं थुम्ह पुरुष मृषाबादी ज्वी
मखु, गुगुजा थ्व पुरुष उपाय कुशलं थुपि मचान थुजागु मि नया जाजो-
ल्यमानं छ्वेच्वंगु छे पिकया दाह दुःख पीडा छु मदेका जीबिका ज्वी देका
बिल, उकि हे थ्व पुरुष ऊठ बोलेयाःगु ज्वी मखु । थ्व छुया कारण धाःमा
हे भगबन् ! थःगु शरीर जीबिका ज्वी दुगुलि हे सकतां म्हिनेगु लाभ दुगु
जुल थ्व मचाते । अथेयानिति हे भगबन् ! थ्व मचातेत वया बौम्हस्ये छगु
रथ हे मब्यूसां व पुरुष मृषाबादी धाय् मज्यू । छाय्धाःसा-अन्यांगु जाजो-
ल्यमानं मि छ्वेच्वंगु छे पिकया दुःख भय मदेका आनन्द जीबिका ज्वी
देका ब्यूयानिति व पुरुष छगु यान हे मब्यूसां थ्व मचातेगु प्राण बचेयाना
स्वस्थं तेन्यूगु जूयानिति व पुरुष मृषाबादी थरे ज्वी मखु, हानं मेगु छु
बाद याय् । गुम्ह थ्व पुरुषजा थःके आपालं धनधान्य कोष कोष्टागार परि-
पूर्ण ज्वीक दैच्वन, थः पुत्रपिनं सकलें उथ्ये हे प्रेम जुया च्वन थका थ्व
कुमारपित छगु जक अत्यन्त भिगु बांलागु महायान बिल, अथेयानिति थ्व
पुरुषया मृषाबाद मखु धका बिति यात ।

थुलि बिति यास्येलि श्री भगबानं आयुष्मान् शारिपुत्रयात थुगुप्रकारं
आजा दैका बिज्यात । साधु साधु हे शारिपुत्र आमथे हे खः, हे शारिपुत्र
छं गथे धया अथे हे खः । हे शारिपुत्र ! तथागत अर्हत् सम्यक्संबुद्ध नं थथे
हे सकतां भययाकें छुते जुया च्वंम्ह सकतां उपद्रव खेद दुःख दुर्मन अविद्या
अन्धकारं छोपे जुया ल्युंसे च्वंच्वंगु याकें सकल प्रकारं हे छुते जुया च्वंम्ह
तथागत ज्ञान बल बैशारद्य आबेणिक बुद्धधर्म याकें संयुक्त जुया च्वंम्ह,
ऋद्धि बल याकें अत्यन्त बलवान् जुया च्वंम्ह लोकया पिता तःधंगु उपाय
कौशल्य ज्ञान परम पारमिता प्राप्त जुयाच्वंम्ह, महा करुणावान् थकेमज्जु
चित्त जुया च्वंम्ह सत्वयाय हितयाय्गु इच्छा अनुकम्पा (कृपा) माया दुह्य
थुजाह्य भगबान् त्रैधातु रूपी दुःख दुर्मनया समूह जुया च्वंगु जाजोल्यमानं
मि छ्वेच्वंगु पुलांगु भ्वाथःगु छे थ्ये जागु भवेउत्पत्ति ज्वी ।

सत्त्वप्राणिपि जन्मज्वीगु बुढाज्वीगु रोगज्वीगु मृत्युज्वीगु शोक बिलाप दुःख दुर्मन खेद अबिद्या अन्धकारं ह्युंसे चवंथास लाना दुःखसिया चवंपि थथिपित राग द्वेष मोहं छुतेयाय् कारणे अनुत्तर सम्यक्संबोधि ज्ञान लाकेया कारणे तथागत उत्पत्ति ज्वी ।

उगु बखते तथागतं खनी कि थुपि सकलें सत्त्वपि समानहे खः छुं फरक मदु, थुमि जन्मज्वीगु बुढाज्वीगु रोगज्वीगु मृत्युज्वीगु शोक बिलाप दुःख दुर्मन मन हारेज्वीगुलिं दाह जुया तच्चोगु ताप जुया च्वन, सुखभोग याय्-निंति कामया हेतुं अनेक प्रकारयागु दुःखभोग याइपि जुया च्वन, प्रत्यक्ष लोके दुःख-सुख जूगु नं स्वहे च्वन थःगु कुटुम्बया निन्दा याय्गु नं स्वहे च्वन याना हे च्वन । थुकि याना थुमित लिपा नरके तिर्य्यग्योनि यमलोके आदिं नाना तरहयागु दुःखभोग याय् माली देबे मनुष्ये दरिद्रज्वीगु मयोपि नाप ह्वेनेमालीगु योपि नाप बाय्मालीगु आदिं दुःख भोग याय्माली । अथे जूसानं वहे दुःखया समूहे लगेजुया ह्यिता हे च्वन रमणयाना च्वन योयोथे ह्यलेयाना जुया च्वन त्रास लगेमजू भतिचा हे मग्ग्याः छति हे मन हरबरे मजू, थुजागु जाजोत्यमानं मि छ्वैच्वंगुथे जागु त्रैधातुके रमणयाना च्वन अन हे ब्वाँब्वाँ जुया च्वन अनं छुतेजुया पिहाँ वेगु मती मत, थुमित थुजागु दुःखया समूहं पीडा जुल नं दुःख जुल धका मती नं मत ।

उगु थास हे शारिपुत्र ! तथागतं थुगु प्रकारं खनी, जिं थुपि सकल सत्त्वपित थन्योगु प्रकारया तच्चोगु दुःखया समूहं छुतेयाना बी, जिं थुपि सकलसत्त्व प्राणिपित प्रमाण हे मदेक चितना हे मदेक बुद्धज्ञान सुख लाका बी, गुगुलिं याना थुपि सत्त्वप्राणिपि श्रीडायाना च्वनी रमण याना च्वनी, ययथे ह्यलेयाना च्वनी, सुखं ह्यिता च्वनी ।

हानं हे शारिपुत्र ! तथागतं थथे खनी कि—जिके थुजागु ज्ञानबल दु, ऋद्धिबल दु, थथे धका जिं उपाय मयास्ये थुपि सत्त्वपित तथागतयागु ज्ञान बल बंशारय न्यंकेधाःसां थ्व खँय् अर्थात् थुगु धर्म थुपि पत्यार लगे जुया चित्त तैमखु । छु कारणं धाःसा थुपि सत्त्वपि न्यागु कामगुणे भोग याना

ध्वंषिं थुषिं सत्वषिं त्रैधातुके रतियाना ह्यिताच्चंषिं जातिं जग व्याधि
मरण शोक परिदेव दुःख दीर्घनस्य उपायास थुजागुलिं छुतेमर्जंषिं थुकिं
बाह ज्वी, थुषिं पाक ज्वी परिताप ज्वी, थुजागु जाजोल्यमानं मिष्ट्वंच्चंगु
छेथेंजागु त्रैधातुक भुवनयाकें थुषिं ध्वीं मवो पिहीं मवो गये थुमिमं बुद्ध-
ज्ञान लाना काइ ।

थुकी हे शारिपुत्र ! गये खः व पुरुष बल्लाह्य बाहुबल दुहस्ये उपाय
कुशलयाकें थुषिं कुमारषिं व दीप्तमान जुया जाजोल्यमानं छ्वंच्चंगु छे
याकें पिकाल, पिकया लिपा बरा तःधंगु भिगु महायान (तःधंगु रथ) छगू
जक बिल । थ्वथेंतुं हे शारिपुत्र ! तथागत अर्हत् सम्यक्संबुद्धनं तथागत
यागु ज्ञानबल बेशारद्य उपाय कुशलं जाजोल्यमानं मिष्ट्वंच्चंगु स्वंगु
श्वथःगु छेथेंजागु त्रैधातुक याकें सत्वषिं पिकाय कारणे स्वंगू यान क्यना
बिज्याइ । छुछुधाःसा-श्रावकयान १, प्रत्येकयान २, बोधिसत्वयान ३ ।
थ्व स्वंगूयानं सत्वषिं लोभ क्यना थुगु प्रकारं आज्ञा दंका बिज्याइ । हे
सत्वषिं थ्व जाजोल्यमानं मिष्ट्वंच्चंगु छेथेंजागु त्रैधातुके (कामधातु १,
रूपधातु २, आरूप्यधातु ३) हीनगु रूप शब्द गन्ध रस स्पर्श छिपि आमये
ह्यिता च्वने मते, थुजागु पञ्चकाम गुणं सहितगु तृष्णां दाह ज्वीका ताप
ज्वीका च्वनेमते, आम छे याकनं पिहीं वा छिमित स्वंगूयान बी । छुछु
धाःसा श्रावकयान १ प्रत्येकयान २ बोधिसत्वयान ३ । थुगुथास जि थुजागु
स्वंगूयान बीगु जिगु समर्थ दु धका त्रैधातुकयाकें पिकायर्निति जि थुजागु
प्रकारं लोभ क्यना धया, भो सत्वगणषिं स्व थ्व स्वंगूयान उत्तमगु प्रशस्तगु
अत्यन्त बांलागु दु, थुकी छिपि क्रीडा या ह्यिताच्चं, रमण या । इन्द्रियबल
बोध्यङ्ग ध्यान बिमोक्ष समाधि समापत्ति थुकी छिपि तच्चोतं रसयाना
ह्यिताच्चं, तच्चोतं सुख सौमनस्यं संयुक्त यानाच्चं धका जि धया ।

थुकी हे शारिपुत्र ! गुलिं ज्ञानीषिं सत्वषिं पण्डित जाति जुया च्वंपिसं
तथागतं क्यना ब्यूगु याने श्रद्धा तं श्रद्धा तथा शाशने दुहां वं उद्योग याइ ।
गुलिं गुलिं सत्वपिसं दुःख फुकेगु इच्छा याना थः निर्वाण वनेया कारणे

चतुरार्य्य सत्य सीकेत तथागतया शाशने दुहां वं थुमित धाइ श्राबकयान इच्छा याना त्रंधातुकयाकें पिहांवोपि । थ्व गथेधाःसा-थ्व जाजोल्यमान छ्वेच्वंगु छे मेपि मचात मृगरथ काय्गु इच्छा याना ब्वांवोपि थें ।

हानं मेपि सत्वत पुरा आर्य्य मखुनिपि दुःख शाम्ययाय्गु समाधि लाय्गु इच्छा याना थः निर्वाण वनेया कारणं हेतु प्रत्यय बुज्जेयाय्त तथा-गतयागु शाशने दुहां वं थुमित धाइ प्रत्येकयान इच्छा याना त्रंधातुकयाकें ब्वांब्वां पिहांवोपि । थ्व गथेधाःसा-थ्व जाजोल्यमानं मिछ्वेच्वंगु छे याकें मेपि मचात अजरथ काय्गु इच्छा याना ब्वां पिहांवोपि थें ।

हानं मेपि सत्वत सर्वज्ञयागु ज्ञानबल वंशारद्य सीकेयानिति तथागतया शाशने लगेज्जी थुमित धाइ महायान इच्छा याना त्रंधातुकयाकें पिहांवोपि थुलिया कारणं थुमित बोधिसत्व महासत्व धाइ । थ्व गथेधाःसा-थ्व जाजोल्यमानं मिछ्वेच्वंगु छे याकें मेपि मचात गोरथ काय्गु इच्छा याना पिहांवोपि थें ।

थ्व गथेधाःसा-हे शारिपुत्र ! थुम्ह पुरुषं थुपि कुमारपि थ्व जाजोल्यमानं मिछ्वेच्वंगु छे पिहांवोगु खना क्षेम कल्याण स्वस्तिपूर्वक छुतेज्जुगु स्वया निर्भय जुल धका सीका थःनं आपालं धन दुह्य धका बुज्जे जुया थुपि मचातेत छगू जक हे उदार तःधंगु यान बिल ।

थ्वयेंतुं हे शारिपुत्र ! तथागत अहंत् सम्यक्संबुद्धनं अनेक सत्व कोटान् कोटि त्रंधातुकयाकें पिहां बल, दुःख भय भैरव उपद्रवयाकें छुते जुल, तथा-गतया शाशने ब्वांबल सकतां भय उपद्रव दुर्गबिनयाकें छुतेजुल निर्वाण सुखलाइपि जुल धका सीकि । उगु बखते हे शारिपुत्र ! तथागत अहंत् सम्यक्संबुद्ध आपालं ज्ञानबल वंशारद्यया कोषकोष्ठागार भण्डारदुह्य धका बुज्जेजुया सकलें थुपि जि काय्मचात हे खःधका सीका थुपि सत्त्वपित बुद्धयान छगू जक हे बिया निर्वाण छ्वे बिज्याइ, सं छह्य सत्त्वयात हे ह्यति ह्यति छुत्ता छुत्ता निर्वाण धका धेंबिज्याइ मखु, सकलें हे सत्त्वपित तथागत निर्वाणं महानिर्वाण याकें हे निर्वाण याना बिज्याइ । हे शारिपुत्र ! गुलि

सत्त्वपि त्रैधातुकयाकें छुतेजुया पिह्नी वं, शुभित तथागतं ध्यान विमोक्ष
समाधि समापत्ति तःधंगु मुख म्हिबसा बांलागु छगू जक वर्णंगु छुना जक
किसिमयागु सकल सत्त्वयात बी ।

श्व गथेधाःसा—हे शारिपुत्र ! व पुरुषं न्हापा कुमारगर्णापित स्वंगूयान
क्यना लिपा छगू जक बरा तःधंगु सप्तरत्नमय जुयाच्चंगु सकतां अलंकारं
छायापातयागु छगू जक वर्णंगु भिंगु सकस्याबेसं मोहरागु यान व्यूहया
मृषावाद मज्जुगु गथे छः अथेहे हे शारिपुत्र ! तथागत अहंत् सम्यक्संबुद्धं
उपाय कुशलं न्हापा स्वंगूयान क्यना लिपा महायान छगूलि जक हे सत्त्वपि
सकलें निर्वाण छुवैधिल धका तथागतया मृषावाद ज्वीमछु ।

हे शारिपुत्र ! श्व छुया कारणं धाःसा—तथागत धैह्य आपालं हे ज्ञान
बल बैशारद्यया कोष कोष्ठागार भण्डार परिपूर्ण ज्वीक दुह्य सकलसत्त्व
प्राणियात सबंज ज्ञानं सहितगु धर्म उपदेश बीगु समर्थदुह्य छः, अथेनं हे
शारिपुत्र ! श्वहे उपमाया पर्यायिं सीकेमा कि—छकलं तथागतं बुद्धयान
छगू जक धका उपदेश बीमछु, लिपा उपाय कौशल्यं ज्ञानयाकें छगू जक
महायान देशना याना बिज्याइ धका आज्ञा दैका बिज्यात ।

थनंलि हानं थुगु थासे आयुष्मान् महाकाश्यप भिक्षुं भगवानयाके
बिति यात । हे भगवन् ! छलपोलं न्हापा श्रावकयान प्रत्येकयान महायान
स्वंगू यान दु धका आज्ञा दैका बिज्यात, आः श्व स्वंगूयान नं छगू जक यान
हे जुलला ? निगू अथवा स्वंगू धैगु मछुतला धका बिति यास्येलि भगवानं
आज्ञा दैका बिज्यात ।

हे काश्यप ! न्य, श्व गथेधाःसा—कुह्यानं समानगु चा अर्थात् वहे
चायागु नाना प्रकारयागु थलबल दय्कें, व थलबल गुगुं चाकु थल ज्वी,
गुगुं घ्यो थल ज्वी, गुगुं धौ थल ज्वी, गुगुं दुरु थल ज्वी, गुगुं अशुचिगु च्व
खि न्हि खं फाय्गु थल ज्वी, हानं श्व बस्तू तयागु बिशेषं थलया नानात्व
संज्ञा ज्वी, अर्थात् गुजा गुजागु बस्तू तल उजा उजागु नां जुया वनी ।

ध्वंभेतुं हे काश्यप यान धंगु नं बुद्धयान छगू जक हे खः समान जुयाच्चंगु निगू स्वंगू किसिमयागु यान मदु ।

थथे आज्ञा दैकुस्येलि हानं काश्यप भिक्षुं भगवान्याके बिति यात । हे भगबन् ! गुगु यदि थ्व सत्वपि नाना प्रकारयागु मुक्ति वनेगुली श्रद्धा तैच्चपि अनेक अनेक प्रकारं मोक्ष संज्ञा याना त्रंघातु भुवनं पिहांवोपि थुमित निर्वाण धंगु निगू स्वंगू दुलाकि छगू हे जक धका बितियास्येलि भगवानं आज्ञा दैका बिज्यात ।

हे काश्यप ! सकतां धर्म समता बुद्धेजुगुलि निर्वाण धंगु छगू जक हे खः, निगू स्वंगू धंगु मदु । हे काश्यप छंतनं जि उपमा बिया कने, थन ज्ञानी पुरुषपिसं उपमायाकें हे ह्लानागु खेंघा अर्थ सी ।

थ्व गयेघाःसा—हे काश्यप ! जात्यन्ध (बुस्येनिस्ये कांहा) पुरुषतस्ये थथे धाइ कि सुवर्णं (बांलागु) दुर्बर्णं (बांमलागु) धंगु रूप मदु, बांलागु बांमलागु रूप खंपिनं सुंमदु चन्द्र-सूर्य धंहानं मदु नक्षत्र धंपिनं मदु ग्रहगण धंपिनं मदु चन्द्र-सूर्य नक्षत्र ग्रहगण खंपिनं सुं मदु धका धाइ । थनंलि मेपि पुरुषतस्ये थ्व जात्यन्ध पुरुषयात थथे धाइ कि बांलागु बांमलागु रूप दु, बांलागु बांमलागु रूप खंपि दु, चन्द्र-सूर्य दु नक्षत्र दु ग्रहगण दु चन्द्र-सूर्य नक्षत्र ग्रहगण खंपि दु धका धाइ । थथे धाइबले थ्व जात्यन्ध पुरुषं थुपि मिखांखंपि पुरुषपिसं धाःगु खें न्यनी मखु, खेंका धका ग्रहण याइमखु पत्याज्वी मखु, श्रद्धा तैमखु ।

थुगु थासे सुंगुहा छहा बंध सकतां रोग स्पूहा ज्वी, वं थ्व जात्यन्ध पुरुषयात खनी वं मती तंकि थ्व पुरुषया पूर्वजन्मयागु पाप कर्म थथे रोग उत्पत्ति बुल । छुंगुं रोग उत्पत्ति ज्वीगु प्यंगू प्रकारयाकें उत्पत्ति ज्वी, छुछुघाःसा—बातं १ पित्तं २ श्लेष्मं ३ संनिपातं ४ । थनंलि थुहा बंधं व जात्यन्ध पुरुषया रोग शाम्य थाय्निंति हानं हानं उपाय चितना याइ, थ्व बंधया थथे मतीलुया वं कि गुलि थन द्रव्य (वासः) वैच्चंगु बु थुजागु द्रव्यं थ्व रोग चिकित्सायाना लाय्के कंमखु, तर छुघाःसा हिमाल पर्वत-

राजे प्यता प्रकारयागु वासः दु छुछु धाःसा-न्हापांयागु सबसंरम म्याना-
 नुगता (समान वर्ण रसस्थाने वनीगु) १, निगुगु सबंध्याधि बिधांचनी
 (सकल रोग नाश याइगु) २, स्वंगुगु सबंधिष परिमोचनी (मकनां बिष
 नाशयाइगु) ३, प्यंगुगु यथा स्थानस्थित मुखप्रदा (गुगु गुगु थामे च्वने मान
 अन अन च्वना मुख बीगु) ४ । थनंलि थ्व बंधं थुम्ह जात्यन्धयाकें करुणा
 तथा थुजागु उपाय चिंतना याइ, छुं गुगुं जत्नं जि हिमाल पबंतें वने फेला
 अन वना च्वेक्वे जःखः सकमनं माला थ्व वासः मुना हे फेला धका चिंतना
 याना वना व वासः माला हया थ्व जात्यन्ध पुरुषयात गुगुं वासः वांन्हाया
 चूर्णं याना बी, गुलि नचुकनिना बी, गुलिसलाका (मिखास पिलि खोगु
 ज्याभ) याकें शरीर स्थाने पिलि खुना स्यंका आदि तंबी, गुलि मी पाक
 याना बी, गुलि मेमेगु द्रव्ये मिसेयाना बी, गुलि अन्ने त्वाक क्षाना बी,
 गुलि मेमेगु अनुपान मिलेयाना बी, गुलि व वासः नके धुंस्येलि थुकि
 क्वचिया छ्वेगु धका मिलेयाना बी, याबत् थुगु प्रकारं नयगुली त्वनेगुली
 मिसेयाना बी ।

थनंलि थुगु प्रकारं वासः प्रयोग यास्येलि थ्व जात्यन्ध पुरुषया मिखां
 खनी, वं मिखां खन । दुने पिने तापागु सतीगु खनी चन्द्र-सूर्यया तेज खनी
 नक्षत्र खनी ग्रहगण खना बांलागु बांमलागु रूप खनी, थवे सकतां खना
 थ्व पुरुषं धाइ कि अहो गुजाह्य मूर्खं जि न्हापा जित मेपि पुरुषतस्ये चन्द्र-
 सूर्य आदि दु सुवर्णं दुर्वर्णं रूप आदि दु धागु खें जि न्यना मकया पत्यामजू ,
 श्रद्धा मतया खेमखु दंमखु धका च्वना धाथें हे दु खनि, आः धाःसा जि
 सकतां हे खन सकतां हे सिल थ्व अन्धभावयाकें छुतेजूम्ह जि जुल जि
 मत्पूगु मखंगु छुं हे मंत जि अपि पुरुषपि समान हे जुल जियासिकं सःपि
 स्यूपि सुंहे दंमखुत धका धया सबज जुल धका च्वनी ।

उजागु बखते पंचाभिज्ञलाह्य ऋषि दं, पंचाभिज्ञ दंगु छुधाःसा-
 दिव्यवक्षु १, दिव्यश्रोत २, परिचित्तज्ञान ३, पूर्वनिवासानुस्मृति ४, ऋद्धि
 बिज्ञान ५ । प्राप्तजूम्ह ऋषि ध्वंके करुणा तथा थुगु प्रकारं धाइ ।

भो पुरुष, केबल छंत मिखा लात छं छुंहे स्यूगु मखुनि खंगु मखुनि,
छं सकतां हे खन सकतां हे सिल धका आमथे छंके गथे अभिमान बल ।
न छंके प्रज्ञा दु, न पण्डित जू छ, न ऋद्धिबिमोक्ष क्रिया कुशल जू छ । छु छं
केबल मिखा बया भतीचा खनेवं जि सकतां खन सकतां हे सिल सकल
नाप समान जुल थुलि अपो मेगु सीकेगु खनीगु छुं हे मंत जि सर्वज्ञ सकतां
हे स्यूम्ह जुल धका घमन् याना च्वना, मूर्खतिनि छ छुं मस्यूनि छं न्य ।

अभ्यन्तरादस्थितोऽपित्वं यदा भवसि कोऽटके ॥

वहिर्यद्वर्तते तद्वै न जानीषे त्वमल्पधीः ॥१२७॥

छ अभ्यन्तरे दुने क्वथास च्वंच्वनी पिने गुजा गुजागु जुयाच्वंगु खः
थ्व छं खंगु मखु स्यूगु मखु अल्पबुद्धि जुयाच्वंहा छ ।

योऽभ्यन्तरेऽवस्थितस्तु वहिर्जने कृताकृतं ॥

सोऽद्यापि न जानासि कुतस्त्वं वेत्स्यसेऽल्पधीः ॥१२८॥

छ अभ्यन्तरे दुने च्वंच्वनी पिने कपिसं थुगुयात थुगु मयात धका छं
थौया अद्यापितक छुंहे मस्यूनि, छ अल्पबुद्धि (किंचित् भतीचा जक बुद्धि)
जुया च्वंम्हस्ये जि सकतां सिल धका गनं छं अभिमान याना च्वना ।

पंचयोजन मात्रेणु यः शब्दो निश्चरे दिह ॥

तं श्रोतु मसमर्थोऽसि प्रागेवान्यं विदूरतः ॥१२९॥

न्यागू जोजन मात्र पाःगु भेरी मृदंग आदिया शब्दवोगु छं न्यनेगु
समर्थ मदु ताःगु मखु, मेगु थ्वयासिकं तापागुजा छुजक खं ल्हाय् ।

त्वयि ये पापचित्ता वा अनुनीता स्तथापरे ॥

ते न शक्यं त्वया जातु मभिमानं कुतोऽस्तिते ॥१३०॥

मेपि सुंगुम्हस्ये छंके पापचित्त तःगु हानं गुलिं गुलिं मेपिसं छंत
भिकेगु मतीतःगु थ्व छं स्यूगु मखु, सीकेगु समर्थ दुगु मखु अथेनं छंके जि
सकतां स्यूम्ह धंगु अभिमान गनं बल ।

क्रोशमात्रं ऽपि गन्तव्यं पदवीन्तु विनागतिं ॥

मातुः कुक्षौ च यद्ब्रूतं बिस्मृतं तत्तदेव ते ॥१३१॥

बवेछि मात्र जक गनं वनेमाःसां पलामाछिस्ये छ मनं मफु, मायावाथे
चवनाच्चंबले छं छुछु जूगुखः छं लोमने धुं कल थथे थथे जुल धका ममिल ।

अभिज्ञा यस्य पचवाम सर्वज्ञ इहाय्यतः

त्वं मोहादप्य किंचिज्जः सर्वज्ञाभमीनिभापने ॥ ३०॥

थुलि न्यागू अभिज्ञ ज्ञान गुह्यस्याकं दत्त वंत जकं थन सर्वज्ञ धाड, छ
जा किंचित् छुंहे मस्यूनित्हास्ये मोहं जि सर्वज्ञ जुल सकतां खन मकता
सिल धका हाला चवन मूर्ख छ ।

गथे छं सकतां सिल धया गथे छं सकतां खन धया, थुलियानिनि हे
पुरुष साधु गुगु छं अन्धकार जूगुयात प्रकाश जुल धका सम्छेजुया चवन,
प्रकाश जूगुयात अन्धकार जुल धका सम्छेजुया चवन धका थुह्य ऋषि
आज्ञा दंकल ।

उजागु बखते थव पुरुषं व ऋषिया न्होने थुगु प्रकारं विति याइ ।
हे मुनीश्वर ! थुजागु सीकेत थुजागु खंकेत छु उपाय दु, अथवा छु धर्म
याःसा छलपोलया प्रसादं थुजागु गुण ज्ञान लाय् फं धका बितियास्येति
उजागु बखते थुह्य ऋषि व पुरुषया न्होने थुगु प्रकारं आज्ञा दंका
बिज्याइ । हे पुरुष ! यदि छं थुजागु सीकेगु इच्छा दुसा बने पवंते गुफा
पाववी चवंहुं धर्म चिन्तना या सकतां क्लेश फुकि, थथे छं जि धंथेयाःसा
हानं छंत थुजागु गुणं संयुक्त ज्वी, थव न्यागू अभिज्ञ लाइ धका आज्ञा दंका
बिज्याइ ।

थनंलि थव पुरुषं थुम्ह ऋषियागु बचन न्यना थुगु अर्थ बुछेयाना
प्रब्रज्यायाना बनेवना एकान्ते छगू थासेचवना एकाग्र चित्तयाना लोकयागु
तृष्णा तोता सकतां क्लेश फुका समाधि ध्यानं पुरेयाना पंचाभिज्ञ लाइ ।

उगु बखते थव पुरुषं चितना याइ कि गुगुजा जि न्हापा बांलाक मसिल
मेमेगु हे ज्यायाना चवना, उकें जित छुंहे गुण मवल आः थुम्ह मुनीश्वरं
आज्ञा दंका बिज्यागु जि बांलाक सीका बसपोलं आज्ञाजूर्थे यानागुलि
थुजागु पंचाभिज्ञ जित लात धका संतोष जुया चवनी ।

थुलि हे काश्यप ! जि उपमा बिया छंत कना थुकीया अर्थ छं बांलाक सीकि । हे काश्यप थ्व जात्यन्ध धेम्ह थ्व षट्गति संसारे च्वंच्वंपि सत्वपि थुमिसं जि कनागु सद्धमं सीमखु, बलेशं अन्धकार जुया छुंहे मदु धका बर्णना याइ । हानं थुपि अबिद्या अन्धकार जुया संस्कार (कर्म) याइ थ्वहे संस्कार प्रत्यय जूगुलि नामरूप दै, याबत् थुगु प्रकारं केबल थ्व बरा तच्चोगु दुःखया स्कन्ध उत्पत्ति ज्वी ।

थुगु प्रकारं अबिद्यां अन्धा जुयाच्वंपि सत्वपित संसारे तथागतं करुणा उत्पत्ति याना त्रैधातुकं छुतेयाय्त्त बौम्हस्ये प्रेमम्ह काय्मचायाके करुणा तथे करुणा उत्पत्ति याना त्रैधातुके बवहाँवया सत्वपि संसारचक्रे चाउला किलष्टजुया दुःखसियाच्वंपि यथार्थथे संसारयाके छुतेजुया पिहाँवने मसपि सत्वपित तथागतं प्रज्ञा ज्ञानरूपी मिखां स्वया थुजागु प्रकारं सीका बिज्याइ कि जि सिल सत्वपि न्हापा यानाबोगु पुण्यपापं गुलि गुलि भतीचा जक द्वेष दुपि तच्चोगु राग दुपि गुलि गुलि तच्चोगु द्वेष दुपि तच्चोगु मोह दुपि गुलि गुलि भतीचा जक द्वेष दुपि भतीचा जक मोह दुपि गुलि गुलि भतीचा जक बुद्धि दुपि गुलि गुलि पण्डितगणपि गुलि गुलि परिपाक जुया शुद्धजूपि गुलि मिथ्यादृष्टि लगेजूपि थुजा थुजापि खना तथागतं थुपि सत्वपित उपाय कुशलं स्वंगूयान उपदेश बी ।

थन गथे खः थ्व ऋषि पंचाभिज्ञलाम्ह शुद्धगु दृष्टि खंम्ह थ्वथेतुं बोधिसत्त्वं बोधिचित्त उत्पत्ति याना उत्पत्ति मदुगु धर्म क्षान्ति लाना अनुत्तर सम्यसंबोधि ज्ञान लाइ ।

थन व गथे खः महाबेद्य थ्वथेतुं तथागत खनेमा । गथे खः जात्यन्ध पुरुष अथेतुं मोहान्धसत्त्वापि खनेमा । गथे खः बात पित्त श्लेष्म संनिपात थ्वथेतुं राग द्वेष मोह ख्वीनिगू दृष्टि खनेमा ।

गथेजा प्पंगू वासः थ्वथेतुं शून्यता आनिमित्ता अप्रणिहिता बिमोक्ष मुख भाबना याना सत्त्वापिगु अबिद्या निरोधज्वी, अबिद्या निरोध जुस्येलि

संस्कार निरोध ज्वी, याबन् थुगु प्रकारं केबल महा नच्चोगु दुःखया स्कन्ध
निरोध ज्वी । थये थुगु प्रकारं वया चित्त अकुशले चवर्नामख् अयाय
(दुर्गती) नं वनीमख् ।

गथेजा जात्यन्धयात मिखा दुगुथे श्रावक प्रत्येक बुद्धयानेच्चपि खनमा
ध्व श्रावकयान प्रत्येकयाने च्वंपिसं जि संसाररूपी बलेश बन्धन फोरयाय
धुन बलेश बन्धनं छुतेजुल षट्गति त्रधातुकयाकें छुतेजूम्ह जि जुल धका
थुमिसं सीका धाइ कि सकतां हे सिल जि सकतां हे खन जि थ्वयामिकं
तःधंगु मेमेगु धर्म मंत निर्वाण प्राप्त ज्वीह् जि जुल धका धाइ ।

उगु बखते थुमित तथागतं धर्मदेशना बो कि गुगुजा सर्वधर्म हे छंन
मलानि गथे छं सकतां सिल सकतां खन धका अभिमान यानागु मूर्खतिनि
छ, केबल आम भतीचा ज्ञान लाय्वं हे सकतां स्यूगु सकतां खंगु ज्वीला
सर्वधर्म हे मलाकं गनं छंत निर्वाण लाइ धका आज्ञा देका थुमित तथागतं
बोधिज्ञाने तथा बिज्याइ ।

थ्वंत बोधिचित्त लास्येलि थ्व बोधिचित्त प्राप्तजूम्हस्या न संसार
प्राप्त जुल न निर्वाण प्राप्त जुल धंगु ज्वी । थुगु प्रकारं थ्वं बुद्धेजुया दश
दिशा सकतां शून्यगु देकातःगुथें जाःगु चतुर्थे जाःगु स्वप्नाथें जाःगु
भूमिया तेजथें जाःगु थोगु शब्दथें जाःगु खनी, उगु बखते थ्वं सकतां धर्म
उत्पत्ति मदुगु निरोध मदुगु ज्वनेगु मदुगु तोतेगु मदुगु अन्धकार मदुगु
प्रकाश मदुगु खनी । थुगु प्रकारं गंभीरगु धर्म खना थ्वं त्रधातुक परिपूर्ण
सकलें सत्वयागु आशय अधिमुक्तिसी धका श्री भगवानं आज्ञा देका
बिज्यात ।

हानं थुगु बखते शाक्यमुनि भगवानं थुगु समय थिक जुल धका
सीका सकलें बोधिसत्त्वपि भिक्षुपि मुंका थुलि धर्म प्रकाश याना कना
बिज्यात ।

हे भिक्षुगणपि ! मदु थ्व लोके निगूयान स्वंगूयान दु धंगुजा गनया
खं । हे भिक्षुगणपि ! तथागत अर्हत् सम्यक्संबुद्धगणपिसं स्वंगूयान दु धका

आज्ञा बंका बिज्यागुजा खालि उपाय कौशल्य मात्र खः गथेधाःसा-हीनगु
मार्ग कामया पंके बुनाच्चर्वापि सत्त्वपि दूरध्यंक तथागतयागु शासने बनेगु
समर्थ मद्रुपित मन हतास मचाय्केत सजिल्गु लें केनेयानिति जक तथागतं
निर्वाण क्यना बिज्यागु खः, श्वहे खंया उपमा बिया छिमित कने न्य ।

हे भिक्षुगणपि ! न्यासगु जोजन दुगु महा दुर्गाबिन पुला बनेमाःगु रत्न
द्वीप वनेत आपालं लोक सार्थपि वने धका वनी, उकी मार्ग उपदेश बीह्य
छह्य बं वं अमित लें क्यना ब्वना यंकै, वं उपदेश ब्यूगु बमोजिम थुपि व
बने चले जुया वनी ।

थनंलि गुलिछि लें वने धुंकैबले थुपि आपालं लोकपि थकेजुया न्यला
ग्याना थुगु प्रकारं सार्थबाह्या न्ह्योने बिति याइ । भो आर्य्य दैशिक भो
आर्य्य परिणायक सीका बिज्याहुं जिपिंजा साःप थके जुल न्यल त्रास लगे-
जुल, गबले जक रत्नद्वीप ध्यनीगु ? श्व रत्नद्वीपजा आपालं हे दूरतिनिथे
च्चं जिपिंज । वे मफुत लिहाँ वने धका धाइ ।

उजागु बखते निश्चयनं हे भिक्षुगणपि ! श्व लें क्यनाबीम्ह सार्थबाहं
थुपि पुरुषत थकेजुया ग्याना लिहाँ वनेगु इच्छा याःगु सिया उपाय कौशल्य
(उपाय सःगु) याकें थुगु प्रकारं चिंतना याइ । थुपि अबश्यनं ग्यात थयिगु
महारत्नद्वीपे वनी मखुत थकेजुल थुपि त्रासचाल आः गथेयाःसा थुपि थनं
लिहाँ मवनी धका मती त्वीका थुमित करुणा तय्निंति थुजागु उपाय
कुशल याइ कि श्व महा दुर्गाबिनया मध्ये सछिगू जोजन पुला वना श्वंगु
श्रद्धि नगर छगू बने याइ ।

गथिगु श्व नगर धाःसा-दोलंदो कोटि २ छेँखा दया शोभा दैच्वंगु,
बिहार बगेंचा दैच्वंगु, नवी तं बंगा दैच्वंगु, बगेंचास स्वाँह्वया शोभालाना
च्चंगु, दबारि द्वार आबि दया शोभा दैच्वंगु, आपालं मिसात मिजंत दैच्वंगु
थुजागु श्रद्धिमय नगर बनेयाना श्व सार्थबाहं थुपि पुरुषपित थथे धाइ ।

हे लोकगणपि ! ग्याय्मते ग्याय्मते हतास चाय्मते लिहाँ वनेमते
हुं खंला महानगर ध्यन, अन जीपिं बिभ्राम याय् अन छिमि याय्माःगु

सकतां या धका यथे धया उगु महानगरे ब्वना यंकं । उगु बखने अन दुने
 दुहा वना बिश्राम याना थुपि सार्थपिनि मने आश्रयचाया थुगु प्रकारं
 चितना याइ आः धाःसा कीपि महा दुर्गावनयाकें छुतेजुल निमंय आनन्द
 जुल सकतां दुःखयाकें छुतेजुल आः थन आनन्दं च्वंच्वने धका मनी नया
 मन याउंका च्वनी ।

थनंलि हे भिक्षुगणपि ! थुपि सार्थपि यथे बिश्राम याना याउंका च्वं
 च्वंपि खना थुम्ह सार्थबाहं थ्व ऋद्धिमय नगर अन्तर्द्वान याना मदेका बी ।
 थ्व नगर अन्तर्द्वान याय्धुंस्येलि थुपि पुरुषपि न्ह्योने थुगु प्रकारं घाइ । हे
 लोकपि ! वा वा, महारत्नद्वीप सःतित थ्व नगरजा छिमित जि बिश्राम
 याकेनिति जक बनेयानागु, धार्थेगु महारत्नद्वीप मखुनि धका घाइ ।

थुगु प्रकारं हे भिक्षुगणपि ! तथागत अहंत् सम्यक्संबुद्ध धंहा छिपि
 सकल सत्त्वयात देशनावीह्य । हे भिक्षुगणपि ! तथागत अहंत् सम्यक्संबुद्ध
 थुगु प्रकारं खनी, थ्व बरा तच्चोगु क्लेशयागु दुर्गाबनं उत्रेजुया वनेत
 बुद्धया ज्ञान लाय्त अत्यन्त हे थाकुया च्वन अति हे कष्ट नया च्वनेमाल,
 थ्व सत्त्वपिगु आशय धाःसा दुर्बल जुयाच्वन धका सीका गये छः थ्व दंशिक
 सार्थबाहं थुपि सार्थपि बिश्राम याकेयानिति ऋद्धिमय नगर देका अन
 बिश्राम याना च्वंस्येलि लिपा थुमित व सार्थबाहं थ्व रत्नद्वीप मखुनि
 थ्वजा छिपि हतास चाया मन ग्याना लिहाँ वने धका धाःगुलि छिमित
 बिश्राम याकेनिति जि ऋद्धिमय नगर देकागु धका धाःगु छः । थ्वथेतुं हे
 भिक्षुगणपि ! तथागत अहंत् सम्यक्संबुद्धं महा उपाय कुशलं सत्त्वयात
 बिश्राम याकेनिति बिचे निगू निर्वाण भूमि (आबक निर्वाण भूमि १ प्रत्येक
 निर्वाण भूमि २) क्यना बिज्याइ ।

हे भिक्षुगणपि ! यथे तथागतं निगू निर्वाण क्यना उकी थ्व सत्त्वपि
 च्वंस्येलि लिपा आम निर्वाण भूमि मखुनि महायान धंगु दुतःधंगु भूमि
 अन हे वनेमा आमथे निगूयान स्वंगूयान धंगु मबु छगू जक हे छः यान धंगु
 छुधाःसा-बुद्धयान धका शाक्यमुनि तथागतं आज्ञा देका बिज्यात ।

अथे जूयानिति संसारया वुःखं छुतेजुया निर्वाण वने धका इच्छा
याःपिसं महायान हे स्वेमा, बोधिसत्वया चर्या हे सीकेमा, वहे चर्यायाना
बोधिज्ञान लाय्त षट्पारमितास चलेयाना उपाय कौशल्य सीकेमा ।
अथेयानिति थ्व बोधिज्ञान लाय्त बोधि चर्या (बोधिचर्याबितार) धंगु
शास्त्र स्वया उकीयागु शिक्षा लाना क्रमथे चले याय्मा ।

आः थ्व बोधिचर्याबितार जि भाषानुवाद याना तयार याना तय्
धुन, हानं मेमेगु महायान सूत्रनं अनुवाद याना च्वनागु दु बिस्तारं प्रकाश
याना ह्ये ।

थ्व तथागतयागु स्वंगूगु शिक्षा धका सीकि ।

आः थ्वंच्चे प्यंगूगु योगिनी योगतन्त्र बज्रयानात्मपित तथागतं छगू
चंत्यया न्ह्योने धर्मधातु मण्डल देका सकतां अभिषेक बिया मंत्रचर्या आज्ञा
देका बिज्यात । थ्व खं सम्बरोदय तन्त्रया पद्मिनी पञ्जिक्रास च्वंगु ।

आः थ्व जि च्वे मङ्गलाचरणे मालती छन्दं क्यनागुली प्यंगू शिक्षाया
क्रम च्वयागु खं सम्बरोदयतन्त्रे - २२ गूगु पटले च्वंगु स्व थुकीया मूल
सुगतस्य देशना ।

त्रिनय सूत्रादि सर्वञ्च श्रावका श्रात्मदेशना ॥

नानासूत्र महाभाषं बोधिसत्वस्य देशना ॥१३३॥

योगिनी योगतन्त्रस्य रहस्यं बुद्धगोचरं ॥

मन्दपुण्यानि सत्त्वानां देवतात्मक देशना ॥१३४॥

आः थ्व ग्रन्थे जि बुद्धया शिक्षा दिशा मात्र क्यना बिया । थ्व बांलाक
सीकेगु इच्छा याःपिसं जि थुकी छुछु ग्रन्थया उदाहरण बियागु खः उकी
उकी स्व ।

इति बौद्ध प्रथम शिक्षा समाप्ता ॥ शुभम् ॥

मुद्रक:—सुभाष प्रिन्टिङ्ग प्रेस, नकबहिल, यल ।
